

PRAKRIT TEXT SERIES No. 30

**SVAYAMBHŪDEVA'S
RITTHANĒMICARIYA
(HARIVĀMSAPURĀNA)**

**PART III (1)
JUJHA-KĀMDA**

**EDITED
BY
RAM SINH TOMAR**

**PKAKRIT TEXT SOCIETY
AHMEDABAD
1996**

PRAKRIT TEXT SERIES No. 30

: General Editors :

D. D. Malvania

H. C. Bhayani

**SVAYAMBHŪDEVA'S
RITTHANEMICARIYA
(HARIVĀMSAPURĀNA)**

**PART III (1)
JUJHA-KAMDA**

**EDITED
by
RAM SINH TOMAR**

**PKAKRIT TEXT SOCIETY
AHMEDABAD
1996**

Published by :

Dalsukh Malvania
Secretary,
Prakrit Text Society
Ahmedabad-380 009.

(c) Ramsinh Tomar

First Edition 1996

Price : 150-00

Printes by :

Dharnendra Kapadia
Dharnidhar Printers
42, Bhadreshwar Society,
Shahibag Road,
Ahmedabad-380 004.
R. 6631074

प्राकृत ग्रन्थ परिषद् : ग्रन्थाङ्क-३०

कइराय-सयंभूदेव-किउ

रिट्टणेमिचरिउ
(हरिवंसपुराणु)

तृतीय खण्ड (प्रथम भाग)

जुज्झ-कंड

: संपादक :

राम सिंह तोमर

प्राकृत ग्रन्थ परिषद्

अहमदाबाद.

१९९६

विषयानुक्रम

निवेदन

तद्वयं जुञ्ज कंडं

तेत्तीसमो संधि	१
चउतीसमो संधि	११
पणतीसमो संधि	२१
छत्तीसमो संधि	३०
सत्ततीसमो संधि	४१
अट्टतीसमो संधि	५१
उणतालीसमो संधि	६१
चालीसमो संधि	७२
एक्कचालीसमो संधि	७९
बायालीसमो संधि	८७
तेतालीसमो संधि	९६
चउतालीसमो संधि	१०५
पंचचालीसमो संधि	११४
छायालीसमो संधि	१२५
सत्तचालीसमो संधि	१३७
अट्टचालीसमो संधि	१५०
उणपण्णासमो संधि	१६१
पण्णासमो संधि	१७३
एक्कपण्णासमो संधि	१८१
बावण्णासमो संधि	१९२
तिवण्णासमो संधि	२०४
चउवण्णासमो संधि	२१४
पंचवण्णासमो संधि	२२७
छप्पण्णमो संधि	१
सत्तावण्णमो संधि	९
अट्ठावण्णमो संधि	१७
उणसट्ठिमो संधि	२५
सट्ठिमो संधि	३२
एक्कसट्ठिमो संधि	४६
बासट्ठिमो संधि	५४
तेसट्ठिमो संधि	६५

General Editors' Foreword

The Prakrit Text Society has great pleasure in publishing herewith a part of the third Kāṇḍa, the Jujjha-kāṇḍa, as Part III (1) of Svayambhūdeva's *Riṭṭhamemicariya* (Ariṣṭanemicarita) or *Harivaṃsapurāṇa* edited by Professor Ramsinh Tomar. Due to several reasons including printing difficulties this part appears after a lapse of three years after the publication of the Jāyava-kāṇḍa. This Part (Sandhis 33–63) contains the text of the first thirtyone Sandhis out of sixty Sandhis of the Jujjha-kāṇḍa. We had planned to include in this part the text up to Sandhi 55, the rest of the Jujjha-kāṇḍa forming the second part. But fearing that it would involve further delay, we are publishing whatever was ready. Hence the discrepancy in pagination. Svayambhū has closely followed Vyāsa's *Mahābhārata* for the main narrative accomodating of course characteristically Jain variations. For the accounts of various battles in the Bhiṣma Parvan and the Droṇa-parvan he is guided by the Mahābhārata. He drops all the long descriptions, dialogues etc. and presents an epitome of the incidents and scenes. A discussion of the manner of his utilization of the Mahābhārata we reserve for the subsequent part

along with the interesting enquiry as to which recension of the latter was before Svayambhū. That would be also useful in determining the date-limit of that recension.

The Prakrit Text Society is thankful to Prof Tomar for making available to it his edition of the *Riṭṭhaṇemicariya* for publication.

We thank Shri Dharmendra Kapadia for his cooperation in the printing work.

Dalsukh Malvania
H. C. Bhayani

जुञ्ज-कंड

तेत्तीसमो संधि *

मगहापुर-परमेसरु पुच्छइ गणहरु कुरुव-कंडु गउ खेमेहिं ।
पंच-महावय-धारा मयण-वियारा जुञ्ज-कंडु कहि एवहिं ॥१

[१]

परमेसरु अक्खइ सेणियहो	सम्मत्त-लद्धि-अक्खोणियहो	
सुणु मुह-मञ्जत्तु (?) कंहंत्तहो	जउहरेहिं पराजउ जह परहो	
गय पंडव दारावइहे थिय	गोविंदे सुहि-पडिवत्ति किय	
दिवसावसाणे णिसि-आगमणे	सु-मणेहरि-रुप्पिणि-वर-भवणे	४
त्रीभच्छु कहइ दामोयरहो	कुडिलत्तणु कुरु-परमेसरहो	
दोवइ-केस-गहु वण-वसणु	किमीर-सरिर-वीर-महणु	
तव-तालुय-णीय-जीय-हरणु	दुज्जोहण-वंदि-मोक्ख-करणु	
कीया-विणिवायणु गो-गहणु	अहिवणुत्तर-पाणिग्गहणु	८
तं तुम्ह-पसाएं सव्वु हरि	पंडवहं तरंडउं होहि वरि	

* The following four verses are found in J. at the end of the Kuru-kāṇḍa :

सव्वे-वि सुया पंजर-सुयव्व पढिअक्खराइं सिकखंति ।
कइरायस्स सुओ पुणु, सुओव्व सुइ-गब्भ-संभूओ ॥१
होसंति पिय-सुहिय-माणुसाइं मिलि-त्ति जुवइ-संधाया ।
सामग्गि तुम्ह सरिसा पुण्णेहिं विणा ण संपडइ ॥२
अरि भमर भसलइं दिंदिर छप्पय रे दुरेह भणिओ सि
मालइ समं च कुसुमं पुणो-वि जइ मालइ-च्चेव ॥३
अस्ति का तस्करी राजन् राष्ट्रे त्वद्-भुज-पालिते ।
आदायादाय मे मांसं प्रीणयत्यात्मनस्तनौ ॥४

1.2 समारणु

9.a. वयणे किं

घत्ता

कण्ह-वि कहिवि(कहइ) कहाणउं गरहो चिराणउ पूयण-विहलीकरणउ ।
रिट्ट-कंठ-संकोडणु अज्जुण-मोडणु गिरि-गोवद्धण-घरणउं ॥ १०

[२]

जलयर-आऊरण अहि-यणु	सारंग-पमाण-समायरणु	
कालिंदी-दहि कालिय-दमणु	मुट्टिय-चाणूर-कंस-वहणु	
जीवंजस-परियण-संथवणु	मगहाहिव-साहण-पट्टवणु	
जायव-कुल-कोडी-णिगमणु	देवय-परिरक्खणु वण-गमणु	४
जिण-जम्मणु रुप्पिणि-अवहरणु	दप्पुद्धर-चेदि-राय-मरणु	
महएवी-गोवी-परियणु	वम्मह-उप्पत्ति पुणागमणु	
मायंग-विसेस-वेस-करणु	णिय-माउल-कण्णा-अवहरणु	
अणिरुद्ध-कुमारहो ओयरणु	संबुद्धउ संव-समायरणु	८

घत्ता

रयणिहिं कहिउ कहाणउं ताम विहाणउं थिउ अत्थाणे जणइणु ।
परिमिउ वंचव-सयणेहिं विहसिय वयणेहिं सुरेहिं णाइं संकंदणु ॥ ९

[३]

तहिं अवसरे पमणइ दुमय-सुय	इंदीवर-दीहर-दाम-भुय	
णारायण-णेमि-हलाउहहो	सिणि-सच्चइ-णिसद-दसारुहहो	
अणिरुद्ध-सच्च-पिहु-पज्जुणहो	उत्तर-विराड-धट्टज्जुणहो	
तुम्हइ-मि मज्झु ण परित्त किय	पंडव अवहेरि करेवि थिय	४
सुहु दुक्खु चविज्जइ केण सहं	केस-गगु हियवउ डहइ महु	
दूसासणु अज्ज-वि जियइ जहिं	वोल्लिज्जइ केसव काइं तहिं	
किं भीमहो गरुय-गयासणिए	x x x	
तहिं अवसरे जेहिं ण जुज्झियउ	वल्ल आयहं सव्वहं वुज्झियउ	८

घत्ता

कहिं पंडव कहिं वंधव थिय जच्चंध-व को-वि णाहि महु सरणउं ।
दूसासण-सव सत्तहे परिह पवत्तहे(ः) वरि करे अब्भुद्धरणउं ॥ ९

[४]

णारायणु पभणइ जायवहो	पंचालहो मच्छहो पंडवहो	
तहो वंधव-सयण-विरोहणहो	दिट्ठइं कम्मइं दुज्जोहणहो	
कवडक्खेहिं वसुमइ अवहरिय	अण्ण-वि दोवइ-चिहुरेहिं घरिय	
किं कहिमि णिरिंदहं एह किय	जे णिग्गुण ताहं जे होइ सिय	४
गुणवंता गुणेहिं अलंकरिय	तरलच्छिण्ण लच्छिण्ण परिहरिय	
लच्छि-वि अलच्छि विणएण विणु	जा जगे णिदिज्जइ जेव तिणु	
ते कउरव-णिम्मल-कुल-तिलय	पंडव पुणु विक्कम-णय-णिलय	
वण्णिककउ-अद्ध-महीयलहो	किं होइ ण होइ जुहिट्ठिलहो	८

घत्ता

कहहो कहहो सामंतहो णं तो मंतहो महि संदेह-वलग्गी ।
किं पंडवहं ण जुज्जइ कुरुहुं जे भुंजइ सयल-कालु आवग्गी ॥ ९

[५]

संकरिसणु पभणइ कहहो हरि	महु चित्तहो भावइ एहु वरि	
णउ कण्हो णउ दुज्जोहणहो	णं सउणिहे णउ दूसासणहो	
आयहो एक्कहो वि ण दोसु तहिं	कहिं धम्म-पुत्तु दुव्वसणु कहिं	
सव्वह-मि अणत्थहं मूल-दलु	जूयहो जे पहावें णट्ठु णलु	४
दुव्वोलहं कुलहरु कलह-णिहि	पउजलइ ज्ञत्ति जहिं कोव-सिहि	
सव्वत्थ-हारि संताव-भरि	तं काल-कुट्टु-वि सु-खद्धु वरि	

वरि उप्परि चडिउ हुवासणहो
वरि मंडल गंधारिहिं(?) वसिउ

वरि जीविउ गउ जम-सासणहो
ण-वि जूअ-विट्ठत्तउ अहिलसिउ ८

घत्ता

जहिं णरिंदु जूयारिउ अह परयारिउ वसुमइ-रणपिडु मंडइ ।
तं देसु वि णंदंतउ दुण्णयवंतउ लच्छि जणदण छंडइ ॥ ९

[६]

तं णिसुणेवि सच्चइ कुइउ मणे णं गज्जिउ पलय-मेहु गयणे
सह-मंडवे तिण-समु गणेवि मइं संकरिसण वोळ्ळिउ काइं पइं
तुहुं चक्किहे गुरु णारायणहो वसुएव-सरिसु अहिवायणहो
को अवरु जुहिट्ठिल अहिखिवइ को फणिवइ फण-कडप्पु छिवइ ४
परमेसरु सोम-वंस-तिलउ जहिं अच्छइ सो पवित्त णिलउ
मह-णरु एहु गुरु भोमज्जुणहो को करइ ण पक्खवाउ गुणहो
पइसारमि इंदपत्थु णयरु देवावमि दुंदुहि-सुर-पयरु
अच्छहो पेछंता हरि-वलहो हउं एकु पहुच्चमि पर-वलहो ८

घत्ता

चूरमि रह-गय-वाहणु कउरव-साहणु उच्चिमय-वीर-पडायहो ।
अच्छउ तुडिहे वलग्गी महि आवग्गी देमि जुहिट्ठिल-रायहो ॥ ९

[७]

क्खिवम्मु ताम मणे विक्कुइउ णं धूमिरु धूमकेउ उइउ
जइ तुहुं अणिराइउ पंडवहं तो मिलिउ गंपि हउं कउरवहं
जाणिज्जइ तुम्हहं अम्हह-मि सुहडत्तणु रणमुहे सव्वह-मि
वारमइ मुएप्पिणु नीसरिउ अक्खोहणि-साहण-परियरिउ ४

6.9.a भां. भडायहो; ज. उज्झिवीय खडायहो

गउ पासु ताम दुज्जोहणहो
एत्तहे-वि णियंतहं जायवहं
तत्रतणय-जमल-भीमज्जुणहं
दुमएण पुरोहिउ पट्टविउ

दूणणय-दुज्जस-कलि-रोहणहो
सिरि-रामालिगिय-अवयवहं
उत्तर-त्रिराड-घट्टज्जुणहं
दूयत्तणु सयलु वि सिक्खविउ ८

घत्ता

गउ गयउरु कुरु-राउले णरवर-संकुले पइसारिउ पडिहारें ।
वर-वायरणभंमंतरे सुत्त-णिरंतरे सिसु(?) जिह पच्चाहारें ॥ ९

[८]

घयरट्टे पुच्छिउ दूय कहे किं कुसल्लाविग्घेहिं आउ पहे
किं कुसल्लु जुहिट्टिल-राणाहो भीमहो भुवणुणय-माणाहो
किं कुसल्लु स-णउलहो अज्जुणहो सुर-भुयणुच्छलिय महा-गुणहो
किं कुसल्लु सब्ब-लहुयाराहो सहएव्हो अणुवय-घाराहो ४
किं कुसल्लु सुहइहे दोवइहे उत्तरहे पवइदिय-उण्णइहे
अहिमण्णु-कुमारहो किं कुसल्लु जो माय-पियंघि-कमल-भसल्लु
किं कुसल्लु राम-णारायणहं अवरह-मि अणेयहं सज्जणहं
तो चवइ दूउ घयरट्टु सुणि सब्बह-मि कुसल्लु णियमेण मुणि ८

घत्ता

कुसल्लु जुहिट्टिल-रायहो सयण-सहायहो णय-विक्कम-संपण्णहो ।
पर महि-अद्दु ण देंतहो अवगुण लेंतहो अकुसल्लु कउरव-सेण्णहो ॥ ९

[९]

णिय-वयणु पडीवउ संवरइ घयरट्टु जुहिट्टिल संभरइ
तुहुं पंडु विउरु तिहिं भेउ ण-वि पणवइ गंगेय-दोण-कित्त-वि
अहिवायणु सब्बहं पट्टविउ जं जेवं आसीसु परिट्टविउ
तं तेवं घयरट्टु समल्लवहो सुहु जीवहो कुरुव-णाराहिवहो ४

मं भडयण मच्छर पडिहउ
 त्रिस-जउहर-जूअइं ढोइयइं
 अवराइ-मि छलइं जाइं क्रियइं
 संघाणु समिच्छइ तव-तणउ

दुउजोहणु तिहुयण-जसु लहउ
 केस-गह-वसणइं जोइयइं
 तहुं ताइ मि चित्ते णाहिं थियइं
 मं वंसु विणासहो अप्पणउ ८

घत्ता

तो वुच्चइ जच्चंधें कुरुवइ-खंधें रण-भर-सयइं पडिच्छइ ।
 महु ण करइ णिवारिउ दुहु णिरारिउ दुक्करु रांधि समिच्छइ ॥ ९

[१०]

महु पुत्तहो एक्कु जे गाहु पर
 जिह फणि ण फणामणि अल्लियइ
 जिह रवि ण समप्पइ णियय पह
 स-कसाय-वाय-संखोहिण
 खग-णाहहो काइं करेइ फणि
 सीहहो करि-कुं भइं केत्तियइं
 रवि जइ-वि णहं गणे संचरइ
 जसु पुण्णइं सो इंदत्तणउं

संघाणु ण करइ ण देइ घर
 जिह कुंजरु मोत्तिउ णउ धिवइ
 जिह सुरवइ देइ ण णियय सह
 वोल्लिज्जइ दुमय-पुरोहिण ४
 फड मोडेवि तोडेवि लेइ मणि
 पाडेविणु कइटइ मोत्तियइं
 पह गहक्कल्लो लु तो-वि हरइ
 अत्रहरइ कवणु एउ चित-णउं । ८

घत्ता

सायरु रयणइं जोयइ कहो वि ण ढोयइ कायंवरि-मय-मत्तउ ।
 ण सुण्णइ सुरह-मि भासिउ तासु जे पासिउ णवर विरोलणु पत्तउ ॥ ९

[११]

रसु उच्छु ण देइ अ-पीलियउ
 चंदणहो अ-पिट्ठहो गंधु ण-वि
 कसवट्टए कंचणु णिव्वडइ
 तो सुंदरु संधि-क्कु करहो

गंधु वि फलोहु अण-सीलियउ
 साहारु अ-भग्गु ण देइ सवि
 जइ तुम्हहं सव्वहं आवडइ
 मा जलणे जलंतए पइसरहो ४

पंडवहं परक्कम संभरहो	विमु भक्खिउ णिग्गय जउहरहो	
राहा हय परिणिय दुमय-सुय	अवहरिय सुहद सुहद-भुय	
ओहामिय खंडवे अमर-सय	तव-तालुय-कालकेय णिहय	
कुरुवइ मेलाविउ दुज्जएण	सहुं विग्गहु कवणु घणंजएण	८

घत्ता

स-सर-सरासण-हत्थे	एक्के पत्थे	गो-गह काइं ण पाविय ।	
कण्ण-दोण-दूसासण	किव-दुज्जोहण	दंतेइ तिणइं घराविय ॥	९

[१२]

तं सरि-णंदणु चवइ स-णेहउ	जं जं भणहि दूय तं तेहउ	
तहिं काले कण्णु कोवारुणित	आहुइहिं हुयासणु णं हुणित	
दुवियइदहो संदहो णिग्गुणहो	वलु केत्तिउ वण्णहो अज्जुणहो	
जइयहुं दोमइ दूसासणेण	कड्ढिय णिय-करि णिव-दूसाणेण	४
णव-णलिणि व मत्त महा-गएण	लंकेसर-घरिणि व अंगएण	
तवसुय-जम-भीम सहे जएण(?)	तइयहुं किउ काइं घणंजएण	
वइयत्तण-वयण-विरोहिएण	स-कसाएं वुत्त पुरोहिएण	
केस-ग्गहु जं ण मुयावियउ	तं जणे अणुराउ चडावियउ	८

घत्ता

चंगउ किउ पइं अत्तणु	कण्ण भडत्तणु	अग्गए भाइ णिहम्मइ ।	
अज्जुण-वाणहं संकेवि	अंगइं टंकेवि	विह णासेप्पिणु गम्मइ ॥	९

[१३]

तुहुं दुण्णउ दुज्जसु तुहुं जे कलि	उप्पण्णु कण्णु तुहुं कुरुहुं सलि	
सिय णासिय पइं दुज्जोहणहो	तुहुं पलउ असेसहो साहणहो	
तुहुं पंडव भारहि तुहुं जे वलु	तुहुं दुम्मुहु सव्वहं खल्लहं खलु	
खउ आणेवि कउरव-पंडवहं	अवहरेवि सहोयर-वंधवहं	४

11.9.a ज. हणणसमत्थे

12.8 b अणुराउ.

कहे मरेवि लहेसहि कवण गइ
वंभणु भणेवि ण-वि तें वि हउ
गावगण-णंदणु सिक्खविउ
वारवइ पराइउ दिहु पहु

णरए-वि ण सुज्झहि अंगवइ
धयरट्ठे पुज्जिउ दूउ गउ
तहो पच्छए संजउ पट्टविउ
णं दोस-णिहाएं गुण-णिवहु

८

घत्ता

विउ अहिवायणु धीरेहि
कुसलाकुसलि करेप्पिणु

पंडव-वीरेहि तेण-वि ताहं णियत्तियउ ।
आसणु देप्पिणु पुच्छिउ कुरु-वल्लु केत्तिउ ॥ ९.

[१४]

गावगण-णंदणु अतुल-वल्लु
दुज्जोहणु सयल-कला-अहिउ
जोइज्जइ जइ तो कुरु-णरहं
तव-णंदणु पुणु वि वोळ करइ
दूसासण-कण्ण-सउणि-कुरव
किं संभरंति जलयर-रसिउ
किं सरइ तिगत्तउ उत्थरिउ
किं सरइ असेसु वि कुरव-वल्लु

वोळइ पप्फुल्लिय-मुह-कमलु
एयारह-अक्खोदिणि सहिउ
तुम्हइं जि ताहं वल्लु भायरहं
धयरट्ठु काइं मइं संभरइ
किं संभरंति णर-वावरव(?)
खय-काले णाइं वइवस-हसिउ
सहएव-णउल-भीमहुं चरिउ
जं पत्थे गोग्गहे किउ विहल्लु

४

८

घत्ता

णय-विक्कम-गुण-भरियइं
जेण दुजोहण राणउ

पंडव-चरियइं

पिसुणु अयाणउ

ताइं काइं ण वियप्पइ ।

वसुमइ-अद्धु ण अप्पइ ॥ ९

[१५]

तो वियसियच्छि-मुह-कंजएण
गंधारि-भडारा संभरइ
धयरट्ठु सुट्ठु सुमरंतु थिउ
सुमारिय तुम्हइं दूसासणेण

तव-णंदणु पभाणिउ संजएण
जइ रज्जु जुहिट्ठिल्लु परिहरइ
जं त्रिसेण भीमु ण-वि खयहो णिउ
जउहरे-वि ण दइठ हुयासणेण

४

सुमरइ केस-ग्गहु दोमइहे
तं कुरव-राउ संभरइ मणे
संभरिउ पत्थु दुज्जोहणेण
चंपाहिउ चंगउ संभरइ
संभरइ सउणि जइ वीसरेवि

जइ तत्ति ण किज्जइ वसुमइहे
मेल्लाविउ वडरिहिं केंव रणे
किह ण लइउ सिरु सहुं गोहणेण
जइ तुम्ह मज्जे मज्झिमु मरइ
अच्छहो वारमइहिं पइसरेवि

घत्ता

काइं जुहिट्टिल आएं वयणुग्घाएं जुञ्जु कंखु रणे रोहणु ।
अच्छउ महि खलु खेत्तु-वि तिल-तुस-मित्त-वि देइ णाहि दुज्जोहणु ॥ १०

[१६]

कुरु कुरु-कुल-चित्ते दइव-हय
ते णिग्गुण तुम्हि गुण-अहिया
जसु तुम्हहुं दुज्जसु ताहं घरे
ते णिग्घिण तुम्हइं खंति-कर
गुरु कप्पु पियामहु जहिं मरइ
जहिं महरिसि-गो-वंभणहुं दुहु
जइ सक्कहो तो वरि कहि-मि गय
जइ सक्कहो तो वरि तव-चरणु

तुम्हइं परमागम-पार-गय
णय तुम्ह होंति दुण्णय-सहिया
महिं ताहं परक्कमु तुम्ह-करे
ते स-कलुस तुम्हइं घम्म-पर
जहिं वंधव-जणु उवसंहरइ
सो कवणु रज्जु तं कवणु सुहु
णउ दोण-पियामह वे-वि हय
णउ वंधव-सयणहुं किउ मरणु

घत्ता

वरि अण्णइं दुद्धरिसइं तेरह वरिसइं अच्छिय कहि-मि महावणे ।
णउ जच्चंधे जाया सय-णव-राया घाइय भूमिहे कारणे ॥ ९

[१७]

सुहि मारेवि कारणे दुज्जसहो लइ काइं करेसहो वइवसहो
दुक्कइ पच्छइ जें जर-मरणु तहिं अवसीरे तुम्हहो को सरणु
पर-वइरु अणेय-भवंतरइं णउ सोक्खइं लहहो णिरंतरइं
अट्टारह अक्खोहिणिउ जहिं सिद्धंति सत्ति किर कवण तहिं

४

तुहुं घम्म-पुत्तु दय-घम्म-परु खम-दम-सम-सच्च-सउच्च-घरु
 जइ अद्दु ण देंति दीण-वयण तो किं मारेवा पइं सयण
 जइयहुं दिवसयर-सम-प्पहेण कइकइहे दिण्णु वरु दसरहेण
 तइयहुं वइसणउं वसुंघर-वि किं रामे भरहहो दिण्ण ण-वि ८
 घत्ता

भीमज्जुणेहिं विरुध्देहिं वुच्चइ कुध्देहिं ताम समरे पहरेसहुं ।
 लगेवि कुरुहुं कडच्छए णिहयहं पच्छए पायच्छित्तु चरेसहुं ॥ ९

[१८]

जोएप्पिणु वयणु घणंजयहो संदिसइ जुहिट्टिलु संजयहो
 भणु कुरुव-णराहिव केत्तिएण णिय-घम्मु चरेवउ खत्तिएण
 करवालु करेप्पिणु पवरु करे जो हणइं हणेवउ सो समरे
 ताह-मि महि-अध्दु ण देंताहुं अम्ह-वि बलिवंडए लिताहुं ४
 जं होइ होउ तं आहयणे गावगणि गंपिणु एम भणे
 णारायणु भासइ सार-गउ जुज्जेवउ कारणु पद्धरउ
 परिपुज्जिउ संजउ वियड-पउ सरहसु घयरट्टहो पासु गउ
 वित्तंतु कहिउजइ राणाहो लइ आउ विणासु अयाणाहो ८
 घत्ता

विक्कम-वल-संजुत्तेहिं पंडव-पुत्तेहिं तुम्हहं सिह भंजेवी ।
 दासि जेम उज्जलए वसुमइ कलए लेवि सइं भुंजेवी ॥ ९

इय रिट्ठणेमिचरिए घवलासिया-सयंभुव-कए

तेचीसमो सग्गो

*

चउतीसमो संधि

आहासइ दूउ माण-गइंदारोहणहो ।
करे संधि अयाण देहि बुद्धि दुज्जोहणहो ॥१

[१]

इच्छहि जइ गयउरु णंदंतउ	इच्छहि जइ कुलु रिद्धिहै जंतउ	
इच्छहि जइ जीयंतइं सयणइं	इच्छहि जइ सुवणण-मणि-रयणइं	
इच्छहि जइ घणणइं असरालइं	इच्छहि जइ चामीयर-थालइं	
इच्छहि जइ बहु-रसणा-दामइं	इच्छहि जइ गोहणइं पगामइं	४
इच्छहि जइ सोवणणइं छत्तइं	इच्छहि जइ णिय-पुत्त-कलत्तइं	
इच्छहि जइ स-रज्जु सीहासणु	इच्छहि जइ जियंतु दूसासणु	
इच्छहि जइ हय-गय-रह-वाहणु	चाउरंगउ चउ-पासिउ साहणु	
इच्छहि जइ समिधु कुरु-जंगलु	इच्छहि जइ णिय-गोत्तहो मंगलु	८
	घत्ता	
तो विज्जउ संधि	दिज्जउ अधु वसुंधरिहे ।	
मा कमे णिवडंतु	कुरु-मिग अज्जुण-केसरिहे ॥	९

[२]

वुत्तउ किण्ण करेहि अकारणे	दुज्जय पंडव होति महारणे	
जहि विराडु जहि दुमउ स-संदणु	जहि सहाउ सयमेव जणहणु	
जहि पज्जुणु विज्जाहर-सामिउ	जेण काल-संवरु ओहामिउ	
जहि सच्चइ अक्खोहणि-साहणु	जहि वसुएउ महागय-वाहणु	४
जेण सयंवरे रोहिणि-केरए	लाइउ पर-वल्लु वहे विवरेरए	
जहि वलएउ हलाउह-हत्थउ	जहि अपमाणउ तुरय-चलत्थउ	
जहि आहुट्ट-कोडि जायव-वल्लु	णं मज्जाय-चत्तु सायर-जल्लु	८

घत्ता
 जहिं णेमिकुमारु जो णिसुणिज्जइ आरिसेहिं ।
 तहिं कुरुव-णरिंद कवणु गहणु तुम्हारिसेहिं ॥ ९

[३]

कउरव-णाह-जणेरु णिरुत्तरु जाउ णाउ मुहे एककु-वि अक्खरु
 गावगाणि पयट्टु णिय-भवणहो दुक्कु दिवायरो-वि अत्थवणहो
 विउरु-वि कोक्काविउ घयरट्टे कहे पंचंगु मंतु विणु छट्टे
 तेण-वि वुत्तु काइं मंतिज्जइ पढमउ-परम-धम्मु चिंतिज्जइ ४
 जेत्थु धम्मु तहिं सब्बइं कउजइं जेत्थु धम्मु तहिं विउलइं रज्जइं
 जेत्थु धम्मु तहिं सच्च-सउच्चइं जेत्थु धम्मु तहिं कुलइ-मि उच्चइं
 जेत्थु धम्मु तहिं सब्बइं दाणइं जेत्थु धम्मु तहिं दंसण-णाणइं
 जेत्थु धम्मु तहिं सब्बइं सुक्खइं जेत्थु धम्मु तहिं होति ण दुक्खइं ८

घत्ता
 धम्मो-वि अहम्मु णाह पयट्टइ हिंस जहिं ।
 पंडवेहिं समाणु वइरु करेप्पिणु सोक्खु कहिं ॥ ९

[४]

धम्मै ह्य देव अजरामर धम्मै धरिय धरणि स-धराधर
 धम्मै सायर समउ ण चुक्कइ धम्मै ओसहिं खयहो ण दुक्कइ
 धम्मै वाइ वाउ महि-मंडले धम्मै सग्ग-रिद्धि आहंडले
 धम्मै णहल्यले गह-णक्खत्तइं धम्मै हलहर-चक्कहरत्तइं
 जं जं दीसइ काइ-मि चंगउं तं तं धम्मै णिम्मिउ अंगउं
 धम्मु जे कम्मणु धम्मु रसायणु × × ×
 धम्मु महा-चिंतामणि भावइ धम्मु जे पुण्ण-पवित्त-पयावइ

घत्ता

घम्मेण णरिंद पाएहिं पडइ पुरंदरु-वि
विणु एक्कें तेण थाइ परम्मुहु कुलहरु-वि ॥

८

[५]

दुज्जोहण-जणेरु पडिजंपइ	परम-घम्मु सो केण विटप्पइ	
कहइ णरिंदहो विउरु सणेहें	घम्मु विटप्पइ अप्पण-देहें	
घम्मु विटप्पइ विविह-पयारेहिं	अज्जव-सच्च-सउच्चायारेहिं	
घम्मु विटप्पइ सुह-परिणामे	भत्ति पुव्व-गुरुदेव-पणामे	४
घम्मु विटप्पइ खम-दम-भावे	उज्जम-संजम सील-सहावे	
घम्मु विटप्पइ उत्तम-वुद्धिए	काय-वाय-मण-कम्म-विसुद्धिए	
घम्मु विटप्पइ दंसण-णाणे	आगम-अभयाहार-पंदाणे	
घम्मु विटप्पइ बहु-उववासेहिं	आएहिं अवरोहि-मि विण्णासेहिं	८

घत्ता

अह किं बहुएण छुडु जाणिज्जउ धम्म-विहि ।
घम्मेण जे राय लम्मइ अक्खय-सुक्ख-णिहि ॥

९

[६]

घम्मु विटप्पइ पंच-पयथेहिं	हिंसालिय-चोरी-थी-गंथेहिं	
कवण हिंस इंदिय-विद्धंसणे	काम-कोह-मय-मोह-विणासणे	
कवणु असच्चु पाणि-परिरक्खणे	सव्वस-हरणावसरे अणक्खणे	
चोरिय कवण घम्म-पच्छायणे	णिय-गुरु-अवगुण-सम-सम्मायणे	४
मेहुणु कवणु सिद्धि-पाणिग्गहे	कवणु परिग्गहु गंध-परिग्गहे	
एवं विटप्पइ पंचहिं मेयहिं	कवणु घम्मु जो होइ ण एयहिं	
घम्महो लक्खणु एत्तिउ सीसइ	अप्पउ परेण समाणउ दीसइ	
पंचहुं एम सुरक्खणु किज्जइ	चित्तिउ तहि-मि घम्मु पाविज्जइ	८

८

घत्ता

जो रक्खइ हिंस मुह-गुञ्जयरहिं चरण किय
तहो होइ गरिंद आण-वडिच्छिय मोक्ख-सिय ॥ ९

[७]

सव्वहं पुट्टि-मंसु विरुयारउ होइ अणेयहुं दुक्खहुं गारउ
जो ण-वि छिप्पइ छम्मत्थेण पायछित्त णिद्धम्म-कहेणं
घम्म-विणासु हवइ गुरु-णिंदणे जम्मु णिरत्थु जिणिंद-अ-नंदणे
पाउ महंतु दिंत-वारंतहुं गब्भिणियाहं गब्भु पाडंतहुं ४
गो-वंभण-रिसि वज्ज करंतहुं तीमइ-वाल-विद्ध-णासंहं
पइवय-देव-भोय-फेडंतहुं पडिमा-चोरी-पडिमा-खंतहुं
पावहिं पाउ पडइ तिहिं दिवसेहिं अहव ति-पक्ख-ति-मास-ति-वरिसेहिं
जेम जेम जम-जीउ पवज्जइ तइएणं सकुलेणुप्पज्जइ ८

घत्ता

जे देव मुवंति लेप्पिणु पंच-महव्वयइं ।
ते किमि-कुले जंति वरिसहुं सट्ठि-सहासयइं ॥ ९

[८]

वरि घाइ(य)उ साहु णउ हासिउ वरिं णउ कियउ घम्मु विण्णासिउ
वरि ण चविउ विरुद्धु ण-वि भासिउ मरणु अणत्थु णिंद जसु पासिउ
दमिणु दुरुग्गमेण जं जायउ वरि ण दिण्णु तं दाणु पराइउ
वरि विस-तरु-मंजरि अग्घाई ण-वि सेविय पुण्णालि पराई ४
वरि तउ कियउ ण पच्छए खंडिउ वरि भरु लयउ अणंतरे छंडिउ
वरि पसाउ ण कियउ ण उहडियउ वरि णारूद्धु ण रुक्खहो पडियउ
वरि भंडणु ण कियउ ण-वि भग्गउ वरि जिणवरे ण लग्गु ण दुल्लग्गउ
वरि णउ कीय सेय ण दु-पालिय वरि दुणि-लित्त कम ण पक्खवालिउ ८

घत्ता

वरि ण किउ सु-कामु पर-जुवई साणंदियइं ।
णा परहं कियाइं दुच्चरिएहिं वि णिंदियइं ॥ ९

[९]

सो ण देहु जो घम्म विवज्जिउ सो ण घम्मु जो हिंस-परज्जिउ
ते ण ताल सिव-वाल-कडक्खेहिं जे ण सहंति लोउ रिसि-दिक्खहिं
ते ण सीस पर णिम्मिउ भारउ जेहिं ण पणविउ तिहुवण-सारउ
ते ण कण्ण तरु-कोडर-थाणइं जे ण सुणंति घम्म-वक्खाणइं ४
ते ण चक्खु पचक्ख भुयंगम जेहिं ण दिट्ठ देव-गुरु-आगम
णास-उडाइं ताइं अ-पसंसइं अग्घाइयइं जेहिं महु-मंसइं
त ण वयणु सुंदरु सव्वंगहुं जं वहु दुट्ठालाव-भुअंगहुं
सा ण जीह जा ण-वि पिय-वाइणि अच्छइ ललललंति जिह णाइणि ८
ते ण उट्ठ जे ण-वि विप्पुरिया जम्मण-मरणहुं कारणे डरिया
घत्ता

ते दंत ण दंत जेहिं अक्खद्धइं खद्दाइं ।
ते ण-वि आलाव जेहिं ण थोत्तइं वद्दाइं ॥ १०

[१०]

सो ण कंठु पर थाणु सिलेसरु जेण गाइउ देउ जिणेसरु
सो ण हियउ जं जिणु अवहेरइ अप्पुणु इच्छइ इंदिय-पेरइ
ते ण हाथ घणु जेहिं ण दिण्णउं चउ-कसाय-भक्कगहणु ण छिण्णउ
ताम ण ते-वि अद्य अंगुलियउ जेहिं जंतु इ सयलु वि दरमलियउं ४
ताइं ण सुंदराइं णक्खगइं जाइं असइ-थणव-हिं लगइं
तं ण पोट्टु जं गुण-परिहरियउं त्रिविह-पयारेहिंदुरिएहिं-भरियउं
सो ण णियं-व-पएसु रवण्णउं जो पर णारि-सएहिं पड्विण्णउं
ते ण पाय जे ण गय सु-खेत्तइं जम्मण केवल णिवुइ-मेत्तइ ८

घत्ता

किं चल-णयणेहिं
सेवियइं ण जाइं

णिय-गुरु-विणय-पयासिरिए ।
समणिदिय तिहुयण-सिरिए ॥ ९

[११]

माणसु वरिस-सयाउ पउत्तउ
वीसेहिं वट्टेवउ परिसेसइं
परम-णेहु चालीसेहिं फिट्टइ
सट्टिहिं विमल-चक्खु ण विहावइ
विहिं चालीसेहिं मयणु विणासइ
वरिस-सएण सरीरु सिटिल्लइ
जीवे जाएवउ एककंगे
सुद्धमु अंगाइ-णिहणु गुण-जाणउ

दस बहरसे सिसु-भाउ णियत्तउ
तीसेहिं जोव्वणु अवरु गवेसइ
पंचासेहिं लायणु विहट्टइ
सुइ सत्तरि वरिसेहिं ण पहावइ ४
दसणावलि णवइहिं विहासइ
गत्तु मसाणोवरि टिरिटिल्लइ
सो ण लइज्जइ केण-वि संगे
कत्तउ भुत्तउ उद्ध-पयाणउ ८

घत्ता

तणु-मेत्तउ णिच्चु
तिहिं समयहं मञ्जे

कम्म-विमुक्कउ णीसरइ ।
अवरे कलेवरे पइसरइ ॥ ९

[१२]

तहि-मि सुक्क-सोणियइं पडिच्छइ
विणु वयणेण-वि सत्ति पदरिसइ
पहिलए मासे एम उप्पज्जइ
तइयए मासे पवइदिय-मंसउ
पंचमे पंचावयवालिद्धउ
सत्तमे अंगुलियउ णह-रोमइं
अट्टमे णिइ भुक्ख तिस जाणइं
दसमए अप्पाणउ दरिसावइ

जणणी-जणियाहारु समिच्छइ
तत्त-लोहु जिह जलु आकरिसइ
वीयए पुणु बुव्वुउ णिप्पज्जइ
होइ चउत्थए पुणु चउरंसउ ४
छट्टए सिर-कर-चरण-समिद्धउ
णासिय-णयण-कण्ण-मुह-पोमइं
णवमए भव-सामग्गी-करणइं
कंचुउ मुएवि भुवंगभु णावइ ८

घत्ता

तहो तेथु वि दुक्खु
थण-दुद्धाहारु

णाल-छेय-सुइ-विंघणइं ।
वज्झइ वंघव-वंघणइं ॥

९

[१३]

दुक्किय-कम्म-पहावें विट्टलु
सत्त-घाउ सत्तुपरि-चम्मइं
हड्डहं तिणि-सयइं सु-विसेसहं
अंतइं पंच-सयइं सण्णामहं
अट्टवीस किमि-कुलहं रउइहं
असिय लक्ख रोमुगम-कोडिहिं
मुत्तहो कुडउ दिवइडु पुरीसहो
सुक्कजलि चउरंजलि सोणिउ

होइ जीउ दुक्कम्महं पोइलु
सत्तसट्ठि तीसद्ध स-मम्मइं
तिणिण सयाइं जे संधि-पएसहं
सत्त-सयइं सिरहिं णव-थामहं
सोल्लह कंडुराउ णव छिइहं
वाहत्तरि सहास वर-णाडिहिं
मत्थिक्कंजलि अंतरे सीसहो
छंजलि पित्तु ति-अंजलि पाणिउ

४

८

घत्ता

एउ अवरु वि जीउ
दुगंध-सरीरि

कम्म-णिवद्धउ व्हइ जहिं ।
कवणु पएसु पवित्तु तहिं ॥

९

[१४]

तहि-मि अणेय रोय कु-कलेवरे
ल्लोयणे रोय वीस छाहत्तरि
पंचसट्ठि मुह-कुहरअंतरे
उरे एयारहामे अट्टोयरे
अट्टवीस अट्टारह पित्तइं
चउ वम्मीय चयारि-वि अप्फर
सास-कास-उम्माय-भगंदर
सत्त-अंत-विदिउ सलत्तउ(?)

दस सिरे अट्टवीस कण्णंतरे
एक्कतीस णासउडहं उप्परि
गंड-भेय चउवीस गलंतरे
असी वाय कफ वीस कलेवरे
वइडिउ सत्त तिणिण वरे सत्तइं
तेरह सण्णिवाय वारह जर
गुम्म-वियप्प पंच-पंचावर
मडइ सार सड सरिउ पउत्तउ

४

८

एय अगेय रोय सुह-उज्जिय अवरहं केण संस पुणु वुज्जिय
वाहिहिं कह-व कह-व जइ चुक्कइ मरणु अगेय-पयारेहिं दुक्कइ

घत्ता

तडि-जलण-जलाइं
चोरारि-विसाइं

जुवइ-जीह-कर-पहरणइं ।
आयइं मरणहो कारणइं ॥

११

[१५]

तो-त्रि जीउ जीवेवउं वंछइ
मंड-मंड दालिहें दम्मइ
मंड-मंड पेल्लिउज्जइ पात्रे
कोह-दवगि जासु संवज्जइ
जम्म-वेल्लि जो डहेवि सक्कइ
तिहुवण-वामळरि जो वसियउ
जो संसारु मुएवि ण णासइ
उवसम-सेटि चडेवि गियत्तइ

जाइ-जरा-मरणइं ण गियच्छइं
जिह कल्होडु भरेण णिहम्मइ
मच्छु जेम जल-जाण-सहावे
सो णर-तरु सवंगिउ डज्जइ ४
सो चउ-गइहिं भमंतु ण थक्कइ
काल-भुयंगमेण सो डसियउ
तहो जम-काउ करोडिहिं वासइ
पहिलारए गुण-ठाणे पवत्तइ ८

घत्ता

दुक्कम्म-वसेण
जह कूव-खणेरु

जाइ जीउ हेट्टा-मुहउ ।
सल्लिउपत्तिहे सम्मुहउ ॥

९

[१६]

धरि तं कम्मु णराहिव किउज्जइ
तहिं परमागमे छट्ट-पयारउ
सासण-सम्माइट्टि दुइउज्जउं
अवरउं सम्माइट्टि चउत्थउं

जेण परम-गुण-ठाणे चडिउज्जइ
मिच्छाइट्टि तेत्थु पहिलारउ
सम्मा-मिच्छाइट्टि तइउज्जउं
पंचमु विरयाविरउ णिउत्तउं ४

पुणु छट्टुं पमत्त-थाणंतरु
खवग-सेढि पुणु सत्तम-ठाणेहिं
तेथु अपुव्व-करणु पहिलारुं
सुहम-मोहु उवसंत-कसायुं
पुणु स-जोइ सयलामल-केवल्लु

अपमत्त सत्तमउं अणंतरु
आरुहिएत्री गुण-सोवाणेहिं
पुणु अणिवित्ति-थाणु सुह-गारुं
खीण-कसाउ अवरु विक्खायुं ८
सव्वोवरि अ-जोइ परु णिक्कल्लु

सुह-कम्म-वसेण

जिह थवइ थवंतु

घत्ता

चडइ जीउ उप्परि-मुहउं ।

घरु घर-सिहरहो सम्मुहउं ॥

१०

[१७]

तो दुव्वयणासीविस-सप्पे
जाणमि जिह परयारु ण रम्मइ
जाणमि जिह दय-घम्मु विट्ठप्पइ
जाणमि परम-मोक्खु जिह णाणे
जाणमि जेम पाउ पारंभइ
जाणमि जीउ जेम उप्पज्जइ
जाणमि जेम व्हइ दुग्गंघइ
जाणमि जिह वाहिहिं आट्ठप्पइ

वुत्तु विउरु दुज्जोहण-वप्पे
जाणमि जिह पडु णरयहो गम्मइ
जाणमि जिह जम-करणु झडप्पइ
सग्गु तत्रेण भोगु वर-दाणे
जाणमि सव्वु जेम जं लब्भइ
जाणमि जिह सरीरु विप्पज्जइ
रस-वस-सोणिय-मंस-समिच्छइ
जाणमि जिह गुण-थाणु विट्ठप्पइ ८

४

घत्ता

जाणणहं ण जंति

अच्छउ महि-अद्दु

विसमइं चित्तइं कउरवहं ।

एक्कु-वि गामु ण पंडवहं ॥

९

[१८]

पभणइ विउरु विउरु कुरु णिग्गुण
जेहिं णियत्तिय विण्णि-वि गोग्गह
तेहिं समाणु कवणु समरंगणु
धुउ मरिएवउ कउरव-लोएं

दुज्जय होंति वे-वि भीमज्जुण
जाहं गया-गंडीव परिग्गह
णच्छइ अट्ठिडंतु दुज्जोहणु
पइ कंदेवउ वइट्ठिय-सोएं ४

४

तं एवहु दुक्खु को पेक्खइ
 परम-धुरंघरु होज्जहि रज्जहो
 णमि-णेमिहिं णवकारु करेप्पिणु
 जाउ महारिसि विंसे पइट्टउ

मणु महु तणउं तवोवणु कंखइ
 हउं पुणु जामि थामि णिय-कज्जहो
 णिय-सिरे मुट्ठिउ पंच भरेप्पिणु
 किउ तउ जो पुरुएवें दिट्ठउ

८

घत्ता

सण्णास-विहिए
 इच्छिय-सुहाइं

कइहि-मि दिवसेहिं कालु किउ ।
 सग्गे सइं भुंजंतु थिउ ॥

९

*

इय रिट्टणेमिचरिए धवलइयासिय-सयंभुव-कए
 चउतीसमो सग्गो ॥३४॥

पणतीसमो संधि

राय-लच्छि-लच्छिय-उरहो रण-धुर-धरण किणंक्रिय-खंघहो ।
स-वल्लु स-त्राहणु सामरिसु कुरुवइ मिल्लिउ गंपि जरसंघहो ॥ १

[१]

जहिं वंछिय-त्रिगह्नु कुरुव-राउ	किव-कण्ण-पियामह-गुरु-सहाउ	
पइसरइ तिथु चक्कवइ-दूउ	त्रिण्णाण-कला-गुण-सार-भूउ	
उवत्रिसणु देवि सव्वायरेण	परिपुच्छिउ कुरु-परमेसरेण	
किं कुसलु णरिंदहो तणए गेहे	किं साणुराय सिथ वसइ देहे	४
किं णंदण आणावसि त्रिहेय	किं किंकर परहं अइण्ण-मेय	
किं हय-गय-रह-रण-भर-समत्थ	किं आण-पडीवा वइरि-सत्थ	
किं मागह-मंडलु णिरुवसग्गु	किं कालजमणु केण-वि ण भग्गु	
किं जायव सयल करंति सेव	किं पुच्छिउ दुज्जोहणेण एव	८

घत्ता

वुत्तु णरिंद-महत्तरेण सव्वहं कुसलु अणुञ्जिय-सेव्हं ।
एक्कहं णवर स-वंधव्हं अकुसलु वासुएव-वल्लएव्हं ॥ ९

[२]

कउ कुसलु कण्ह-संकरिसणाइं	पडिवक्खु पिहिमि-परिपालु जाहं	
कउ कुसलु असेसहं जायवइं	कुद्धउ चक्कवइ-कयंतु जाहं	
सुणु कुरुवइ वइयरु कहउं तुज्झु	जिह केसव-चक्केसरहं जुज्झु	
जवणहो जावण-जाण-जुत्त	वारवइहे मज्झं बहु वाणि-पुत्त	४
गय पुरु अम्हारउ मंडु लेवि	परमेसरु दीसइ तेहिं एवि	
मरगय-पत्राल-मुत्ताहलेहिं	कलहोय-महामग्गि-कंवलेहिं	
तो राएं अखल्लिय-सासणेण	संभासिय-पिय-संभासणेण	
किं तुम्हहं कुसल सरीर-वत्त	किं सहल मणोरह सहल जत्त	८

घत्ता

वुत्तु णाहु णाइत्तएहिं
अम्हहं होउ विदत्तएण

मंछुडु आय रायगह-घट्टणे ।
मूलहो संसउ वट्टइ पट्टणे ॥ ९

[३]

जइ त्रिहियत्थित्तणु होंत राय
जा सायरु सारेवि वासवेण
मेल्लवेवि पंच पुर एकक-लग्ग
भुंजइ समुद्विजय हो अमेय
वसुएउ जेत्थु जहिं कामपालु
उप्पण्णु भडारउ णेमि जेत्थु
अवइण्णु मणोहरु जहिं अणंगु

तो किं वारवइ मुएवि आय
णिम्मविय कुवेरें केसवेण
अट्टारह-कुल-कोडी-समग्ग
कामिणि-व वियइढहो वसि विहेय ४
जहिं महुमहु णर-सुर-पलय-कालु
को वण्णेवि सक्कइ रिद्धि तेत्थु
किउ जेण कालसंवरहो भंगु

घत्ता

सो जणवउ सा वारवइ
जइ णिवसिय दस दिवस तहिं

ते जायव सो संववहारु ।
तो संसारहो इत्तिउ सारु ॥ ८

[४]

तं वयणु सुणेवि चक्कवइ-दुहिय
मुच्छंगय णिवडिय भूमि-भाए
सिंचिय हरियंदण-वाहिणीहिं
कह-कह-वि समुट्टिय कंस-पात्ति
संतेण-वि पइं चक्केसरेण
णिहि-रयणद्धद्ध-धुरंघरेण
संतेण-वि पइं एहिय अवत्थ
संतेण-वि पइं पइ-मरणु पत्तु

जीवंजस पुण्णिम-चंद-मुहिय
सहयरिहिं भणंतिहिं उट्टि माए
विज्जिय चळ-चामर-गाहिणीहिं
णं मगहाहिवहो महा-सिरत्ति ४
वसुमइ-ति-खंड-परमेसरेण
अमरह-मि रणंगणे दुद्धरेण
विहवत्तणु णिरलंकार हत्थ
संतेण वि पइं जीवंति सत्तु ८

घत्ता

तं गिसुणेवि मगहाहिवेण
अज्जु-व कल्ले-व तव करमि

धीरिय धीय माए किं रोवहि ।
जेवं वइरि सिज्जहं सोवहि ॥ ९

[५]

विणिवाइय जेहिं विसुद्ध-वंस
ते स-वल-स-वाहण णंद-गोत्र
दारावइ जइ कल्लइ ण लेमि
अवलोइय मंति स-मच्छरेण
कइयहु-मि ण पाविय एह वत्त
णरवइ विण्णविउ महत्तरेहिं
ते हरि-वल णउ सामण्ण देव
अहिठाणु जासु किउ वासवेण

मुट्ठिय-पलं-व-चाणूर-कंस
णिट्ठवेवि ठवेवि एको व दो व
तो जलणे जलंतए झंप देमि
णं रासि-गएण सणिच्छरेण ४
जिह वल-णारायण रिद्धि-पत्त
चिंतविय विचित्त-पडुत्तरेहिं
दुब्बिसह वलुद्धुर सावलेव
मंगामु कवणु सहं केसवेण ८

चेइ-राउ रणे जेण जिउ
तेण समउं वरि संधि किय

घत्ता
जसु सहाउ सयमेव पुरंदरु ।
जुज्जेवउ कुसुमेहिं मि अ-सुंदरु ॥ ९

[६]

महुसूयणु पूयण-पलय-लीलु
जमलज्जुण-दुम-भंजण-सरीरु
आसीविस-विसहर-सयण-कारि
कालिंदिय-कालिय-काल-वासु
सय-वार-णिवारिय-कालजमणु
सो केण धरिज्जइ णरवरेण
जसु भायरु भायरु कामपालु
वसुएउ वप्पु वसु-मयणु पुत्तु

आरुट्ठ-रिट्ठ-णिट्ठवण-सीलु
गोवद्धण-धर-धरणेक्क-धीरु
गय-संख-चक्क-सारंग-धारि
चाणूर-कंस-मुट्ठिय-विणासु ४
अवराइय-जीविय-अंत-गमणु
जसु दिण्णइ रयणइं सायरेण
सयणिज्जउ तिहुयण-सामिसालु
अवइण्णु जणइणु सो गिरुत्तु ८

5. 4b राभिहो थिएण.

घत्ता

जिह लंकाहिउ लक्खणहो जिह हयगीउ तिचिट्ट-गरिंदहो ।
वर करेणु जिह केसरिहे तिह तुज्जु देव गोविंदहो ॥ ९

[७]

णिय-मंति-वयण-दुप्पवण-छित्तु मगहाहिउ हुयवहु जिह पलित्तु
मरु मारमि मारण-पयहो दुक्कु किर मंति भणेवि एत्तडेण चुक्कु
ते णंद-गोत्र केत्तडिय वथु जइ रूसमि तो तिअसहुं समत्थु
पेसिउ सुमित्तु णामेण दूउ जो सयल-कला-कुल-करण-भूउ ४
मणु जायव-संढहो मिलेवि थाहो जिंन जीविउ लेप्पिणु कहि-मि जाहो
कुल-कोडिहिं दुक्कु विणास-कालु परिकुविउ वसुंधर-सामिसालु
सयमेव पयाणु-वि दिण्णु आउ सायर-पमाण-साहण-सहाउ
मगाइ गय घणु सारंगु अण्णु दारावइ रुपिणि पंचयण्णु ८

घ.॥

णाय-सेज्ज पण्णत्ति मणि जे व नाग्गयइं असेसइं दिज्जहि ।
जे व अब्भि-हि समर-मुहे विहि णारायण एक्कु करेज्जहि ॥ ९

[८]

हयवरहं सहासें दुज्जएण गयवरहं तहह्वे रह-सएण
गउ दूउ पराइउ तुरिउ तेत्थु दारावइ सुर-णिम्मविय जेत्थु
तवणिज्ज-पुंज-पिंजरिय-देह मणि-रयण-किरण-विप्पुरिय-गेह
परिहा-पओलि-पायार-सार उत्तुंग-तोरणघविय-वार ४
वणि-वीहि-विहूसिय-णिरवसेस सइ जिह पर-पुरिसहं दुप्पवेस
पइसरिउ तिथु आवास-मुक्कु जहिं महुमहु तं अत्थाणु दुक्कु
पडिवत्ति जहारुह किय कमेण वोल्लिज्जइ अखलिय-विककमेण
परमेसरु तुम्हहुं साणुराउ एत्तडउ णवर गरुयउ विसाउ ८

8.8 a. भा. पिहिविसरु.

घत्ता

जल-दुग्गंतरे पइसरेवि जं अवहेरि करेविणु अच्छहो ।
जासु पसाएं एह सिय किं चक्कवइ-वयणु ण णियच्छहो ॥ ९

[९]

अवहेरि करेवए कवणु कालु जिह तुम्हइं तिह सो सामिसालु
सुमरइ समुद्विजयप्पियाइं ओलगिय-धाविय-जंपियाइं
सुमरइ वसुएवहो तणिय लील सुमरइ णारायण वाल-कील ४
किं रज्जे' जण्ण णियंतओय(?) जायव-कुल-द्वय-विट्ठि-भोय
किं रज्जे' जाह हरि-वल ण वे-वि पइसंति महाउं भवणु एवि
किं रज्जे' जहिं रिउ-गंध-हत्थि पज्जुणु संवु अणिरुद्ध णत्थि
सिणि-णंदणु पभणइ कोव-पुण्णु हरि मुएवि कवणु चक्कवइ अणु
जसु दिण्ण थत्ति रयणायरेण किउ पुरवरु अमरेहिं आयरेण ८

घत्ता

एक्कु चक्कु णारायणहो सोहइ जेण जियइं पर-चक्कइं ।
अवरइं लोयहं सावणइं(?) भग्गव-चक्क-सयइं करे थक्कइं ॥ ९

[१०]

जं णिदिउ वसुमइ-सारभूउ तं हुयवहु जिह पज्जलिउ दूउ
चक्कवइ-चक्कु तिहुयणेण दिट्ठु जसु भइयए तुहुं सायरे पइहु
जसु भइयए जायव-मिग वराय णिय जम्म-भूमि परिहरेवि आय ४
इत्थु वि णिवसंतहं पलय-कालु दक्खवइ महारउ सामिसालु
मीणउलइं भक्खेवि पिएवि मज्जु आरोडहि सुत्तउ सीहु अज्जु
णव-कोडिउ जासु तुरंगमाहं मण-पवण-गरुड-जव-जंगमाहं
सामेक्क-कण्ण-चंदप्पहाहं वावीस-वीस-लक्खइं रहाहं
गय तेत्तिय खत्तिय पुणु अणेय णिव णिय-णिय-सेणोहिं अप्पमेय ८

एगारह-अक्खोहणिहिं
णाहु रुहारउ गरुडु जिह

घत्ता

अञ्जु कल्ले कुरुवइ-वि मिलेसइ ।
जायव-पण्णय-कुल्लइं मिलेसइ ॥ ९

[११]

जइ तुम्हहुं ण कारणु संगरेण
पट्टवहो पत्र पण्णत्ति-विज्ज
सारंगु सरासणु सहं सरेहिं
तो दुज्जय दुद्धर दुण्णिवार
णं हरि-किंसोर गय-गंध-लुद्ध
अंकूर-विज्जरह-चारुजेट्ट
उट्टवणु करंत दसारुहेहिं
जिह दूउ तेव वोल्लेवउं जे

तो एंव वुत्त परमेसरेण
गय जलयरु रुपिणि गाय-सेज्ज
वारवइ लएवी कुरु-गरेहिं
हणु हणु भणंत उट्टिय कुमार ४
सयमेव संव-मयणाणिरुद्ध
गय-दुंदुहिं अवर-वि अमर-जेट्ट
कह-कह-व णिवारिय तुरिउ तेहिं
संक्रमओ उअरि वरि णिउंजे(?) ८

तो वलएवे पट्टविउ जाहि
सुहुं जीवहिं सामंतु जिह

घत्ता

दूय कहि णियय-णरिंदहो ।
अप्पेवि चक्क-रयणु गोत्रिंदहो ॥ ९

[१२]

गउ दूउ पयाणउं देवि तेत्थु
पणवेवि पाय पत्थिवहो वत्त
ण गणेइ तुहारउं सउरि वयणु
तहिं अत्थ-घराघर-घरण-धीर
तहिं पंडव-दुमय-विराड-राय
तहिं मिलिय तुहारा पुत्त वे-वि
तहिं कइकय-चेइ-स-चेइयाण
तहिं सच्चइ-वल-केसव-सतोय

वरु चार-चक्खु चक्कवइ जेत्थु
करि वइरिहिं उप्परि विजय-जत्त
पच्चेलिउ मगइ चक्क-रयणु
एक्केक-पहाण-महा-पवीर ४
सत्तक्खोहिणि-साहण-सहाय
जय-विजय वलक्खोहिणिय लेवि
वसुएवहो पंदण अप्पमाण
जउ-जायव-अंधकविट्ठि-भोय ८

देव दुलंघउ वइरि-वल्लु
साम-भेय-दाणइं गयइं

घत्ता

तिह करि जिह रणउहे आवइइ ।
एवहिं खमाहो अवसरु सइइ ॥ ९

[१३]

मेलवेवि हय-गय-णरवरोह
सह सत्ते एंतु सामंत सब्ब
कंभीर-कुसीणर-कामरूव
एककवय-कण्णपावरण-जइ
जालंधर-सिंघव-मद्द-वच्छ
कोसल-कालिंग-मालव-कुडुकक
गोदंड-पउंड-वियब्भराय
वग्घाणण-गयमुह-सुप्पकण्ण
मरु-माहुर-जाउण-उज्झिहाण
भदारि-भेय-मद्दव-वसल्ल

हक्कारा जंतु अणंत जोह
सट्टसक्ख-सरणु व सुरवर व्व
खरकेस-तुरगम-रोमकूव
खंधार-कीर-खस-टक्क-भोइ
मंगाल-गउड-गुज्जर-सकच्छ
तोक्खार-तिउर-ताइय-तुरुक्क
काविट्टिय-कुरु-कोहल-किराय
उद्धसिय-रोम-थद्ध-कण्ण
अउदुंवर-पल्लव-वच्छमाण
पंडुककल-मेहल-पउम-मल्ल

४

८

घत्ता

आय-वि अवर-वि पवर-भउ
तुह किंकर-तुहिणाहयउ

मेलवेप्पिणु देहि पयाणउं ।

पर-वल-कमलु होउ विदाणउं ॥ ११

[१४]

ते णिसुणेवि महि-परमेसरेण
तुम्ह-वि हक्कारउ कुरुवराय
सह-मंडव विरइय गामे गामे
संकंदण-संदण-सच्छहाहं

मेलविउ वल्लु संवच्छुरेण
हउं आयउ अक्खमि वहु-पसाय
पक्खण्णइं सल्लिइं थामे थामे
सउ सउ सोवण्ण-महारहाहं

४

13.1b ज. अणेय जोह.

2a. सहसत्ति.

9a. महुरणिवासिय.

दस-सयइं गयहं मय-णिगमाहं
पुंजिय चामीयर-कोडि कोडि
एक्कु-वि पंडवहं समाणु जुञ्जु
विण्णि-वि कारणइं महत्तराइं

एक्केककउं लक्खु तुरंगमाहं
इयप(१)हुं सामण्णहुं परम-कोडि
अण्णु-वि चक्कवइ सहाउ तुञ्जु
वल्लवतइं होति स-उत्तराइं
घत्ता

तं णिसुणेवि दुज्जोहणेण
परिपूरंतु दियंतरइं

दिण्ण भेरि पारु पयाणउं ।
चाल्लिउ सेण्णु मयरहर-समाणउं ॥ ९

[१५]

दुज्जोइणु मिलिउ णराहिवासु
विज्जाहर-चक्कइं चल्लियाइं
रह चलिय चक्क-चिक्कार देंत
रमाण तुरंग तरंग-लोल
उड्ढिय पवणुद्धय-घयवडाह
कुरुखेत्तहो दुक्कीहोति जाम
संगाइउ णामे लोहजंधु
कण्णंतरे कण्णहो कहिय वत्त

णं गंगा-वाहु महण्णवासु
सामंत-वल्लइं मोक्कल्लियाइं
करि-पवर वलाहय-सोह लेंत
उट्ठिय-विचित्त-वाइत्त-रोल
गाहियाउह-णिवह पयट्ट जोह
णारायण-केरउ दूउ ताम
गरुडाणुगमणु मण-पवण-रंधु
वइसणए थाहि करे विजय जत्त
घत्ता

कउ कुरुवइ को चक्कवइ
पंडु जणेरु कुंति जणणि

सथल पिहिमि तउ-त्तणिय स-सायर ।
पंडव तुज्ज सहोयर भायर ॥ ९

[१६]

विहसेप्पिणु पमणइ अंगराउ
एत्तिव्वलउ णवर करेमि कज्जु
णिउ एम भणेप्पिणु दूउ तेत्थु
वोल्लाविय तेण-वि कहिय वत्त

किं एम्वाहि एहउ होइ णाउ
सिरु कुरुहुं देमि पंडवहुं रज्जु
कुरुवइ-मगहाहिव वे-वि जेत्थु
पडिवालहो जायव जाम पत्त

16.2a. अज्जु. 3. ज. णेप्पि पुणु दुत्ति तित्थु.

कुरुखेत्ते करेवी जमहो तित्ति
जरसिंधु वहेवउ महुमहेण
तव-सुएण सल्लु भड-मदणेण
घाएवउ गुरु घट्टज्जुणेण

अम्हारी कउ तुम्हहं परत्ति
गंगेउ सिंहंडि दुम्मुहेण
भूरीसउ सिणिवइ-णंदणेण
भययत्तु जयदहु अज्जुणेण

८

घत्ता

तेण-वि चंपाहिवइ रणे
गंधारेय विओयरेण

कुरु-कुमार अहिवण-कुमारे ।
पुंवे जे (एउ) सज्जिउ सिट्टारे ॥

९

[१७]

गउ एम भणेवि पल्लट्टि दूउ
दारावइ-णाहहो कहिय वत्त
जरसिंधु पयाणउं देवि आउ
तं णिसुणेवि हय-गय-रह-वरेणु
रुप्पिणिपइ पूरिय-उ-पंचयणु
वलएउ वलायावलि-वक्खु
तव-तणउ भीमु गरु णउल्ल अणु
अणिरुद्धु संवु सच्चइ अणंगु

णय-विक्कम-वंत-पहाण-भूउ
णर-केसरि हरि करि विजय-जत्त
तहो मिलिउ स-साहणु कुरुवराउ
सण्णज्जइ स-रहसु सउरि-सेणु
घट्टज्जुणु दुमउ सिंहंडि अणु
उत्तरु विराडु मइरासु संखु
सहएउ घुडुक्कउ साहिवणु
विज्जाहर-साहणु पुलइयंगु

४

८

घत्ता

संवु स-पहरणु सामरिसु
संवु सयंभुव-भूसियउ

संवु जणदण-णेह-णिवद्धउ ।

स-रहसु स-कवउ संवु सण्णद्धउ ॥

९

*

इय रिट्ठणेमिचरिए घवलइयासिय-सयंभुव-कर
पणतीसमो परिसग्गो ॥३५॥

छत्तीसमो संधि

सरहसु कुरुव-णराहिवइ
जउ-जलु वालुय-वरणु जिह

अट्टारह-कुल-कोडिई सहिउ
वारवइहिं पगुण-गुणगधविउ
संचल्लिउ सरहसु सउरि-वलु
तो रुपिणि-सच्चहाम-सइहिं
सिन्वदेत्री-देवइ-दोमइहिं
आसीस दिण्ण तहो महुमहहो
वलएवहो णिसढहो सच्चइहे
तव-तणयहो भीमहो अज्जुणहो

केवल-कारणे केवलिहिं
तुम्हहं सब्बहं णरवइहिं

आसीस-वयणु तं लहेवि गय
जो णंदहो णंदणु पढमयरु
दारुउ विण्णाणालंकिउ
सो सारहि वइरि-पुरंजयहो
माया-मउ घए हणुवंतु थिउ
सुपरिट्ठिय हरि-वलवे-वि तहिं
दिवसहिं रण-भूमि परावरिय
एक्कहिं पएसे आवासु किउ

जं मिलिउ गंपि जरसिंघहो ।
सु-णिवद्दु वि एइ ण वंवहो ॥१॥

[१]

अण्णु-वि तित्थयर-परिगहिय
कह-कह-वि समुदविजउ थविउ
णं जमे ण मंतु मयरहर-जलु
गंधारि-गोरि-पउमावइहिं
रोहिणि-जसोय-पिह रेवइहिं
अणिरुद्धहो संवहो वम्महहो
सब्बहो सेण्णहो सेणावइहे
मिच्छहो दुमयहो घट्टज्जुणहो
घत्ता

जं मिद्धहं सिद्धिहे कारणे ।
तं मंगलु होउ महारणे ॥

[२]

दूरुज्जिय रण-वण-मरण-भय
णंदाणुउ णंदिणि-णंदयरु
णारायण-णामेहिं अंकियउ
गोविंदे दिण्णु घणंजयहो
णं दइवे सच्चमउ जे किउ
परिरक्खण केसव(?) कोडि जहिं
णं इंद-पडिंद-सुरावरिय
जलु जोइउ खंधावारु थिउ

घत्ता

तं कुरुखेतु गिहालियउ दारावइ-पुरि-परिपालेण ।
विहि-मि बलहं सद्दालुएण णं मुहु णीवाइउ कालेण ॥ ९

[३]

कुरुखेतहो वाहिरे सउरि-वल्लु दडि-अल्लरि-भंभ-भेरि-मुहल्लु
सरसइहे तीरे आवासियउ णं करणु णियंतें पेसियउ
उप्पाय जाय चक्कवइ-वले रवि-गहणु पदीसिउ गयणयले
रुहिरामिस-रस-वस-चच्चियउ छाया-कवंधु सु-पणच्चियउ ४
महि कंपिय मेहावलि रडिय घय-छत्तोहिं गिद्ध-पंति चडिय
सहुं मंतिहिं पिहिमिपालु चवइ दुणिमित्तइं एयइं मणु तवइ
परिचत्त-जयासा-लंभएण पच्चारिउ णरवइ डिंभएण
रूसिओसि आसि सिक्खविउ मइं हरि-उप्परि आइउ दिट्ठु पइं ८

घत्ता

दुज्जय जायव-णाहु रणे सो जोहिउ कवणे जोहेण ।
सीसु धुणाविउ देव हउ जिह एंते कत्ता छोहेण ॥ ९

[४]

पहु पभणइ विहुणिय-भुय-जुवल्लु कहे केत्तिउ वइरिहिं तणउ वल्लु
अक्खइ य मंति णरवइ वल्लिय जे दाहिण ते तेत्तहो मिलिय
रयणायर-वासिय आडविय आहीर-लाड-किव-मालविय ४
अवरत्तय आसिय मुरल-भव महरट्ठह पंच कुडुक्क-चव
वर-केरल-चोल-पंडि-मलय कुस-सिंघल-जवण-लंक-णिलय
वसुएव-सेणण(?)-सुय-ससुर जहिं विज्जाहर मिलियाणेय तहिं
अहवइ किं वलेण चउग्गुणेण एक्केण पहुच्चइ अज्जुणेण
सुर खंडवे कालंजय गयणे गंधव कुरुव-वंदि-ग्गहणे ८
गो-ग्गहे दुउजोहण-पमुह जिय कउरव कह-कह-वि ण खयहो णिय

3.1b ज. भेरिवमुहुल्लु.

घत्ता

जाणमि वर-चमु-चूरणहो पंडव-कुल-भवण-पईवहो ।
रणउहे लउडि-भयंकरहो को घाउ पडिच्छइ भीमहो ॥ १०

[१]

पण्णत्ति-पहावें दुम्महहो को मल्लु महाहवे वम्महहो
जिउ जेण कालसंवरु पवरु परिहविउ त्रियम्भ-राउ अवरु
णारायणु णर-सुर-पलय-करु गोत्रद्वण-घरु कंसासु-हरु
अवर-वि एक्केत्तक-पहाण भउ को सहइ ताहं संगाम-झउ ४
मगहाहिउ झत्ति पलित्तु मणे सो णंद-गोउ महु मरइ रणे
कलि-कोडिउ कुरुव-राउ कुविउ हउं भीमहो धूमकेउ उइउ
चंपाहिउ मच्छर-मलिय-करु पभणइ महु हत्थइ मरइ णरु
अवर-वि अवहत्थिय मरण-भय स-पइज्ज पयाणउं देवि गय ८

घत्ता

दिट्ठु असेसेहिं णरवइहिं रिउ-साहणु दुप्परियल्लउं ।
वम्म-वियारउं मारणउ जिह कामिणि-पेम्मु णवल्लउं ॥ ९

[६]

अट्ठिभट्ठइं वाहिय-वाहणइं पडिकेसव-केसव-साहणइं
णिप्पसरइं पसरिय-कलयलइं हय-तूरइं पहरण-करयलइं
वहवाविल-वूह-भयंकरइं धय-लत्तत्तरिय-दिवायरइं
णिव-णिवह-णिरुद्ध-समीरणइं अवरुप्परु ण-किय-विहीरणइं ४
मेलविय-असुर-सुरच्छरइं रण-रसियइं वद्विय-मच्छरइं
दाविय-पवणुद्धय-धयवडइं गय-गंधुद्धाइय-गय-घडइं
सारहि-सारहिसारिय-रहइं खर-खुर-खर-खुण्ण-खोणि-पहइं
रण-रामालिगिय-लालसइं सामरिसइं स-रसइं स-रहसइं ८

धत्ता

घरणिहे असणि-वियारियहे कह-कह-वि जाइं गिण्वडियइं ।
खंडइं उत्तर-दाहिणइं णं दइवें एकहिं षडियइं ॥ ९

[७]

तहिं ताव तुरय-खर-खुर-दल्लिउ रह-रहसें रण-रउ उच्छल्लिउ
खम-रहिउ को ण अमरिस-चडिउ मं जुञ्जहो णं पाएहिं पडिउ
लग्गइ व कडच्छए उरसि करे वउजरइ व भडहं कण्ण-विवरे
ओसरहो करहो किं चप्पणउं विद्वहो अकारणे अप्पणउं ४
केत्तिउ अवलंवहो सुहड-किय कहो तणिय पिहिवि कहो तणिय सिय
कहो चिंघइं छत्तइं चामरइं ण सरीरइं जगे अजरामरइं
म वहहो जीवहं म करहो खउ को जाणइ केत्तहे होइ जउ
ज एव-मि सेण्णइं मिलियाइं तं वे-वि लेवि णं गिलियाइं ८
धत्ता

महियले कहि-मि ण माइयउं सरहसु गयणंगणे लग्गउं ।
केण-वि घरेवि ण सक्कियउं दुप्पुत्तु-व सीसे वल्लगउं ९

[८]

तहिं तेहए रण-रए दुव्विसहे भड भिडिय परोप्परु अणिय-वहे
हम्मंति हणंति जणंति भउ मारंति मरंति करंति खउ
महि मंडिय सिरेहिं स-कुंडलेहिं मुहयंदेहिं छण-चंदुज्जलेहिं
कंठेहिं कंठाहरणंकिएहिं वच्छयलेहिं हाराळंकिएहिं ४
भुय-सिहरेहिं केऊरासिएहिं मणिवंधेहिं कंकण-भूसिएहिं
तळ-ताणावेडिय-करयलेहिं कडिसुत्ताळंकिय-कडियलेहिं
कम-कमलेहिं णह-पह-केसरेहिं घय-छ्रोहिं चिंधेहिं चामरेहिं
रह-चक्केहिं करि-कुंभत्थलेहिं रस-वस-वीसठ-सोणिय-जलेहिं ८

घत्ता

मयगल-मय-मसि-मइलियउ हय-लाला कदम-लित्तउ ।
 रय-रक्खसु राएहि मिलेवि णं सोणिय-वाहिणिहे घित्तउ ॥ ९

[९]

ए पसमिए पसरिए रुहिर-जले एककेण-वि हूयए धरणियले
 पहरण-णिवाय-अइसंधिएहिं मगहाहिव-अग्गिम-खंधिएहिं
 पडिपेल्लिउ जायव-जोह-वल्लु णं खय-मारुवेहिं समुद-जल्लु
 गल्लियाउहु विमुहु भयावरिउ गोविंदहो सरणु पईसरिउ ४
 मा भउज्जहो मा-मी-कारु किउ जंववइहे णंदणु संवु थिय
 णिय-खंधु समोड्डेवि रण-भरहो मुहे खेमविद्धि-विज्जाहरहो
 उत्थरिय परोप्परु सरोहिं रणे पेक्खंति सुरासुर थिय गयणे
 हरि-णंदणु जह जह वावरइ तिह तिह रिउ पउ पउ ओसरइ ८
 घत्ता

छिण्णु महद्धउ भग्गु रहु हय हय वर-सारहि घाइयउ ।
 पाण लएप्पिणु कहि-मि गउ कह-कह-वि ण जम-पहे लाइयउ ॥ ९

[१०]

जं खेमविद्धि ओसारियउ सर-जउजरु कह-व ण मारियउ
 तं वेगवंतु संवहो भिडिउ णं गयहो गइंदु समावडिउ
 णं पंचाणणु पंचाणणहो णं घणु उत्थरिउ महा-घणहो
 तो हरि-सुएण हरि-कुलिस-सम दुव्वार-वइरि-पडिपहर-खम ४
 मणि-रयण-विहूसिय कणयमइ पट्टविय गयासणि वेगवइ
 घाएण जे मासहो पुंजु किउ सवडंमुहु ताम्ब विविंशु थिय
 जरसंघहो किंकरु दुव्विसहु घणु-करयल्लु वाहिय-पवर-इहु
 एत्तहे-वि कंस-विणिवायणहो अबरेक्कु पुत्तु णारायणहो ८
 समरंणणे चारुजेट्टु वलिउ विज्जाहरु तेण पडिक्खलिउ

घत्ता

विसम महा-सिल दुब्बिसह तहो उप्परि घित्त विविञ्जहो ।

पडिय तडत्ति तडक्क जिह फोडंति खयालइं विञ्जहो ॥

१०

[११]

जं रणे विविंझु विणिवाइयउ

णामेण कालसंवरु खयरु

जसु कणयमाल णामेण पिय

पण्णत्ति समप्पिय वम्महहो

कंदप्प-कालसंवर भिडिय

रुप्पिणिहे मणोरह-गारएण

जरसिंघहो सो पाइक्कु थियउ

रणे चारुजेट्ठु हक्कारियउ

तं सरहसु अवरु पघाइयउ

जो भुंजए मेहकूड-णयरु

दक्खविय जाए विवरीय किय

उप्पाइउ कारणु विग्गहहो

णं सीह परोप्परु ओवडिय

विणिवारिय विणिण-वि णारएण

लल्लक्क-महाहउ तेण किउ

वलु वलु कहिं जाहि अ-मारियउ

घत्ता

जाम्भ भिडंति भिडंति ण-वि तहिं अवसरे जयसिरि-संगेण ।

जय जय ताय भणंतएण

रहु अंतरे दिण्णु अणंगेण ॥

९

[१२]

तुहं पट्ठमु वप्पु पुणु महूमहणु

पडिलारी कणयमाल जणणि

पइं होंते हउं तियसहं अजउ

पइं होंते सुरह-मि पुज्जियउ

पइं होंते कुरुवहै मलण किय

पइं होंते पुणु वारवइ गउ

पइं होंते जणणिहे जणिय दिहि

म म पहरु महाहउ परिहरहि

गुणवंतहं सत्तहै महमहहि ।

कहो सीसइ जाणइ सयलु जणु

पुणु पच्छइ रुप्पिणि पिय-भणणि

पइं होंते सोलह लंभ गउ

पइं होंते तुट्ठु-मि परज्जियउ

पइं होंते पंडव पंच जिय

णारायणु कह-वि ण सरेहि हउ

सरु सेज्जहिं मेस्सेवि कोव-सिहि

अम्हारए साहणे पइसरहि

×

×

×

८

घत्ता

तो वुच्चइ विज्जाहरेण लज्जिज्जइ आएहिं वयणेहिं ।
सुञ्जइ तिहिं पाइक्कु रणे जय-जीवग्गह-मरणेहिं ॥ १०

[१३]

तो तेण जिणेप्पिणु वावरणे पणत्ति-पहावें घरिउ रणे
छुडु छुडु जे सय-संदणे सण्णिमिउ कियवम्महो पासु समल्लविउ
तहिं अवसरे घाइउ गयणगइ सिसुपालहो भायरु सो हवइ
णामेण सल्लु सल्लइं सरेवि काहिं जाहिं कालसंवरु घरेवि ४
महो-तणउ सहोयरु जेण हउ सो णंद-गोउ कहिं केत्थु गउ
वहुवार रुट्ट चिर-वार मइं किर मइं समाणु रण-पिडु रमइ
तें अप्पउ णव-रणु दक्खविउ काहिं एवहिं जाहि अ-सिक्खविउ
तं णिसुणेवि हरि-णंदणु कुविउ णं जुय-खए धूमकेउ उइउ ८
सर समर करेप्पिणु दुग्विसह सण्णाहु वियारिउ छिण्णु रहु

घत्ता

सल्लु सल्ल-सय-सल्लियउ विहलंघलु पडिउ सवेयणु ।
जो अणंग-सर-जज्जरिउ सो सव्वु होइ निच्चेयणु ॥ १०

[१४]

तो चेयण लहेवि विउद्धु पुणु वावरिउ चउग्गुणु पंच-गुणु
सर-णिवहें छाइउ कुसुमसरु णं जलहर-जालें दिवसयरु
अवरेक्कें उरसि कडंतारिउ अत्थक्कए मुद्धए अंतारिउ
विहलंघलु रहे ओणल्लियउ णं पायउ पवण-पणोल्लियउ ४
जुत्तारु विणासिय-पूयणहो किउ पासु णेइ महुसूयणहो
तहिं अवसरे चेयण-भाव-गउ उट्टिउ कुमारु णं जगहो खउ
रहु सारहि सारहि सम्मुहउ किं कज्जें करहि परम्मुहउ
किं ण-वि हउं पुत्तु जणदणहो किं हरि ण वप्पु हउ णंदणहो ८

दिज्जइ घणु भग्गंताहं
विण्णि-वि सल्लघइं खत्तियहं

घत्ता
पहरंतहं रणे पहरिज्जइ ।
विहिं अवरोहिं पुणु लज्जिज्जइ ॥ ९

[१५]

लज्जिज्जइ देवहं दाणवहं
लज्जिज्जइ सिंजय-पउरवहं
लज्जिज्जइ वल-णारायणहं
लज्जिज्जइ रुप्पिहो रुप्पिणिहे
लज्जिज्जइ पंचहं भूयह-मि
जइ एम्ब-वि एम्ब-वि धुउ मरणु
णासिज्जइ मेल्लेवि सुहड-किय
ण गणिज्जइ तो संगाम-गइ

विज्जाहर-किण्णर-माणवहं
लज्जिज्जइ पंडव-कउरवहं
लज्जिज्जइ सब्बहं सज्जणहं
लज्जिज्जइ मागह-वाहिणिहे ४
मरिएवउ विमुहीभूयह-मि
तो वरि चंगारउ वावरणु
जइ जावज्जीविउ अचल्ल सिय
माणुसु अजरामरु होइ जइ ८

एण सरीरें चंचलेण
तो पेक्खंतहं सुरवरहं

घत्ता
जइ सासय कित्ति विट्ठप्पइ ।
किह सारहि रणु ण विट्ठप्पइ ॥ ९

[१६]

तं णिसुणेवि सूउ पलज्जियउ
णं सरहं सरहं समावडिय
विण्णि-वि विज्जाहर गयण-गइ
विण्णि-वि अवहत्थिय-भय-पसर
विण्णि-वि सुर-भवणुच्छलिय-जस
विण्णि-वि जिण-चरण-कमल-भसल
जग-सल्ले सल्लहो सल्ल-धरु
अवरोहिं अवर सर कप्परिय

रहु वाहिउ भय-परिवज्जियउ
मयरद्धय-सल्ल वे-वि भिडिय
विण्णि-वि जय-सिरि-गहणेक्क-मइ
विण्णि-वि स-सरासण स-सर-कर ४
विहि-वि संगाम-मुहेक्क-रस
विण्णि-वि वावरण-करण-कुसल
वंभत्थे छिण्णु दइच्च-सरु
तेण-वि तहो तुरय कडंतरिय ८

घत्ता

चाव-चक्क-गय-संख-घरु
सल्लराय-मयरद्धयहं

गरुडद्धउ वाहिय-संदणु ।

थिउ अब्भंतरे ताव जणइणु ॥ ९

[१७]

णिय-सुय-करण अमरिसे चडिउ
विज्जाहरु विज्जहिं वावरइ
सर-जालें छाइयउ गयणयलु
ण दिसामुहु ण-वि रवियर-णिवहु
ण सरासणु आयवत्तु ण घउ
उप्पणु कोवु दामोयरहो
पहरणइं पहारुद्धुआइं
रिउ पहरइ अवरोहिं दारुणेहिं

णारायणु सल्लहो अब्भिडिउ
हरि चंदहो चरिएहिं अणुहरइ
लक्खिज्जइ ण-वि जलु ण-वि थलु
ण तुरंगु ण सारहि ण-वि य रहु ४
णउ णावइ केसउ केथु गउ
पच्छणु विसज्जिउ गोयरहो
दिस-चक्कइं विमलीहूआइं
हुआसण-वायव-वारुणेहिं ८

घत्ता

तरु-गिरि-सिहरि-सिलायलेहिं
सव्वइं छिंदेवि घरियइं

गरुडत्थ-भुअंगम-पासेहिं ।

वाणारिं वाण-सहासेहिं ॥ ९

[१८]

सोहाहिउ मणे आरोसियउ
रहु ताडिउ सारहि सल्लियउ
तो वण-रुहिरारुण-भुय-सिहरु
मायाविउ वोल्लइ को-वि णरु
वसुएवहो फोडिउ वच्छयलु
जरसंधे जायव सयल जिय
जे अज्जण-गंदण रयणि गय
वारवइ लइय सल्लहो वलेण

णाराय-लक्खु परिपेसियउ
णारायणु संसर घल्लियउ
णं फग्गुणे फुल्ल पलास-तरु
ओलग्गइ पाणेहिं कुसुमसरु ४
वलहइहो तोडिउ सिर-कमलु
कुरु-जोहेहिं पंडव खयहो णिय
तहिं णेमि-समुद्विजय णिहय
एवहिं घाएवउ तुहुं छलेण ८

घत्ता

गरु णिब्भच्छिउ माहवेण
दुक्करु जाइ जियंतु रणे

महु पासिउ को मायारउ ।
तइं सहियउ सामि तुहारउ ॥ ९

[१९]

नारायण-वयण-किंवाण-हउ
इंदइणु-सम-प्पहु लेवि धणु
तहिं काले पसारिय-भुय-जुयलु
परिमोक्कल-केसु किउद्ध-कमु
वसुएवु पडंतु दिट्ठु णहहो
मुच्छा-विहलंघलु सो हुयउ
परियाणिय माया-क्वड-किय
खय-सूर-समप्पह-सरवरेहिं

माया-गरु णासेवि कहि-मि गउ
पारद्धु पडीवउ घोरु रणु
विच्छाय-परिट्ठिय-मुह-कमलु
सव्वंग-णिवद्धुदहण-समु ४
परिगलिउ चाउ करे महुमहहो
कह-कह-वि चेयण-भावु गउ
हय-सल्लहो अणुहव-पाण-पिय
रिउ वारिसिउ महि सहुं महिहरेहिं ८

घत्ता

दइइ महातरु सिहि-सरेहिं
जय-जय-कारिउ महुमहणु

गिरि चूरिय कुलिस-पहारेहिं ।
मयरद्धय-पमुह-कुमारेहिं ॥ ९

[२०]

तहिं अवसरे सारहि विण्णवइ
जावण्ण-वि अत्थइं पट्टवइ
जावण्ण-वि चूरइ रह-तुरय
परमेसर पहरहिं ताम तुहुं
हणु चक्के वइरि-विणासणेण
तं गिसुणेवि झत्ति पलित्तु हरि
भंजंतु असेसहं माण-सिह
दोहाविउ तेण विमाणु णहे

एहु दुज्जउ सोह-पुराहिवइ
जावण्णु-वि साहणु णिट्ठवइ
जावण्ण-वि हणइ महा-दुरय
उज्जालहिं जायव-अणहं मुहु ४
पडिसत्तु-महा-अरि-दारणेण
पलयगिग-सम-प्पहु मुक्कु अरि
फुरमाणु-दिवायर-विंदु जिह
सहुं सल्ले णिवडिउ धरणि-वहे ८

घत्ता

जाम गयासणि लेइ करे
कुसुमइं घिवेवि सइंभुवेहिं

विद्विउ ताम गोविंदेण ।
इय दुंदुहि सुरवर-विंदेण ॥

९

*

इय रिट्टणेमिचरिए धवलइयासिय सयंभुएव-कए
उत्तीसमो इमो सगो ॥३६॥

*

सत्ततीसमो सांधि

सल्लें समत्तए रह-तुरय-महागय-वाहणु ।
तूरइं देप्पिणु घाइउ जरसंघहो साहणु ॥१

[१]

दुवई

दुदम-देह-दारणं विविह-पहरणं विविह-धय-समूहं ।
वहलुच्छलिय-कलयलं घाइयं वलं रइय-चक्क-वूहं ॥

समुदाणुमाणं

धुणी-धुम्ममाणं

पमाण-प्पहीणं

फुरंतासि-मीणं

फरोहार-सारं

अणं(?) -सुंसुवारं

४

दडी-ददुरोहं

हयावत्त-सोहं

विमाणोवसेलं

करेणुद्ध-वेलं

दिसालिगियंगं

पडाया-तरंगं

घरद्धारुहेणं(?)

सियं-छत्त-फेणं

८

सया गज्जमाणं

सिरी-संणिहाणं

घत्ता

वूहु रएप्पिणु

तं चाउरंग-वल्लु घाइउ ।

जगहो कियंतेण

णं काल-चक्कु उप्पाइउ ॥

१०

[२]

दुवई

काल-वलाहं अंवरो

हल-भयंकरो

धय-णिहित्त-तालो ।

सुर-करि-कर-महा-भुओ

रोहिणी-सुओ

भणइ कामपालो ॥

अहो अहो अहो दुदम दणु-मदण

चक्क-वूहु दुब्भेउ जणदण

आयहो को-वि जियंतु ण छुट्टइ

तिहिं आएसु देहि जें फिट्टइ

अज्जुणु चक्कणेमि सेणावइ

आयहं तणिय लीह को पावइ ४

तिण्णि-वि अ-णिहय सल्ल-रणंगणे	तिण्णि-वि सारभूय तउ साहणे
तिण्णि-वि ससर-सरासण-हत्था	तिण्णि-वि तिहुयणु जिणेवि समत्था
तिण्णि-वि जय-सिरि रामालिंगण	तिण्णि-वि तोसिय-अमर-वरंगण
तिहिं आएसु दिण्णु गोविदे	तिण्णि-वि घाइय एक्के विदे ८
सिवसुय-सेणावइ-वीमच्छेहिं	भिण्णु वूहु जिह सायरु मच्छेहिं

घत्ता

तिहिं भिडंतेहिं	णिय रहवर कहिं-मि ण खंचिय ।	
रणमहि-देवय	णरवर-सिर-कमलेहिं अंचिय ॥	१०

[३]

दुवई

णर-सारिय-कप्यया	दंति दप्पिया	गिरि-व पञ्जरंति ।
रंगाविय-तुरंगमा	किय अयंगमा	महियले पडंति ॥
विद्ध महा-धय छिण्णइं छत्तइं	पवर-विमाणइं वसुमइ पत्तइं	
चूरिय रह रहंग रहिं सारहि	केण-वि के-वि वुत्तु णीसारहि	
देहिं तुरंगु जेण परिसक्कमि	णर-सर-घोरणि घरेविण सक्कमि ४	
केण-वि को-वि वुत्तु कहिं गम्मइ	जिम्ब जय-सिरि जिम्ब सुरवहु रम्मइ	
जिम कु-सरिरे थिरु जसु लब्भइ	तो संगामु किण्ण पारब्भइ	
वट्टहिं जाम वोळ्ळ भड-संगरे	महि-परमेसरेण तहिं अवसरे	
पेसिय तिण्णि वइरि-मइ-मोहण	रुप्पि-हिरण्णणाह-दुज्जोहण ८	
तिण्णि-वि तेहिं धरिय तिहिं आएहिं	णं सुरणइ-पवाह तिहिं भाएहिं	

घत्ता

णरु कुरुणाहेण	सिव-णंदणु रुप्पि-णरिदे ।	
रुहिरहो पुत्तेण	सेणावइ हरि व मइदे ॥	१०

[४]

दुवई

भीम-भुवंग-चिधेणं वण-मयंधेणं णिच्च-णिक्कवेणं ।
हक्कारिउ घणंजओ पर-पुरंजओ कुरु-गराहिवेणं ॥

खल-खुदहो पिसुणहो दुवियइदहो मइं विसु दिण्णु विओयर-संदहो
मइं लक्खाहरे लाइउ हुयवहु मइं दाविउ दोमइ-केसग्गहु
मइं सविसेसु देसु छंडाविय तेरह करिसइं दुक्खइं पाविय ४
तं संभरेवि पहरु जइ सक्कहि काइं अकारणे रणे परिसक्कहि
एम भणेवि आभिदइ जावेहिं भायर पुरउ परिद्विय तावेहिं
णरेण वुत्तु एत्तडेण ण मारिय तुम्हइं भीमें थुत्थुक्कारिय
एव पडुत्तरु देवि संवंतहं सरहसु साहणे भिडिय तिगत्तहं ८
विधइ वलइ धाइ वि-यत्तइ णर-सिर-कमलइं तोडेवि घत्तइं

घत्ता

एक्कु घणंजउ जालंधर-सेण्णु अणंतउं ।
णं सहं कालेण थिउ जोइस-चक्कु भमंतउं ॥ १०

[५]

दुवई

ताव वियम्भ-णाहेणं वल-सणाहेणं सब्ब-लोय-खेमी ।
रुप्पिणि-जेदु-भाइणा हरि-अराइणा वुत्तु चक्कणेमी ॥

जायव तुम्हेहिं अम्हेहिं खत्तिय विहि-मि कुलहं वडुंतरु पत्तिय
कम्मइं जाइं णंद-गोवालहं ताइं ण होंति पिहिवि-परिपालहं
आसव-पाणइं कण्णाहरणइं उत्तम-पुरिसहं मलिणीकरणइं ४

एक्कु विणासु अवरु वय-खंडणु तुम्हहं पुणु दुच्चरिउ जे मंडणु
 अहो सिवदेवि-समुद्दविजय-सुय पंच-जणहं णेमिहे पढमेल्लय
 दिदरह-सुअ-महरिट्ट-पयाइहिं णेमिणाह-गहणुत्तर-भाइहिं
 चक्कणेमि तुहुं जेट्टु स-विक्कमु पहरु पहरु जइ अत्थि परक्कमु ८
 णं तो हउं धणुवेउ पदरिसमि जलहरु जिह सर-घोरणि वरिसमि
 घत्ता

एम भणेप्पिणु रणे रूपें रुप्पिम-वाणेहिं ।
 विद्धु सिवा-सुउ परमप्पउ जिह परमाणुहिं ॥ १०

[६]

दुवई

वंचिउ चक्कणेमिणा सिग्घ-गामिणा सो सरो विमुक्को ।
 गुरुमिव घम्मवज्जिओ गउ अपुज्जिओ गुणि व मुक्खेण मुक्को ॥
 हसिउ सिवासुउ धणु-वि ण वुज्जहि एण परक्कमेण तुहुं जुज्जहि
 हउं खय-चक्कणेमि सो वुच्चमि रसमसकसमसंतु पइं रुच्चमि
 फल्ल अणुहुं जहि मं अवराहहो अज्ज-वि पणवहि पंकय-णाहहो ४
 णासिउ पाव-बुद्धि अप्पाणउ जायव-जणहं मज्जे तुहुं राणउ
 वम्महु भाइणेउ सस रुप्पिणि भइणिवइउ सउरि वहु वाहिणि
 तो आरुट्टु सुट्टु सुउ भिप्फहो छण-पावणेहिं किविणु णं विप्पहो
 को किर णवइ णंद-गोवालहो मेल्लेवि चरण पिहिंवि-परिपालहो ८
 एम भणेवि वीसद्धेहिं वाणेहिं विद्धु खयारुण-किरण-समाणेहिं
 घत्ता

जायव-वीरेण ते दस-सर दसहिं विहंजिय ।
 दसहि-मि घम्मेहिं णं दस-वि अघम्म परज्जिय ॥ १०

[७]

दुवई

कुंडिण-णयर-राएणं धणु-सहाएणं सट्ठि सर त्रिमुक्का ।
ते समुद्विजइणा गुण-पराइणा सट्ठिहिं विलुक्का ॥

रुप्पिणि-भायरेण सउ भल्लहं पेसिउ वइरि-उर-त्थल-सल्लहं
छिण्ण सिवा-सुएण ते वाणेहिं जिहं कसाय महरिसि-सुह-झाणेहिं
रुप्पे पंच सयइं पट्टवियइं ताइ-मि सिव-सुएण णिट्ठवियइं ४
सिल-धुय-पुंख-परिट्ठिय-रुप्पहं पेसियाइं छ-सयाइं खुरुप्पहं
गेमि-सहोयरेण रणे छिण्णइं पवणे मेहउल-व विच्छिण्णइं
रुप्पे वाण-तरंगिणि मुक्की णं मंदाइणि थाणहो चुक्की
स-त्रि सिवणंदणेण धणु-धरणे पंति णिवारिय सरवर-वरणे ८
धणु सण्णहणु छत्तु धउ चामरु सारहि रहु रहंगु हरि कुव्वरु

घत्ता

सव्वइं छिंदेवि ओसारिउ वम्मह-माउलु ।
विरहावत्थे भणु को-व ण होइ विसंठुलु ॥ १०

[८]

दुवई

पूरिउ चक्क-णेमिणा विजय-गामिणा जलयरो रउदो ।
णावइ णव-घणागमे गिभ-निग्गभे गज्जिओ समुदो ॥
भिप्फहो णंदणु त्रि-रहु णिएप्पिणु अणु-वि संख-सदु णिसुणेप्पिणु
महि-णिहि-रयणद्ध-मयंघे पेसिय णव णरिंद जरसंघे
णं णव गह केत्तहिं वि ण संठिय णं णव णोकसाय विसमुट्ठिय ४

णं णव रस रस-वुद्धि पराइय
 वेणुदारि अरिदमणु महिंजउ
 सूरवग्मु महसेणु महोयरु
 छाइउ अविरल-सरवर-जाले
 तेण-त्रि एक्केक्कउ पच्चारिउ

हणु हणु हणु भणंत उद्दाइय
 भदाहिउ सुसेणु सत्तुंजउ
 आएहिं णेमि-कुमार-सहोयरु
 णं महिहरु णव-पाउस-काले ८
 दसहिं दसहिं सरवरहिं णिवारिउ

घत्ता

एक्के होतएण
 ते पंचमुहेण

णव णरवइ जे पडिलगा ।
 जिह मत्त महा-गय भग्गा ॥ १०

[९]

दुवई

विमुहिय चक्कणेभिणा
 णं उच्छलिय-मलहरा
 वेणुदारि तिहिं वाणेहिं विघइ
 अरिदमणे अट्टारह पेसिय
 तीस सुसेणु महेसु विसज्जइ
 चउसट्टिहिं वावरइ महोयरु
 घत्तइ सर सत्तरि सत्तुंजउ
 सयल-त्रि जायवेण ते छिण्णा
 कोदंडइ कवयइं सीसक्कइं
 सारहि वर-तुरंग विणिवाइय

णिय-सुसामिणा दोच्छिया णियत्ता ।
 पलय-जलहरा उच्छरंत पत्ता ॥

सूरवग्मु सत्तासुग संघइ
 भदाहिवेण वीस परिपेसिय
 पिहिविसेसु(?) पंचास विसज्जइ ४
 णं स्वय-किरणेहिं तवइ दिवायरु
 नवइ वाण पट्टवइ अरिंजउ
 अहि-व खगेसरेण विक्खिण्णा
 छत्तइं चामराइं रह-चक्कइं ८
 णट्ट णराहिव कह-व ण घाइय

घत्ता

ताम विरुद्धएण
 विज्जु व मेहेण

सत्तुत्तमेण पुव्वज्जिय ।
 वइरोयणि सत्ति विसज्जिय ॥ १०

१०

[१०]

दुवई

सत्तुत्तमेण सत्तिया झत्ति घत्तिया घाइया वलंती ।

णं लल्लक्क-वयणिया पलय-रयणिया णहयलं गसंती ॥

सारहि भणइ भडारा जायव

चक्कणेमि कुल-वल्लरि-पायव

एह सत्ति वइरोयण-केरी

णं जम-जीह जुयंत-जणेरी

जाम ण पावइ ताम पयत्तें

हणु कुल्लिसेण पुरंदर-दत्तें

तेण समाहय कलयलु घुट्टउ

किउ सत्तुत्तमु पाराउट्टउ

तावण्णेण रहेण घणुद्धरु

घाइउ कुंडिण-पुर-परमेसरु

सरु पट्टविउ समीरण-वेएं

सत्तई णवर छिण्णु सइवेएं

दस घणुहरइं त्रियम्भ-णरिंदहो

णं सिंगइं पाडियइं गिरिंदहो

घत्ता

तेण-वि रणमुहे

कउवेरी मुक्क महा-गय ।

दुक्कुल-वहुय-व

पइ-हत्थु वलेप्पिणु णिगय ॥

[११]

दुवई

स-वि अग्गेय-त्राणेण

जायवाणेणं चडचडंति दइढा ।

णं गुण-धम्म-मुक्केणं

लोह-दुक्केणं का-त्रि दुव्वियइढा ॥

तहिं अवसरे जगु जिणेवि समत्थइं

वइरोयण-माहिंदइं अत्थइं

भोययडाहिवेण रणे मुक्कइं

वेणिण णाइं जम-करणइं दुक्कइं

छिण्णइं जायवेण विहिं वाणेहिं

भीम-भुयंगाहोय-समाणेहिं

रह-कोवड-कवय-घणु-लत्तइं

पंच-वि पंचहिं सरेहिं विहत्तइं

अवरें हउ णिडाले णाराएं

करि-व त्रियारिउ अंकुस-घाएं

पडिउ घुलेप्पिणु मुच्छा-घारें

णिउ णिय रहवरेण जुत्तारें

घाइउ वेणु-दारि पडिवारउ

जगहो विरुद्ध णाइं अंगारउ

तेण समाणु अणेय णरेसर

जायव मागह भिडिय समच्छर

घत्ता

ताम धणंजउ जालंधर-साहणु चूरइ ।
सिवहं विहंगहं णिसियरहं मणोरह पूरइ ॥ १०

[१२]

दुवई

णर-णाराय-पूरिया गिरि-व चूरिया कुंजरा णिवण्णा ।
णं खय-मायाहया णव-वलाहया महियलं पवण्णा ॥
कत्थइ णर-सरेहिं करि कप्पिय मलय-सिहर णं अहिहिं वियप्पिय
कत्थइ जीविण गय मेल्लिय रण-देवयहे णाइं वलि घल्लिय
कत्थइ हत्थि हत्थ णिय वाणेहिं वम्मीयाहि-व खगेहिं पहाणेहिं ४
कत्थइ दंति-दंत सर-छिण्णा केयइ-हत्था णाइं त्रिखिण्णा
कत्थइ रहवर णर-सर-खंडिय दइवें गिरि-व गणेप्पिणु छंडिय
कत्थइ कंचण-चक्कइं जडियइं रण-वहु वहु-कुंडलइं-व पडियइं
कत्थइ लुय-दंडइं सिय-छत्तइं णं जम-जेवण-रुप्पिय-पत्तइं ८

घत्ता

कत्थइ पत्थेण महि मंडिय णर-तरु-जालेहिं ।
वाहा-साहहिं णह-कुसुमेहिं पाणि-पवालेहिं ॥ ९

[१३]

दुवई

ताम हिरण्णाहेणं रह-सणाहेणं घवल-घयवडेणं ।
अण्णाविट्ठि कोक्किओ अहि-व रोक्किओ भुय-वलुब्भडेणं ॥
जायव थाहि थाहि कहिं गम्मइ अज्जु परोप्परु सरहिं णिहम्मइ
हउ-मि तुहु-मि त्रिण्णि-वि सेणावइ विहि-मि णाउं सुर-भवणे णावइ
विण्णि-वि सुद्ध-वंस सहवासिय जिव सुरट्ठु जिव मगह-णिवासिय ४

जिम मइं पिहिवि दिण्ण जरसिंघहो जिम पइं देवइ-सुयहो मयंघहो
 त्रिण्णि-वि करहो अज्जु एक्कंतरु मुए मुए सरवर-वरिसु णिरंतरु
 पभणइ अण्णाविट्ठि अणाउलु तुइं रोहिणिहे भाइ वल-माउलु
 रुहिरहो पुत्तु सालु वसुएवहो समर-सएहिं वइइडिय-अवलेवहो
 रेवइ-जणणु भणेवि मुहु वंकमि णं तो कवणु जासु आसंकमि

घत्ता

सउरि मुएप्पिणु

पइं पेसणु किउ जरसंघहो ।

जिह ताल्पफुलु

सिरु जासु खुडेवउ खंघहो ॥

१०

[१४]

दुवई

तो अमरिस-सणाहेणं

हेमणाहेणं

सत्तवीस वाणा ।

सेणावइहे पेसिया

खर-सिला-सिया

सविस-फणि-समाणा ॥

तो तहिं अण्णाविट्ठि कुमारें

सीहेण-वि वण-विक्कम-सारें

घरणिघरेण घराघर-घीरें

मयरहरेण-व अइ-गंभीरें

दिवसयरेण-व दूसह-तेएं

छिण्णइं ते सर सरेहिं सइवेएं

४

रुहिरहो णंदणेण पडिवारा

सत्तरि सरह विमुक्क खय-कारा

ते-वि तिक्ख-णाराएहिं णिज्जिय

रुहिरंगरुहें णवइ विसज्जिय

वाण-सएण छिण्ण जउ-वीरें

दस सय अवर करे किय घीरें

तेहिं असेसु दियंतरु छाइउ

सल्लह-वंदु जिह कहि-मि ण माइउ

८

रोहिणि-भायरेण घउ पाडिउ

वइरिहे गाइं मडप्परु साडिउ

घत्ता

जायव-वीरेण

सण्णाहु छत्तु घउ घणुहरु ।

हरि रहु सारहि

सत्त-वि कियाइं सय-सक्करु ॥

१०

[१५]

दुवई

तेण-वि तहो महारहो गिरि-सम-प्पहो खंडिओ सरोहिं ।
 सुअ-सिहि-कंक-पक्खेहिं अणेय-लक्खेहिं अहि-भयंकरेहिं ॥

विण्णि-वि वि-रह परिट्टिय चरणेहिं	वावरंति विज्जाहर-करणेहिं	
गयण-समप्पहेहिं गित्तिसेहिं	आरणेहिं चल-चामर-मीसेहिं	
विहि-मज्जे ठिय वड्ढिय-मलहर	तडि-ससि-अंतराले णं जलहर	४
घाय दिति बहु-विह विण्णासेहिं	अगार पच्छए उप्परि पासेहिं	
वइरिहे जायव-सेणाधीसें	पाडिय वे-वि वाहु सहुं सीसें	
अण्णेहिं सभुय खग्ग वल्लरि-गय	भीम भुअंग-जीह णं णिग्गय	
अण्णेहिं स-फरु वामु भुउ पडिउ	णाइं सकमलु णालु णिव्वडियउ	८
अण्णेहिं सिरु उच्छलिउ स-कुंडलु	णं सरइंदु महा-घण-मंडलु	

घत्ता

रुंडेहिं अण्णेहिं महि मंडिय चउहु-मि खंडेहिं ।
 तूरइं दिण्णइं जायवेहिं सइं भुव-दंडेहिं ॥ १०

*

इय रिट्टणेमिचरिए धवलइयासिय-सयंभुएव-कए ।
 सत्ततीसमो इमो परिसंघि समत्तो ॥

*

अट्टतीसमो सांधि

जय-जस-विक्कम-सारा जायव-वाहिणि पूरइ ।
कासु णिवंधमि पट्टु मागह-णाहु विसुरइ ॥१॥

[१]

हए रुहिरहो णंदणे हेमणाहे	अत्थइरि पराइए दिवस-णाहे	
णिय-सिमिरहं गयइं सवाहणाइं	चक्काहिव-मागह-साहणाइं	
समरुद्धरियाउह-करयलाइं	वण-वियणाउर-वच्छत्थलाइं	
आणिय-पिय-पाहुड-मोत्तियाइं	परिहव-पक्खालण-सोत्तियाइं	४
परिपूरिय-रण-वहु-दोहलाइं	जय-लच्छि-करगह-सोहलाइं	
सामिय-पसाय-णिकखय-कराइं	वंसावसेस-थिय-असिवराइं	
संभाविय-जय-सिरि-संगमाइं	णिगंत-खलंत-तुरंगमाइं	
लुय-चिघइं खंडिय-रहवराइं	सर-भरिय-णिरंतर-गयवराइं	८

घत्ता

ताम समुट्टिउ चंदु	जोण्ह करंतु ण थक्कइ ।	
तम-करि-जूहहो मज्झे	णं केसरि परिसक्कइ ॥	९

[२]

णिय-णिय-अत्थाणेहिं थिय णरिंद	मगहाहिव-माहव जिह सुरिंद	
जरसिधु विसुरइ णिय-मणेण	विणु एक्कें रुहिरहो णंदणेण	
अत्थाणु महारउ णउ विहाइ	गयणंगणु ससहर-रहिउ णाइं	
रणे दुज्जय जायव-जोह जेत्थु	सेणावइ किज्जउ कवणु तेत्थु	४

After Ghatta ज. reads :

लक्षशतानि नराणामन्यान्यपि मादृशानि जीवयसि ।
उपकुर्व ममापि किंश्चित् यत्र शतं तत्र पंचाशत् ॥

आयामिय-गरुयाओहणेण
परमेसर तुम्हहुं कवण चिंत
अट्टारह वासर भरु महं जे
तो वरि सव्वइं सेण्णइं गियंतु

पच्छए पहरहो वे-वि
एव्व भणेविणु सइं जे

णइणंदणु सेणावइ करेवि
सुउ सउणिहे सयण-विरोहणेण
तो एम भणिज्जहि घम्मपुत्त
विसरिज्जइ कालु ण दुव्वियइद
जिय जूए कयत्थिय केस-गाहे
परिपीयइं णिज्जर-पाणियाइं
दोमइ परिहविय जयदहेण
थिय मच्छहो घरे पच्छण्ण-गत

सुमरेवि दुक्खइं ताइं
कहिं महु जाहि जियंतु

तव-तणयाणुवहो सहोयरासु
णउ लज्जहि गज्जहि लउडि लेवि
दूसासणु मारमि कालु पत्त
खल खुद पिसुण हय दुव्वियइद

वोल्लिज्जइ तो दुज्जोहणेण
किं हउं ण भिच्चु साहणु ण किंत(?)
इयरइ-मि वइरि पहणेवउं जे
पर पंडव-कउरव खयहो जंतु ८
वत्ता

तुहुं हरि-कारणे तेयहो !
वहु पट्टु गंगेयहो ॥ ९

[३]

थिउ कुरुवइ रण-भर-धुर घरेवि
पट्टविउ दूउ दुज्जोहणेण
किल संढेण णउ अच्छणहं जुत्तु
तुम्हइं तो लक्खा-भवणे दइद ४
वण-मग्गे महण्णवे जिह अगाहे
अवरइ-मि दुहइं परियाणियाइं
जक्खें विदविय विस-दहेण
तं पाविय जं ण कयावि पत्त ८

वत्ता

तो-वि ण तुहुं अब्भिदइहि ।
परए स-भायरु फिट्ठहि ॥ ९

[४]

किल संढहो अक्खु विओयरासु
भंजमि दुज्जोहणु ओरु वे-वि
सो एहु अवसरु तुहुं सो जे सत्तु
ते कहिं गय सुहडालाव संढ ४

भणु अज्जुणु अज्ज-वि करहिं खेउ
भणु जमलहो जमलीहोह वे-वि
गउ दूउ कहिउ तं णिरवसेसु
जइ सुमरहो तो किं विसहिण

कहिं गउ गंडीव-सरावलेउ
वावरहु कौंत असिवरइं लेवि
विसु जलणु कय-ग्गहु वण-किलेसु
अमरिस-जस-पउरिस-विरहिण

८

घत्ता

तुम्ह-वि अम्ह-वि होउ
सहुं वासवेण णियंतु

रणु अट्टारह वासर ।
वासुएव-चक्केसर ॥

९

[५]

पट्टविउ कहेवि जं कउरवेहिं
गउ सउणिहे णंदणु कहिय वत्त
तहिं तेहइ काले अणज्जुणेण
अट्टारह दिवसिउ जुज्जु जाम
पच्चक्खु पेक्खु णिय-रहवरत्थु
भयदत्त-जयदह-अं गराय
कउरवहं पट्टुच्चइ भीमसेणु
परिपालिय-सयल-महावलेण

पडिवणु सव्वु तं पंडवेहिं
थिय कुरु सरहस रण-रस-पमत्त
विण्णवेवि वुत्तु हरि अज्जुणेण
महु महुमहु जमलीहोहिं ताम
हउं काइं करमि गंडीव-हत्थु
मारमि हरि हरिण व राय-राय
णव-णल्लिण-मुणाल्हं जिह करेणु
सरल्लेवउ सरल्लु जुहिट्टिल्लेण

४

८

घत्ता

भणइ जणदणु एम्व
भमर-सिलीमुह-अक्कु

छुडु आढवहो महाहउ ।
जहिं फरगुणु तहिं माहउ ॥

९

[६]

हरि-वयण-वयणु हियवइ घरेवि
गय णिय-णिय-णिलएहिं पंडु-पुत्त
णिसि वियल्लिय संज्ञा-समउ दुक्कु
रवि उगउ पसरिउ कर-णिहाउ

सोयाहिउ सेणावइ करेवि
णं केसरि गिरि-कंदरेहिं सुत्त
थिउ तारा-मंडल्लु पह-विमुक्कु
मं मिडहो णिवारउ णाइं आउ

४

5.3. माहव पभणिज्जइ अज्जुणेण.

णं पंडव कुरुबहं देइ बुद्धि
मडि-कारणे णट्टाणेय राय
पहरंतहं थाइ ण अंतराले
कहो केरा मिलेवि मरंति एय

सुहि वहेवि लहेसहु कवण सुद्धि
वलि-रावण-गळ-णहुस-हुण-जाय
पच्चेलिउ हसइ विणासयाले
जसु पुण्णइं तसु हउं वस-विहेय ८

हय पडु-पडह-सयाइं
रविहे घरंतहो णाइं

घत्ता
क्रिय कलयलइं स-खगइं ।
वलइं वे-वि पिडे लगइं ॥ ९

[७]

अरुणुगमे सरहस-सरहसाइं
रोमंच-पसाहण-साहणाइं
उक्खय-दप्प-हरण-पहरणाइं
क्रिय-भड-कडवंदण-वंदणाइं
ओवाहिय-हयवर-हयवराइं
तोसाविय-देवंगण-गणाइं
मयरद्धय-घय-उद्धय-घयाइं
रुंदारुण-दारुण-लोयणाइं

पइसरियइं रण-रस-रण-रसाइं
रण-भर-णिब्बाहण-वाहणाइं
उट्टिय-पर-वारण-वारणाइं
हरि-मुह-णीसंदण-संदणाइं ४
संचूरिय-गयवर-गयवराइं
उच्छलिय-महा-भीसण-सणाइं
पाविय-जीविय-संसय-सयाइं
घवलच्छहे लच्छहे लोयणाइं ८

घत्ता

रण-रउ उट्टिउ ताम
णावइ गहकल्लोल

वलइं वे-वि छायंतउ ।
रवि-ससि-विंवइ लित्तउ ॥ ९

[८]

सो रण-रउ गउ लोयंतु पत्तु
मइं को-वि ण मइल्लिउ रण-रउदे
थिउ णिम्मलु सयलु दियंतरालु
णं अहिउलु दीसइ दुण्णिरिक्खु

परि पसमिउ पडिवउ णं णियत्त
मुउ पडेवि णाइं सोणिय-समुहे
केण-वि आमेल्लिउ वाण-जालु
परिपिहिय-णिरंतर-अंतरिवखु ४

तोणा-तरु-कोडर-णीसरंतु
 कत्थइ स-खग्ग करि कसण-देह
 कत्थइ वण-मुह-रुहिरारुणंग
 कत्थइ भड-असि-रय-लद्ध-सोह

गयवर-वम्भीएहिं पइसरंतु
 स-सयदह णिवडिय णाइं मेह
 णं घाउ घराघर थिय तुरंग
 णं ताल-खंड तोडिय-फलोह

८

घत्ता

णच्चइ काहि-मि कबंधु
 अज्जु गुरुत्तणु मज्जु

परिओसेण महंते ।

सीसें पएहिं पडंते ॥

९

[९]

तहिं अवसरे रणउहे दुण्णिवारे
 गंगेउ पघाइउ दुज्जयाहं
 परिरक्खिउ पंचहिं पत्थिवेहिं
 कियवम्म-विंविंइ-राणएहिं
 अहिमण्णु पिसंगेहिं घोडएहिं
 कुद्धाणणु कुरु-कुल-कवल-हेउ
 त्रिप्फारिय-घणु संजमिय-तोणु
 घाइउ किव-सल्ल-पियामहाहं

पहिलए कुरु-पंडव-संपहारे
 मच्छाहिव-सोमय-संजयाहं
 किव-दुम्मुह-सल्ल-गराहिवेहिं
 अवरेहि-मि कुरुव-पहाणएहिं
 परिमिउ सामंतेहिं थोडएहिं
 उब्भिय-कंचण-कणियार-केउ
 अवगण्णेवि कुरुवइ दोणि दोणु
 कियवम्म-विंविंइ-दुम्मुहाह

४

८

घत्ता

एयारह-सरेहिं
 णाइं कउरव-णाहहो

घउ गंगेयहो पाडिउ ।

पढमु मडप्फरु साडिउ ॥

९

[१०]

गंगेएं दसहिं सरेहिं विद्धु
 सउहदें हिम-गिरि-पंडुरंग
 मदाहिउ पंचहिं उरसि विद्धु
 किउ छाइउ गिरि-व महा-घणेहिं

पुणु विहिं कप्परिउ कुमार-चिधु
 चउ-सरेहिं वियारिय चउ तुरंग
 णं सविस-विसम-विसहरेहिं खद्धु
 जल-थल-णह-मंडल-लंघणेहिं

४

एक्के कियवम्म स-मम्म भिण्णु
अवरेण विविञ्जइ किउ गिरत्थु
दुम्मुहहो सरासणु किउ दुखंडु
तं छिण्णु कुमारे कुद्धएण

दुम्मुह-सूयहो सीसु
सरवरे णं सयवत्तु

कह-कह-वि ण रण-देवयहो दिण्णु
रिउ संकिय एहु अणेक्कु पत्थु
अवरेक्कु लयउ जिह काल-दंडु
सहु कवएं समउ महद्धएण
घत्ता

छिण्णु रणंगणे वाले ।
तोडेवि धित्तु मराले ॥

[११]

णइ-णंदणेण णर-णंदणासु
तं छिंदइ भिंदइ हणइ वालु
तहिं तेहए काले विओयरेण
रवि-रहवर-विग्भम-रहवरेण
तिहिं तिविहेहिं तवण-समुज्जलेहिं
किय एक्के दुम्मुहु वहु-विहेहिं
मदाहिउ विद्धु दसहिं सरेहिं
तहिं अवसरे समर-भयंकरेण

जइ-वि जयंधु रउदु
पभणइ गरुवउ सत्तु

समरंगणे पेसिउ सर-सहासु
णं खगवइ भीम-भुवंग-जालु
कुरु-जाउहाण-जमगोयरेण
इंदहणु-सम-प्पह-घणुघरेण
कियवम्महो अट्टहिं आसुरहिं
वारहहिं विविञ्जइ जम-णिहेहिं
तेण-वि ते तेत्तिय-तोमरेहिं
कारि चोइउ सल्लहो उत्तरेण

घत्ता

मणु संतावइ एंतउ ।

सोहइ दाणइ देंतउ ॥

[१२]

सो करिवरु सुर-करिवर-समाणु
घाइउ मदाहिवे वद्ध-लक्खु
णं जलहरु परि उप्पण-देहु
सिक्कार-भरिय-भुवर्णातरालु

कलहोय-णिवद्ध-महाविसाणु
णं अंजण-गिरि उप्पण-पक्खु
मय-परिमल-मेलाविय-दुरेहु
णक्खत्तोवम-णक्खत्त-मालु

परिभमिर-भमर-झंकार-सोहु
सारहि तुरगु दूमंतु हुक्कु
करि पूरिउ सरवर-सरेहिं एंतु
वडराडिहे मुक्क वलंति सत्ति

कण्णाणिल-चालिय-चामरोहु
सल्लाहिउ रणउहे कह-वि चुक्कु
किं चुक्कइ अरि दाणइ-वि देंतु
उरे णिवडिय णं खय-काल-रत्ति ८

घत्ता

सत्तिए भिण्णु कुमारु
पाण त्रिसज्जिय तेण

खंचोवरि जे गइंदहो ।
सुमरणु करेवि जिणिंदहो ॥ ९

[१३]

विणिवाइउ उत्तरु रणे पयंडु
णं घम्म-सुयहो अहिमाण-खंभु
णं पत्थहो समरुच्छाहु भग्गु
तहिं अवसरे घाइउ पवण-वेउ
णय-विक्कम-विणय-सिरी-णिवासु
सो वेडिउ अट्टहिं पत्थिवेहिं
जयसेण-रुप्परह-कोसलेहिं
अवरेहिं-मि पवर-महारहेहिं

णं णिवडिउ मच्छहो वाहु-दंडु
णं भीमहो भीम-भुयावरंभु
णं जमलहुं अयस-कलंकु लग्गु
मच्छाहिव-सुउ णामेण सेउ ४
सेणावइ-पट्टु णिवःदु जासु
विंदाणुविंद-मदाहिवेहिं
कण्हाय-णरिंद-विहव्ववेहिं
दुम्मुह-विहवत्त-जयदहेहिं ८

घत्ता

तो विप्फारेवि चाउ
सयल-वि सेए' विद्ध

फुरिय-फणिंद-समाणेहिं ।
सत्तेहिं सत्तेहिं वाणेहिं ॥ ९

[१४]

तेहि-मि ओवाहिय-रहवरेहिं
सो सत्तेहिं सत्तेहिं तोमेरेहिं
ते सयल-वि भग्गण मग्गियत्थ
गिरि-मेरु-समप्पह-संदणेण

विप्फारिय-पवर-घणुद्धरेहिं
हउ भीम-भुयंग-भय करेहिं
णं किविण-णिहेलणे गय णिरत्थ
लहु-हत्थे' मच्छहो णंदणेण ४

सयलहं वि विहत्तइं घणुवराइं
 सयलहं तणु-ताणइं ताडियाइं
 सयलाह-मि सत्तिउ पेसियाउ
 सुउ सल्लहो सत्तेहिं सरेहिं छिक्कु
 सेणावइ विलसइ एम जाम

सयलहं वि हयइं रह-कुव्वराइं
 सयलहं वय-छत्तइं पाडियाइं
 सयला वि सरेहिं णीसेसियाउ
 रूप-रहुं वि-रहुं किउ कर्हिं-मि ल्हिक्कु ८
 घट्टज्जुणु वहु-रहु पत्तु ताम

घत्ता

दुमय-विराडहं पुत्त
 पवण-हुवासण जेम

दप्पुम्भड किलिकिलिया ।
 विण्णि-वि एक्कहिं मिलिया ॥

१०

[१५]

एत्तहे-वि पियामहु रणे रउहु
 गय-घड-वेलाउल्ल वल्ल-जलोहु
 मंथणहण(१) सक्किउ पत्थिवेहिं
 स-सिंहं-डि-पंडि-घट्टज्जुणेहिं

मज्जाय-विवज्जिउ जिह समुद्दु
 रंगंत-तुरंग-तरंग-सोहु
 सोमय-सिजय-मच्छाहिवेहिं
 तवत्तणय-भीम-जमलज्जुणेहिं

४

ण णिवारिउ केहि-मि समुद्दु एंतु
 सीसक्क-कवय-वर-घणु-घराइं
 तर्हिं अवसरे वाहिय-संदणेण
 सामण्ण-अण्ण-आहव-पइद्ध

कुंडल-मंडिय-भड-सिरइं लेंतु
 महियले पाडंतु णिरंतराइं
 पडिखलिउ विराडहो णंदणेण
 गंगेय थाहि कर्हिं जाहि विद्ध ८

घत्ता

पंडव-कुरुव-पहाण
 देवासुर-संगामे

भिडिय वे-वि सेणावइ ।
 सुक्क-विहप्फइ णावइ ॥

९

[१६]

तिहुवण-वहिरण-रण-पडह देवि
तो परिओसिय-सक्कंदणेण
दूसह-रवि-किरण-भयंकरेहिं
तहिं अवसरे पुलउम्मिण्ण-गत्तु
आइत्तु विविञ्जइ अतुल-मल्ल
सयलेहि-मि अ-खत्तें लइउ सेउ
सयल-वि समरंगणे किय णिरत्थ
भाईरहि-णंदणु परम-चिंधु

तेण-वि थाणु रएवि
अवसें जंति ण मोक्खु

गगेय-सेय पडिल्लग वे-वि
पहिलउ जे विराडहो णंदणेण
गंगा-सुउ छाइउ सरवरेहिं
दुज्जोहणु लेहु भणंतु पत्तु
दुम्मुहु कियवम्मु सुसम्मु सल्ल
सयलह-मि स-घणुवर छिण्ण केउ
वियलिय-पहरण संसुदिय-गत्त
पण्णारह-वारह-सरेहिं विद्धु
घत्ता

सर सरवरेहिं परज्जिय ।
णिग्गुण धम्म-विवज्जिय ॥

४

८

९

[१७]

पुणु दूरोवगिय-वम्महेण
सेएण-वि किय-कडवंदणेण
घउ ताडिउ पाडिउ छत्त-दंडु
लइ वट्टइ आइउ ताय-ताउ
तो सरि-सुएण घाय-दंडु छिण्णु
अवरेहिं चऊहुं चयारि वाह
वि-रहेण धरंतें घित्त सत्ति
पुणु मुक्कु कुमारें लउडि-दंडु

स-घउ स-तुरउ स-सूउ
देवेहिं दुंदुहि दिण्णु

हउ दसहिं सरेहिं पियामहेण
जेट्ठेण सुजेट्ठा-णंदणेण
गंगेय-सरासणु किउ दु-खंडु
लहु णासहि हाहाकारु जाउ
विहिं भल्लिहिं एक्कें सूरु भिण्णु
मण-पवण-खगाहिव-जव-सणाह
स-वि दसहिं सरेहिं विहत्त ज्जत्ति
सो घरेवि ण सक्किउ रणे पयंडु
घत्ता

रहु गंगेयहो चूरिउ ।
कउरव-णाहु विसूरिउ ॥

४

८

९

[१८]

णहे ताव समुद्र्ठिय दिव्व वाणि
 ण णिहम्मइ एहु केण-वि परेण
 वयणेण तेण थिउ सावहाणु
 तो सेए' वर-करवालु लेवि
 करे करइ सरासणु अवरु जाम
 तहिं णर-णंदणेण वलुत्तणेण
 सइणेए' आहउ सर-सएण
 ते सर णरवर-सरे' सावलेव

अहो सुर-णइ-णंदण कढिण-पाणि
 मारेवउ पइं-जे महा-सरेण
 किर कइढेवि धिवइ ण धिवइ वाणु
 घणु-गुण गंगेयहो छिण्ण वे-वि ४
 हउ भीमें सट्ठिहिं सरेहिं ताम
 विसहिं भल्लेहिं घट्टज्जुणेण
 पंचहिं एककेक्के' कइकएण
 विणिवारिय सीहें हरिण जेम्ब ८

घत्ता

पलय-करेण सरेण

विद्वु तरंगिणि-तोए' ।

पाडिउ महियले सेउ

कलयलु किउ कुरु-लोए' ॥ ९

[१९]

संभरिउ मर-ते- देव-देउ
 गिरवज्जु गिराउहु गिरुवसग्गु
 पच्चक्खु परोक्खु पमाण-सिद्ध
 सयलामल-केवल-णाण-णयणु
 जसु तिण्णिण सियायव-वारणाइं
 जसु परमासोउ असोय-दाणि
 जसु मणहरु सुरतरु कुसुम-वासु

परिणिमल्लु णिककलु गिरुवलेउ
 गिरवेक्खु गिरंजणु सुहय-भग्गु
 परमट्ट-महा-गण-समिद्ध
 गिरुवम-परमागम-वयण-वयणु ४
 तइलोय-पहुत्तण-कारणाइं
 जसु पर-उवयारिणि परम वाणि
 भा-वल्लय-वल्लय-आवयवु जासु

घत्ता

तं देवाह-मि देउ

तिहुयण-मंगल-गारउ ।

सग्गु वल्लग्गु कुमारु

सरेवि सइंभु-भडारउ ॥ ८

*

इय रिट्टणेमिचरिए धवलइयासिय-सग्रंमुएव-कए
 अट्टतीसमो संधि-परिलेओ समत्तो ।

*

उणतालीसमो संधि

वद्दु पद्दु घट्टज्जुणडो वड्वस-वयगुच्चरियइं छुट्टइं ।
दिवसए दुइज्जए सरहसइं पंडवकुरुव-वलइं अब्भिट्टइं ॥१?

[१]

पुच्छिउ सेणिएण परमेसरु	एवं देव गउ पहिलउ वासरु	
वीए दिवसे अक्खु जं होसइं	तं गिसुणेवि महा-रिसि घोसइं	
उत्तर-सेय वे-वि विणिवाइय	कुरु रण-रहसें कहि-मि ण माइय	
गय जरसंघहो पासु स-संदण	पद्दु णिट्ठविय सुजेट्टा-णंदण	४
अरुणु पयट्टु ताम अत्थवणहो	पंडव दुम्मण गय गिय-भवणहो	
वड्यरु सुणेवि स-दुक्खउ रोवइं	घरिणि विराडहो अप्पउ सोयइं	
णल्लिण-व हिम-दवेण संताविय	हा हय विहिं महु पुत्त ण दाविय	
अहो णारायण पंडव-पक्खिय	पइ-मि कुमार मरंत ण रक्खिय	८
	घत्ता	

भणइ जणदणु माए सुणि	जाव जीवहो दुक्कइ मरणउं ।
अमरेहि-भि परिरक्खियहो	तावेइं को-वि णाहिं तहो सरणउं ॥ ९

[२]

एम-वि कल्लणु रुवंति ण थक्कइं	अणुपरिवाडिए णरवइं तक्कइं	
अहो तव-तणय पइ-मि ण गवेसिय	पुत्त महारा केत्तहे पेसिय	
अहो अहो भीमसेण अहो अज्जुण	अहो सच्चइं सिंहंडि घट्टज्जुण	
अहो विराड अहो दुमय-गराहिव	अहो अहो कासिराय अहो चेइव	४
अहो जमलहो कउरव-कुल-कालहो	अहो अहिवणु-घुडुक्कय-वालहो	
सब्बेहिं मिलिय ण रक्खिउ उत्तरु	केण-वि काइ-मि दिणु ण उत्तरु	
पभणइ घम्म-पुत्तु तहिं अवसरे	सल्लहो सत्तारइमए वासरे	
जइ मइं थत्ति ण किय जम-सासणे	तो पइसरमि णिरुत्तु हुवासणे	८

घत्ता

भणइ सिंहंडि पियामयहो
णवमए दिवसे णिसा-गमणे

जइ ण ठवमि सरीरु सर-संथरे ।
तो हउं झंप देमि वइसाणरे ॥ ९

[३]

करेवि पइज्ज परिट्टिउ राणउ
कहि सहएव केम महि जिज्जइ
तेण णवेप्पिणु कहिउ णरिंदहो
पट्टु णिवंधु देव घट्टुज्जणे
किउ अहिंसेउ समप्पिउ रण-भरु
कुरुवेहिं अवरु वृहु विरइज्जइ
किय-कलयलइं समाहय-तूरइं
जुज्जण-मणइं अणिट्टिय-तिट्टइं

पुच्छिउ मदि-पुत्तु बहु-जाणउ
एवहिं को सेणावइ किज्जइ
कउरव-करि-कप्परण-मइंदहो
खयहो जंतु कुरु कुद्धए अज्जणे ४
कोंच-वृहु णिम्मविउ भयंकरु
रयणिहे विरमि पयाणउं दिज्जइ
उब्भिय-घयइ पडिच्छिय-सूरइं
सामरिसइं रण-भूमि परिट्टइं ८

घत्ता

अविरल-सर-घारा-हरइं
पाउसे णव-घणउलइं जिह

हय-पडु-पडह-विजय-रव-भरियइं ।
पंडव-कुरुव-वलइं उत्थरियइं ॥ ९

[४]

हरि-खुर-खुण्ण-खोणि-रउ उट्टिउ
घरहु तुरंगम रह ओसारहो
जइ महु तणिय वसुंधर चप्पहो
हउं कुलीणु हउं सब्वहं सामिउ
वलि-णल-णहुस-दसाणण-राणा
ओए-वि अवर-वि जे जे जुज्झिय
को तव-सुउ को किर दुज्जोहणु
वरि अवहेरि करेवि पल्लइहो

णाइं णिवारउ मज्जे परिट्टिउ
करि अकुंसहो णराहिव घारहो
तो अच्छहिं पाणेहिं समप्पहो
जइ वट्टिउ तो केणायामिउ ४
सिंवि-दिलिव-मंघाय पहाणा
ताहं ताहं मइं विक्कम वुज्झिय
वसुमइ कासु कवणु आओहणु
णंतो महु सयल-वि आवइहो ८

घत्ता

एम घरेवि ण सक्कियइं
वलइं वे-वि रय-रक्खसेण

रण-रस-वसइं परोप्परु मिलियइं ।
एक्कु-जे कवलु करेवि णं मिलियइं ॥ ९

[५]

रउ परिवइद्विउ ल्मगु णहंगणे
भड पडंति रह-चक्केहिं चप्पिय
गय वइसरिय किवाणेहिं खंडिय
तहि-मि रयंधयारे रहसुभड
सिरइं पडंति णडंति कवंधइं
थामे थामे ओणल्लइं छत्तइं
थामे थामे महि कर-चरणंचिय
थामे थामे भल्लुय-फेक्कारइं

णासिउ चक्खु-पसरु-समरंगणे
रह फुट्टंति गइंद-झडप्पिय
वसुमइ एम सरीरेहिं मंडिय
धवघवसंत हणंति महामट ४
रुहिरइं परियलंति जहिं रंधइं
पुंजीकयइं महागय-गत्तइं
थामे थामे वेयाल्लइं णच्चिय
दुज्जउ अज्जुणु णाइं णिवारइ ८

घत्ता

थामे थामे भीसावणिय
विण्णि-वि वलइं मिलंतएण

दुत्तर रत्त-रंगिणि धावइ ।
काले जीह ल्लाविय णावइ ॥ ९

[६]

तहिं अवसरे पर-पवर-पुरंजउ
दिट्ठि-मुट्ठि-संधाणु ण दावइ
रणे फेडंतु असेसइं वूहइं
केण-वि घरेवि ण सक्किकउ एंतउ
काह-मि खुडइं खुरुप्पोहिं सीसइं
काह-मि वच्छ दंत सर पेसइं
काह-मि करइं काय सय-खंडइं
काह-मि हणइं सरासण-जाणइं

स-सरु स-रहवरु स-घणु घणंजउ
कुरुवहं पलय-कालु णं आवइ
णं पंचाणणु वारण-जूहइं
खय-दिणणाहु डाहु णं दितउ ४
मउड-पट्ट-मणि-कुंडल-मीसइं
काह-मि हय-गय-रह णीसेसइं
काह-मि हणइं छत्त-घय-दंडइं
काह-मि सीसक्कइं तणु-ताणइं ८

घत्ता

विसमु धणंजउ विसमु रहु विसम सरासणि विसमु सरासणु
दिट्टु असेसेहिं कउरवेहिं णं चउ आहिरणु जम-सासणु ॥ ९

[७]

तो खय-सूर-समण्वह-तेएं	एंतु पडिच्छिउ णरु गंगेएं	
विसहर-विसम-विसोवम-वाणेहिं	सत्तत्तर सत्तरि परिमाणेहिं	
णवहिं जयदहेण वावलेहिं	मदाहिवेण-वि णवेहिं जे भल्लेहिं	
पंचहिं विसिहेहिं सउणिय मामें	दसहिं त्रिगण्णें णिग्गय-णामें	४
किवेण त्रिदू पंचासहिं वाणेहिं	दोणें पंचवीस परिमाणेहिं	
दोणायणेण समाहेउ सट्टिहिं	कुरु-परमेसरेण चउसट्टिहिं	
आएहिं अवरोहि-भि सामंतेहिं	छाइउ सरवर-सएहिं अणंतेहिं	
छिण्ण भिण्ण त्रिणिवारिय पत्थे	णाइं कसाय महारिसि-सत्थे	८

घत्ता

सउणि-सत्त-किव-कुरुव-पहु	कुरु-गुरु-सुय-गंगेव-जयदह ।	
चालिय अज्जुण-षाउसेण	रिउ-अगाह-गंभीर-महादह ॥	९

[८]

एक्क-रहेण सरासण-हत्थे	अमरिसि-कुद्धएण रणे पत्थे	
लाइय थरहरंत तहिं अवसरे	पंच सिलीमुह कुरु-परमेसरे	
पंचवीस णाराय पियामहे	छह दूसासणे अट्ट जयदहे	
णव किवे णव विकण्णे दस सउवले	वारह सल्ले चउदह विहवले	४
दो दोमुहे चयारि अत्तायणे	सट्टि दोणे सत्तरि दोणायणे	
सो ण को-वि जो लयउ ण वाणेहिं	परिह-मुसल-जम-दंड-पमाणेहिं	
छिण्णइं रह-तुंडइं रह-चक्कइं	कवय-धयायवत्त-सीसक्कइं	
उर-सिर-कर-चरणोरु-पएसइं	तोणा-धणु-वाहणइं असेसइं	८

घत्ता

सरवर-णहर-वियारियइं भय-विहलइं कंठ-ट्टिय-जीयइं ।
हरिणइं हरिणाहिवहो जिम णट्टइं पत्थहो कुरवाणीयइं ॥ ९

[९]

भग्गए णिय-वले कउरव-णाहें गरहिउ गंगा-सुउ असगाहें
अच्छहिं ताय काइं वीसत्थउ णिरवसेसु जगु जिणेवि समत्थउ
किं पंडवेहिं समाणु णहु जुञ्जहिं अम्हइं वंचेवि कहिं तुहं सुञ्जहिं ४
पहु-दुव्वयणेहिं वल्लिउ पियामहु णं विञ्जइरिहे अहिमुहु हुयवहु
भिडिय वे-वि गंगेय-धणजय विण्णि-वि जय-सिरि-गहण-समुज्जय
विण्णि-वि संतण-पंडु-सुहंकर विण्णि-वि तवसुय-कुरुवइ-किंकर
विण्णि-वि णं गिब्वाण-महागय विण्णि-वि ताल-पवंग-महाघय
विण्णि-वि जायरूवमय-सदण विण्णि-वि जण्हवि-जायवि-णंदण ८

घत्ता

पिहिय-दिसामुह तडि-चवल हय-पडु-पडह-पवइट्टि-मलहर ।
सर-धाराहर-गुण-गहिर णहे उत्थरिय णाईं णव जलहर ॥ ९

[१०]

विककम-विणय-णयागम-जुत्ते जय-जयकारिउ पंडुहे पुत्ते
थाहिं ताय रणु होउ सउण्णउं अज्जुणु अज्जु करइ पाहुण्णउं
तो संतणवे संतणु-जाए लइय-सिलासिय-सर-संधाए
दसहिं दसहिं पुणु दसहिं स-तीसहिं पुणु पडिवारउ णवहिं स-वीसहिं ४
तिहिं महु-मग्गणेहिं विचित्तेहिं णं परु दंसण-णाण-चरित्तेहिं
तो फग्गुणेण मुंज-पुंजक्खे विद्दु दहुत्तरेण सर-लक्खे
विहि-मि परोपरु छाइउ वाणेहिं विण्णि-वि पोमाइय गिब्वाणेहिं

विहि-मि परोप्परु वणियइं अंगइं विहि-मि परोप्परु हयइं रहंगइं ८
 विहि-मि परोप्परु छिण्णइं चिघइं विहि-मि अणेयइं कवयइं विद्धइं
 घत्ता

विहि-मि कौंति-गंगासुयहं दिट्ठि-मुट्ठि-संघाणु ण थक्कइ ।
 एक्कु-वि पउ-वि ण ओसरइ एक्कु-वि एक्कु जिणेवि ण सक्कइ ॥ १०

[११]

त्रिण्णि-त्रि हय-तुरंग हय-संदण संतण-पंडु-गराहिव-गंदण
 एवं करंति महाहउ जावेहिं मिडिय दोण-घट्टज्जुण तावेहिं
 घय-धुरि आसत्थामहो वप्पे पाडिय एक्केक्केण खुरुप्पे ४
 वाह चयारि-वि वाण-चउक्के घट्टज्जुणेण जमेण व दुक्के
 णव-वि विसिह किवि-कंतहो पेसिय तेण-वि णिरवसेस णीसेसिय
 मारणत्थु पुणु मुक्कु अणंतरु दुमय-सुएण करेवि सय-सक्करु
 चित्त सत्ति पुणु घणे णं विज्जुल तइल(?) घोय-कलघोय-समुज्जल
 स-वि दोहाइय छिण्णु सरासणु साराह पाडिउ चूरिउ संदणु ८
 घत्ता

लइय लउडि घट्टज्जुणेण घत्तिय दोणायरियहो उप्परि ।
 तेण-वि वंचिय असइ जिह णिवउिय दो-दळिकरेवि वसुंघरि ॥ ९

[१२]

जमल-णिवद्धानिड्डिय-तोणे वंचिउ लउडि-दंडु जं दोणे
 दुमय-सुएण लयउ वसुणंदउ चल-चामरु चामीयर-दंडउ
 खग-लट्ठि किय दाहिण-करयले स-ससि स-क्किज्जु मेहु णं णहयले
 धाइउ थाहि थाहि पभणंतउ असिउरेण सरवर वारंतउ ४
 तहिं अवसरे हिडिं-जमगोयर अंतरे थिउ घणु-हत्थु विओयरु
 णिय-रहे णिमिउ घणंजय(?) -सालउ सत्तिहिं सरेहिं विद्धु किवि-पालउ

तेथु काले कुरुणाहें जोइउ
वेदितु एक्कु अणेय-गइंदेहिं

सहुं गयवरेहिं कलिगु पचोइउ
णं दिवसयरु महा-घण-विदेहिं
घत्ता

मल्हण-सीलिय मय-विहल
रणमुहे भीमहो संमुहिय

दुरुदुल्लिय णं किंचि विहावइ ।
गय-घड दुक्क त्रिलासिणि णावइ ॥ ९

[१३]

घाइय दस सहास मायंगहं
गरुय-महागिरिवर-संकासहं
रक्खस-चरियह जलणिहि-णायहं
काय-कंति-कसणीकिय-गयणह
सिहरि-सिहर-सण्हिह-कुंभयलहं
तहि-मि मत्त-मायंगेहि रुंभइ
पुणु-वि कलिग-णाहु हक्कारिउ
आएहिं महु उवहासउ दिउजइ

आसीविस-विसहर-विसमंगहं
पवल-वलाहय-लील-पगासहं
दंत-दित्ति-घत्रलिय-दिब्भोगहं
कूर-गहाणण-दारुण-वयणहं
मय-सरि-सोत्त-सित्त-गंडयलहं
सो-वि मइंदु जेम पत्रियभइ
थाहि थाहि कइं जाहि अमारिउ
कुविउ भीमु किं गएहिं घरिउजइ
घत्ता

एक्कमेक्क कोक्कंत रणे
स-घणु स-संदणु सामरिसु

वे-वि भिडंति भिडंणि ण जावेहिं ।
सक्कदेउ थिउ अंतरे तावेहिं ॥ ९

[१४]

तेण भिडंतें सरेहिं वियारिय
छिण्णु महा-घउ पाडिउ घणुघरु
घाइउ झंप देवि अवणीयले
स-घउ स-सारहि चूरिउ संदणु
तो सयमेव णराहिउ कुद्धउ
सर पण्णारह मुक्क पयत्तें

भीमहो तणा तुरंगम मारिय
तो सहसत्ति पलित्तु विओयरु
भामेवि भीम गयासणि करयले
णिउ जम-पहेण कलिगहो णंदणु
णं केसरि गय-गंध-पलुद्धउ
छिण्ण विओयरेण असि-पत्तें

अवर चउइह तोमर पेसिय ते-त्रि खणंतरेण णीसेसिय
भग्गु कळिणु महा-गय-साहणु भाणुवंतु पर थक्कु स-वाहणु ८

घत्ता

तेण पचोइउ मत्त-गउ भमरि-भमर-झंकार-सुहावहु ।
घाइड भीमहो संमुहउ सक्क-करे-रिउ(?) णं अइरावउ ॥ ९

[१५]

तो थिर-थोर-पलंवर-भुयगालु चम्म-रयण-परिपिहिय-उरत्थलु
मंडलग्ग-मंडिय-दाहिण-करु घाइउ भीमसेणु जहि गयवरु
तहो अणवरय-पल्लोठ्ठ-मयंघहो चडेवि त्रिसाण-जुयले गउ खंघहो
विण्णि-वि त्रिविहाहरण-समुज्जल विण्णि-वि परिभमंत-तडि-चंचल ४
विण्णि-वि एककहो हत्थहो उप्परि विण्णि-वि कमु मुवंति जिह केसरि
विण्णि-वि घाय घिवंति परोप्परु विहि-मि णिणाए' वहिरिउ अंवरु
वे-वि सियारुण-फरेहिं अलंकिय उअयत्थइरि व ससि-सुरंकिय
लद्धावसरे' वग-संहरणे दिण्णु घाउ णह-लंघण-करणे ८

घत्ता

छिण्णु खंधु खंघेण सहं णिवडिउ सिरु सिर-वहणिहिं छूढउं ।
भिडिउ विओयरु गय-घडहं पडिउ कवंधु कवंचारूढउ ॥ ९

[१६]

दुज्जय-जाउहाण-जम-गोयरु हत्थि-हडहं ओवडिउ विओयरु
चलइ वलइ उल्लइ णिसुंभइ धावइ भमइ भमाडेवि रुंभइ
सो ण गइंदु जो ण दोहाइउ सो णारोहु जो ण विणिवाइउ
तं ण त्रिसाणु जं ण महि पाविउ तं ण कुंभु जं दलेवि ण दाविउ ४
सो ण हत्थु जो समरे ण खंडिउ सो ण पाउ जं लुणेवि ण छंडिउं
सो ण तुरंगमु जो ण विथारिउ सो ण णरिंदु जो ण वइसारउ

सारहि-रहिय-महारह-चक्रकइं घणु-गुण-कवय-सीस-सीसकइं
चामर-विघ-महाघय-छत्तइं महियले पुंजीकियइं समत्तइं

८

घत्ता

भीम-जमहो जेवंताहो कवण धरिणि विण्णाणु पउंजइ ।
अच्छउ गय-वड-सालणउ सेणु-वि एककु-वि कवलु ण पुज्जइ ॥

९

[१७]

तो-वि कलिगाहिवेण सुधीमहो लाइय थरहरंत सर भीमहो
तेहिं ण पीडिउ पंडुहे णदणु ताव तिसोएं पाविउ संदणु
तहिं वलगु तव-तणय-सहोयरु पुणु-वि कलिगें विद्धु विओयरु
णवहिं सिलीमुहेहिं कलधोएहिं आयस-फलेहिं महासिल-धोएहिं ४
कोति-सुण सत्त सर पेसिय तेहिं रहंग-अक्ख णीसेसिय
सच्च-सुसव्वएव विहिं पवरोहिं पाडिउ केउमंतु विहिं अवरोहिं
विहिं कलिगु कह-कह व ण घाइउ किंकर-णियरु अवरु उद्धाइउ
तेहिं महावलु लयउ अखत्ते तेण-वि ते हय समरासत्ते ८

घत्ता

भीमें भीम-परक्कमेण रहियहं सत्त-सयइं णिट्ठवियइं ।
मत्त-गयंदहं दस-सयइं पेयाहिव-पट्टणु पट्टवियइं ॥

९

[१८]

जाम भीमु रणु रुंडेहिं अंचइ ताम पत्त घट्टज्जुणु सच्चइ
तिण्णि-वि ते अग्गि-सम-देहा तिण्णि-वि कलि-कयंत-जम-जेहा
तिण्णि-वि भिडिय गंपि गंगेयहो पलय-दिवायर-दूसह-तेयहो
तिण्णि तिण्णि सर तिड्ढि-मि विसज्जिय तेण-वि तिहिं तिहिं णव-वि परज्जिय ४

भीमहो ह्य ह्य संतणु-तोए'
सत्ति विओयरेण परिपेसिय
लइय लउडि हरि-पीउसि-सेए'

घोसिउ कलयलु कउरव-लोए'
स-त्रि सुर-सरि-सुएण णीसेसिय
सारहिं णिहउ ताम सइणेए'

घत्ता

भीमु-वि मिडिउ कलिं-ग-वले
अइ-भुक्खालुउ कालु जिह

घट्टञ्जुणहो महारहे थाएवि ।
करि खायणहं लगु जगु खाएवि ॥ ८

[१९]

पस्वलु खंति जाम दप्पु-त्तण
तहिं अवसरे रण-रहसे ण माइय
तिण्णि-वि तिहिं-मि पडिच्छिय एंता
तावेत्तहे-त्रि अणिट्टिय-तोणहो
तो सुर-समह' अमाणुस-जोणिहिं
वहिं-मि परोप्परु छाइउ वाणहिं
तहिं अवसरे अहिवणु पराइउ
तिण्णि-वि लइय तेग णरारहिं

सच्चइ-भीगसेण-घट्टञ्जुण
आसत्थाम-सल्ल-किव धाइय
अविरलु सरवर-साइउ देंता
घाइउ दोवइ-णंदणु दोणहो ४
जाउ जुञ्जु घट्टञ्जुण-दोणिहिं
विण्णि-वि पोमाइय णिब्बाणेहिं
विज्जउ णां घणंजउ आइउ
रुप्पिय-मुंखेहिं कंचण-काएहिं ८

घत्ता

सिणि-सुय-पिहिं-सुय-दुमय-सुय
किव-मदाहिव-गुरु-तणय

तिण्णे-वि रणउहे रक्खिय वाले ।
तिण्णि-वि कवल-कलिय णं कालें ॥ ९

[२०]

लाइय पंचतीस सर सल्लहो
दस वच्छत्थले आसत्थामहो
मिडिय वे-वि परिवाहिय-संदण
लक्खणेण णव वाण विसज्जिय

किवहो दुवारहो अणिहय-मल्लहो
घाइउ ताम पुत्त महि-कामहो
णर-णंदण-दुज्जोहण-णंदण
पंचासेहिं णर-सुएण परज्जिय ४

लक्खेणेण वाणासणु पाडिउ कह-वि कह-वि तणु-ताणु ण ताडिउ
 अवरु सरासणु लेवि कुमारे रित ओसारिउ विक्कम-सारे
 वेढिउ णर-सुउ णरवर-विदेहिं सीह-पोउ णं मत्त-गइंदेहिं
 तहिं अवसरे मंडीव-विहत्थे णिय-सुउ उब्बेढाविउ पत्थे ॥ ८

घत्ता

ताम दिवायरु अत्थमिउ णाई वे-वि चिरहो परियत्तइं ।
 गलिय-सयं-भूसण-सयइं णवर-मिहुणइं णिसुद्धिय-गत्तइं ॥ ९

*

इय रिट्ठणेमिचरिए घवलइयासिय-सयंमूपव-कए
 उणतालीसमो इमो सग्गो ॥

*

चालीसमो संधि

पसरिय-कलयलइं हय-तूरइं उक्खय-खगइं ।
तइयए दिवस-मुहे कुरु-पंडुव-वलइं आलगइं ॥ १

[१]

मगहाहिउ पुच्छइ परम-रिसि गउ दिवसु दुइज्जउ गलिय णिसि
कहि तइयए वासरे काइं किउ विहिं सेण्हं कवणु कवणु विजिउ
परमेसरु अक्खइ सेणियहो विटविय-सम्मत्तहो खोणियहो
सुणु तइयए दिवसे भयावहेण किउ गारुड-बूहु पियामहेण ४
सइं वयणे परिट्टिउ दुव्विसइ गले सिघउ पुट्टिहे कुरुव-पहु
विदाणुविद दाहिण-दिसए कालोर-कुणीर वाम-त्रिसए
पंडवेहि-मिं अद्धइं दुहइउं हय-गय-रह-णरवर-अट्ठभइउ
भीमज्जुण कोडिहिं विहि-भि थिय अवसेस णराहिव गम्भु किय ८

घत्ता

बूहुं रएविणु णिय-वलेहिं कुरु-पंडण भिडिय रणंगणे ।
विविहेहिं त्रिमाणेहिं (?) वंदारय थिय गयणंगणे ॥ २

[२]

थिउ णहे स-पुरंदरु अमरयणु णव-पाउसु जिह आलगु णु
गज्जेत-मत्त-मायंग-घणु मंडलिय-सरासण-इंदहणु
विपफुरिय-खग-विज्जुकरिसु सर-धारा-थोर-त्थेम-वरिसु
वारसंत-धूलि-कद्धमिय-णहु णीसरिय-णिरंतर-णइ-णिवहु ४

अरुणद्वय-इंदगोत्र-छइउ
धूय-ववल-कलात्री-पंडुरिउ
तहि अवसरे एक-सहास-रहु
ते भिडिय परोपरु वे-वि जण

ताम वलुद्धरेण
अंतरे कुरुवइहो

तिलसेण-कणिट्टे सउवलेण
आभिष्ट वे-वि सिणि-गंदणहो
हय हयवर सारहि णिदल्लिउ
णर-गंदण-संदण-वीढे थिउ
पेक्खंतहो तहो दुज्जोहणहो
एत्तहे-वि भिडिउ रणे दुक्काहं
भेसाविउ पढमणिसायरेण
मुच्छाविउ कह-व ण मारियउ

तेत्तहे णवर णिउ
विणिण-वि भिडिय जहिं

णासंधिय-भीमाओहणेण
अहो पंडव-पक्खवाय-भरिय
सावेण सरेण वि जो दहहि
ण सिंहडि ण घट्टज्जुणु णिहउ

६

णीलंसुय-पट्टेहिं णीलइउ
रगु पाउस-कालहो अणुहरिउ
सइणेयहो घाइउ कुरुव-पहु
णं केसरि अमरिस-कुइय-मण

घत्ता
रण-रामा-लिंण-कामें ।
रहु दिज्जइ सउणिय-मामें ॥

[३]

तेण-वि रहु दिण्णु महा-वलेण
पडिभग्गु पसरु रिउ-संदणहो
गयणंगणे सच्चइ उल्ललिउ
पडिवारउ समरारंभु किउ
छडुविय तत्ति आओहणहो
कुरुवाहिव-भीम-धुडुक्काहं
हउ णवहिं सरेहिं विओयरेण
सूएण कह-व ओसारियउ
घत्ता

अगणिय-सुरिंद-जम-घणयहो ।
गंगेय-दोण-तव-तणयहो ॥

[४]

विणिण-वि गरहिय दुज्जोहणेण
दुवियइढ दुट्ट दोणायरिय
सो मद्दि-सुयह-मि संक वहहि
ण घुडुक्कउ णाहि अणु अजउ

८]

९

४

८

९

४

णइ-णंदण एककु त्रि ण किउ पइं
हउं सोसमि पंडव-जल-उवहि
ण जुहिट्टिलु ण विओयरु वहिउ
अवरइं त्रि ण एककु-त्रि आहणहि

पर वार-वार वेहवहि मइं
हउं देमि स-सायर सयल महि
ण - त्रि णरु णारायणेण सहिउ
सच्छंद-मरणु अप्पउं भणहि

हसिउ पियामहेण
दाणव-पलय-करु

घत्ता

रणे जोहिउ केण घणंजउ ।
महुसूयणु जासु सहेज्जउ ॥ ९

[५]

दुज्जोहण तो-त्रि ताह मिडमि
सर-सीरिउ करमि अराइ-वल्लु
कप्परमि कुंभि-कुंभ-त्थलइं
तच्छमि रह-रहिय-रहंग-सय
स-तुरंग णराहिव णिट्टवमि
रण-वहु-सवभाव-भाव-गयइं
महि रुंड-णिरंतर दक्खवमि
पइसारमि सरवर वइरि-गणे

गिरि-मत्थए असणि जेम पडमि
जिह अहि-त्रिहिण्णु पायालयल्लु
कइट्टमि स-रुहिर-मुत्ताहलइं
पाइमि चल चामर छत्त घय
रहिर-णइ-सहासइं उट्टवमि
णच्चावमि मड-कवंध-सयइं
णर-भोयणु भूयह चक्खवमि
जिह विसहर कोडर-पउर-वणे

घत्ता

एम भणेवि गउ
दुक्कु जुहिट्टिल्लहो

पेक्खंतहो कुरुव-णरिंदहो ।
जिह मित्त-गइंदु गइंदहो

[६]

पइसरिउ पियामहु पंडु-वले
णं केसरि मत्त-गइंद-थडे
णं खगवइ भीम-भुयंग-गणे
पविंयंभइ रुंभइ हत्थि-हउ

णं मंदरु खीर-समुद-जले
णं सरहु मइंद-विंद-त्रिसडे
णं वण-दवगि जर-वैस-वणे
कप्परइ खुरप्पेहि स-फर भड

णिदलइ रहंगइं रहिय-रह
छिंदइ धय-चिंधइ चामरइं
लहु करयल्लु खणु-विण वीसमइ
एक्कु जे एक्कउहु एक्क-रहु

विदवइ महा-तुरंग-णिवह
सीसक्कइं कवयइं घणुहरइं
णं पर-वले मइयवट्टु भमइ
परिसक्कइं णं कयंत-णिवहु

घत्ता

संक्रिय णिएवि रिउ
कहिं गइ कहो सरणु

तं पलय-भूय-अणुरूवउ ।
जगु सव्वु पियामहिभूयउ ॥

[७]

तो दुइम दणु-तणु-घायणेण
अहो अज्जुण अज्जुण संदणहो
एहु केण धरिज्जइ पलय-रवि
तो विप्फारिय-गंडीव-घणु
गंगेय-घणंजय अब्भिमडिय
णं गोविय अमरिस-भोव-गय
णं सीह ललानिय-जीह-मुह
कइ-ताल-महा-घय वे-वि जण

वोल्लाविउ णरु णारायणेण
आभिदट्टु महा-णइ-णंदणहो
पइं मेलेलेवि अवरु समत्थु ण-वि
उत्थरिउ णाइं णहे पलय-घणु
णं इंद-पडिंद समावडिय
णं सुर-दुग्घोइ पलोइ-मय
णं सरहसु उद्धुसियंगरुह
णिय-सामिहे वसुमइ देण-मण

घत्ता

पथें तिहिं सरेहिं
कुरुवइ-हियउ जिह

पलयग्गि-समप्पह-तेयहो ।
घणु पाडिउ तहो गंगेयहो ॥

[८]

घणु.खंडणे भुअण-भयावहेण
पइं मुएवि चित्ते कहो आरहडि
घणु अवरु लेवि सर पट्टविय
हय गय णर णरवइ पवर-रह

पोमाइउ पुत्तु पियामहेण
विण्णाणु विटत्तणु चारहडि
जउहिद्विल-वले वहु णिट्टविय
घय-उत्त-दंड-चामर-णिवह

गयणंगणु छाडु जाय गिसि
ण धणंजउ ण घणु ण सर-णियरु
तो लडु चक्कु गरुडासणेण

दीसइ ण दिवायरु ण-विय दिसि
ण जणदणु सिग्गिरि-चक्क-धरु
जं खंडवे दिण्णु हुवासणेण

घत्ता

तं करयले धरेवि
जोइस-चक्कु जिह

दारावइ-पुर-परिपाले ।
परिभमइ भमाडिउ काले ॥

[९]

किउ करयले चक्कु जणदणेण
अवरेहि-मि अवरइं पहरणाइं
केसवेण दुत्तु गंडीव-धरु
तो ओसरु ओसरु संदणहो
असिवरेण वियारमि वच्छयल्लु
विण्णासमि विक्कमु अप्पणउं
गंगेय-दिवायरु अत्थमउ
विण्णवइ विओयरु पणय-सिरु

गय भीमें धणु सिणि-गंदणेण
दुव्वार-महारिउ-वारणाइं
जइ धरेवि ण सक्कहि समरु-भरु
हउं भिडमि महा-णइ-गंदणहो
दस-दिसहिं विहंजमि कुरुव-वल्लु
फेडमि जम्महो जगे जंपणउं
णारायण-चक्क-तिमिरु भमउ
आएसु भडारा अत्थि चिरु

घत्ता

हम्मइ देव रणे
एहु अट्टमए दिणे

णउ पइं णउ मइं णउ पत्थे ।
सइं मरइ सिहंडिहे हत्थे ॥

[१०]

गंगेएं पभणिउ मह्महणु
जरसंघहो कुरुवइ आणकरु
वड्डारउ अंतरु सुर-णरहं
जइ तुहुं जिउ तो मइं लद्धु जउ

पडि-किंकरेणु सहुं कवणु रणु
हउं तासु पियामहु भिच्चयरु
समसीसी का महु किंकरहं
जइ हउं जिउ तो वहु अयसु तउ

एवइडु कोउ जइ लइउ पइं
तो दोमइ-देहाणज्जुणेण
जइयहुं जे महाहउ आढविउ
अट्टारह दिवस गिराउहेण

तो पहरु पहरु मुए चक्कु सइं
गारायणु पभणिउ अज्जुणेण
तइयहुं जे देव तुहुं विण्णविउ
जोएवउं रण-मुहे अणुरुहेण

८

घत्ता

एस चवंतएण

करे घरेवि सउरि परिवत्तियउ ।

धीरउ होहि छुडु

कहिं जाइ देव महु खत्तियउ ॥

९

[११]

तो एम भणेवि वद्धामरिसु
उत्थरिउ सरेहिं गंडीव-घरु
घणु वहइ अलाय-रहंग-छवि
णिसुणिज्जइ जलयर-घोसु पर
सारोहे अणारोहे वि दुरए
रहे रहिए रहंग-धुरग्गे घए
गंगेउ ण दीसइ ण-वि य रहु
णर-सर-त्रियणाउरु भग्ग-मणु

रण-भर-धुर-घोरिउ दुद्धरिसु
णं धारासारेहि अंबुहरु
संघाणु ण दीसइ मोक्खु ण-वि
जले थले णहै दिसि-वहे भरिय सर
सुण्णासणे सासवारे तुरए
सिरे उरे करे चरणे वम्मे कवए
ण दिवायरु ण-वि महि ण-वि य णहु
अप्पंपरिहुवइ वइरि-गणु

४

८

घत्ता

कहिं संतण-तणउ

कहिं कुरुवइ कहिं कुरु-साहणु ।

कुद्धउ जाहं रणे

णरु सेय-तुरंगम-वाहणु ॥

९

[१२]

पप्फुल्लिय-जंरण-कंजएण
उप्पणु कोहु दुज्जोहणहो
घाइउ दूसासणु सल्लु वल्लु
भूरीसउ गुरु-सुउ दोणु किउ

परिपूरिउ संखु घपंजएण
रक्खहो गंगेउ पत्थु हणहो
सउवल्लु विहवल्लु अपमेय-वल्लु
एक्कवल्लु अंज्जुणु वहु-वरिउ

४

वेढिउजइ उव्वेढिउजइ-वि

चउ-पासिउ विंइ विंघइ-वि

पउरं'दरि-वाणेहिं सव्व जिंय

णिप्पहरण स-व्वण भग्ग भड

णउ भउजइ पर-वल्लु भंजइ-वि

घणु भमइ सरासणि संघइ-वि

हरिण व सीहेण गिरत्थ किय

णउ णाय कहिं गय हत्थि-हड

घत्ता

भग्गइं णिय-वल्लइं

णर-णारायणहं

अत्थमिउ दिवायरु णहयले ।

जसु भमइ सइं भू-मंडले ॥

९

*

इय रिट्टणेमिचरिण घवल्लइयासिय-सयंभुएव-कए चालीसभो सग्गो ॥

*

एककचालीसमौ संधि

रण-रामालिंगण-मणइं
दिवसे चउत्थए सरहसइं

दणु-दप्पहरण-पहरण-वीयइं ।
भिडियइं पंडव-कुरुवाणीयइं ॥ १

[१]

पुच्छिउ सेणिएण सो मुणिवरु
कहि जं दिवसे चउत्थए होसइ
णिसि पडिवणण गियत्तइं सेणणइं
भिडियइं समरिसइं समर'गणे
जायव-जरसंधायाणीयइं
रवि-मंडल-अब्भंतरे छुद्धउ
कवणु पएसु तेण णउ ढक्किउ
पडिणियत्तु पडिपाविय-रिद्धउ

एम देव गउ तइयउ वासरु
तं णिसुणेवि महारिसि घोसइ
अरुणुगमे कुरुखेत्तु पवणणइं
रउ णिव्वडिउ चडिउ गयणंगणे ४
रय-रक्खसेण घसेवि णं पीयइं
गहण-क्काले णं गहेण णिरुद्धउ
लोयावहि लंघणहं ण सक्किउ
तेण णाइं रुहिर-णइ पइद्धउ ८
घत्ता

तहिं तेहए संगाम-मुहे
स-सरइं लेवि सरासणइं

दुणिवार-वर-वइरि-पुरंजय ।
भिडिय वे-वि गंगेय-घणंजय ॥ ९

[२]

तहिं अवसरे भाणुवहे कंते
ताडिउ पंडु-पुत्तु छहिं वाणेहिं
छिण्णु वल्लद्धरेण सेयासें
भूरीसवेण सत्त सर पेसिय

संतण-तणयहो रक्ख करेतें
रुप्पिय-पुंखेहिं णाय-पवाणेहिं
णउ जाणिय गय कवेणं पासें
ते-वि घणंजएण णीसेसिय ४

मदाहिवेण महा-गय मुक्की
 कौंति-सुएण छिण्ण स-वि एंती
 सत्ति पियामहेण आम्मेळिय
 छिण्णणइं सव्वाउहइं णरिंदहं

णं सोदामणि ठाणहो चुक्की
 णं खल-दुम्मइं दुक्खइं दिंती
 खंडव-डामरेण णित्तेल्लिय
 णाइं विसाणइं गयइं गइंदहं ८
 घत्ता

एक्कु घणंजउ रिउ वहुय
 हरिणइं हरिणाहिवहो जिह

कउरव-संढ तो-वि रणे रुंभइ ।
 दूरवरेण-वि ढोउ ण ल्भइ ॥ ९

[३]

एम जाम पवियंभइ अज्जुणु
 वेढिउ एक्कु दसहिं सामंतेहिं
 दस-वि महा-रह दस-वि घणुद्धर
 दसह-मि दस सोवण्णइं छत्तइं
 दसह-मि दस रसंति वाइत्तइं
 दसह-मि दस-वि महा-घय ताडिय
 दसह-मि दस सारहि-वि णिवाइय
 दसह-मि खंडियाइं रह-चक्कइं

ताम तिगत्तएहिं धट्टज्जुणु
 चउ-दिसु हण-हण-कार करंतेहिं
 दस-वि देव-दाणवह-वि दुद्धर
 दसह-मि दस चामरइं महंतइं ४
 दसह-मि दस चिंघाइं विचितइं
 दसह-मि दस स-जीव घणु पाडिय
 दसह-मि पवर तुरंगम घाइय
 दसह-मि हयइं कवय-सीसक्कइं ८

घत्ता

दसह-मि दस छिण्णइं सिरइं
 माणस-सरवरे पइसरेवि

कुंडल-मउड-पट्ट-पजलंतइ ।
 हंसे हवइं (?) णाइं सयवत्तइं ॥ ९

[४]

ताम घणुद्धरेण मण-गमणे
 मरु कयंत-दंतंतरे वट्टहि
 दुमयहो णंदणु बल्लिउ स-मच्छरु
 भिडिय वे-वि णं जिण-मयरद्धय

थाहि थाहि हक्कारिउ दमणे
 कहिं जालंधरु हणेवि पयट्टहि
 णं अवलोयण-समए सणिच्छरु
 गंधवाह-धुय-धवल-महा-घय ४

दोमइ-भायरेण तुरमाणे
अवरें किंकर मारिय थोडा
अवरें स-सरु सरासणु ताडिउ
सुहड-कवंधु गिरारिउ भंडइ

छिण्णु महा-घउ एक्के वाणे
अवरें सारहि अवरें घोडा
अवरें सिरु महि-मंडले पाडिउ
मुट्टि-मोक्खु संघाणु ण छंडइ

घत्ता

रुंडु रणंगणे चितवइ

जाउ सीसु असमाणिय-कज्जउ ।

छुडु वे-वाहउ होंतु महु

अण्णु-वि तइयउ हियउ सहेज्जउ ॥ ९

[५]

विसम-रहेण विसम-रह-जुत्ते
रुप्परहहो लहुण्णु कुमारे
विणित्राइय-एयारह-राणा
दसहिं सरेहिं विद्धु घट्ठज्जुणु
भीम-भुवंगमोवम-काएहिं
पाडिउ आयवत्तु घउ घणुहरु
घाइउ सल्ल-सूणु असि-करयलु
लइय लउडि घट्टज्जुण-वीरे

हक्कारिउ मदाहिव-पुत्ते
केसरि-पोय-परक्कम-सारे
थाहि थाहि कहिं जाहि अयाणा
तेण-वि सज्जीकरेवि घणुग्गुणु
पंचाहिय-सत्तरि-गाराएहिं
सारहि रहु रइंगु हय चामरु
चम्म-रयण-छाइय-वच्छत्थलु
अविरल-पुलउडिभण-सरीरे

घत्ता

मत्थए पहउ गयासणिए

दुमय-सुएण सिह डिहे भाएं ।

चूरिउ-सिरु स-सिरावरणु

गिरिवर-सिहरु णाइं णिग्घाएं ॥ ९

[६]

ताम महाहत्ते अणिहय-मल्ले
सुउ महु तणउ हणेवि कहिं गम्मइ
एम भणेवि तिहिं सरेहिं समाहउ
चेयण लहेवि सरासणु ताडिउ

जण्णसेणि हक्कारिउ सल्ले
विहिं समरंगणे एक्कु णिहम्मइ
घट्टज्जुणु मुच्छाणुवस गउ
णं मदाहिव-हियवउ पाडिउ

४

तहिं वगं ते दारुणे संगरे
तिहिं मग्गणेहिं विद्धू मद्दाहिउ
दूसासण-समाण दस राणा
अंतरे पइसारिय दस मलहर
ताम विओयरेण ते रुद्धा

लहु अहिवणु परिद्धिउ अंतरे
ताव पघाइउ कुरुव-गराहिउ
सल्लहो रक्ख करेवि पहाणा
सर-घारेहिं वरिसंत-व जलहर ८
सीहें हरिण-व संसए छुद्धा

घत्ता

णर-णंदणु पुट्ठिहिं करेवि भिडिउ भीमु दसह-मि सामंतह ।
णावइ मज्झे परिब्भमइ मंदरु खीर-समुदावत्तहं ॥ १०

[७]

तिहिं दूसासणेण तहिं अवसारे
हउ दुमुहेण णवहिं णाराएहिं
ताण-वि तेण वाण णीसेसिय
जमलेहिं ताम सल्लु आटत्तउ
लउडि-करहं एत्तहे-वि सुधीमहं
तो जरसंघे कोव-पलित्ते
मागहु णाम णराहिउ चोइउ

दुज्जोहणेण चउहिं थणंतरे
पलय-जलण-जाला-राच्छाएहिं
पंचवीस एककेकहो पेसिय
णं विहिं करेहिं महाकरि मत्तउ ४
रणु पारंभिउ कुरुवइ-भीमहं
दुज्जोहण-परिरक्ख-णिमित्तं
जमेण पयंडु दंडु णं ढोइउ

घत्ता

सत्तहिं सएहिं णराहिवेहिं मत्त-गइंदेहिं दसहिं सहासेहिं ।
घाइउ पाउसु कालु जिह भीमहो उत्थरंतु चउ-पासेहिं ॥ ८

[८]

वल्लिउ विओयरु मत्त-गइंदहं
णं संकंदणु गिरि-संघायहं
के-वि गयासणि घाएहिं घाइय
के-वि कयंत-महापुरे पाविय

णं खय-मारुउ जलहर-विंदहं
णं खगवइ आसीविस-णायहं
के-वि अण्णण-पहेण पघाइय
के-वि विहंगम जिह उड्ढाविय ४

के-वि स-कुंत-तोमर-णाराएहि
फेडिय गिरि-व सुराउह-घाएहि
के-वि गइंद गइंदेहि आहय
के-वि अराइ-णिवारण-भीमहो
दस-वि सहास एम विद्धंसिय

ताम सुहदा-णंदणेण
तिक्ख-खुरूपेण खुडिउ सिरु

दुज्जोहणेण अवरु वल्लु चोइउ
जो जो दुक्कइ तहो तहो पावइ
लउडि-पहारेणं णरवर-चक्कइं
जमल-जुहिट्टिल-दोमइ-णंदण
भीमहो दस पय-रक्ख परिट्टिय
जउ जउ भीमसेणु परिसक्कइ
ताम पियामहेण हक्कारिउ
त्रिण्णि-वि भिडिय महारउ उट्टिउ

दसहिं सरोहिं पियामहेण
णवहिं विद्धु भूरीसवेण

सच्चइ पंडवेहिं परिवारिउ
वल्लु खल्लु खुद पिसुण वहिं गम्मइ
विसु ण होइ जं भीमहो दिज्जइ
णउ पंचालि वाल वड्ढेवा

पलय-जलण-जाला-सच्छाएहि

× × ×

णं णिवडिय उप्पाय-वलाहय
सिरु धुणंति दुक्कंति ण भीमहो
तासिय पीसिय घसिय विणासिय
घत्ता

मागहु पिहिउ महा-सर-जालें ।
आरणालु सरे णाइं मरालें ॥ १०

[९]

तमिस-कसाएं जमेण-व जोइउ
कुद्धउ मयहं मयाहिउ णावइ
तिमि जिह मीण महण्णवे भक्खइ
सिहि-सिंहंडि-अहिमण्णु-ससंदण
कुरु-कुल-पलय-णिमित्तु समुट्टिय ४
तउ तउ पर-वले को-वि ण थक्कइ
वल्लु वल्लु तुहुं कहिं जाहि अ-मारिउ
सच्चइ अंतरे ताम परिट्टिउ ८

घत्ता

णवहिं अलंबुसेण उरे ताडिउ ।
तो-वि ण तासु मडप्फरु साडिउ ॥ ९

[१०]

भीमे कुरुव-राउ हक्कारिउ
पिडु ण होइ जं कवडेणं रम्मइ
घरु ण होइ जं सिहि लाइज्जइ
एवहिं पाण परोप्परु लेवा ४

कुरुव-गराहिउ वलिउ स-मच्छरु मीणे परिट्टिउ णां सणिच्छरु
 विण्णि-वि स-सर-सरासण-हत्था विण्णि-वि रण-भव घरे वि समत्था
 विण्णि-वि दिहि-कर णियय-कुडुं व्हं विण्णि-वि पिय भाणुवइ-हिं डिव्हं
 विण्णि-वि पुत्त कौंति-गंधारिहिं वे-वि पसंसिय सुरवर-णारिहिं ८
 घत्ता

वे-वि पंडु-घयरट्ट-सुय वे-वि घुडुक्कय-लक्खण-पाला ।
 सर-धारायर-दुब्बिसह णं थिय पाउस-कालुण्हाला ॥ ९.

[११]

तो धयरट्ट-जेट्ट-दायाएं णवहिं सरेहिं विद्धु कुरु-राएं
 दसहिं विओयरेण दुज्जोहणु एम महंतु जाउ आओहणु
 छिण्णु सरासणु कउरव-णाहहो आजाणुव-पलंवर-वाहहो
 फणि-लंछणेण अवरु घणु लेप्पिणु विद्धु घणंजय-जेट्टु धरेप्पिणु ४
 तणु तणु-ताणु वाणु गउ भिंदेवि महिहे पइट्टु सुट्टु अहि छिंदेवि
 तेण भीमु घुम्माविउ घाएं णं पायव-फलोडु दुव्वाएं
 लइ लद्धो सि मित्त काहिं गम्मइ एउ अवसरु जहिं वइरि णिहम्मइ
 एम भणंतु सत्तु-वल्लु धावइ णर-सुउ ताम दुक्कु जमु णावइ ८
 घत्ता

तेण सरेहिं अराइ-वल्लु लींहा-वद्धु धरिज्जइ दूरे ।
 दूसह-क्किरण-भयंकरेण तिमिरु णां ओसारिउ सूरे ॥ ९.

[१२]

चेयण-भाउ लहेवि सु-धीमें पंचवीस सर पेसिय भीमें
 ओसारिय किव-कुरव-जयदह गंधारी-सुय ताम चउइह
 धाइय कुंति-सुयहो रणे घोरहो मत्त करि-व केसारहे किसोरहो
 सयल-वि हेम-सरासण-धारा सयल-वि पणइ-मणोरह-गारा ४

सयल-वि रूत्रे वम्मह-जेहा
 सयल-वि मणिमएहिं सीसक्केहिं
 सयल-वि चिंधेहिं बहु-विह-वण्णेहिं
 सयल-वि णं खय-काले चोइय

सयल-वि पंडुहे णंदणेण
 पेक्खंतहो तहो दुज्जोहणहो

सयल-वि कवयालंक्रिय-देहा
 सयल-वि कणयमएहिं रह-चक्केहिं
 आयव-वारणेहिं सोवण्णेहिं
 सयल-वि भीम-कयंतहो ढोइय

घत्ता

तिक्ख-खुरूपेहिं घाइय ।

पेयाहिव-पुर-पंथे लाइय ॥

[१३]

चोइउ ताम दंति भयदत्ते
 णं गिरि मंदरु सव्व-सुरेसे
 गुल्लगुल्लंतु गज्जंतु पधाइउ
 पज्जोइसेण थणंतरे साडिउ
 छुडु छुडु चेषण-भावहो दुक्कउ
 विहि-वसेण रणे मरणहो चुक्कउ
 माया-गयवर ताम विणिम्मिय
 अज्जुणु पुंडरीउ अइरावणु
 भइमसेणि सहं तेहिं गइदेहिं

अहिमुहु माया-गयवरहो
 दोण-पियामह-सल्ल-सल

णं णव-जलहरु वासारत्ते
 णं तम-पुंजु दुक्कु गय-वेसे
 धम्म सुआणुएण सर-छाइउ
 मुच्छा-विहलु विओयरु पाडिउ
 अंतराले थिउ ताम घुडुक्कउ
 + + +

जे मय-वाहिणि-तोएं तिम्मिय
 संख-कुंद-पउमप्पह-वाहणु
 दिट्ठु कयंतु व णरवर-विदेहिं
 घत्ता

पेल्लिउ वारणिंदु भययत्ते ।

अंतराले थिय ताम पयत्ते ॥

[१४]

एम जाम जुज्जंत रणंगणे
 पसरु पवड्ढिउ जामिणि-तिमिरहो
 गउ अत्थाणे परिट्ठिउ राणउ
 भणइ भडारा पेक्खु पियामह

रवि अत्थमिउ ताम गयणंगणे
 वल्लइं पयट्ठइं णिय-णिय-सिमिरहो
 णिय-भायर-विओय-विदाणउ
 देव-देव देविंद-समप्पह

कोउहल्लु किं अत्थि ण तुम्हहं
 संतण-तणुरुहेण वोल्लिज्जइ
 माया-भायर-णंदणे माहवे
 जणणि-सहोयर-सुए तित्थंकरे
 सच्चइ कामपालु जहिं पज्जुणु

वइरिहिं विजउ पराजउ अग्गहं
 आएहिं वयणेहिं हांसउ दिज्जइ
 पंडव सयइं जिणंति महाहवे
 दुज्जय पंडु-पुत्त सइ संगरे ८
 मच्छु सिहंदि दुमउ घट्टज्जुणु

घत्ता

आए महाहवे दुव्विसह होंति पयंड-कंड-कोयंडेहिं ।

उत्थरंति णव जलय जिह जिणिय केण सयं भुव-दंडेहिं ॥ १०



इय रिट्टणेमिचरिए धवळइयासिय-सयंभुएव-कए इक्कतालीसमो सग्गो ॥



वायालीसमो संधि

वाइयइं त्रिचिन्त-वाइत्तइं गहियाउहइं स-कलयलइं ।
 पंचमए दिवसे आभिष्टइं विणिण-वि पंडव-कुरु-वलइं ॥१

[१]

परमेसरु णिम्मल-गुण-विहूइ सेणिएण पुच्छिउ इंदभूइ
 गउ दिवसु चउत्थउ एवं देव पंचमए मिडेसइ कवणु केवं
 तं णिसुणेवि मुणि-जण-मणहरेण सेणियहो कहिज्जइ गणहरेण
 मेल्लेवेवि चउव्विहु वल-समूहु विरइज्जइ दोणे मयर-वूहु ४
 जमकरण-भयंकरु दुण्णिरिक्खु घय-छत्त-पंडत-दियंतारिक्खु
 एत्तहे-वि दिण्ण मइ अज्जुणेण किउ सेण-वूहु घट्टज्जुणेण
 हय-पडह-भेरि-दडि-काहलाइं पडिलगइं पंडव कुरु-वलाइं
 गंधव-पुरोवम-रहवराइं णव-जलहर-विवभम-गयवराइं ८

घत्ता

वलग-तुरंग-तरंगइं गह-णक्खत्त-समाउहइं ।
 णं जगु सयरारु खंतेण काले कियइं विणिण मुहइ ॥ ९

[२]

रउ उगउ हरि-खुर-भिज्जमाणु चळणाहउ को व ण मुवइ थाणु
 धुय-अधुय-धुयाधुय-अवयवीसे अ-कुलीणउ को व ण चडइ सीसे
 पुणु करिवर-कुंभत्थलेहिं थाइ लक्खिज्जइ सीह-किसोरु णाइं
 धय-चामर-छत्ते चडिउ रेणु रह-वसहहो णं रोमंथ-फेणु ४

तहिं तेहए रण-रण अइ-रउदे भड संचरंति मीण-व समुदे
 पहरंति परोप्परु वद्व-कोह जा उट्टिय सोणिय-पाणि-ओह
 णिवडियइं सिरइं सुहडहं हयाइं णं कमलिणि-णालहं पंकयाइं
 अण्णेत्तहे णिवडिय वाहु-दंड णं भीम भुवंगम क्रिय दु-खंड ८

घत्ता

णच्चइ कवंधु परितुट्टउं जाउ दुवोल्लउं कहि-मि सिरु ।
 वाहउ पहरंति रणंगणे छुडु छुडु हियवउ होउ थिरु ॥ ९

[३]

रण-भूमिहिं रुहिर-जलइं ण मंति कर-कम-कवंध कुणइं व तरंति
 रह-चक्कइं ईसउ जुय-सराइं धय-चिंघइ छत्तइं चामराइं
 तणु-ताणइं जाणइं वारणाइं सीसइं सीसक्कइं पहरणाइं
 रउ पसमिउ पसरिउ सोणिओहु उप्पणु महणुउ दिणु-सोहु ४
 धय-छत्त-सिहर-संठिय-विहंग रुहिरइं पियंति परिओसियंग
 तहिं काले मइंदु व हरिण-जूहु पइसरइ विओयरु मयर-वूहु
 चूरंतु वलाइं अणिट्टियाइं सिर-पक्ख-पुट्ट-कंठट्टियाइं
 वाहिय-सवडभूह-संदणेण हक्कारिउ गंगा-गंदणेण ८

घत्ता

कहिं जाहि भीम लइ पहरणु वलु विण्णासहि एककु खणु ।
 पेक्खंतु देव कुरु-पंडव पोत्त-पियामइ होउ रणु ॥ ९

[४]

गंगेय-विओयर मिडिय वे-वि दडि-काहल-संख-मुइंग देवि
 पट्टविय परोप्परु णवर वाण विज्जुक्क-जलण-जाला-समाण
 संवट्ठोरु उक्काया सलाय(?) आसीविस-विसहर-विसम-काय
 वावल्ल भल्ल ससि-खंड रूव कण्णय खुरूप णाराय सूव ४

सूई-वियाढ दुदंसणीय वइहस्थिय णालिय अंजणीय
 वर तीरिय तोमर वरच्छदंत अवर-वि परिपेसिय थरहरंत
 तेहए पडिवणए समर-काले थिय स-धणु धणंजउ अंतराले
 सर-सएण समाहउ गंग-पुत्त गुरु कुरुव-णरिदें एम वुत्त ८
 रिउ वूह-वारु विदलेवि आय तुहुं काई ण पहरहि अक्खु ताय

घत्ता

तो वुच्चइ दोणायरिएण हउं इंदहो विमाणु मिलमि ।
 पर अज्जुणु धरेवि ण सक्कमि भीमु खणंतरु पडिखलमि ॥ १०

[५]

गउ एम भणेवि णिवद्ध-तोणु किर भीमहो भिडइण भिडइ दोणु
 तहिं काले अणुत्तम-संदणेण हक्कारिउ माहवि-णंदणेण
 वलु वलु अवहेरि करेवि कीसु तुहुं गुरु-गुरु हउं तउ सीस-सीसु
 णउ पइं लज्जावमि कहिउ तुज्जु कुरु पंडव सुर पेक्खंतु जुज्जु ४
 सो एम चवंतु महत्तरेण वाहुवहं मज्जे ताडिउ सरेण
 मुच्छा-विहलंघलिहूउ जाम मदाहिव-गुरु-गंगेय ताम
 तें भीमें धरिय समच्छरेण णं तिण्णि काल संवच्छरेण
 तेहि-मि समकंडिउ पंडु-पुत्त आरोडिउ करिहिं व सीहु सुत्त ८

घत्ता

पंचाली-सुहदा-तणएहिं छहि-मि णिरुद्धा तिण्णि जण ।
 मध-रोहिणि-उत्तरा-रिक्खहुं णं गयउरिणितट्ठु(?) घण ॥ ९

[६]

अण्णेत्तहे पाडेवि वलहो खंडि गंगेयहो अहिमुहु थिय सिहंदि
 अवहेरि करेवि गउ सरिय-सूणु णं केसरि-दंसणे व्हसिउ थूणु
 हक्कारिउ दोणें दुमय-पुत्त वलु वलु गुरु जइ रण-वसण-भुत्तु
 तो कालकेय-वव-तालु-मारि थिय अंतरेण गंडीव-घारि ४

गंगेउ वल्लिउ घणु स-सरु लेवि
रणु जाउ भयंकरु दुण्णिणरिक्खु
सोडीरहं सिरइं समुच्छलंति

पंडव-संतण आभिद्व वे-वि
सर-मंडव-मंडिय-अंतरिक्खु
णं फलइं ताल-वितहं पंडंति

७

घत्ता

कुरु-पंडव-वलइं विभिण्णइं
रण-भूमि मुएवि पणट्टइं

वांणेहिं पत्थ-पियामहेहिं ।
दिस-त्रिदिसिहिं पह-उप्पहेहिं ॥

८

[७]

रणु घोरु जाउ पुब्बव्ह-काले
आभिद्व पियामह-भीमसेण
स-कळिंणु स-साहणु कुरुव-राउ
अणवरय-रइय-सर-मंडवेहिं
तहिं काले किरीडि कइंद-केउ
विप्फारिय-घणु उद्धसिय-गत्तु
णिय-सीह-णाय-वहिरिय-णहद्धु
आवीलिय-गोहं गुलिय-जाणु

थिउ विहि-मि विओयर अंतराले
पोमाइय सक्के स-रहसेण
गंगेयहो रक्खणे मित्तु आउ
भीमु-वि परिवारिउ पंडवेहिं
पडिवारउ पडि-संगाम-हेउ
मुह-पवणाऊरिय-देवयत्तु
तोणीरालंकिय-गच्छिमद्धु
सय-सहसक्खोहणि-णिसिय-वाणु

४

८

घत्ता

सीमंतेवि सयल्लु-वि साहणु
गंगेयहो मिडिउ धणंजउ

तहो कोमार-महा-वयहो ।
जेम गइंदु महागयहो ॥

९

[८]

रणु जाउ पियामह-अज्जुणाहं
एत्तहे-वि विओयर-सिंधवाहं
एत्तहे-वि सच्च-भूरीवाहं
एत्तहे-वि पचोइय-संदणाहं

एत्तहे-वि दोण-धट्टज्जुणाहं
सहएव-विसल्लहं जय-मणाहं
एत्तहे-वि दुमय-दोणायणाहं
माणुमइ-सुहदा-णंदणाहं

४

6. 7 b-J. मयगल मुत्ताहल विक्खरंति

एत्तहे-वि विहि-मि कि-चेइवाहं
 एत्तहे-वि पधाइय अमरिसेण
 एत्तहे-वि अलंबुस-भीमसेणि
 आए-वि अवर-वि अब्भिष्ट एम

एत्तहे-वि तव-सुय-मदाहिवाहं
 पंचालि-सहोयर-चित्तसेण
 जो सूरपुरारोहण-णिसेणि
 मुक्कंकुस मत्त गइंद जेम ८

घत्ता

रण-वहु-परिणयण-णिमित्तेण
 णं सिद्धि-समागम-मोहेण

जायइं जुञ्जइं भीसणइं ।
 लगाइं सव्वइं सासणइं ॥ ९

[९]

तहिं काले वल्लुद्धुरु जुञ्ज-कामु
 पंडव-सेणामुहे भिड्डिउ गंपि
 लल्लक्क-महाहउ जाउ जाम
 स-तुरंगम ण्हविय महा-गइंद
 पारधु पडीवउ संपहारु
 अहिमण्णु-युडुक्कय-चेइयाण
 गय-साहण भिडिय महा-रउद
 सरि-सुयहो सिंहडि-विराड वे-वि

चउदसेहिं सहासेहिं सउणि माभु
 जं आइउ घाइउ तेण तं पि
 मञ्जणहो दिणमणि दुक्कु ताम
 वीसमिय खणंतरु णर-वरिंद ४
 रउ उट्टिउ जाव तमंघयारु
 सइणेएं सहं घल्लंति वाण
 णं मच्छवयारि-वि वर-समुद
 अवरह-मि अवर पडिल्लग के-वि ८

घत्ता

थिउ अगए मच्छु सिंहडिहिं
 तिहिं सरेहिं विद्धु गंगेएण

घाइउ भीमु पियामहहो ।
 कह-वि ण पडिउ महारहहो ॥ ९

[१०]

वण-वियण-विरोहिउ भीमसेणु
 परिपेसिय सुरसरि-सुयहो सत्ति
 तिल-तिल-घोय-कलघोय-दंड
 अवरण सरेण सुवण-पट्टि

णं पडिगया-गंवे वर-करेणु
 णं जगहो पधाइय काल-रत्ति
 सु तरंगिणि-तणएं किय-दुखंड
 दोहाइय पंडव-चाव-लट्टि ४

तीहि उभय-भीम-संगाम-काले
सर-धोरणि मुक्क पियामहेण
दस-सरेहि समाहउ गंग-पुत्तु
तेण-वि तिहि ताडिउ सायएहि

सच्चइ सुपरिट्टिउ अंतराले
हय घाइय सारहि णिहय तेण
शिणि-णंदणु मच्छाहिवेण वुत्तु
जमदंड-परिह-सप्पाहएहि ८
घत्ता

किउ विरहु विराडु रणंगणे
पणवेप्पिणु गुरु-गंगेयहं

अज्जुणु ताम समावडिउ ।
आसत्थामहो अम्मिडिउ ॥ ९

[११]

वीभत्थु पलंठ-महा-भुएण
घणु तहो-वि छिण्णु कइ-केयणेण
णाराय णउइ-वि पेसिय णरासु
सेयासें तासु-वि कवउ छिण्णु
गुरु-णंदणु वंभणु भणेवि चत्तु
दस-दसहि णिसिद्धु सिला-सिएहि
अवरुप्परु विद्धु सरेहि तेहि
कुरु-कवय-मह-मणि-तेयवंतु
रेहइ रयणुज्जल-विग्गहेहि

छहि सरेहि समाहउ गुरु-सुएण
लहु अवरु लेवि दोणायणेण
सत्तरि णारायण-रहवरासु
परिरक्खिउ कह-वि ण हियउ भिण्णु ४
दुज्जोहणु भीमहो ताम पत्तु
वर-रुप्पिय-पुंस-विहूसिएहि
सामरिसेहि पंडव-कउरवेहि
उरे सर परिवेडिउ विप्फुरंतु ८
णं दिणमणि समउ महागहेहि

घत्ता

दुज्जोहण-भीम-पहारेहि
णउ जाणहुं कवणु जिणेसइ

वलइ वे-वि कंपावियइ ।
संसय-भावे चडावियइ ॥ १०

[१२]

एत्तहे-वि स-संदण सावलेव
अहिमण्णुहो घाइय अमरिसेण
णर-सुएण लेवि घणु कणय-पिट्टु
सत्तहि पुरुमित्तु सिलीमुहेहि

स-सरासण स-सरय ण किय-खेव
पुरुमित्त-पियामह-चित्तसेण
दस-सरेहि समाहउ घायरहु
सत्तरिहि पियामहु अहिमुहेहि ४

ते तिण्णि-वि ताडिय जेत्तिएहिं
तणु-ताणु करेप्पिणु पढम-रेणु
आढत्तु खयत्ते तेहिं बालु
णं वण-दवगि रुक्खइं उहंतु

पडिरुद्धु तिहि-मि सो तेत्तिएहिं
कह-कह-वि ण मारिउ चित्तसेणु
परिभमइ तो-वि णं पलय-कालु
लक्खणेण पडिच्छिउ वावरंतु ८

घत्ता

दुज्जोहण-अज्जुण-पुत्रहुं
भीयइं कुरु-पंडव-सेणणइं

जाउ महाहउ दुब्बिसहु ।
णहे तोसविउ सुर-णवहु ॥ ९

[१३]

णर-सुएण भुयंग-भयंकरेहिं
हय हय चउहि-मि अवरेण सूउ
सहस-त्ति सत्ति पट्टविय तेण
तहिं कालेक्खिणेण दियत्तणेण
एत्तहे-वि तरंगिणि-सिणि-सुयाहुं
विण्णि-वि दिव्वत्थइं वावरंति
सच्चइहे ण लब्भइ अंतरालु
णउ दिट्ठि-मुट्ठि-संधाणु थाणु

कुरुणंदणु ताडिउ छहिं सरेहिं
अवरेण कुमारु णिरत्थु हुउ
स तिहाइय फग्गुण-णंदणेण
ओसारिउ कहि-मि हियत्तणेण ४
अब्भिट्ठु जुज्जु पहरण-भुयाहुं
णं पलय-पओहर उत्थरंति
घणु भमइ ण दीसइ वाण-जालु
थिउ सरि-सुउ णवरि अ-जुज्जमाणु ८

घत्ता

तहिं अवसरे कुरुव-णरिदेण
किउ छाया-भंगु असेसहुं

पेसिय दस सहास रहहुं ।
सच्चइ-सूरें रिउ-गहहुं ॥ ९

[१४]

जं भग्ग महा-रह जायवेण
आवडिय परोप्परु जिह गइंद
सिणि-सूउ अगणिय-मग्गणेहिं त्रिद्धु
झइ सहे वे ण सक्किउ भिच्च-वग्गु

हक्कारिउ तो भूरीसवेण
जिह आमिस-लुद्ध महा-मइंद
णं मलय-महागिरि अहि-समिद्धु
विहडफडु णड्डु समग्गु लग्गु ४

तहिं अवसरे दसहिं स.संदणेहिं
 वल्लु वल्लु कहिं गम्मइ सोमयत्ति
 तो एम भणेवि ढंकिउ सरेहिं
 आयामेवि जूव-महा-गएण

हक्कारिउ सच्चइ-णंदणेहिं
 लइ पहरु पहरु जइ अत्थि सत्ति
 णं मेरु-महागिरि जलहरेहिं
 सर-जालु छिण्णु णिविसद्वएण ८
 घत्ता

दसह-मि दस चावइं छिण्णइं
 पेक्खंतहो पंडव-लोयहो

दसह-मि चिंघइ ताडियइं ।
 दसह-मि सीसइं पाडियइं ॥ ९

[१५]

जं सिरइं कुमारहं पाडियाइं
 ता कणय-महाहिव-केयणेण
 जायवेण जणदण-भायरेण
 घउ घणुहरु छिण्णउं आयवत्तु
 सच्चइ-वि महा-सर-जज्जरंगु
 असि-चम्माउहु घाइउ पसत्थु
 दप्पुम्भड सुहड भिडंति जाम
 णिय-रहेहिं चडाविय पहर-विहुर

तल-तरुवर-फलइं व साडियाइं
 अगणिय-मग्गण-वण-वेयणेण
 भूरीसउ विद्धु अणायरेण
 स-तुरंगमु सारहि घरणि पत्तु ४
 णीसंदणु णिद्धणु णित्तुरंगु
 भूरीसवो-वि फर-खरग-हत्थु
 दुज्जोहण-भीमेहिं धरिय ताम
 वण-रुहिरुग्गारारुणिय-चिहुर ८

घत्ता

एत्तहे-वि पियामह-वाणेहिं
 जहिं विण्णि-वि णर-णारायण

पंडव-साहणु जज्जरिउ ।
 तहिं वियणाउरु पइसरिउ ॥ ९

[१६]

कुरु-कलयले विरसिए समर-तूरे
 गंडीव-सरासण-पहरणेण
 विमलुज्जल-मुह-मयलंछणेण
 गय-तुरयाणीयइं परिहरंतु

अत्थइरि-सिहरे दुक्कंते सूरे
 + + +
 रहु वाहिउ वारण-लंछणेण
 रह-साहणे णिवडिउ जिह कयंतु ४

दोहाइय कुन्वर णिहय सूय छत्तइं घयइं दु-खंड हूय
 सोवण्ण-रहंगइं कप्पियाइं कुंडल व धरहे समप्पियाइं
 केवि रहिय-रहिय णिय-किंकरेहिं के-वि हय के-वि गय सहुँ रहवरेहिं
 घडियंतरे संज्ञागमण-काले पइसरेवि महंतए भड-वमाले ८

घत्ता

अज्जुणेण सइं भुव-दंडेहिं पंचवीस सहसइं रहहुं ।
 पेक्खतहुं हयइं रणंगेण कुरुवइ-दोण-पियामहहुं ॥ ९

*

इय रिट्ठणेमिचरिए धवलइयासिय-सयंभुएव-कए ।
 पंचम-दिवस-णिउज्जे बायालीसमओ इमो सग्गो ॥

*

तेतालीसमो संधि

काहल-कुल-कोलाहलइं गय-तुरय-त्रेणइं ।
लगगइं छट्टम-दिवस-मुहे कुरु-पंडव-सेणइं ॥ १

[१]

दुवई

अह सोऊण सिय-वाहण-	चरियं कय-कोऊहल्लयं ।	
तह सव्वायरेण णमिऊण	जिणं मयणेक्क-मल्लयं ॥	१
पुच्छिउ सेणिएण परमेसरु	जो तव-णाण-ज्ञाण-जोएसरु	
छट्टए दिवसे अक्खु जं होसइ	गउतमु इंदभूइ-रिसि घोसइ	
रहवर-णरवर-गय-तुरयायरु	घट्टज्जुणेण वूहु किउ मायरु	
तहो सिरे अरिवर-पवर-पुरंजय	स-वल परिट्टिय दुमय-घणंजय	४
घट्टज्जुण-मच्छाहिव पुट्टिहे	महि-पुत्त थिय विण्णि-वि दिट्टिहे	
गले अहिमण्णु घुडुक्कउ सच्चइ	भीमसेणु वयणत्थु पवच्चइ	
चेइवि-चेइयाण विहिं पक्खेहिं	कइकय-दोमय-तणय पय-क्खेहिं	
राउ स-साहणु पच्छिम-भाएं	विरइउ एम दुमय-दायाएं	८

घत्ता

तं कुरु-खेतहो संमुहउं	सरहसु संचल्लियउ ।	
जुय-खय-काले समुदजलु	वल्लु णावइ उत्थल्लियउ ॥	९

[२]

दुवई

ताम मुयंग भेरि दडि झल्लरि
रण-णव-पाउसागमे
णिगगय अगणिय-गरुयाओहण
णिक्रव-क्रि-क्रियवम्म धणुद्धर
चित्तसेण-विससेण रणुज्जय
कण्ण-विगण्ण-सुसेण-जयदह
वल्हिय-कारिससिरि-महावल
उब्भिय गंधवहुद्धय-घयवड
उहय करेवि य वियरिय ह्यवर

क'वुय पडह वज्जिया ।
कुरुव-णराहिव-मेह गज्जिया ॥ १
दुम्मुह-दोण-दोणि-दुज्जोहण
सल्ल-महल्ल-वल्ल-जालंधर
दुम्मरिसण-दूसासण दुज्जय
सोमयत्त-पुरयत्त महारह ४
भूरीसव-कलिंग-सउवल (?)
महि मल्लंति पचोइय गय-धड
वाहिय रह जिह जंगम गिरिवर

घता

कुरुव-राउ कुरुखेत्तु गउ
अवल्लोइउ भीमज्जुणेहिं

सहुं णिय-सामंतेहिं ।
णं काल-कियंतेहिं ॥ ८

[३]

दुवई

रहवर-रहवराहं णर-णरवइ
वूहइं णेवि देवि रण-तूरइं
भिडियइं विण्णि-वि समर-महाहवे
हड्ड-रुंड-विच्छड्ड-णिरंतरे
गय-मय-णइ-णिरुद्ध-रहवर-गणे
रह-रहंग-भर-भारिव-विसहरे
छत्त-संड-परिपिहिय-रवि-प्पह
सिव-क्रवंध-णच्चण-पेक्खणहरु

तुरयाओह-वरेण्णइं ।
भिडियइं वे-वि सेण्णइं ॥ १
रणवहु-गाढालिंगण-आहवे
रुहिर-तरंगिणि-कदम-दुत्तरे
सोणिय-धारारुणिय-णहंगणे
करि-कण्णाणिल-चालिय-महिहरे ४
पहरण-जलण-ञ्जुलुक्किय-णव-गह
धीर-धुरंधरु कच्छि(?) रणभरु ।

अहिणव-सोणिय-पाणिय-जंजले(?) जंजुअ-झहि-सिवासिव-संकुले
 सरवर-णियर-भरिय-मुत्रणोयरे अगणिय-एककमेकक-एककोयरे ८
 घत्ता
 ताम्ब स-पहरणु पवर-रहु हय-तूरु स-कलयलु ।
 लगु विओयरु कुरु-त्रवले णं त्रिसे दावाणलु ॥ ९

[४]

दुवई

मिदेवि वूह-वारु पइसरइ विओयरु जाम चप्पेणं ।
 ताम विरुद्धण हक्कारिउ आसत्थाम-वप्पेणं ॥ १
 वलु वलु पंडु-पुत्त हउं एत्तहे काले चोइउ पइसहि केत्तहे
 एत्रं भणेवि णवहिं णाराएहिं ताडिउ वज्ज-दंडु सच्छाएहिं
 तेण-वि सारहि दोगहो केरउ णिहउ तुरंग-चउद्धय-पेरउ
 कित्र-गंगेय ताम्ब थिय अंतरे भीमहो मिलिउ पत्थु तहिं अंतरे ४
 विहि-मि तेहिं ते वे-वि परज्जिय गय हेट्टामुह माण-विवज्जिय
 मिडिउ घणंजउ णरवर-विंदहुं वलिउ विओयरु मरु-गइंदहुं
 ताम कुमार पधाइय अहिमुह दूसासण-दुम्मुह-मरिसण-दुह

घत्ता

विजय-विगण-विविस्सइहिं पेसिय सर-जालेहिं ।
 वेडिउ आएहिं अवरेहि-मि जिह सीहु सियालेहिं ॥ ८

[५]

दुवई

रवि व महा-घणेहिं केसरि-व कारेहिं दणुहिं व पुरंदहो ।
 वेडिउ कुरु-कुमारु वीरेहिं रणंगणे तिह विओयरो ॥ १
 बंधहो घरहो लेहो लहु धावहो वलि-वोक्कउउ जेम्ब सुंधावहो (?)
 एककु भीभु रिउ-लक्खइं जोएवि पभणइ करि कारे-वल दोएवि

सारहि एत्थु ताम तुडुं थक्कहि अरिवर-णियर ण वाहेवि सक्कहि
 जाम्ब करेमि कुमार-कडवंदणु ताम्ब म चालहि एत्थहो संदणु ४
 एव भणेवि आयामिय-धर-वल्लु धाइउ मरुअ-गयासणि-करयल्लु
 णं जमु दंड-हत्थु आहिंडइ कुरव-कुमार-सहासइं पिंडइ
 रहवर गयवरोह मुसुमूरिय वायस-सिवहं मणोरह पूरिय
 जउ जउ पंडु-पुत्त परिसक्कइ तउ तउ वल्लु मुहु णिएवि ण सक्कइ ८

घत्ता

भीमें भीम-भुयंगमेण जो तहिं संदट्टउ ।
 गय-विस-घाणिय-घाइयउ सो को-वि ण दिट्टउ ॥ ९

[६]

दुवई

ताम्ब सपिहिय-लोयणो पभणइ दुमय-सहोयरो ।
 सारहि अक्खु अक्खु सम्भावे कहिं वट्टइ विओयरो ॥ १
 सक्कायरिय-समेण सुधीमें हउं जीवमि जीवतें भीमें
 अहिणव-पफुल्लिय-वर-वयणहुं उत्तरु कवणु देमि किं जमलहुं
 जइ मुउ तो घायमि अप्पाणउं पेक्खमि केम जुहिट्टिल्लु राणउ ।
 उत्तर कवणु देमि किर कौंतिहे पंचालिहे विहलंघल हौंतिहे ४
 कंड-संड-गंडीव-विहत्थहो उत्तरु कवणु देमि किर पत्थहो
 उत्तरु कवणु देमि गोविंदहो उत्तरु कवणु देमि सुहि-विंदहो
 भणइ विसोउ होहि वीसत्थउ जीवइ भीमु गयासणि-हत्थउ
 इहु कुमार-वल्लु चूरइ लगउ जिइ वंस-वणे पइट्टु महग्गउ ८

घत्ता

चूरिय रहंग घय तुरय भड रण जेण पएसें ।
 घट्टज्जुण पइसरहि तुहुं तेण पएसें(?) ॥ ९

[७]

दुवई

धाइउ जण्णसेणि कारे वल-पहर-पयार-साडणं

रहवर-गयवरासणं रण-कवय-पाडिय-पत्त-वाडणं ॥१

दिट्टु भीमु भड-सयइं व्हंतउ णं वण-दउ वण-तिणइं ड्हंतउ
 तम-पडलइं हणंतु णं णिसि-गिलु णं णिय-कुलइं गिलंतु तिर्मिगिलु
 णं भंगंतु पंहजणु रुक्खइं णं खगवइ गसंतु फणि-लक्खइ ४
 एककहिं मिलिय स-गय स-सरासण णं विण्णि-वि दुप्पवण-हुवासण
 णिय-रहे दुमय-सुएण चडाविउ णं अणिलेण अणलु वद्धाविउ
 घट्टजुणेण लइय रिउ वाणेहिं पगुणा सेस सेय-परिमाणेहिं
 कुरुव-णराहिवेण वलु पेसिउ दोमइ-भायरेण णीसेसिउ ९

धत्ता

भोहिउ मोहणत्थु मुएवि सुर-विककम-सारें ।
 णं आलिहेवि परिट्टियउ णिप्पुरउ सिट्टारें ॥ ९

[८]

दुवई

ताम्ब महा रहाह विष्फारिय-चावहं वद्ध-तोणहं
 जायं दारुणं रणं विहि-मि परोप्परु दुमय-दोणहं
 पलय-जलग-जालोळि-समाणेहिं आयस-वयण-वेहि-वर-वाणेहिं
 सिल-सिद्धोएहिं रुपिय-पुंखेहिं कंक-गिद्ध-सुय-वरहिण-पंखेहिं
 सायकुम्भ-विदुविय-सरीरेहिं पउणेहिं दीहरेहिं पर-सीरेहिं
 दोमइ-ताउ तेहिं तिहिं ताडिउ कह-व कह-व रहवरहो ण पाडिउ ४
 विहलंधलिकरेवि गउ तेत्तहे भीमसेण-घट्टजुण जेत्तहे
 जेत्तहे कुरुव-सेणु वामोहिउ उम्मोहण-सरेण उम्मोहिउ

ताम जुहिद्विलेण भय-वज्जिय वारह णिय सा^मत विसज्जिय
कइकय पंच पंच दोमइ-सुय घट्टज्जुण-सउभद महामुय
घत्ता

वूह्ण रएप्पिणु दुब्बिसहु केत्तहे-वि ण माइय
सायरु भिदेवि मच्छु जिह वारह वि प्पघाइय ॥ ९

[९]

दुवई

वारह ते चउदहुद्धाइय सूइ-मुहेण वूहेण ।

घरेवि ण सक्किय ते समत्थेण-वि कउरव-वल-समुहेणं ॥ १

ताव विसोएं पाविउ रहवरु लउडि-हत्थु तहिं चडिउ विओयरु

णं रांहार-कालु कुरु-लोयहो णं दिणयर-कर-णियरु सरोयहो

घाइउ जण्णसेणि सोणासहो गिरुवम-घणु-विण्णाण-णिवासहो

भिडिय परोप्परु विप्फुरियाणण आमिस-लुद्ध णाइं पंचाणण ४

क्किवि-कंतेणं ताम तिहिं ताडिउ घट्टज्जुणहो सरासणु पाडिउ

पच्छए पच्छाइउ सर-जाले विञ्चु णाइं णव-पाउस-काले

दुमय-सुएण अवरु घणु सज्जेवि सरहस सर विमुक्क गलग्जेवि

मगण-गणु अ-गणेवि स-तोणे णमि-वाणारुणु पाडिउ दोणे ८

घत्ता

चउहिं सरेहिं तुरंगम सारहि अवरेक्के ।

थिउ अहिमण्णुहे तणए रहे णं ससि सहुं अक्के ॥ ९

[१०]

दुवई

सोण-तुरंगमेण दोणायरि एण सरेहिं सीरियं ।

णिएवि वलं चलं णिएऊण हिडिब-सुवेण घीरियं ॥ १

भीमें कुरुव-राउ हक्कारिउ
 लगउ हउं अप्पणए पराहवे
 त्रिस-जउहर-केसगह-जूयइं
 दुण्णय-दुमहो फलइं अणुहुंजहो
 एम भणेवि जमकरण-समाणेहिं
 त्रिहिं सारहिं समरगणे घइउ
 पाडिउ फणि चामीयर-घडियउ
 त्रिहिं सण्णाहु णाहु वीसद्धेहिं

वायरट्टु कहिं जाहि अ-मारिउ
 पूरमि अज्जु पइज्ज महाहवे
 तुम्हहं दुःपरिणामीहूयइं
 वंधु-कवंघ-सयइं परिपुंजहो ४
 आहय हय चउ-संखा-वाणेहिं
 छहिं णाराएहिं घउ दोहाइउ
 णाणात्रिह-मणि-रयणेहिं जडिउ
 आमिस-वस-रस-रुहिर-पइहेहिं ८

घत्ता

कुरुव-राउ मुच्छात्रियउ
 क्विणेण चडावेवि णियय-रहे

कह-कह-त्रि ण मारिउ ।
 केत्थु-त्रि ओसारिउ ॥ ९

[११]

दुवई

ताव जयदहेण रहु वाहिउ
 कीयय-वग-हिडिंवि-किम्भीर-
 जाउ महाहउ हेइ-समिद्धुं
 तहिं अवसारे पसरिय-अहिमण्णहो
 पंचहिं पंचहिं सरेहिं पडिच्छिय
 तो णर-सुएण णियंतहो सेण्णहो
 हय हयवर सारहिं विणिवाइउ
 अवरेहिं वर-सरेहिं घुम्माविउ
 सत्त कुमार ताम तहो धाइय
 दोमइ-णंदणेण सुयधम्मं

जहिं णिवसइ त्रिओयरो ।
 जडासुर-काल-गोयरो ॥ १
 कंचण-केसरि-सूयर-चिंघहुं
 अट्ट कुमार भिडिय अहिमण्णहो
 तेहिं-मि मग्गण मुक्क जहिच्छिय
 चउदह इसु पट्टविय विगण्णहो ४
 छिण्णु सरासणु घउ दोहाइउ
 कह-व कह-व जम-णयरु ण पाविउ
 पं दुव्वार वार संपाइय
 दुम्मुहु वरिउ अमाणुस-गम्मं ८

ससहिं सरेहिं तुरय हय घत्ता
 दिण्ण वसुंधर देवयहो सो-वि सत्तिए भिण्णउ ।
 णावइ उच्चिण्णउ ॥ १०

दुवई

सुअसोमेण ताम ओसारिउ आजाणुय-वाहेहिं ।
 दिणयर-रह-तुरंग-खगराय- पहंजण-जव-सणाहेहिं ॥ १

दोमइ-सुयहो ताम सुय कुंतिहे पलय-पयंग-सम-प्पह-दित्तिहे
 आमिस-लुद्धण्ण जिह सेणे पाडिय चाव-लट्टि जयसेणे
 सो-वि रणंगणे समर-सणीएं दुमय-सुया-सुएण धणु-वीएं
 दसहिं सरेहिं विद्धु वच्छत्थले मुच्छा-विहलु पडिउ महि-मंडले ४

जहिं पयंडु पंचालिहे णंदणु तहिं दुक्कण्णे वाहिउ संदणु
 पिहिउ सिलीमुहेहिं अ-पमाणेहिं अण्णाणंघ णाइं अण्णाणेहिं
 वाण-जाल तं हणेवि सु-भीसणु जिण्णु दुक्कणहो तणउं सरासणु
 रहु जोत्तारु तुरंगम चिघउं सीस-ताणु तणु-ताणु-वि विद्धउं ८

घत्ता

थरहरंतु अवरैक्कु सरु वच्छत्थले लाइउ ।
 रेवा-वाहे जिह विद्धु दुक्कण-क्कणु दोहाइउ ॥ ९

[१३]

दुवई

उइडिर-कंड-मंडिय- पयंड-कोयंड-वीयहो ।
 भायर अवर अवर पडिघाइय पंच-वि तिय अणीयहो ॥ १

दुम्महु सहुं दुम्मरिसणु दुज्जउ उत्तमु सत्तु सत्तु सत्तुंजउ
 पंच-वि एकहो भिडिय महाहवे अमर-वरंगण-जय-सिरि-लाहवे
 संदणण्ण संदाणिय-संदणे तहिं पडिवण्णए भड-कडवंदणे
 कइक्कय पंच परिट्ठिअ अंतरे णं पंचेदिय देहव्भंतरे ४

ताम पियामहेण पहु वाइय
तोमर-सएहिं तुरंगम ताडिय
ताम पहायुरु गठ अत्थवणहे
के-वि देंति णिय-कंतहिं चिंघइं

तव-सुय-किंकर जम-पहे लाइय
चूरिय रहवर गयवर पाडिय
पंडव कउरव णिय-णिय भवणेहो
सायकुंभ-मणि-रयण-सभिद्धइं

८

के-वि छुडु जे छुडु कड्दियइं
दइयहिं देंति सयं भुवेहिं

गय-मय-मल-लित्तइं ।
मोत्तियइं विचित्तइं ॥

९

*

इय रिट्ठणेमिचरिए घवलइयासिय-सयंभुएव-कए तेतालीसमो इमो सगो ॥

*

चउतालीसमो संधि

पडु-पडह-रवाइं किय-कलयलइं स-वाहणइं ।
आभिष्टइं वे-वि तव-सुय-कुरुवइ-साहणइं ॥ १

[१]

सेणिएण पपुच्छिउ परम-गुरु	जे दडूहु जम्म-जर-मरण-पुरु	
गउ एम देव छट्टउ दिवसु	अत्यइरिहे मत्थए थिउ विवसु	
सत्तमए दिवसे कहे केम कहिं	को कासु भिडेसइ समर-मुहिं	
अक्खइ गणहरु जं जेम थिउ	गंगेएं मंडल-वूहु किउ	४
एत्तहे पवलेण वल्लत्तणेण	किउ कउअ-वूहु घट्टज्जुणेण	
अरुणुगमे रहसुद्धाइयइं	णिविसें कुरुखेतु पराइयइं	
हय वज्जइं वइट्टिय-कलयलइं	आभिष्टइं विण्णि-वि कुरु-वलइं	
रउ उट्टिउ सेणणइं अक्कमइ	पुणु पहरणगि पुणु रुहिर-णइ	८

धत्ता

मइलियइं रएण दडूटइं हेइ-दवाणलेण ।
ण्हविउ ण्हाइयइं पच्छए रुहिर-महाजलेण ॥ ९

[२]

तहिं काले परोप्परु कर-कमइं आभिष्ट दोण-मच्छाहिवइ
विधइ विराडु तिहिं सायएहिं दीहर-फणिंद-दीहायएहिं

८

अवरेण सरासणु ताडियउ	अवरेक्कें चिधउ पाडियउ	
मच्छेण-वि दाविउ अवरु घणु	णव-जलहरेण णं इंदहणु	४
तिहिं गुरु-गुरु चउ-सरेहिं हरि	घउ एककें पंचहिं पवर-धुरि	
अवरेक्कें चाव-लड्डि पहय	वे-खंडइं होएवि धरणि गय	
धणु अवरु लेवि दोणायरिउ	णं पलय महा-घणु उत्थरिउ	
अट्टहिं सरेहिं चउ तुरय हय	अवरेहिं विहिं पाडिय सूय-धय	८

घत्ता

पायत्थु विराडु संदणे संखहो तणए थिउ ।	
कुरुवेहिं महियले देवेहिं कलयलु गयणे किउ ॥	९

[३]

तो संख-विराडेहिं कुद्धएहिं	सामरिसेहिं जय-सिरि-लुद्धएहिं	
एक्कहिं रहे विहि-मि परिट्टिएहिं	गुरु घाइउ सरेहिं अणिट्टिएहिं	
दोणायरिण-वि संखु हउ	उरु भिदेवि वसुमइ वाणु गउ	
वण-विणयणाउर सर-जज्जरिय	णं हरिहिं विणिण करि ओसरिय	४
तहिं काले वइरि-विणिवायणहो	घाइउ सिहंडि दोणायणहो	
गुरु-सुउ तिहिं सरेहिं णिडाले हउ	पगलिउ ति-गंडु णं मत्त-गउ	
णं मेरु ति-सिणेहिं मंडियउ	तेण-वि तहो रहवरु खंडियउ	
स-तुरंगमु चिधउ पाडियउ	हउ सारहि घणुहरु ताडियउ	८

घत्ता

असिवर-फर-हत्थु दुमयहो णंदणु उप्पइउ ।	
तडि-चंदहं मज्जे णाइं लहु-घणु उत्थरिउ ॥	९

[४]

गुरु-तणएं अमरिस-कुद्धएण	केसरि-लंगूल-महा-घएण
सर-जाले छाइउ दुमय-सुउ	असि-घाएं छिंदइ पवर-मुउ

खगवइ-त्र भुयंग-कुलइं गसइ
रत्रि-संदण-सण्णिह-संदणेण
अण्णेत्तहे चम्म-रयणु तडिउ
पासाय-सम-प्पहे सु-प्पवहे
तहिं तेहए काले समावडिउ
मायत्थइं मेह्लेवि जायवहो

राहु-व दिणयर-किरणइं असइ
हय खग-लट्ठि गुरु-णंदणेण ४
णं चंद-विंदु महियले पडिउ
सिणि-सुएण चडाविउ गियय-रहे
सच्चइहे अलंबुसु अच्चिडिउ
णिसियरेण सरासणु छिण्णु तहो ८

घत्ता

रयणीयर-माय हुत्थि (?) हय पउरंदरेण ।

उययंतें णाइं णिसि णिट्ठविय दिवायरेण ॥ ९

[५]

जं सच्चइ जिणेवि ण सक्कियउ
णिय-पाण लएविणु कहि-मि गउ
तहिं काले मणोरम-रेह चडिय
तें सट्ठि-पिसक्केहिं दुमय-सुउ
परिचेयण लहेवि कमल-करहो
घउ छिण्णु फण्णिद-अलंकरिउ
हय हयवर सारहि विद्विउ
असिवर-फर-करयलु घाइयउ

तं जाउहाणु आसंकियउ
णं केसरि णहर-पहर-हयउ
दुज्जोहण-घट्टज्जुण भिडिय
उरे ताडिउ कह-व ण कह-व मुउ ४
घणु पाडिउ कुरु-परमेसरहो
मणि-मोर-पडाया-परियरिउ
पहु सत्तहिं सरेहिं अहिद्विउ
तहिं अवसरे सउणि पराइयउ ८

घत्ता

रहु टोइउ तेण

णं चंदाइच्च

ते-वि चडेप्पिणु कहि-मि गय ।

गह-मुह-मेल्लिय गीढ-भय ॥ ९

[६]

दुज्जोहणे गए अमरिसे चडिउ
णं मत्त महा-गए मत्त गउ

कियवम्मु विओयरे अच्चिडिउ
अवरोप्परु विहि-मि सरेहिं हउ

हदिक्कु विरुद्धे' पंडवेण	परिपिहिउ सिलीमुह-मंडवेण	
रहु खंडिउ पाडिय वर तुरय	हय कवय सरासण सुय-धय	४
उप्पएवि परिदूठिउ विसम-रहे	पहे लग्गु पलायण पउण-पहे	
भीमेण-वि जगडिउ कुरुव-वल्लु	णं सीहे' गयउल्लु मय-विहल्लु	
विंदाणुविंद मच्छर-भरिय	इरमंत-कुमारहो उत्थरिय	
किय तेण-वि हय रह हय तुरय	घण-वण-वियणाउर कहि-म गय	८

घत्ता

तेहिं तेहए काले कुरुव-वरूहिणि-खय-करणे ।
जिहि रावण-राम मिडिय भइमि-भयवत्त रणे ॥ ९

[७]

मण-गमणोवाहिय-संदणेण	कुरु-किंकरु भीमहो पंदणेण	
परिपिहिउ पिसक्केहिं वहु-विहेहिं	पउणायय-पण्णय-सत्तिहेहिं	
ते सव्व करेप्पिणु णिप्पसर	भयवत्ते चउदह मुक्क सर	
सत्तरिहिं णिवारिउ णिसियरेण	पुणु कुरव-गराहिव-किंकरेण	४
सो भइमसेणि हेए जे जिउ	वि-तुरंगु वि-सारहि वि-रहु किउ	
पट्टविय सत्ति रयणीयरेण	णं सरिय समुदहो महिहरेण	
स-वि एंति विहाविय तेण णहे	वड्ढंतए तेहए समर-वहे	
णं काल-कयंत समावडिय	मदी-सुय महेसहो मिडिय	८

घत्ता

सारहि स-तुरंगु पाडेवि णउल्लु णिरथु किउ ।
जिह उड्ढेवि सेणु रहे सहएवहो तणए थिउ ॥ ९

[८]

स-एवे' सल्लिउ सल्लु रणे	णं दुमु दुव्वाएं भग्गु वणे	
आसारेवि सारहि कहि-मि गउ	मज्झणहो दिणमणि दुक्कु तउ	

कड्ढिय-कोवंड-महाउहहो	तव-णंदणु भिडिउ सुआउहहो	
णव सर विमुक्क पिहिवीसरेण	सत्तासुग कुरुवइ-किंकरेण	४
तणु-ताणु णरिंदहो कप्परिउ	सोवण्ण-महामणि-विप्फुरिउ	
स-कसाएं राएं तव-सुएण	ताडिउ वराह-कण्णासुएण	
पंडवेण विसंजिउ वाण-गणु	वण्णासा-तणयहो छिण्णु घणु	८
	घत्ता	

णिट्ठविय तुरंग पाडिउ सारहि छिण्णु घणु ।
 अवरे उरु मिण्णु गउ तहि जेतहि कुरुव-पहु ॥ ९

[९]

एत्तहे किव-चेइयाण भिडिय	अवरोप्परु सरेहिं समावडिय	
अवरोप्परु चिंधइं ताडियइं	अवरोप्परु छत्तइं पाडियइं	
अवरोप्परु छिण्णइं घणुवरइं	अवरोप्परु-वि लयइं चामरइं	
अवरोप्परु रह-जोत्तार हय	अवरोप्परु पाडिय वर तुरय	४
अवरोप्परु पाडिय कणय रह	अवरोप्परु पाविय सर-णिवह	
पउरुसइं विहि-मि परिवड्ढियइं	फर लइय किव्वाणइं कड्ढियइं	
परिभवणुप्पवणोरगणोहिं	अप्फोडण-खेलण-लगणोहिं	
केसारे-वर-रउरव-णीसणेहिं	परिभमियइं करणेहिं भीसणेहिं	८
	घत्ता	

सम-घाएं वे-वि मुच्छ-विहलीहोवि थिय ।
 गिय-रहेहिं थवेवि सउवल-पत्थेहिं कहि-मि गिय ॥ ९

[१०]

तो रण-रस-रहस-समोवडिय	भूरीसव-घट्टकेउ भिडिय	
सर णउ-वि विसज्जिय चेइवेण	णं भुवणहो किरण दिवायरेण	

तेण-वि सोराएं जुञ्चु जिउ	कह-कह-वि ण घाइउ वि-रहु किउ	
अहिमण्णुहे ताम विरुद्ध-मण	घाइय कुमार-वर तिण्णि जण	४
दुम्मरिसणु चित्तसेणु पवरु	अवगण्णिय रिउ-वेयण अवरु	
ते तिण्णि-वि तणु-ताणावरिय	तिण्णि-वि कुंडलेहिं अलंकरिय	
तिण्णि-वि सोवण्णेहिं रहवरेहिं	विज्जिज्जमाण-वर-चामरेहिं	
तिण्णि-वि तहिं छत्तेहिं पंडुरेहिं	तिण्णि-वि तुरएहिं दपुद्धरेहिं	८

घत्ता

ते पत्थ-सुएण कुरुवइ-भायर वि-रह क्रिय ।	
णं कुसुमसरेण तिण्णि-वि लोयालोय जिय ॥	९.

[११]

किर भीमहो खंभ महा-पिसुणे	ण समाहय तेण तेण सिसुणे	
गंगेएं ताम पडिक्खलिउ	सउहदु स-रोसु ताम वलिउ	
रणु जाउ महंत-महारहहुं	दोणह-वि पुत्तरूय-पियामहहुं	
कणियार-तालवर-क्रेयणहुं	दुवियत्तणु-ताणुब्भेयणहुं	४
तो समर-सहासेहिं दुज्जएण	णिय-सारहिं वुत्तु घणंजएण	
रहु वाहि वाहि जहिं गंग-सुउ	णगोह-पवर-पारोह-भुउ	
दुज्जोहण-पेसिय-राणएहिं	परिगरिउ तिगत-पहाणएहिं	
णिसुणेवि तं संदणु दिण्णु तहिं	सउहद-पियामह भिडिय जहिं	८

घत्ता

मण-गमण-रहेहिं	उब्भिय-घएहिं घणुद्धरेहिं ।	
सवडम्मुहु पत्थु	घरिउ एंतु जालंघरेहिं ॥	९.

[१२]

सारवेहिं दिण्ण-वाइत्तएहिं	वेदिउ वीमच्छु तिगतएहिं	
णं वण-दउ वणहं समावडिउ	णं गरुडु भुयंगहं अब्भिडिउ	

केसरि वर-करिहिं	वियंभियउ	आहउ रउद्दु पारंभियउ	
छिंदइ धय छत्तइं	चामरइं	सीसक्कइं कवयइं	घणुवरइं ४
आहरणइं वन्थइं	सेहरइं	रह-रहिय-रहंगइं-	जुय-सरइं
घर-कुब्बर सारहिं	वर-तुरय	कर-चरण-सिरइं	मुय-दंड हय
कप्पियइं कुंभि-कुमत्थलइं		सावक्खर-पक्खर-कंवळइं	
णक्खत्तमाल-घंटा-जुयइं		कर-कण्ण-दंत-गत्तइं	अयइं ८

घत्ता

उवयरणेहिं एहिं	सव्वेहिं	समरु अलंकरिउ ।	
लक्खिज्जइं णाइं	जमहो	सुअंतहो पत्थरिउ ॥	९

[१३]

तो तहिं वत्तीसहिं	रहवरेहिं	गंधव्व-णयर-सुमणोहरेहिं	
चामीयर-मंडण-मंडिएहिं		सुरगिरि-सिहरेहिं-व	हिंडिएहिं
णरु वेढिउ कोव-चलमएहिं		णं केसरि मत्त-महा-गएहिं	
वत्तीस वि-सट्ठिहिं	सर-विहय	त्रिहुणंत-सरीरइं	कहिं-मि गय ४
परिवारिउ अज्जुणु	राणएहिं	जायव-जण-पमुह-पहाणएहिं	
परिहरेवि जयइह-कुरुव-पहु		गंगेयहो मिडिउ	सिंहंडि-रहु
घणु पाडिउ दोमइ-भायरहो		गिर णिग्गय पंडु-सुएसरहो	
किर पइं मारेवउ	गंग-सुउ	समरंगणे णवर	णिरत्थु हुउ ८

घत्ता

तं णिसुणेवि	सिंहंडि	घाइउ	गंगा-णंदणहो ।	
थिउ	अग्गए	सल्लु	मग्गु	णिरुंधेवि संदणहो ॥ ९

J. after 8 b. reads मयइंद णाणा गयघइइं.

[१४]

परिखलिउ महा-रहु णिकिकेवण	अग्गेउ मुक्क मदाहिवेण	
तो दुमय-सुएण वि दारुणेण	जलणत्थु णिवारिउ वारुणेण	
कुरु-वंस-निवद्ध-फलट्टिलेण	आयामिउ सल्ल जुहिट्टिलेण	
कीया-कुल-काल-कयंतएण	किउ सिंघउ वि-रहु विओयरेण	४
थिउ चित्तसेणु सवडम्मुहउ	हय-रहवरु भग्गु परम्मुहउ	
मदाहिउ जिणेवि स-संदणेण	संतणउ विद्धु तव-णंदणेण	
णाराउ खुरेण णिवारियउ	रहु खंडिउ कह-व ण मारियउ	
णउलेण णराहिउ कइटियउ	कुरुवहु-परिओसु पवइटियउ	८

घत्ता

तहिं काले सिंहंडि	थिउ गंगेयहो सम्मुहउ ।	
अवहेरि करेवि	गउ रणे सो-वि परम्मुहउ ॥	९.

[१५]

घट्टज्जुण-सच्चइ वे-वि जण	णं जलण-पवण वण-डहण-मण	
विण्णि-वि हणंति कुरु-साहणइं	रह-तुरय-जोह-गय-वाहणइं	
निंदाणु-विंद तहिं ताव थिय	अवरोप्परु आहव-केलि किय	
उच्छल्लिय चित्त दुज्जोहणहो	विणिवारहो मारहो आहणहो	४
तं णिसुणेवि वाहिय-वाहणइं	आभिट्ट पडींवा साहणइं	
पडिवण्णु महाहउ दुव्विसहु	हय-खुरहिं समुट्टिउ रय-णिवहु	
एत्तहे-वि दिवायरु अत्थमिउ	तम-णियरु णिरंतरु परिभमिउ	
पइसरेवि मज्जे अ-णिवारियइं	रय-रयणेहिं णं ओसारियइं	८

घत्ता

णिय-सिमिरु गयाइं सुरवर-णियरे संसियइं ।
विककम-विज्जएहिं सुहड-सभा सइं भूसियइं ॥ ९



इय रिट्टणेमिचरिए धवलइयासिय-सयंभुएव-कए चउतालीसमो सगगो ॥



पंचचालीसमौ संधि

महण-मणोरहइं अवहत्थिय-रण-भय-जीवइं ।
अट्टमे दिवसए भिडियइं कुरु-पंडवार्णीयइं ॥ १

[१]

अवियल-जिणवर-मत्ति-साहें पुच्छिउ मह-रिसि मागहणाहें
गउ परमेसरु सत्तमु वासरु अट्टमे को कहो भिडइ णरेसरु
अक्खइ इंदभूइ-विणिओएं विरइउ पवर-वूहु कुरु-लोएं
अग्गए थिउ भाईरहि-णंदणु पुणु गुरु सोण-तुरंमम-संदणु ४-
पुणु भययत्तु गइंदारोहणु पुणु सयमेव राउ दुज्जोहणु
पुणु किव-पमुहेक्केक्क-पहाणा गय कुरुखेत्तु पराइय राणा
एत्तहे कुरुव-मडप्फरु-साडउ किवु घट्टज्जुणेण संघाडउ
सच्चइ-भीम परिट्ठिय सिंगेहिं अवर णराहिव अवरेहिं अगेहि ८-

घत्ता

भिडियइं साहणइं रोमचुब्भिण्ण-सरीरइं ।
एक्कहिं लगाइं णं जण्हवि-जउणा-णीरइं ॥ ९-

[२]

भिडियइं वलइं वे-वि बहु-भंगेहिं पवण-जवण-मण-गमण-तुरंगेहिं
जंगम-गिरि-समेहिं रह विंदेहिं घण-संकासेहिं मत्त-गइंदेहिं
जम-दूओवमेहिं पायालेहिं णहयल-सण्णिहेहिं करवालेहिं
दिणयर-चक्क-समप्पह-चक्केहिं विसहर-विसम-मुहेहिं पिसक्केइं ४-

सक्क-सरासण-सम-कोयंडेहिं	जम-दंडोवमेहिं	गय-दंडेहिं	
फर-रयणेहिं ससि-विंव-समाणेहिं	कंस-लोह-रुप्पिय-तणु-ताणेहिं		
आएहिं अवरेहि-मि उवयरणेहिं	विण्णि-वि वावरंति वावरणेहिं		
तुरय-खुरहिं उच्छलिउ महा-रउ	गउ सुरवरहं	णाइं हक्कारउ	८

घत्ता

रण-रउ मइलणउं	रुहिर-णइ मलिणि परिहीणी !	
किं अकुलीणहो	अणुहरइ कया-वि कुलीणी ॥	९

[३]

तहिं समरंगणे दूसह-तेएं	पंडव-वलु जगडिउ गंगेएं	
काहि-मि सीसइं खुडइ स-गीवइं	हंसु स-णालइं जिह राजीवइं	
काह-मि का-वि लील दरिसाबइं	सिरइं लेइ रुंडइं णच्चावइ	
काह-मि पाण लेवि तणु वज्जइ	सव्वस-हरणु ण कासु-वि छज्जइ	४
काह-मि वाहु सहंगुलि तक्खइ	खगवइ पंच-फणाहिव भक्खइ	
काह-मि पहु पायवहं पहावइ	पाण-विहंगम-सयइं उइडावइ	
काह-मि हणइ पडाया-छत्तइं	णं स-वलायावलिय सयवत्तइं	
काह-मि पहरण-लक्खइं छिंदइ	काह-मि देहावरणइं भिंदइ	८

घत्ता

रहु पहु गउ तुरउ	जो जो सवडम्मुहु दुक्कइ ।	
सो सो सरि-सुयहो	रण-मुहे जीवंतु ण चुक्कइ ॥	९

[४]

ताम विओयरेण रहु चोइउ	सारहि णाइं कियंतहो ढोइउ
विण्णि-वि भिडिय पियामह-पोत्ता	विण्णि-वि णिय-णिय साहण-गोत्ता

त्रिण्णि-वि वसह-खंघ करि-कर-भुय	त्रिण्णि-वि रण-रस-रहस-वसंगय	
त्रिण्णि-वि कंचण-सीह-तलद्वय	त्रिण्णि-वि वावरंति दप्पुद्वय	४
विहि-मि परोप्परु पिहिउ पिसक्केहिं	त्रिण्णि-वि पोमाइय सक्कक्केहिं	
कह-व कह-व संतण-दायाए	भीमहो सारहि हउ णाराए	
णट्ट तुरंगम रहवर लेप्पिणु	सूयत्तणु सयमेव करेप्पिणु	
विद्धु सुयासु सीसु तहो पाडिउ	णं ताल-तरु-महा-फल साडिउ	८

घत्ता

कुरुवइ सिरिण हउ	पेक्खंतहो णरवर-चक्कहो ।	
लइ तं एउ फलु	विस-जलण-जूय-किंपक्कहो ॥	९

[५]

हए कुमारे दुज्जोहण-भायरे	हाहा-सद्दु जाउ कुरु-सायरे	
ताम पघाइय सत्त सहोयर	थाहि थाहि कहिं जाहि विओयर	
भीमसेणु आरोडिउ सव्वेहिं	णं वण-करि सव्वरेहिं स-गव्वेहिं	
पढमु विसालचक्खु त्रिणिवाइउ	पुणु पंडिउ पुणु हउ अवरइउ	४
एक्केक्केण सरेण विचारिय	तिण्णि-त्रि जम-पट्टणे पइसारिय	
इयर कुमार चयारि-वि रोसिय	वाण महोयरेण णव पेसिय	
सत्तरि वहवासिएण पउंजिय	णउ-वि णउ-वि अवरेहिं विसज्जिय	
तिहिं अवसरे परिकुविउ विओयरु	तिहिं वाणेहिं विद्विउ महोयरु	८

घत्ता

कुंडघारु दसहिं	आइच्चकेउ वहवासिय ।	
त्रिण्णि-वि समर-मुहे	एक्केक्क-सरेण त्रिणासिय ॥	९

[६]

णिण्वि अवत्थ सुहड-संवायहो	गउ दुज्जोहणु परम-विसांघहो	
मइं पावेण सयण माराविय	गुरु-गंगेय-विउर लज्जाविय	

दुष्णय-दुमहो फलइं परिपक्कइं होंति गियाण-काले लल्लकइं
 गंगा-गंदणेण साहारिउ बहुवेहिं बहुय-वार विणिवारिउ ४
 ण किउ वयणु जिह कासु-वि केरउ तिहिं वल्लु चोयहिं घरहिं म सेरउ
 पंडव दुष्णिवार मइं अक्खिउ पइं अण्णाणे कञ्जु ण लक्खिउ
 एवहिं धीरु होहि वरि जुञ्जहि दीणात्तावेहिं कह-मि ण सुञ्जहि
 रण-धुर-धरेहिं परिट्ठिउ जावेहिं रिउ तिहिं मुहेहिं पराइउ तावेहिं ८
 घत्ता

तुरय-महा-रहेहिं णर-णरवइ-पवर-गइं देहिं ।
 वेट्ठिउ गंग-सुउ जिह दुमणि महा-घण-विदेहिं ॥ ९

[७]

जं तिहिं मुहेहिं पघाइउ पर वल्लु धरिउ पियामहेण तं णिच्चल्लु
 दोणु पघाइउ रणे दुप्पेच्छहं सोमय-सिजय-कइकय-मच्छहं
 जउ जउ थरहरंतु रहु पावइ तउ तउ रत्त-तरंगिणि-घावइ ४
 कुंडल-मउड-महामणि-विमलइं खुडइ खुरुप्पेहिं णर-सिर-कमलइं
 सर-किरणेहिं किरंतु परिसक्किउ दोण-दिवायरु धरेवि ण सक्किउ
 तहिं अवसरे आरोसिय पंडव घाइय उद्ध-सुंड वेयंड व
 दुक्कु विओयरु मत्त-गइं दहं भिडिय णउल्ल-सहएव तुरंगहं
 णर णरवइ णरेण विणिवारिय आहवे छिण्ण भिण्ण लय भारिय ८
 घत्ता

णासइ कुरुव-वल्लु णर-सर-समूह संताविउ ।
 कुंजर-जूहु जिह हरि-णहर-पहर-कडुयाविउ ॥ ९

[८]

थक्क चयारि-वि णरवर-संशण किव-किववाम-सउणि-गुरु-गंदण
 तेहि-मि धीरिउ वल्लु णासंतउ भार-दुवारे सरणु पइसंतउ

भिडिय चयारि-वि पंडव-साहणे	रह-गय-जोह-तुरंगम-वाहणे	
जे णर-णाराएहिं भग्गा	बलेवि असेस ते-वि पडिलग्गा	४
तहिं अवसरे इरवंतु पराइउ	जो णरेण फणिणिहे उप्पाइउ	
पवर तुरंगमेहिं मण-णमणेहिं	गमणोहामिय-खगवइ-पवणेहिं	
जावण-आजाणेय-महीजेहिं	तित्तिरि-णइ-जवणज-कंवेजेहिं	
आएहिं तुरएहिं भिडिउ कुमारहं	सउणि सहोयराहं गंधारहं	८

घत्ता

सुवलहो णंदणेहिं	वेट्टिउ इरवंतु पयंडेहिं ।	
अमरिस-कुइय-मणु	पंचाणणु जिह वेयंडेहिं ॥	९

[९]

गय-गवक्ख पिसुणुज्जण-णामेहिं	सुय-सारी-समेहिं छाहिं कामेहिं	
वेट्टिउ एककु घणंजय-णंदणु	जाउ महंतु सुहड-कडवंदणु	
अग्गए पच्छर उवहो-पासेहिं	पिहिउ विविह-णाराय-सहासेहिं	
तणु तणु-ताणु सरासणु ताडिउ	छिण्णु छुत्तु घउ चामरु पाडिउ	४
णिहय वाह जुत्तारु वियारिउ	अज्जुण-णंदणु रणे अ-णिवारिउ	
घाइउ फर-पिहिओरु स-असिवरु	सउणि-सहोयरु णिउ जम-पुरवरु	
पणय-सीसु तिण-दंतु णमंसेवि	णवर एककु गउ पिसुणु पणासेवि	
तो कुरु-णाहे वइरि-गयंकुसु	पेसिउ आरिससिंमि अलंबुसु	८

घत्ता

रक्खसु रक्खस-घउ	रक्खस-परिवारु धणुद्धरु ।	
इरवंतहो भिडिउ	मघवंतहो जिह दसकंधरु ॥	९

[१०]

पवर-तुरंगेहिं समरुद्धरिसेहिं	वीसहिं सएहिं महुत्तम-वरिसेहिं
जहिं इरवंतु महारहे चडियउ	आरिससिंमि तेत्थु ओवडियउ

वीस-सयइं उप्पाएवि वाहहं	णिरुवम-हेमाहरण-सणाहहं	
जुञ्जिय जाम जाय समसुत्ती	रत्त-तरंगिणि तहिं जि णिउत्ती	४
सिक्किणि परि लिहंति अवरोप्परु	भिडिय वे-वि रणु जाउ भयंकरु	
गाइणि-णंदणेण घणु ताडिउ	वइवस-महिस-सिगु णं पाडिउ	
जाउहाणु उप्पइउ गहंगणे	मायत्थइं मेल्लंतु रणंगणे	
छिण्णइं णर-सुएण लहु लक्खे	वहुरूविणि परिचिंतिय रक्खे	८

घत्ता

रावण-विककमेण	वहुरूविणि-विज्जावंते ।	
वहु-रूवइं कियइं	णं गडेण रंगे पइसंते ॥	९

[११]

दस सउ सहसु लक्खु उप्पज्जइ	रिउ-रूवहं परिमाणु ण गज्जइ	
तहो पडिमाय रइय इरवंते	णाग-पासि णिम्मविय तुरंते	
पेसिय सब्ब-लोय-पलयंकर	फुरिय-फणा-फुक्कार-भयंकर	
कालिय-कालदट्ट-वइरोडय	तक्खय-संखचूड-कक्कोडय	४
संखपाल-घयरट्ट-घणंजय	आसीविस-दिट्ठीविस-दुज्जय	
तेहिं णिसायर-घणु खजंतउ	तट्टु णट्टु भयवे-विर-गत्तउ	
इत्ति अलंबुसेण उप्पाइय	भीसण गारुड-विज्ज पचाइय	
अहि खायणहं लग सब्बत्तेहिं	णाय ण णाय आय गय केत्तहिं	८

घत्ता

ताम णिसायरेण	सिरु पाडिउ इरवंतहो ।	
णिवहं णियंताहं	वेसिउ पाहुणउ कयंतहो ॥	९

[१२]

तं भीसावणे भड-कडवंदणे	हए इरवंते घणंजय-णंदणे	
मेल्लिउ पंडव-सेणु अजेयहं	आरिससिगि-दोण-गंगेयहं	

एत्थु-वि कुरुव-लोउ तिहिं भाएहिं
स-सर-सरासण करि-परिहच्छेहिं
तहिं अवसरे तव-तणय-विमुक्कउ
णं भुक्खालु कालु जग-भोयणु
रस-वस-सोणिय-मास-समीहउ
धूमक्रेउ-धूमप्पह-पुग्गलु

सच्चइ-भीम-दुमय-दायाएहिं
णं मयरहरु भिण्णु तिहिं मच्छेहिं ४
घाइउ गलगज्जंतु घुडुक्कउ
चंदाइच्च-समप्पह-लोयणु
विज्जुल-लोल-ललाविय-जीहउ
दीहर-परिह-व लंव-भुयगलु ८

घत्ता

चालिउ सिरेण णहु
कउरव कवलु जिह

चलणेहिं वसुंधर चालिय ।
भुक्खिएण जमेण णिहालिय ॥ ९

[१३]

दिट्ठु हिडिक्-पुत्तु कुरु-लोएं
णं खगवइ उरगिद-समूहे
णं अ-हिमयरु महा-तिमिरोहे
णं दावाणलु जर-तरु-तंवे
विसम-सीलु मजाय-विमुक्कउ
मासइ वण्ण-विचित्तइ चक्खइ
एक्कु-वि कवलु ण पुज्जइ घोडउ
दूरवरेण जि कुरुवइ-केरउ

मंदरु पत्तु णाइं खीरोएं
णं पंचाणणु कुंजर-जूहे
णं खय-पवणु मेह-संदोहे
णं वजाउहु गिरि-णिउरुंवे ४
पर-वलु गलणहं लग्गु घुडुक्कउ
णव दस वीस तीस भड भक्खइ
कलेवउ व गइंदु-वि थोडउ
वलु णासणहं लग्गु विवरेरउ ८

घत्ता

जले थले दिसहिं णहे
रह-धुरे तुरए धए

असिवरे फरे उरे टुक्कउ ।
कायर पेक्खंति घुडुक्कउ ॥ ९

[१४]

तं तेहउ णिएवि आओहणु
तहिं अवसरे रहसूसलियंणे

मिडइ ण मिडइ ताम दुज्जोहणु
उप्परि चोइय धडउ कलिणे

दस सहास मय-मत्त गइंदहं	हय-ढक्कहं पक्खर-पिहियंगहं	
सिक्किणि परि लिहंतु णह-सीयरु	गय-साहणे पइट्ठु रयणीयरु	४
के-वि करेहिं धरेवि भमाडिय	केहि-मि के-वि पइंतेहिं पाडिय	
क्खणेहिं के-वि लेवि जुज्जाविय	काह-मि सम-सुत्ती दरिसाविय	
के-वि पइंति भिण्ण-कुंभत्थल	दूरुच्छलिय-धवल-मुत्ताहल	
के-वि अ-वाइय घाइय भक्खिय	चप्पिय चूरिय चूसिय चक्खिय	८

घत्ता

गय-घड धुणइ सिरु	ओसरइ ण अप्पउं धीरइ ।	
विमुहिय वेस जिह	दाणेण-वि धरेवि ण तीरइ ॥	९

[१५]

गय-घड तट्ट णट्ट विवरेरी	णं णव-वहुय वियइट्टहो केरी	
तो कुरु-णाहें वाहिउ संदणु	तिण-समु मण्णेवि भीमहो णंदणु	
घाइय अंग-रक्ख तहो केरा	जे दुग्घोइ-थट्ट भंजेरा	
विज्जुलजीहु पमाहि महंतउ	अवरु महंतउ दुज्जववंतउ	४
एक्केक्केण लोह-णाराएं	णिहय चयारि-वि कउरव-राएं	
घाइउ भीमसेणि स-सरासणु	णाइं कयंतु करंतु गवेसणु	
छाइउ कुरुव-णराहिउ वाणेहिं	आयस-वइणवेहिं अपमाणेहिं	
पाय पडिच्छओ य मइ-गम्मिय	कवड-दुरोयर-सरयण-णामिय	८

घत्ता

तो दुज्जोहणेण सर पंचवीस णिम्मोइय ।	
काले कुद्धएण णं स-विस भुयंगम चोइय ॥	९

[१६]

कुरु-णाराय-घाय-कडुआविउ	जाउहाणु संदेहि चडाविउ
उच्छलंत-वण-सोणिय-सीहरु	णं संचारिम-घाउ महीहरु

८

तेल्लःधोय गिरि-सिहर-वियारणि	मुक्क वलंति सत्ति रिउ-मारणि	
उरसा एंति पडिच्छय वंगे	गउ जमसासणु सहुं मायंगे	४
विद्रु घुडुक्कउ कउरव-राएं	वंचिउ वाणु भीम-दायाएं	
ताम खयक्क-समप्पह-तेएं	पेसिय सव्व-राय गंगेएं	
रक्खहु कुरुव-णरिंदु णिरुत्ते	णं तो णिहउ विओयर-पुत्ते	
तो सहसत्ति पराइय राणा	किवि-कुरु-पमुहेक्केक्क-पहाणा	८

घत्ता

वेटिउ रण-मुहे रयणीयरु वहु सामंतेहि ।
केसरि एक्कु जणु णं हरिण-गणेहि अणंतेहि ॥ ९

[१७]

एक्कहिं मिलेवि णरिंद-सहासेहिं	वद्वामरिसेहिं चउहु-मि पासेहिं	
हम्मइ घण-पहरणेहिं घुडुक्कउ	गोदले झिंदुउ जिह पम्मुक्कउ	
तेण-वि सोलह परिसंखाणेहिं	रुप्प-पुंख-सिल-घोएहिं वाणेहिं	
भूरीसवहो सरासणु ताडिउ	देहावरणु सरीरहो पाडिउ	४
भीम-भुवंगोवमेण पिसक्कें	वारिय किव-विगण्ण एक्केक्कें	
दोाण्ण वि वीसहिं सारहि घाइय	पेयाहिव पुरवर-पहे लाइय	
तिहिं वल्लिक्कु थणंतरे ताडिउ	सल्लिउ सल्लु विहंघलु पाडिउ	
किउ रणे वि-घणु विविंधु जयदहु	अवरु-वि जो जो को-वि महा-रहु	८
सो सो सव्वु घुडुक्कए लगगउ	एक्कु अणंतहि तो-वि ण भगउ	

घत्ता

णिसियरु णिय-रहहो उप्पएवि णहंगणे भेसइ ।
को मइं खद्ध ण-वि अहिउल्लइं-व गरुडु गवेसइ ॥ १०

[१८]

मेल्लिउ सीह-गाउ णहे थारुवि पमणइ धम्म-पुत्त उण्णाएवि
 मइं परमोवएसु अक्खेवउ भीम घुडुक्कउ पइं रक्खेवउ
 णरु णारायणेग परेगालिउ भलउ रणंगणे केण णिहालिउ
 मह्ठ सिंहंडे धट्टजुणु सच्चइ तिण्णि-वि रक्खणु किं ण पहुच्चइ ४
 कुरु-परमेसरेण मोक्कलिउ सरहसु भीमसेणु संचलिउ
 णं फणि-भक्खणे गरुडु विअट्टउ मह्ठणहो मंदरु णाइं पयट्टउ
 अच्छउ ताम गयए पहरेवउ स-सरु सरासणु अवरु घरेवउ
 कह-वि कह-वि जं एक्कहिं मिलियउ पर-वलु दिट्ठिए ज्जि णं गिलियउ ८

घत्ता

ताम घुडुक्कएण गिय-जणणु दिट्ठु समुहाणणु ।
 मत्त-गइंद-थडे णं पइंसरतु पंचाणणु ॥ ९

[१९]

खत्तदेउ अहिमण्णु स-णीळउ तिह सउदित्ति मयाहिव-लीळउ
 ते पय-रक्ख देवि चउ-पासेहिं छहिं पभिण्णु मायंग-सहासेहिं
 अ-गणिय-रहेहिं तुरंगेहिं दुक्कउ तेत्थु जेत्थु हइडिवु घुडुक्कउ
 जीउ महाहउ पेळ्ळिउ कुरु-वलु पंडव-सेणु समुट्ठिउ कलयलु ४
 पेक्खेवि हीयमाणु आओहणु छाइउ रहवरेण दुजोहणु
 भीमहो भिडिउ रणंगणे घोरहो मत्त-गइंदु व सीह-किसोरहो
 ताव णिसायरेण रहु वाहिउ विहि-मि णराहिउ कह-व ण साहिउ
 छन्वीसेहिं सरेहिं झड देंतउ दोणें विद्धु विओयरु एंतउ ८

घत्ता

तेण-वि दसहिं हउ कुरु-गुरु मुच्छ-विहलंघलु ।
 णिवडिउ गियय-रहे इंद-महै णाइं आखंडलु ॥ ९

[२०]

छाइय कुरुव-राय-गुरु-णंदण	मंदर-मेरु-समप्पह-संदण	
भिडिय वे-वि तहिं मज्झिम-पत्थहो	भीमहो भीम-गयासणि-हत्थहो	
रहु परिहरिउ हिं डिवा-कंते	गुरु-सुएण उरे विद्धु तुरंते	
तहिं अवसरे चंदं किय-णामहो	णीलु पघाइउ आसत्थामहो	४
रहु दोणायणेण तहो खंडिउ	कहि-भि ण छाइउ मोहेवि छंडिउ	
तं पेच्छेवि मज्जाय-विमुक्कउ	पलय-कालु जिह आउ घुडुक्कउ	
माया-वलेण तेण वलु मोहिउ	सीहे हरिण-जूहु णं रोहिउ	
विविहाहरणे अणेय-पसाहणे	दिण्णइं तूरइं पंडव-साहणे	८
दिणमणि अत्थमिउ	कुरु-पंडव-वलइं णियत्तइं ।	
विण्णि-वि साहणइं	रण-भूमि सइं भूसंतइं ॥	९

*

इय रिट्टणेमिचरिए घवलइयासिय-सयंभुएव-कए पंचतालीसमो इमो सग्गो ॥

*

छायालीसमो संधि

गय अट्ट दिणइं जुञ्जंतहं तो-वि ण समियइं वाहणइं ।
रणे पंडव-कउरव-केराइं भिडियइं विण्णि-वि साहणइं ॥ १

[१]

सगहाहिउ पुच्छइ अक्खु देव	अट्टमउ दिवसु अइकंतु केवं	
उप्परि पुणु होसइ कवणु जुञ्जु	परभेसरु पभणइ कहमि तुञ्जु	
सुणु अट्टमए दिवसे महा-रहेण	दुञ्जोहणु वुत्तु पियामहेण	
तुहं कुरुवइ धरहि किरीडमालि	हउं करमि कियंतोवम दुयालि	४
पर एककु सुएप्पिणु रणे सिंहंडि	ण गणमि जायव-पंडव स-पंडि	
सोमय-सिजय-पंचाल-मच्छ	चेइय-सक्खइ-कय (?) कालि-कच्छ	
पहु एत्तिय खत्तिय खयहो नेमि	सायर-पेरंत धरित्ति देमि	
परभेसरु णरवर-पुज्जणिज्जु	उग्गमिय-महाउहु किय-पइज्जु	८
कुरु-पंडव-पणय-पयारविंदु	णं सग्गहो णिवडिउ सुरवरिंदु	
णीसरिउ स-साहणु दिण्ण-तूरु	दुब्बिसहु णाइं थिउ पलय-सूरु	

घत्ता

दुण्णिमित्तइं ताम समुट्ठियइं सव्वइं असुहइं सिव रडइ ।
जंवुउ पइसरइ मज्जे वल्लहो छत्तेहिं गिद्ध-पंति चडइ ॥ ११

[२]

णिसुणेविणु तूरहं तणउ सद्दु
रण-भूमि पइइइं वळइं वे-वि
पवणद्धुय-चिंघइं फरहरंति
हरिचंद-पुराइं व रह भमंति

दप्पुद्धुर सिंधुर सीयरंति
तुरमाण तुरंगम महि छिवंति
विज्जुलउ व असि-लट्टिउ फुरंति
मिहुणाइं व उहय-उलइं मिडंति

पंडवेहिं वूहु किउ सव्व-भद्दु
पडिलगइं अणियहो अणिउ देवि
णं कायर चित्तइ थरहरंति
अव्भाइं व चक्कइं थरहरंति ५

णं घग संचारिम संचरति
णं णिरवसेसु महियल्लु पियंति
कोवा इव चावइं करयरंति
अहिउलइं व सर-जालइं पढंति ८

घत्ता

हरि-खुर-खउरण-रउ उच्छल्लिउ आमिस-वस-रस-लालसहो ।
णं वळइं गिलंतहो उद्धुसिउ केस-भारु रण-रक्खसहो ॥ ९

[३]

वडंतए तेहए रण-रउदे
अहिमण्णु पिसंग-तुरंगमेहिं
पइसइ एककेण महा-रहेण
फेडंतु कियंतहो तणिय भुक्ख

गुरु-गंधवद्धुय-घय-विहंग
जर-पंडुर-सिर-परिणय-फलोह
थिर-थोर-पलंव-भुवोह-डाल
उड्डाविय-रह-गय-तुरय-सेण

रुहिर-णइ-सहासुट्टिय-समुदे
गंगा-तरंग-रंगिर-गमेहिं
सेण्णइं डहंतु सर-हुयवहेण
छिंदंतु णराहिव-पवर-रुक्ख ४

तोणा-कोडर-सरवर-भुवंग
लोयण-फुल्लंधुय-दिण्ण-सोह
णह-णियर-कुसुम-करयल-पवाळ
णं तूल-रासि हय मारुएण ८

घत्ता

रणे एक्कहो अज्जुण-गंदणहो समुहु ण थक्कइ कुरुव-वल्ल ।
उत्थरइ वल्लइं पासेहिं भमइ णं मंदरहो समुद्द-जल्ल ॥ ९

[४]

तहिं काले कुरुव-परमेसरेण पट्टविउ अलंबुसु मच्छरेण
तुहं करहि कुमारहो माण-भंगु विद्धंसहि साहणु चाउरंगु
दप्पुद्धरु घाइउ जाउहाणु णं लंगु वणंतरे चित्तमाणु
सेणा-मुहु जगडिउ गिरवसेसु समुहितु पडिच्छिउ रक्खसेसु ४

पंचहिं पंचालिहे गंदणेहिं विच्चाले पचोइय-संदणेहिं
समकंडिउ खंडिउ छत्त-देडु घउ विद्धउ खुडिउ पडाय-संडु
पडिंविंने देहावरणु णिणु तणु भिंदेवि पुणु महिवट्टु भिणु
मुच्छ-विहलंघल्ल रहे णिसणु कह-कह-वि समुट्टिउ लद्ध-सणु ८
हय हयवर सारहि स-धणु विद्धु एक्केकउ तिहिं तिहिं सरहिं विद्धु

घत्ता

किय पंच-वि वि-रह णिसायरेण धाइउ ताव सुहद-सुउ ।
साहेज्जउ दितउ पंडवहं णाइं पुरंदरु सग्ग-चुउ ॥ १०

[५]

मायामउ रक्खु वल्लपमेउ दिव्वत्थ-कुसल्ल हरि-भाइणेउ
विण्णि-वि पहरंति महाणुभाव आयस-णाराय सुवण्ण-चाव
सउहदें देवइ-सुय-सुएण सर पेसिय अट्ट महा-भुएण
तेण वाहिणि वारिय स-रहसेण पुणु लक्खु विसज्जिउ रक्खसेण ४

अद्ववहे जे भड-कडवंदणेण	सय-खंडइं किय णर-णंदणेण	
पुणु णउ विहिं तहो तणु-ताणु छिण्णु	वायरणु व वुहेहिं सरीरु भिण्णु	
गउ मोहहो तो-वि ण जाउहाणु	पडिवारउ विरइउ परम-थाणु	
जग-मोहणु पेसिउ ताम सत्थु	तिमि-अहि-मयरत्थे क्किउ गिरत्थु	८

घत्ता

ओसारिउ आरिससिगि रणे किव-दोणायण-दोण जिय ।
जिह मत्त-गइंद मयाहिवेण पाराउट्टा सब्ब किय ॥ ९

[६]

दुज्जोहणु पभणइ थाहि थाहि	वल्लु वल्लु कहिं आरिससिगि जाहि	
हणु हणु अपसत्थु अपत्थु वालु	आयहो आसण्णीहूउ कालु	
मं भज्जहि भंजहि वइरि-विंदु	तं गिसुणेवि वल्लिउ गिसायरिंदु	
अप्पाइय-मायउ जाउ जाउ	अहिवण्णु गिवारइ ताउ ताउ	४

हय चउ तुरंग विद्विउ सूउ	घउ पाडिउ विरहु गिरत्थु हूउ	
गउ कहि-मि अलंबुसु पाण लेवि	कुरु-सेण्णु-वि रणउहे पुट्ठि देवि	
हक्कारिउ ताम पियामहेण	सेयासें सेय-महा-रहेण	
त्तवणीय-ताल-तरु-केयणेण	दुव्वार-महा-रिउ-भेयणेण	८

घत्ता

णर-णंदण-संतण-णंदणेहिं सरेहिं परोप्परु छाइउ ।
णं पट्टु णिव्वु जुहिट्ठिलहो अज्जुणु ताम पराइउ ॥ ९

[७]

पंचहिं णाराण्हिं गंग-पुत्तु विणिवारेवि रणे अहिमण्णु पत्तु
एत्तहिं किवेण जय-सिरि-समिद्धु सिणि-णंदणु णवर्हिं सरेहिं विद्धु
णव-णवर्हिं हणेविणु णराउ मुक्कु सो आसत्थामे णहे विलुक्कु

जं दिट्ठु वाणु वाणेण खल्लिउं किउ मेल्लेवि दोणायणहो चलिउ ४
जुजुहाण-दोणि आभिट्ट वे-वि सवडम्मुहु रहु रहवरहो देवि
सइणेयहो पाडिय चाव-लट्ठि धणु अवरु लेवि सर धिविय सट्ठि
मुच्छा-विहलंघल्लु दोण-पुत्तु धय-दंडु धरोप्पिणु थिउ मुहुत्तु
चेयणे लहेवि सिणि-सूणु विद्धु उरु भिदेवि सरु घरणिहि णिसिद्धु ८

घत्ता

तो दोणायरिं सु-कुद्धुर सच्चइ वीसहिं सरेहिं हउ ।
णिक्कंपु परिट्ठिउ मेरु जिह पडिवउ भिडिउण मुच्छ गउ ॥ ९

[८]

पडिवण्णए तहिं संगाम-काले वीभत्थु परिट्ठिउ अंतराले
गुरु-सीस परोप्परु भिडिय वे-वि गंडीव-पवर-घणुघरइं लेवि
सेयासें परिह-सम-प्पहेहिं दिणयर-कढोर-कर-दूसहेहिं
कम्मर-कम्म-परिमज्जिएहिं णिट्ठुर-भुय-अंत-विसज्जिएहिं ४

सत्तारह-वारह-मगणेहिं गुरु विद्धु णाइं दुमु अलि-गणेहिं
आरुट्ठु सुट्ठु मणे भूमि-देउ णर-सर विणिन्नारिय ण किउ खेउ
तहिं अवसरे पर-मइ-मोहणेण पेसिउ सुसम्मु दुज्जोहणेण
थिउ अंतरे दोण-धणंजयाहं आलाण-खंभु णं विहिं गयाहं ८

घत्ता

जे सर पट्टविय तिगत्तेहिं ते विणिवारोविं अज्जुणेण ।
 णं दुक्ख-विदत्ता अंत-गुण णासिय एक्के अवगुणेण ॥ ९

[९]

तो पत्थे णिय-कुल-पायवेण	अरि-तरु उड्डाविय वायवेण	
दोणेण-वि पेसिउ महिहरत्थु	कंपावणु पावणु किउ णिरत्थु	
णर-कर-सर-सीरिउ थाण-भट्टु	जालंधर-साहणु क.हि-मि णट्टु	
एत्तहे-वि जुहिट्टिल्ल राणहिं	वेट्टिउ एक्केक्क-पहाणएहिं	४
विंदाणुविंद-क्खि-सउवलेहिं	भूरीसव-सल्ल-विहव्वलेहिं	
भययत्त-सोमयत्ताहिवेहिं	आएहिं अवरोहि-मि पत्थिवेहिं	
एतहे-वि विओयरु वारणेहिं	णं छाइउ विंशु महा-घणेहिं	
रहु छंडेवि घाइउ भीमसेणु	णं केसरि विणिवारिय-करेणु	८

घत्ता

किउ गयउल्ल गय-वल्ल गय-वलेण भीमें रहसाइट्टिएण ।
 उड्डाविउ जलहर-विंदु जिह पवणे मज्जे परिट्टिएण ॥ ९

[१०]

तहिं तेहए काले पियामहेण	ओवाहिय-पवर-महारहेण	
पंडव-सामंत महंत जोह	मायंग तुरंगभ रहवरोह	
घय कवय-छत्त-चामर-समिद्ध	तिहिं तिहिं णाराएहिं सव्व विद्ध	
तेहि-मि समरंमणे दुज्जएहिं	मच्छाहिव-सोमय-सिंजएहिं	४
कइकय-पंचालेहिं पंडवेहिं	अवरोहिं रइय-सर-मंडवेहिं	
संतणउ विद्धु वहु-मच्छरोहिं	घट्टज्जुणेण तिहिं तोमरोहिं	

वीसहिं सिंहडि-णाम-ग्गहेण मच्छेहिं दसहिं कय-विग्गहेण
सरि-सुएण वि तं सर-जालु भग्गु गुणु छिण्णु दुमय-धणु-कोडि-ळग्गु ८

घत्ता

णिग्गुणु जे होवि वरि अच्छियउं णउ गुणेण वंकुडउं किउ ।
वाणासणु दुमयहो तणए करे एवं णाइं वोळुंतु थिउ ॥ ९

[११]

घणु अवरु लेवि जुत्तारु विद्धु किउ विरहु पियामहु रणे णिसिद्धु
परिसक्किउ सयलेहिं कउरवेहिं पारद्धु महाहउ तंवेरम वर-तंवेरभासु
पहु पहुहे स-मच्छरु समुहु आउ संगरु अच्चंतु महंत जाउ ४
छिज्जंति सिरइं भिज्जंति देह णिवडंति दंति णं पलय-मेह
हय कण्ण चमर कर दसण सारि णं पडिय महा-गिरि पायवारि
अण्णेत्तहे हयवर छिण्ण-गत्त णं घाउ-वराधर धरणि पत्त
अण्णइं रह-विदइं ताडियाइं गंधव-पुरइं णं पाडियाइं ८

घत्ता

अण्णेत्तहे णिवडिउ सुहड-सिरु कंठाहरणहो मज्झे थिउ ।
लक्खिज्जइ णव-कंदोदट्टु जिह विसहर-वेढावेढि-किउ ॥ ९

[१२]

महि मंडिय स-फरेइं असिन्नेरेइं घय-छत्त-पडाया-चामरेइं
तणु-ताणाहरणेइं पहरणेइं रह-जोह-तुर'गम-वाहणेइं
रुहिर-णइ समुट्टिय पिहुल-दीह णं ललइ कयंतहो तणिय जीह
जणु जंपइ सुदंठु विरत्त-भाउ एउ एत्तिउ दुज्जोहणहो पाउ ४

माराविय बंधव मिच्च जेण
पंडवहुं विजउ महिमहु महासु
तो परिपालिय-कुरु-जंगलेण
परिवेदिउ तेण किरीड-मालि

णउ जाणहुं जासइ पहेण केण-
जरसंध-कुरुहुं केवलु विणासु
पट्टविउ तिगत्तउ सहुं वलेण
सलहावलि जिह पेसिय सरालि

८

घत्ता

णरु णवहिं सारहि हरि सत्तरिहिं रणउहे विदु तिगत्तएण ।

आरोडिय केसरि विणिण जण णाइं गइं दे मत्तएण ॥ ९

[१३]

जालंधरि वहुय किरीडि एक्कु
गंडीउ भमइ णमलाय-चक्कु
हय-गय-णर रण-रस-सीरियंग
को-वि णासइ पवर-तुरंगमेण
को-वि तेत्तहो होंतउ झप देइ
उप्पणु कहो-वि जंधोरु भंगु
संतणउ ताम सहुं वलेण पत्तु
एत्तहे-वि धणंजउ पंडवेहिं

पहरंतु परिट्टिउ जिह अणेक्कु
कोसारविं परि दीसइ पिसक्कु
विवलाय रणंगणे टिण्ण भंग
को-वि रहेण को-वि तंवेरमेण
अप्पाणउं अप्पाणेण णेइ
ण चलंति चलण थरहरइ अंगु
मं भज्जहो रणे रक्खहो तिगत्तु
परिवारिउ किय-सर-मंडवेहिं

४

८

घत्ता

गउ गयहो तुरंगु तुरंगमहो रहु रहवरहो समावडिउ ।

णरु णरहो णरिदु णरिदहो सयलु स-मच्छरु अब्भिडिउ ॥ ९

[१४]

सिणि-सुएण ताम भड-भीयरेहिं
दुमएण दोणु तिहिं मगणोहिं

कियवम्मु विदु पंचहिं सरैहिं
सत्तहिं जोत्तारु सु-लक्खणेहिं

वल्हउ सत्तरिहिं विओयरेण
तिहिं चित्तसेणु फग्गुणेण विद्धु
कलसद्धएण सर-दाणु दिण्णु
सच्चइहे ताम गंगा-सुएण
वंचोप्पणु जिह खय-काल-रत्ति
विणिवारिय णवर्हिं पियामहेण

सारहि स-तुरंगमु णिहउ तेण
सउहदें दुम्मुद्ध रणे णिसिद्धु ४
दोमइ-जणे-जोतारु भिण्णु
आमेल्लिय सत्ति महा-भुएण
सिणि-सुएण विसज्जिय अवर सत्ति
थिउ तव-सुउ मज्जे महा-रहेण ८

घत्ता

कुरु-पंडु-वलहं जुञ्जंताहं आहउ खणु-वि ण णिट्ठिगउ ।
मज्जत्थु होवि णं गयणयले पेक्खउ अरुणु परिट्ठियउ ॥ ९

[१५]

दूसासणु ताम मणोगमाहं
दस सहस अवर दुज्जोहणेण
हरि-खुरहिं समुट्ठिउ रय-णिहाउ
हय-साहणु जम्ल-जुहिट्ठिलेहिं
आसंकिउ कुरुवइ णिय-मणेण
पडिल्लगु स-मच्छरु तिहि-मि ताहं
पंचहिं जमलेहिं वाणेहिं विद्धु
तेण-वि ते रवि-क्किरणायवेहिं

घाइउ लक्खेण तुरंगमाहं
पेसिय परिरक्खण-कारणेण
संगामु परोप्परु घोरु जाउ
विद्धंसिउ तिहि-मि महा-वलेहिं ४
पट्ठिविउ सल्लु सहुं साहेणण
मदेय-मुयंगे-महा-घयाहं
तव-सुएण दसहिं वाणेहिं णिसिद्धु
हय तिण्णि-वि तिहिं तिहिं सायएहिं ८

घत्ता

गंगेए ताम विरुद्धएण घणु विप्फारेवि धुणेवि कर ।
घट्टउजुण-भीम-जुहिट्ठिलाहं वारह वारह मुक्क सर ॥ ९

[१६]

तो तिण्णि-त्रि ताडिय जेत्तिएहिं
सहएउ समरे सत्तहिं णिसिद्धु
तिहिं णउले तेण वारहहिं छित्तु
सिणि-णंदण-भीम भयंकरेहिं

पडिविद्धु तिहि-मि सो तेत्तिएहिं
तेण-त्रि पडिवउ सत्तरिहिं विद्धु
तहिं अवसरे दोणायरिउ पत्तु
त्रिणिहय पंचहिं पंचहिं सरेहिं ४

तेत्तिहिं सो तिहिं तिहिं सायएहिं
तो तहिं भाईरहिं-णंदणेण
त्रिहिं वाहेहिं एक-घणुद्वरेण
पेक्खतहं भीम-धणंजयाहं

जम-दंड-परिह-फणि-आयएहिं
चउ-वाहोवाहिय-संदणेण
जम-काल-कयंत-भयंकरेण
जायव-सिणि-सोमय-सिजयाहं ८

घत्ता

पंचालहं मच्छहं कइकयहं उपपरे पाडिय वाण-सय ।
तुरय-दुरय-णर-पत्थिवहं सव्वहं चउदह सहस हय ॥ ९

[१७]

जं वल्लु णिट्ठविउ पियामहेण
किं सेरउ अच्छहिं सव्वसाइ
पणवेप्पिणु अज्जुणु भणइ एवं
जं होसइ तेण ण किंचि कज्जु
महु णरउ ण सक्कइ घरेवि को-वि
अलसंते पवर-पुरंजएण
पुणु वीयउ लइउ पियामहेण
पुणु तइउ लइउ महा-गुणइहु

तं णरु वोल्लाविउ महुमहेण
हणु साहणु जाम ण खयहो जाइ
सुहि-पियर-पियामह हणेवि देव
तुहुं तव-सुउ करिसहु वे-वि रज्जु ४
तुम्हहं उवरोहें भिडमि तो-वि
पाडिउ कोवंडु घणंजएण
तमि छिण्णु खुरुप्पे दूसहेण
तमि हयउ कलत्तु-व दुग्घियइहु ८

घत्ता

जं जं णइ-णंदणु करे धरइ तं तं अज्जुणु हणइ घणु ।
 लभोपिणु फग्गुण-माहवहं कवणु ण पलयहो जाइ वणु ॥ ९

[१८]

णिम्मज्जइ घणु-गुण-सर-सयाहं ण-वि सरि-सुय सूयहं ण-वि हयाहं
 पेक्खेपिणु अज्जुणु मंद-इच्छु सयमेव पघाइउ लच्छि-वच्छु
 लइ हणेवि ण सक्कहि तुहं णिरुत्तु हउं अप्पुणु मारमि गंग-पुत्तु
 भुयदंड करेपिणु पहरणाइं कररुह-मुह-धारा-धारणाइं ४

णइ-णंदणु पभणइ एहि एहि लइ लइ णारायण घाय देहि
 हेवाइउ अवरेहिं दाणवेहिं को करइ केलि सहुं माणवेहिं
 जिह तुहं तिह घाइउ परसुरामु परियाणिउ मइं तहो तणउ थामु
 करे धरेवि घणंजउ भणइ एम मज्झत्थे भावे अच्छु देव ८

घत्ता

अट्टारह दिवसइं महुमहण पइं होएवउ पेक्खएण ।
 मारिज्जहि पुणु जरसंधु रणे पंडव-कुरुव-कुल-क्खएण ॥ ९

[१९]

कह-कह-व णियत्तिउ हरि णरेण लंवाविउ विवु दिवायरेण
 गंगेउ परिट्ठिउ दुण्णिणरिक्खु णं खय-रवि-तविंयंतरिउ रिक्खु
 रण-रंगे इय सर-मंडवेहिं जोयणह-मि जाइ ण पंडवेहिं
 तहिं काले विंयंभिउ तिमिर-णियरु जोयारहं फेडिउ चक्खु-पसर ४
 पल्लट्टइ विण्णि-वि साहणाइं रुहिरोल्लिय-सल्लिय-वाहणाइं
 ओहावण पत्थ-विओयराहं तव-तणय-जमल-दामोयराहं

उच्छउ परिवइडिउ कउरवाहं

× × ×

गंगेउ पसंसिउ विजउ घुदठु

कुरु-णाहु सदतीभूउ (?) सुदठु

८

घत्ता

लइ एवहिं अम्हहं सिद्ध महि

चिंतिउ रण-रहसुद्धएहिं ।

कुरुवइ-घरे तूरइं तूरिएहिं

अप्फालियइं सइं भुएहिं ॥

९.

*

इय रिट्ठणेमिचरिए धवलइयासिय-सयंभुएव-कए छायालीसमो संधि-परिच्छेओ समत्तो ॥

*

सत्तचालीसमो संधि

जो पलय-हेउ उप्पणउ सो पेक्खंतहो महुमहहो ।
जिह केसरि मत्त-गइंदहो भिडिउ सिहंदि पियामहो ॥ १

[१]

तो पंडवेहिं मंतु मंतिज्जइ	सरि-सुउ केम देव जोहिज्जइ	
णव वासर सब्भावें जुज्झिउ	जिह सायरहो पमाणु ण बुज्झिउ	
वे-वि मच्छ-पंचाल-वरेणइ	भगइं सोमय-सिजय-सेणइ	
भणइ जणइणु अक्सरु सारमि	दइ आपसु महाहवे पहरमि	४
अच्छउ भीसु पत्थु सहुं जमलेहिं	अंचमि ण-महि णर-सरि-क्रमलेहिं	
सहुं गंगेएं सहुं जरसंधे	मारमि कुरुव सब्ब णिविसद्धे	
अह जुउजणहं ण देहि णराहिव	तो करि वयणु महारउ पत्थिव	
गम्मउ तासु पासु सरि-पुत्तहो	लब्भइ तहिं जे सव्वु जं चित्तहो	८

धत्ता

केवल्लिहि आसि जं भासियउं तं सो हियए समुव्वहइ ।
लुड्डु पुच्छहो चरण णवेप्पिणु तुग्गहं णिरवसेसु कहइ ॥ ९

[२]

हरिउवएसें दूसह-तेयहो	पंडव मंदिरु गय गंगेयहो
चरणु णवेप्पिणु पभणइ-राणउ	सप्पु व दंढाहउ भिद्दाणउ

अहो कोमार-महावय-धारा
 विस-जउहर-केसगह-जूवइं
 तेरह वरिसइं समएं वद्धा
 पइं अ-पसणएण परमेसर
 जो तुहं दिवे दिवे जय-कारेव्वउ
 भणइ पिआमहु णीसंदेहें

अम्हहुं ण किय परत्ति भडारा
 सव्वइं विहिवसेण अणुहूवइं ४
 मग्गिय पंच गाम णउ लद्धा
 अम्हहुं वणु पडिवउ ण वसुंघर
 सो समरगणे किह पहरेव्वउ
 कल्लए करमि चयारि सणेहें ८

घत्ता

णिय-हियउं परम-जिणिंदहो
 कुरुवहं सीसु महि तुम्हहुं

णिरुवम-गुण-गण-मंडियहो ।
 जीवितु देमि सिंहंडियहो ॥ ९

[३]

एवे भणेवि पेसिय गंगेएं
 ताम सिंहंडि तेथु गलगज्जइ
 अच्छउ धम्म-पुत्तु स-विओयरु
 अच्छउ मच्छु दुमउ धट्टज्जुणु
 हउं जि पहुच्चमि तहो गंगेयहो
 सीह-किसोरु जेम मयंगहो
 पइसइ जइ-वि सरणु वंभाणहो
 मरइतो-वि महु परइ पिआमहु

गय पंडव उवलद्धे मेएं
 णं जम-पडहु भयंकरु वज्जइ
 अच्छउ सव्वसाइ दामोयरु
 अच्छउ हलहरु सच्चइ पज्जुणु ४
 गह-कल्लोलु जेम रवि-तेयहो
 जेम खगाहिउ पवर-भुयंगहो
 जइ-वि सुरिंदहो अमर-समाणहो
 जइ ण सिद्धु तो पइसमि हुयवहु ८

घत्ता

तहिं अवसरे भणइ घणंजउ
 ते मारमि हउं एककल्लउ

पहु ण देंति जे संदणहो ।
 छुडु भिडु तुहं णइ-णंदणहो ॥ ९

[४]

लइ लइ दिव्व वाण महु केरा
 राहा-वेहु जेहिं परियारिउ

जे संगाम-काले पर-पेरा
 खंडवे जेहिं हुवासणु वारिउ

तालुय-वम्म जेहिं विणिवारिय
जेहिं गियत्तिउ कुरुम-वंदिग्गहु
रिउ णव दिवस जेहिं विणिभिण्णा
तेण-वि लइय पत्थु जय-कारेवि
कह-वि कह-वि णिसि गमिय पयत्ते
गय कुरुखेत्त रणंगणु भंडिउ

काल-कंज-दणु जेहिं विवारिय
जेहिं वियंभिउ उत्तर-गोग्गहु ४
ते णरेण तहो सयल-वि दिण्णा
जिह कयंतु थिउ घणु विण्फारेवि
वासवि आस पसाहिय मित्तो
उट्टिय धूलि सव्वु उग्मंडिउ ८

घत्ता

पहरण-सिहि-जाला-मालउ
दीसंति महा-घण-डंवरैहिं

रयहो मज्झे पवहृतियउ ।
णं विज्जुलउ पुरंतियउ ॥ ९

[५]

गय-मय-तुरय-फेग-पासेरुहिं
अवर चउत्थे णर-रुहिरोहे
ताम भीम-जम-सच्चइ-वाणेहिं
णिय-वल्लु मज्जमाणु अवलोएवि
पंडव-वूहु भिण्णु पइसारिउ
सोमय-सिंजय-मच्छ-पहाणा
तो मंभीस देवि पंडव-वले
पत्थए थाहि थाहि पच्चारिउ
पहरु पहरु जइ गंगा-जायउ

रय-गिहिं समिय तिहि-मि रणे एरुहिं
अरुण-समुद्द-समपह-सोहे
आसुरु वूहु भिण्णु सु-पमाणेहिं
सुरसरि-णंदणेण रहु चोएवि ८
पाण लेवि दस-दसहिं पघाइउ
सयल-वि राय जाम विहाणा
दुमय-सुएण विद्धु वच्छ-त्थले
दुक्करु रण-मुहे जाहि अ-मारिउ ८
तुह सोहउ सिंहंडि-जमु आयउ

घत्ता

आउच्छहि कउरव-साहणु
मइं तुज्जु कणंत-कणंताहो

कज्जइं करहि करेवाइं ।
अंगइं सरैहिं भरेवाइं ॥ १०

[६]

एम भणेवि महा-धणु-धारउ
 गय गिरत्थ अद्धवहे परउजिय
 पभणइ पत्थु समुण्णय-माणा
 अहो किव कण्ण कळिं ग जयइह
 दोण दोणि मद्दाहिव सउवल
 जो सक्कइ महु कंडा-कंडिहे
 एहु सो जण्णसेणि परिसक्कइ
 एम भणेवि अणिउजिय-वाहणु

पंचहिं सरेहिं विद्धु पडिवारउ
 णं कुरुवइ-सम्माण-विवज्जिय
 मइं पच्चारिय सयल-वि राणा
 चित्तसेण सल्लह सल दुम्मह
 सोमयत्त भयवत्त विहव्वल
 सो रहवरु पडिखलउ सिंहडिहे
 रक्खउ गंग-पुत्तु जो सक्कइ
 धरिउ घणंजएण कुरु-साहणु

४

८

घत्ता

रेल्लंतु छत्त-धय-चिघइं

घाइय णर-णारायण-धुणि ।

रिउ णासेवि गय गंडीवहो

जहिं ण सुणिज्जइ कहि-मि झुणि ॥ ९

[७]

णिएवि भयंकरु भड-कडवंदणु
 अहो परमेसार गो-विस-कंधर
 णर-णारायण-णियर-भिज्जंतउ
 भणइ पियामहु किं आदण्णउ
 जुज्जमि रणे रण-रामासत्तउ
 दिवे दिवे दस-दस-सहस णरिंदहुं
 हणमि ण जइ तो आण तुम्हारी
 एम भणेवि भिडिउ पंचालहं

दुज्जोहणेण वुत्त णइ-णंदणु
 समर-महा-भड-दुधर-धुरंधर
 पेक्खु महारउ वल्लु भज्जंतउ
 अच्छहि महु भुय-दंड-णिसण्णउ
 विजउ पराजउ दइवायत्तउ
 मारमि पेक्खंतहं अमरिंदहुं
 पुरोत्तडिय पइज्ज महारी
 णं दुप्पवणु महा-धण-जालहं

४

८

घत्ता

तो पट्टविय महाणइ-तोएण

थरहरंत णाराय-सय ।

एक्केक-णरिंद-पहाणा

दुमय-सेण दस सहस हय ॥ ९

[८]

हय दस सहस मत्त-मायंगहं	मय-परिमल-मेलविय-भिगहं	
दस तुरयहं दस सरहहं विसालहं	चूरिय विणिण लक्ख पायालहं	
तो वारह सामंत पघाइय	णं खय-रवि आयासहो आइय	
णिवडिउ चेइयाणु रणे तेत्तहे	चित्तसेण-थाणंतरु जेत्तहे	४
कियवम्महो विरुद्धु घट्टज्जुणु	ईसासणहो महाहवे अज्जुणु	
भूरीसन्नहो भीमु उवहुक्कउ	दुग्गमुह-साहणे भिडिउ घुडुक्कउ	
वरिउ सुदरिसणु उत्तर-कंते	किउ सहएवे विक्कमवंते	
दुमय-विराड दोण-दाघाएं	दोणायरिउ पडिच्छिउ राएं	८

घत्ता

घाइउ सिंहंडि गंगेयहो	णउल्लु विगणहो ओवडिउ ।	
रहु रहहो देवि सिणि-णंदणु	आरिससिंणिहे अब्भिडिउ ॥	९

[९]

एवं दलइं जुञ्जइं परिलगइं	केहि-मि काह-मि चिघइं भग्गइं	
केहि-मि काह-मि चावइं छिण्णइं	केहि-मि काह-मि कवयइं मिण्णइं	
केहि-मि काह-मि वणियइं गत्तइं	केहि-मि काह-मि खुडियइं छत्तइं	
केहि-मि काह-मि रहवर ताडिय	केहि-मि काह-मि सारहि पाडिय	४
केहि-मि काह-मि णिहय तुरंगम	छिण्ण-ढंक्क गय धरणि अयंगम	
त्तिहिं अवसरे घाइउ दूसासणु	करे विप्फारेवि स-सरु सरासणु	
विद्धु सिलीमुहेहिं तिहिं अज्जुणु	जायव-ण्णाहु पहउ वीसहिं पुणु	
पंडव-वर-गंडीव-विहत्थे	सर-सएण पच्छाइउ पत्थे	८

घत्ता

जुयराएं णरहो णिडाळयले	णिक्खय सर पंचग्गि-णिह ।	
णिच्चल्लु णिवकंपु दणंजउ	पंच-सिंणु थिउ मेरु जिह ॥	९

[१०]

तो कोवगि पवड्डिउ पथहो
 अवरु सरासणु लेवि तुरंते
 तेण-वि तहो सर-जालु विसज्जिउ
 अज्जुणेण विणिभिण्णु थणंतरे
 वड्डइ तावेत्तहे-वि भयंकरु
 नवहिं नवहिं णाराएहिं ताडिउ
 थिउ भययत्त मज्जे तहिं अवसरे
 पेसिय कउरव कउरव-राएं

पाडिउ धणु दूसासण-हत्थहो
 पंचवीस इसु मुक्क कुरंते
 दुज्जोहण-अणुएण परज्जिउ
 णिउ गंगेयहो पासु खणंतरे
 सच्चइ-आरिससिंमिहिं संगरु
 एकमेक्कु कह-कह-वि ण पाडिउ
 वि-धणु वि-सत्ति जाउ णिविसंतरे
 ते-वि परज्जिय माहवि-जाएं

४

८

घत्ता

भूरीसउ णव-णव वाणेहिं
 थिर-थेरेहिं धार मुवंतेहिं

ताडिउ ताव विओयरेण ।
 णाइं महीहरु जलहरेण ॥

९

[११]

भूरीसवेण समाहउ एकं
 वंचेवि भीमें सो-जि विसज्जिउ
 ताम पत्त एघारह राणा
 चित्तसेण-भययत्त-विगण्णेहिं
 किव-दुम्मरिसण-सिंघव-राएहिं
 सल्ले णवहिं तिहिं जे कियवम्मे
 विहिं विंदाणुविंद-णामाणेहिं
 तेण-वि तिहिं तिहिं हणेवि महारह

जरटाइच्च-समेण पिसक्के
 सोमयत्ति सहसत्ति परज्जिउ
 णिय-णिय जुज्झइं मुएवि पहाणा
 दसहिं दसहिं हउ थूणा-क्कणेहिं
 विद्ध तिहिं जि तेतोहिं णाराएहिं
 वीसहिं दुम्मुहेण दद-वम्मे
 विज्झइ पंचहिं पंचइं वाणेहिं
 भग्ग णरिंदउत्त एघारह

४

घत्ता

साहारिय आसात्थामेण
 लए लेहु लेहु जइ इच्छहु

मं भज्जहो एकहो जणहो
 महि देणहु दुज्जोहणहो ॥

९

[१२]

गुरु-सुय-वयणेहिं वलिय पहाणा	भीमें सव्व पडिच्छिय राणा	
क्वि-क्वियवम्म-सल्ल हक्कारिय	पंचहिं पंचहिं सरेहिं णिवारिय	
अट्टहिं उरसि विद्धु क्वियवम्मउ	णवहिं जयदहु किउ णिद्धम्मउ	
हउ विंदाणुविंदु छहिं थारहिं	दुम्मरिसाणु वीसहिं णाराएहिं	
सव्वेहिं तिण्णि तिण्णि सर पेसिय	तिहिं तिहिं तोमरेहिं णीसेसिय	४
झत्ति सत्ति भययत्ते मेळिय	साएण णउत्तरेण सा-वि भेल्लिय	
तोमरु सिंधवेण गुणे लाइउ	लेवि खुरुप्पु सो-वि दोहाइउ	
जो जो जं जं पहरणु धत्तइ	तहो तहो तंतं भीमु विहत्तइ	८
	घत्ता	

तहिं अवसारे धय-धूमाउलु	सार-जालोलि-विराइउ ।	
कुरु-साहण-वणइं उहंतउ	अज्जुण-हुयवहु आइउ ॥	९

[१३]

एक्कहिं मिलिय किरीडि-विओयर	णं कं पवण पवण-वइसांणर	
चक्क-रक्ख थिय विण्णि सिंहंडिहे	दुक्क महाहवे कंडाकंडिहे	
जो जो को-वि भिडइ आरुट्टउ	तहिं अवसारे रण-रामासत्तउ	
पेसिउ दुज्जोहणेण तिगत्तउ	× ×	
जाहि जाहि परिरक्खु पियामहु	थं भेवि घरहि घणंजय-आउहु	
तेण-वि किउ आपसु णरिंदहो	भिडिउ गंपि गंडीव-मइंदहो	
क्वि-सुसम्म-मदाहिव दूसह	दुम्मरिस-भययत्त-जयदह	
सत्त-वि तिहिं तिहिं सरेहिं वियारिय	अवर-वि फग्गुणेण हक्कारिय	८
	घत्ता	

लइ दुक्कहो सव्व मिलेप्पिणु	पत्थु धरिजइ जेत्तिएहिं ।	
महु कल्लेवडउ करंतहो	कवलु ण पुज्जइ एत्तिएहिं ॥	९

[१४]

तो सयलेहि-मि णरिदेहि थक्केहि	पंचहिं पंचहिं विदु पिसक्केहि	
हसमाणे णव-पवर-रहत्थे	भिंदेवि भिंदेवि घत्तिय पत्थे	
मदाहिवेण णिहउ पुणु सत्तहिं	तव-सुउ तिहिं णारायणु पंचहिं	
णव णाराय विओयरे लाइय	तिण्णि ताव सामंत पराइय	४
कलसद्वय-जयसेण-जयदह	णाइं घणागमे खुहिय मह-दह	
पर-वल-पाण-महाधण-थेणे	अट्टहिं सरेहिं विदु जयसेणे	
पंचाणण-चिधेण सुधीमें	पंचासेहिं णिवारिय भीमें	
खंडिउ रहु जुत्तारु त्रियारिउ	हय हयवर कह-कह-वि ण मारिउ	८

घत्ता

तहिं अत्रसरे दोणापरिण	पंचसट्ठि सर पट्टविय ।	
ते भीमें णवहिं स-सट्ठियहिं	अहि-व खगिंदे णिट्टविय ॥	९

[१५]

ताव णरे णवहिं णाराएहिं	विदु तिगत-गत्तु तिहिं थाएहिं	
जायइं जुज्झइं भडहं विचित्तइं	सरि-सुय-रक्खण-हणण-णिमित्तइं	
सल्ल-जुहिट्टिल-कोसल-पांडेहिं	दुमय-दोण-गंगेय-सिंहंडिहिं	
सव्वसाइ-भययत्त-णरिंदहं	भीमु पघाइउ मत्त-गइंदहं	
आसत्थामु वरिउ जुजुहाणे	पउरउ धट्टकेउ-णामाणे	
दुज्जोहणु अहिमणु-कुमारे	सिंधउ मच्छे विक्कम-सारे	
अवरेहिं अवर तुरंग वुरंगेहिं	रह रहवरेहिं मयंग मयंगेहिं	८

घत्ता

चल-वहल-धूलि-अंधारए	वलइं परोप्परु दुक्कियइं ।	
छत्त-घय-चामर-चिधइं	पहरण-जलण-झुलुक्कियइं ॥	९

[१६]

सखल-जुहिद्विल भिडिय परोप्परु
कोसल-पंडिहिं तिह रणु किज्जइ
दुमय-दोण पहरति पिसक्केहिं
जण्णसेण गंगेय समच्छर
रणु भययत्त-किरीडिहे जेहउं
गय-घड भीमहो भएण गिलुक्कइ
सच्चइ-आसत्थ्यामहुं संगरु
पउरव-घट्टकेउ समरंगणे

संपहारु पडिवण्णु भयंकरु
जिह विहिं एक्कु-वि जिणइ ण जिज्जइ
साहुक्कारिय णरवर-चक्केहिं
वावरंति परिओसिय-अच्छर
दुक्करु रावण-रामहुं तेहउं
जिह णव-वहु णव-वरहो ण दुक्कइ
जाउ घोरु परिओसिय-सुरवरु
खग-फरावसेस थिय तक्खणे ८

घत्ता

असि-घाएहिं हगेवि परोप्परु
णं जुय-खय-काल-पहावेण

मुच्छ पराइय वे-वि जण ।
णिवाडिय महियले विज्जु-घण ॥ ९

[१७]

घट्टकेउ जमलेहिं परिवारिउ
कुरु-णरिंद-अहिमण्णु-कुमारहुं
सुइरु करेवि घोरु कडवंदणु
छित्त सत्ति देवइ-सुय-जाएं
स-सर-सरासण-कर-परिहच्छहं
एत्तहे सुट्टु रुट्टु घट्टज्जुणु
अंतराले थिउ गिरुवम-चरियहं
एत्तहे सरि-सुरण पहरते

पउरवु कउरवेहिं ओसारिउ
जाउ महाहउ विक्कम-सारहं
छहिं छहिं सरेहिं विद्ध णर-णंदणु
छिण्ण खुरुपे कउरव-राएं ४
रणु एत्तहे-वि जयदह-मच्छहं
कइदिय सर विप्फारिउ धणु गुणु
दुमय-णराहिव-दोणायरियहं
पंडव-साहणे पलउ करतें ८

घत्ता

सामंत-सत्थु विणिवाएवि
दह दह रह-तुरय-मइंदहं

जिणेवि अणज्जुण वइरि-सय ।
भडहं चउदह सहस हय ॥ ९

[१८]

पंडव-लोउ सव्वु आदण्णउ
 संतणु पळउ करंतु ण थक्कइ
 तो घट्टज्जुणेण णिन्मच्छिउ
 अज्ज-वि सरेहिं ण छिज्जइ संदणु
 अज्ज-वि कउरव-वल्लु मंभीसइ
 अज्ज-वि तणु-तणुताणु ण फेडइ
 अज्ज-वि सामिउ हियइ विसूरइ
 तं णिसुणेवि सिहं डि आरुट्टउ

वट्टइ धम्म-पुत्त उच्छण्णउ
 अ-वल्लु सिहं डि जिणेवि ण सक्कइ
 मणु एत्तडिय वार कहिं अच्छिउ
 अज्ज-वि जीवइ गंगा-णंदणु
 अज्ज-वि फरहरंतु घउ दीसइ
 अज्ज-वि धुरिउ तुरंगम खेडइ
 अज्ज-वि परम जयास ण पूरइ
 मत्त-महा-गइंदु णं दुट्टउ

४

८

घत्ता

सर पेसिय दुमयहो पुत्तेण
 णं मलयहं सोसण-सीलेण

रिउ-वह-क्म्म-कियायरेण ।
 दूसह किरण दिवायरेण ॥

९

[१९]

जे पट्टविय दुमय-दायाएं
 रहवर छत्त दंड घय तोडिय
 सो-वि घणजएण विणिवारिउ
 जाणिय-णिरवसेस-धणुवेयहो
 संतण-तणुरुहेण दुल्लखे
 घण-जालेण व मग्गण-जाले
 पर-वल्लु णिरवसेसु ओवग्गइ
 धम्म-पुत्त जहिं तहिं जउ धम्महो

ते सर छिण्ण सव्व जुयराए
 हय गय णर णरिंद वहु पाडिय
 कउरव-लोउ सव्वु पच्चारिउ
 सिहि व सिहं डि दुक्कु गंगेयहो
 दसहिं सएहिं सहासें लक्खे
 छाइउ जण्णसेणि असराले
 एक्कु-वि सरु ण सिहं डिहे लग्गइ
 णाहि विणसु पुराइय-क्म्महो

४

८

घत्ता

अ-पमाणइं वज्ज-समाणइं
 जसु मणुसहो दइउ सहेज्जउ

महिहर-सिहर-वियारणइं ।
 किं करंति तहो पहरणइं ॥

९

[२०]

तिहिं सिलीमुहेहिं रिउ छाइय
भणइ जुहिद्विळु अहो वय-घारा
पय-पूरणेहिं काइं जीयंतेहिं
वारह वरिसइं वसिय वणंतरे
मगिय पंच गाम णउ दिण्णा
धम्म-पुत्तु करुणामय-सिंचिउ
सेवा-धम्म-सुहहं णिव्विण्णउ
सिरु सामिहे महि पंडव-रायहो

रहियहं पंच सहस विणिवाइय
वरि मारहि अम्हइं जि भडारा
दुक्खहं भायणेहिं सुह-चत्तेहिं
वरिसु विराडहो केरए पुरवरे
सुहिय भाव-कारणे णिव्विण्णा
अण्णु-वि कुरुव-गराहिउ किंचिउ
थिउ जीवेए णिदाखिण्णउ
पाण सिंहं डि-वाण-संवायहो

४

८

घत्ता

मणु सासय-पुर-परिपालहो
आराहण-गंगा-संगमे

एम चयारि-वि देवाइं ।
अंगइं मइं वित्तेवाइं ॥

९

[२१]

जं केवलिहिं आसि आइट्टउ
अवसु सिंहं डिहे सरेहिं मरेवउ
मं वोल्लेसइ को-वि अ-विणीयउ
एम भणेवि ओवडिउ पडीवउ
जे सर धिवइ तरंगिणि-णंदणु
जे पट्टवइ सिंहं डि सिलीमुह
दसहिं पियामहु दसहिं सरासणु
वीयउं तीयउं एम चउत्थउं

तं गंगेयहो हियए पइट्टइ
एवमि एवमि वरि पहरेवउ
जिह णइ-णंदणु पाणहं भीयउ
कुरु-कुल-भवणुज्जोयण-दीवउ
ते लगंति परहो णं चंदणु
ते णिवडंति णाइं वज्जाउह
सारहि दसहिं दसहिं तल-लंउणु
पुणु पंचमउं छिण्णु पुणु छट्टउं

४

८

घत्ता

धणु जं जं लेइ पियामहु
मगणहं असेसु वि दितउ

तं तं छिंदइ दुमय-सुउ ।
महियले णिद्धणु कोण हुउ ॥

९

[२२]

थिउ णिद्धम्मु धम्मु चित्तंतु-वि
 देहावरणु भिण्णु सहं देहे
 धित्त सत्ति सहसत्ति पउंजिय
 सत्तिउ विण्णि अणेयइं चावइं
 वे-वारउ तुरंग सर-ताडिय
 थिउ रेहउ कड्डंतु महीयले
 आउ आउ रणु मुएवि महारह
 पइं कोमार-वंभ-वउ चिण्णउं

विरहावत्थु पत्तु वयवंतु-वि
 णं महिहरु णउ पाउस-मेहे
 स-वि पंचहिं सरेहिं पविहंजिय
 दुमय-सुएण क्रियइं अ-पयावइं ४
 सारहिं विण्णि विण्णि रह पाडिय
 हक्कारंति देव-रिसि णहयले
 वंभुत्तरु पइसरहिं पियामह
 णिय-धणु दीणाणाहहं दिण्णउं ८

घत्ता

तहिं काले सिंह डिहे वाणेहिं
 णइ-णंदणु भिण्णु णिरंतुरु

अहिणव-वण्ण-स-धाउएहिं ।
 सद-धम्मु जिह वाउएहिं ॥ ९

[२३]

तो-वि ण कं पिउ गंगा-णंदणु
 करे करवाल्लु करेप्पिणु णिम्मल्लु
 धाइउ पलयाइच्च-संमप्पहु
 दुमय-सुएण ताम सय-चंदउ
 भिण्णु णउत्तरेण सय-घाएं
 तो पंडवेहिं मिलिउ अल्ल
 णं अंबुहरुण माइउ धारेहिं
 पेच्छावहिं सर उर पडिल्लगा

अ-धउ अ-सारहिं अ-धणु अ-संदणु
 चम्म-रयणु उरे धरेवि समुज्जल्लु
 सर-किरणेहिं णिवारिउ दूसहु
 छिण्णु स-मंडल्लगु वसुणंदउ ४
 पुणु-वि खुरूप-सएण स-माएं
 सोमय-सिजय-वलेण समत्ते
 पाडिउ दिणमणि णाइं पहारेहिं
 अलि जिह कुसुम-पायव-वल्लगा ८

घत्ता

कुरु-साहणु भग्गु असेसु

पुणु गयणे दिवायरु अत्थमिउ ।

धवलंतु सयं भुवणंतरु

जसु पंडवहं परिभमिउ ॥ ९

*

इय रिट्ठणेमिचरिए धवलइयासिय-सयंभूएव-कए सत्तचालीसमो इमो सग्गो ॥

*

अट्टचालीसमो संधि

सरेहिं गिरंतरु पूरियउ
शक्ति पडंतउ णहयलहो

गंगा-णंदणु धरणि ण पावइ
किरणेहिं धरिउ दिवायरु णावइ ॥ १

[१]

जं पडिउ पियामहु कुरुव-वीरु
पलयगि-पयंग-समुग्ग-तेउ
दूसासणु भीम-भएण णट्टु
णं हरिणु-व हरिणाहिवहो चुक्कु
कुरु-गुरुहे णिवेइय तेण वत्त
तं वयणु सुणेविणु भग्ग-घोणु
स-सरासण हत्थहो पडिय वाण
किउ कम्मु सिंहंडिए रणे रउइउ
पल्लट्टिउ जगु मारिउ कयंतु

सायर-गंभीरु गिरिंद-धीरु
तं रहवरु वाहेवि पवण-वेउ
णं तक्खणे तक्खय-णाय-तट्टु
णं गहवइ गह-मुह-गाह-मुक्कु ४
लइ ताय पियामह-कह समत्त
ओणल्लु महारह-सिहरे दोणु
परिरक्खिय मुच्छए कह-वि पाण
रवि पाडिउ सोसहो णिउ समुइउ
लइ एवहिं चुक्कइ को जियंतु ८

घत्ता

वज्ज-खंभे जहिं होंति घुण
वइरु करेवि सहं पंडवेहिं

जहिं अमर-वि मारिय मरंति ।
तहिं अम्हारिस काइं करंति ॥ ९

[२]

पंडव-कुरु संगरु पयट्टु तेत्थु
जल-धारा-घोरणि-वरिय-देहु

संतणु सर-सयणे णिवण्णु जेत्थु
वरिसंतु णिहालिउ णाइं मेहु

वेढेवि णिगूढ-पय-जंगमेहि	णं चंदणु रुद्रु भुयंगमेहि	
अरहट्ट-तुं वु णं अर-वरेहि	तं सो-जि गिरंतरु सरवरेहि	४
सव्वंगिय-पसरिय-वेयणेण	कह-कह-वि समागय-चेयणेण	
कुरु पंडव वयण-विमद्दणेण	वोह्हाविय गंगा-णंदणेण	
जइ दुक्कइं विण्णि-वि साहणाइं	तो छंडहो पहरण-वाहणाइं	
रणु मुएवि परोप्परु करहो णेहु	घोसहो अ-मारि परमत्थु एहु	८

घत्ता

जुञ्जतहं दस-वि दिवस गय तो-वि महाहउ णाहि समतु ।
 प्हवण-पुञ्ज-महिमइं करहो को जाणइ किर जीविउ क्तु ॥ ९

[३]

जो मुउ सो मुउ किर कवणु दोसु	दुञ्जोहण भीम मुअंतु रोसु	
धट्टञ्जुण-दोणम कलि करंतु	कण्णञ्जुण मच्छरु परिहरंतु	
तं णिसुणेवि सव्वेहिं पत्थिवेहिं	पंचाल-पंडु-मच्छाहिवेहिं	४
कुरु-जायव-सोमय-सिंजएहिं	अवरेहि-मि पवर-पुरंजएहिं	
पडिवणु वयणु णइ-णंदणासु	ओहत्थाहणु (?) दुक्कु पासु	
एकत्तहे जायव णिरवसेस	अण्णेत्तहे मांगह थिय असेस	
एकत्तहे पंडव मिलिय सव्व	अण्णेत्तहे कउरव गलिय-गव्व	८

घत्ता

णिएवि पियामहु सर-सयणे वाह-भरंत-णयण विदाणा ।
 कुरु-कुल-लगण-खंभु गउ धाह मुवाविय सयल-विराणा ॥ ९

[४]

कुरु-पंडव-जायव-मागहेस
 के-वि पिय-हिय-वयणासीस देवि
 के-वि सिरेण के-वि महि-मंडलेण
 जं आयउ पुव्व-कमेण दव्वु
 परिपूरिय पणइहिं परम तित्ति
 विहिं थूण-कण्णेहिं मग्गणेण
 तहिं अवसरे आय विसुद्ध-वंस
 अइ-घोर-वीर-तव-तत्त-देह

सम्माणिय णरवइ णिरवसेस
 कर-कमल-परिमरिसेण के-वि
 के-वि दाण-पवरिसेण विरलेण
 तं दीणाणाहहं दिण्णु सब्बु
 आहार-सरीरहं किय णिवित्ति
 उवहाणउं किज्जइ फग्गुणेण
 वे हंस महा-रिसि परम-हंस
 परमेट्ठि-पाय-पंकय-दुरेह

४

८

घत्ता

जीव-दया-वर गयण-गइ
 पज्जण-विणिम्मियहिं

वागीसर जर-मरण-वियारा ।
 फलिह-सिलहे उवविट्ठ भडारा ॥

९

[५]

पोमाइउ सरि-सुउ जइवरेहिं
 पइं मुएवि पियामह कवणु वीरु
 को सुएवि समथु (?) सर-सथणे
 तं वयणु सुणेविणु सच्च-संधु
 णइ-णंदणु पभणइ सर-विदिण्णु
 गुरु-पंच-महावय-भरु ण वूहु
 इह-लोइउ एकु विसउ ण लद्धु
 लइ एवहिं तुम्ह पइट्ठु सरणु

अच्चंत-मउय-महुरक्खरेहिं
 जगे अण्णहो कहो एवडु धीरु
 को अच्छइ महिण छिवंतु गयणे
 दुद्धर-वय-भर-धुर-दिण्ण-संधु
 मइं एण सरीरे तउ ण चिण्णु
 अच्छउ वामोहण-णियले छूहु
 कक्कडउ वणिय-णंदणिहिं खद्धु
 संपज्जइ जेण समाहि-मरणु

४

८

घत्ता

पुथु वि पियामहु विण्णवइ
 चउ-विह-फल-संपत्तिकरि

मथरकेउ-सर-णियर-णिवारा ।

लइ आराहण कहहिं भडारा ॥ ९

[६]

तो कहइ महारिसि णवेवि सिद्ध	चउरंगाराहण फल-समिद्ध	
आराहण रयण-त्तय-विसुद्धि	आराहउ अण्णु ण का-वि बुद्धि	
तव-दंसण-णाण-चरित्त-वग्गु	सो आराहेवउ एक्कु लग्गु	
आराहण-लयहे समुज्जलाइं	सग्गापवग्ग-सोक्खइं फलाइं	४
सम्मत्त-चरित्ताराहणेण	चउ-विह आराहण दु-विह तेण	
उवसमियइ खाइउ उहय-सिद्धु	सम्मत्तु ति-विहु आगमेण सिद्धु	
जो तिण्णि-वि आराहेवि समत्थ	सम्मत्ताराहण सा पसत्थ	
चारित्तु पाव-किरियहे णिवित्ति	तव-दंसण-णाण-पहाण-वित्ति	८

घत्ता

णाणु वि आराहिय वोहयरु	तउ मलहरु णयण-णियत्ति	
चरणं पुणु आराहिण	आराहियइं असेसइं होंति ॥	९

[७]

चारित्तु णिरुज्जउ किं करेइ	ससिच्चिं वु व णिप्पहु दिहि ण देइ	
संतउ वि ण सक्कइ हणेवि कम्म	णिदालस-भावे खवइ जम्म	
आराहण-विहिं पावइ ण जेट्ट	चारित्ते करेवी तेण चिट्ठ	
सोहइ चरित्तु जिह उज्जमेण	तव-चरणु तेम सहं संजमेण	४
संजम-परिहीणहो तउ गिरत्थु	उण्हालए महिहर-मत्थुयत्थु	
तरु-मूले घणागमे जोगु लेउ	सीयालए वाहिर-सयणु देउ	
भक्खउ रवि-किरणइं पियउ वाउ	उच्चिमय-भुय एक्कगुट्टे थाउ	
पंचग्गि णिसेवउ खवउ देइ	अण्णाण-किलेसु असेसु एहु	८

घत्ता

संजम-विरहिउ तव-चरणु	सोह ण देह जइ-वि बहु-माणउं ।	
करि जिह ण्हाएवि त्रिमल-जले	धूलिए पडिलिंपइ अप्पाणउं ॥	९

[८]

सत्तारह मरणइं भासियाइं
 पहिला-उं पंडिय-पंडियक्खु
 वीयउं महारिसिइं तवेण चिण्णु
 पाओय-मरणु इंगिणिय-मरणु
 मुउ तेण पमत्तइं करेवि आउ
 तइयउं सिसु-पंडिउ णामधेउ
 गुण-थाणु चउत्थु चउत्थएण
 पंचमउं बाल-बालाहिहाणु

संखेवेण पंच पयासियाइं
 जो मरइ तेण तहो परम-मोक्खु
 तं पंडिय-मरणु ति-भेय-मिण्णु
 चउ-विह आहार-णिवित्ति-करणु ४
 चउ-ठाणिण उवसम-सेट्ठि जाउ
 पंचम-गुण-थाणु गिहत्थ-हेउ
 मरणेण बाल-णामुत्थएण
 जो मरइ तेण तहो पढमु थाणु ८

घत्ता

पंचहं मज्जे पसंसियइं
 पढम-दुइज्ज-तइज्जाइं

तिणिण तिलोय-दुक्ख-परिहरणइं ।
 केवल्लि-साहु-गिहत्थहं मरणइं ॥ ९

[९]

जो लेप्पिणु दुक्करु दुरुवरसु
 गणहर-विचिण्णु दस-पुव्व-सुत्तु
 अत्तागम-परम-पयत्थ-चत्तु
 जंपइ पर-दिट्ठि पसंस लेवि
 मायावि अणुज्जउ पयइ-खुइं
 ल्हव्व पंच गुरु णव पयत्थ
 उवसमियउं खाइउ उहय-सुद्धु
 ते सम्माइट्ठि ण का-वि मंति

परिहरइ जिणागमु णिरवसेसु
 पत्तेक्क-बुद्धु केवल्लि-पवुत्तु
 भासंक्क-क्ख-विदिगिच्छ-वंतु
 अणु-दियहु पराय-अणोवसेहि ४
 सो मिच्छा-दिट्ठि महा-रउइ
 सइदिय जेइं ते दंसणत्थ
 सम्मत्तु ति-विहु दिहु जेइं लद्धु
 पुव्वन्निखय-गुण-ठाणेहिं ठंति ८

घत्ता

जं तइलोय-महग्घयरु
 तं सम्मत्त-महा-रयणु

दिणयर-कोडि-समुज्जल-गततउं ।
 जसु घरे तेण ण काइं विट्ठउं ॥ ९

[१०]

आयण्णउ पोत्था-वायणाइं	मल्लु धरउ चरउ चंदायणाइं	
सेवउ तरु-मूलइं पिउ-वणाइं	वाहिर-सयणइं अत्तावणाइं	
विसहउ वावीस परीसहाइं	इंदियइं परउजउ दूसहाइं	४
सम्मत्त-विहूणइं दिहि ण दिंति	णवखत्तइं किं तमु खयहो णिंति	
तउ संजमु णियमु चरित्तु णाणु	दय-धम्मु सच्चु सज्जाउ ज्ञाणु	
गुत्ति-त्तउ पंच महावयाइं	अणुवय-गुणवय-सिक्खावयाइं	
आयइं अवरइ-भि अणुट्टियाइं	सव्वइं सम्मत्ते परिट्टियाइं	
जिह सायरे सव्वइं सरि-मुहाइं	जिह सासय-पुरे सासय-सुहाइं	८

घत्ता

सव्वहो पुरहो पउलि जिह जिह पायवहो मूल्लु अहिंठाणउं ।
जिह चूडामणि मणि-गणहं तिह सव्वहं सम्मत्तु पहाणउं ॥ ९

[११]

सम्मत्ताराहण होइ एम	चारित्ताराहण कहमि जेम	
तहिं भत्त-पइण्णउ दृइ-पयारु	स-वियारउ चालीसाहियारु	
अ-वियारउ तेथु णिरुद्धु पवरु	तववंतु परम-सद्धाइं अवरु	
स-वियारहो तहिं पटमाहियारि	परिचाउ करेवउ देह-हारि	४
कर-चरण-सवण-लोयण-विणासे	दुक्कालागमणे वण-प्पवासे	
वय-भंग-पयारए वंधु-वग्गे	वुट्टत्तणे थोरे महोवसग्गे	
दुब्बिसह-वाहि-अव्वंतराले	अवरे-वि अणिट्टे अरिड्ड-काले	
अवहत्तियय-देह-महाभरेण	सण्णासु करेवउ जइवरेण	८

घत्ता

लोउ अ-चेलिम पडिलिहणु तणु-वियार-वोसिरणु करेवउं ।
बंधेरे चिंधउं धरेवि अवरु चउब्बिह-चरणु चरेवउं ॥ ९

[१२]

दुक्कणिया-पमुह-दयावरेण	सिरे लोउ करेवउ जइवरेण	
परिहाणु चएवउ तवसिएण	णिगंथ-मोक्ख-मग्गासिएण	
पडिल्लिहणु करेवउ कमल-मत्तु	कर-चरण-अट्ट-कत्तरि-णिमित्तु	
परिचाउ करेवउ मज्जणाहं	उव्वट्टण-मलणब्भंजणाहं	४
ण्हाणं जण-धूव-त्रिलेवणाहं	णह-ल्लेय-दियावलि धोवणाहं	
तो पावेवि दइयंवरिय दिक्ख	सिक्खेवी पुणु णिरवज्ज सिक्ख	
सुय-केवल्लि-गणहरएव-दिट्ठ	पत्तक्क-वुद्ध-दस-पुब्बि-सिट्ठ	
ण पडिज्जइ णयर-समुद्धिजाए	थाइज्जइ थाइए परम-थाए	८

धत्ता

सिक्खेवी सिक्ख महा तवेण	विणउ करेवउ जो जिण-भासिउ ।	
काइउ वाइउ माणसिउ	दंसण-णाण-चरित्त-तवासिउ ॥	९

[१३]

जसु विणउ तासु दंसणु पहाणु	जसु विणउ तासु वित्थरइ णाणु	
जसु विणउ तासु चारित्तु थाइ	जसु विणउ तासु तवचरणु भाइ	
विणएण विट्ठप्पइ परम धम्मु	विणएण सुमाणुसु देह-रम्मु	
विणएण रिद्धि विणएण सोक्खु	विणएण सग्गु विणएण मोक्खु	४
लब्भइ विणएण समाहि-मरणु	ण समाहि मुएवि परु परम-सरणु	
मणु तुरउ धरेवउ इमेवि तेम	वय-दावणु मुएवि ण जाइ जेम	
मण-मत्त-महा-गउ विसम-सीलु	सुर-णर-फण्हिद-विट्ठण-लीलु	
कड्ढेवउ णाणं कुसेण तेम	ण मुयइ सज्जायालाणु जेम	८

धत्ता

सल्लिलहो मज्झे मयं कु जिह	णिय-मणु धरेवि ण सक्कइ कोइ ।	
जेण समाहि-मरणु लइउ	सो पर मोक्खहो भायणु होइ ॥	९

[१४]

ण समाहि अभव्वहुं णरवरासु
सो जइवरु जो अणियय-विहारि
तरु-वाहिर-रयणत्तावणेहिं
थंडिलेहिं मसाणेहिं गिरि गुहेहिं
परभागम-लोयणु भमइ भिक्खु
वसुमइ-पत्थरणु भुवोवहाणु
इह जम्मणु इह णिक्खमणु णाणु
सद्धिट्ठि-दिदत्तण-भावणाउ

सावयहं होइ जिम जइवरासु
अणुगामिउ(?) केवल-चरण-चारि
पुर-णयर-खेड-पट्टण-वणेहिं
कव्वड-मडंव-दोणामुहेहिं
कउहंवरु पावरिअंतरिक्खु
तिण-कणय-कोडि अरि-सुहि-समाणु
णिवाण-णिवाणइं वंदमाणु
अच्छण्णु खेतु परिमग्गणाउ

४

८

घत्ता

आयइं पंच महाफलइं
जइ-वि मणेण विभावियइं

पक्कइं पंथ-महा-दुम-डालें ।
लहइं महारिसि विहरण-कालें ॥

९

[१५]

विहरेप्पिणु सव्व-दयावरेण
दुप्पालइं परिपालियइं वयइं
सिद्धंत-समुद्दहो दिट्ठु पारु
मुह-कुहरे जाम णउ खलइ वाय
दद कट्ठिण जाम भुव-दंड वे-वि
जावण-वि भज्जइ जरए पुट्ठि
जावण-वि गीवा-अंगु होइ
दुब्भिक्ख-डमर-दुत्थइं ण जाम

परिणाउ करेवउ जइवरेण
णिप्पणइं सीस-पसीस-सयइं
वरि एवंहिं मुयमि सरीर-भारु
थिर जाम जाणु-जंघोरु-पाय
कर-मुद्दहो दित्ति जा कवल्लु लेवि
ण वल्लगइ मत्थए जाम दिट्ठि
जावण-वि विहडइ संधि को-वि
वरि भत्त-पइण्णउं करमि ताम

४

८

घत्ता

सल्लेहण-भावंतएण
मुएवि कमंडलु पडिलिहणु

सुद्ध परिणामु करेवउ ।
दु-विहु परिग्गहु परिहरिएवउ ॥ ९

[१६]

दस सुद्धिउ णव पवित्रेअ जासु सल्लेहण काले समाहि तासु
 रयण-त्तय-विणयावास-सुद्धि संथारालोयण-उवहि-सुद्धि
 वइणइय-सपाणाहार-सुद्धि जसु जायठ तासु समाहि सिद्धि
 देहे-दिय-उवहि-कसाय-चाउ संथारासण-भोयण-विराउ ४
 दव्वासिय भावासिय विवेय सु करेवा मरण-मणेण एय
 चडिएवी गुण-सोवाण-पंति जहिं उत्तम सत्त समारुहंति
 जा सासय-पुरहो णिसेणिभूय गय जाए महारिसि सुप्पहय
 जा गुण-संपत्तिहे परम-हेउ पर सिद्धेहिं जाणिउ जाहे छेउ ८

घत्ता

भाव-णिसेणि समारुहेवि संधाहिवेण समउ बोलेवउ ।
 जिह सहुं केण-वि पत्थिवेण पढम-थाणे जणे मोणु लएवउ ॥ ९

[१७]

भावणउ पंच भावेवि आउ संकिट्टउ पंच मुएवि ताउ
 गुणियाउहु राय-कुमारु जेम कज्ज-खमु महा-रिसि होइ तेम
 तव-भावण-भाविउ जसु सरीरु सण्णास-काले सो परम-धीरु
 सुय-भावण-भाविउ देहु जासु तउ दंसणु णाणु चरित्तु तासु ४
 जो सत्त-भावणा-भावियंगु उवसग्गे-वि तहो ण कयावि भंगु
 एकत्त-भावणा-भावियंगु सो केण-इ सहुं ण करेइ संगु
 दिहि-भाव-भावियावयव जासु स-धराधर-धीरिम होइ तासु
 इय पंच-भावणा-भावियंगु सल्लेहण-कालहो को ण जोग्गु ८

घत्ता

तउ अणसणु अवमोयरिउ रस-परिचाउ वित्ति-परिमाणु ।
 काय-किलेस-समाणउं छुत्विहु वहि-सण्णास-विहाणु ॥ ९

[१८]

अणसणु दृ-पयारु तव-पहाणु	कालावहि आमरणावसाणु	
अवभोयरि-तवु वत्तीस-गासु	ऊणुणु सिन्थु जावेक्क-गासु	
अह पुरिसहो साहिय जाम तीस	महिलहे-वि कवल जा अट्टवीस	
रस-चाउ करेवउ जइवरेण	जसु कारणु सासय-पुरवरेण	४
मुंजेवउ भत्त दिणेक्क-कालु	स-वसाणु स-पाणिउ सारणालु	
वि-त्तइ वि-सण्णि वि-लवणु-विसुद्ध	अ-चिहि ढ्हिहिल्लु अ-महिउ अ-दुद्धु	
णउ सक्कर गुलु तव-राउ खंडु	स-सरीरे करेवउ एम दंडु	
सवणच्छि-फरिस-वाणिदियाइं	जीहिदिए जिए सव्वइं जियाइं	८

धत्ता

एण जिणागम-भासिएण	जो संचरइ महा-रिसि-मग्गे ।
हत्थ-गेञ्जु तहो मोक्ख-फलु	कारणु कवणु वराएं सग्गे ॥ ९

[१९]

पइसंते चरिया-गोयरेण	परिसंख करेवी जइवरेण	
मुंजेवउ पत्ते एरिसेण	जइएण धरिउज्जइ सुपुरिसेण	
विहरेउ एम अवग्गहेहिं	णिय-जीहाणाइं(?) णिग्गहेहिं	
गय-पडियागय-गोमुत्तएहिं	भामरि-संवुक्कावत्तणेहिं	८
परिवज्जिय-गोउर-तोरणेहिं	मासिक्क-सिन्थ-कय-पारणेहिं	
भिक्ख-परिगणणाणुक्कमेहिं	पुण्णोवहार-परिहोवमेहिं	
इय एक्क-वित्ति परिसंख जासु	कर-गेञ्जइं सव्वइं सुहइं तासु	
पुणु कालु गमेवउ जइवरेण	णिय-काय-क्किलेसें दुक्करेण	८

धत्ता

अणुसूरिय-पडिसूरिएहिं	उद्ध-तिरिय-सूरिएहिं भमेवउ ।
पडिमा-जोय-चउम्मुहेहिं	इंदिय-सव्व-णिरोहु करेवउ ॥ ९

[२०]

सम-चरण-एक-चरणाइएहि
 गिद्धोयलीण-गय-सोंडिएहि
 अज्जोवयास-णिसि-जग्गणेहि
 गोदोहण-कुक्कुड-विग्गमेहि
 छट्टट्टम-दसम-दुवारसेहि
 किउ दुक्करु काय-किलेसु जेण
 णिवसेवउ अवरु विचित्त-थामे
 उज्जाणे मसाणे गुहं तराले

वीरासणद्ध-वीरासणेहि
 गो-सयणु-त्ताणुग्गुंडिएहि
 पलियं कणद्ध-पलियं कणेहि
 उदंड-वायमडओवमेहि
 आहार-विसेसेहि णीरसेहि
 संसार-महण्णउ तिण्णु तेण
 तरु-कोडरे णिज्जणे सुण्ण-गामे
 गिरि-सिहरे सिलायले वोल्ल-जाले

धत्ता

वाहिर-तत्रे आराहिण
 होइ णरिद सइं भुवेहि

अभंतर-तत्रे-वि आराहिउ ।

सव्वु कसाय-राय-गणु साहिउ ॥ २



इय रिट्टणेमिचरिए धवलइयासिय-सयं भुएव-कए अट्टचालीसमो इमो सग्गो ॥



उणपण्णासमो संधि

गंगेयहो हंस-महा-रिसि इंदभूइ मगहेसरहो ।
 आराहण कहइ पयत्तेण जिह समाहि भव्हो णरहो ॥१
 गंगेयह चारण-रिसिणा वारह सुत्ताइं अक्खियइं ।
 मल-हरणइं मोक्खहो कारणइं तेण जि णिय-मणे लक्खियइं ॥२

[१]

मारहु लिगु सिक्ख विण्णासिय सहुं विणएण समाहि पयासिय
 सहुं अणियय-विहारु परिणामे उवहि-परिग्गह-वज्जण-णामे
 भाव-णसेणि पंच-विह भावण अंभितर वाहिर सल्लेहण
 वारह पगरणाइं महि सिट्ठइं जाइं पंच-परमेत्थिहिं दिट्ठइं ४
 अक्खमि-दिस पगरणु तेरहमउ णिरवसेसु सीसा-परियाभित
 सुद्धायारु महा-गुणवंतउ अविस्सम-सीलु दया-दम-वंतउ
 एलाइरिउ परिट्ठविणवउ संधाहिवेण संघु पत्थेवउ
 देह-भारु हउं वहेवि ण सक्कमि णिवडइ जेत्थु तेत्थु परिसक्कमि ८

घत्ता

जगु भक्खिउ सायरु सोसिउ तो-वि ण पावहो जाय दिहि ।
 कंचुवउ जेम अहि मेत्तइ मुयमि तेमत्तणु दुक्ख-णिहि ॥ ९

[२]

सल्लेहण-विहाणु मणे भावेवि गणहो खमेवि गणु मयलु खमावेवि
 संधाहिवेण महा-गुणवंते अणु-सिक्खवण करेवी जंते

रि-११

संजम-णीसारेहि अवहत्थेहिं
केण वि महं विवाउ ण करेवउ
णिय-गणु चक्खु जेम रक्खेवउ
परिहरिएवउ लोयहं सावणु
अंजणु पाय-रक्खु तणु-ताणउं
दंसणु णाणु चरित्तु धरेवउ

संगु ण किण्जइ सहं पासत्थेहिं
मण-करि णाणंकुसेण धरेवउ ४
परु अप्पाणु समाणु करेवउ
णह-छेयणु दसणावलि-धोवणु
धुण्णिय-समलणुवत्ताएण-णहाणउं
संजमत्थु तव-चरणु चरेवउ ८

घत्ता

पालेवा पंच महा-वयइं
जीहोयर-कर-कम-गुज्झइं

पंचेदियइं दमेवाइं ।
आयइं अंकुसिएवाइं ॥ ९

[३]

देव-भत्ति गुरु-भत्ति करेवी
अभय-दाणु छड्जोवहं देवउं
महिला-संगु सुदट्ठु विरुवारउ
सो सप्पुरिसु जुवइ जो छडइ
जइ ण णारि णारिणु सारइ
सो णरु तिथयरत्ताणु पावइ
मूल-गुणदठवोस पालेवा
साहम्मिय-वच्छल्ल करेवी

चेइ-भत्ति सुय-भत्ति करेवी
विसय-कसाय-सेणु भंजेवउं
दुक्किय-कम्म-णिवंधण-गारउ
जाहे पहावें जोणिहिं हिंडइ ४
तो सव्वहो विमोक्खु को वारइ
सोलह कारणाइं जो भावइ
स-परीसह उवसग्ग सहेवा
एव एह अणुसद्दांठ लएवी ८

घत्ता

संघाहिउ एलायरियहो
अपरिग्गहु मोह-विज्जिउ

सव्व समएपेवि णीसरइ ।
पर-गण-चरिए पइसरइ ॥ ९

[४]

तहि मि खेत्ते परिमग्गण किउजइ	संघाहिबद्धो पासु दुक्किउजइ	
आयाराइ-अट्ठ-गुण गणिया	आचेलक्क-पमुह दह भणिया	
वारह तव छावास-विमुद्धा	गुण छत्तीस ओए अविरुद्धा	
जसु सो परमायरिउ पगासिउ	तं विण्णवइ णवेवि सण्णासिउ	४
केत्तिउ कु कलेवरु परिवड्ढमि	तुम्हहं पाय-मूले परिछड्ढमि	
भणइ महा-रिसि तुहुं जगे धण्णउ	जसु वइरग्ग-भाउ उट्पण्णउ	
मरण-मणोरहु दूरुवराइय	लइ आराहण वीर-वडाइय	
धीरउ होहि जाम जत्तारेहिं	आलोयमि सहुं णिय-परिवारेहिं	८
	धत्ता	

परिचितेवि सीसायरिएहिं	णिउणत्तणेण णिरिक्खियउं ।	
कस-ताव-छेय तिहिं भंगिहिं	जहिं दीणारु परिक्खियउं ॥	९

[५]

दिवस-वार-णक्खत्ता-मुहुत्तोहिं	हेारा-कड्ढण-दिब्ब-णिमित्तोहिं	
देस-णारिद-साहु-गण-सत्थेहिं	आएहिं अवरेहि-मि सुह-उत्थेहिं	
संघाहिवेण संघु पुच्छेवउ	तेण-वि खवग-भारु इच्छेवउ	
एक्कु णिविट्ठु दब्बु सत्थारए	थिउ भावंतु अवरु तहिं वारए	४
आगमे तइयउ खवगु णिसिद्धउ	धूमारहि थाणु सुपसिद्धउ	
भणइ म ा-रिसि आगम-लोयणु	दिक्खइे लग्गेवि करि आलोयणु	
कंटउ डहइ पाए जिह भग्गउ	तिह कलंकु जो हियवए लग्गउ	
सो कड्ढणहं तीरइ हत्थे	परिफिट्ठइ आलोयण-सत्थे	८

घत्ता

जइ ण गयइं कह-व पमाण सल्लइं हियवए लग्गाइं ।
तो भव-चउरासी-लक्खेहि दुइइं देति आवग्गाइं ॥ ९

[६]

माया-मिच्छा-भाव-णियाणइं	तिणिण-वि सल्लइं सल्ल-समाणइं	
जेण ण फेडियाइं अवलोएवि	तहो दुहु दिंति अचत्थए ढोएवि	
अहि जिह् पीसारिणजइ गेहहो	दुपरिअल्लु सल्लु तिह देहहो	
सयल काल दुच्चरिएं भरियउं	तद्विवावहि सो पठवइयउ ४	
तहो सामणालोयण जुज्जइ	अवरहो पाइ विहाइउ वज्जइ	
तहि पर सक्खि पुठव-छम्मत्थहो	अप्प सक्खि केवलि कियत्थहोहि	
स-वि सुपसत्थ-पएसे करेवी	संधाहिवेण मणेण धरेवी	
उत्तर-मुहेण अहव पुठवासें	अह जिणविंवहो समुहब्भासें ८	

घत्ता

दस-दोस-विवज्जिउ खवगेण	आलोएवउ जिय-वरिउ ।	
तहो पायच्छित्तु-वि देवउ	आयरिएण जिणायरिउ ॥ ९	

[७]

दसबिहु दोसु जिणागमे सिट्ठउं	आयण्णिउ अणुमण्णिउ दिट्ठउं	
वायरु सुहुसु छण्णु सहत्थिउ	वहु-गुरु-वालुबुद्धि-पासत्थिउ	
इय दस दोस जेण णालोइय	अप्पाणहो भवित्ति ते ढोइय	
णइरवणालिभंगोधावण (?)	मंदुल-हत्थिसाल-करणावण ४	

णडणचण वणि-गायण-वायण	अण्ण-वि अण्ण-भाव-उपावण	
जहि वसंति तहि वसहि ण किञ्जइ	सवि अणेय दढ वियड लइञ्जइ	
इल-सिल-फाल्ह-तिणहि संथारउ	होइ चउ-त्विहु णिठ्वुइ-गारउ	
पुठ्वुत्तर-सिरु सेस-दिसा-मुहु	अजरामर-पुर-परम-सुहारुहु	८

घत्ता

णिञ्जावउ एककु विरुद्धउ	जइ ण काइं तो दुइ सवण ।	
उत्तम-सण्णासे णिउंजहो	अट्ठाहिय चालीस जण ॥	९

[८]

चउ परिचर चउ धम्म-कहुञ्जय	चउ आहार पाणि चउ संजुय	
तं रक्खंति वंधु चउ सवणय	अ-विदिगिळ चउ काइं वाणय	
चउ जगिर चउ खवग णिहाला	चउ दउवारिय चउ सह-पाला	
अवर चयारि चेइय-परिवारा	अवर चयारि विवाइ-णिवारा	४
एवं चयारि चयारि णिउंजहो	जेम विद्धि तिम पाणि पउंजहो	
दठव-पयासण-खमण-खमावग	पचचक्रवाणउं अणु सिक्खावण	
खवगहो संघाहिवेण करीवी	मिच्छा भावण परिहरिएवी	
वरि विसु वरि विसहरु वरि हुयवहु	वरि उवसग्गु सहिउ अइ-दूसहु	८
णउ पच्छाइउ मिच्छा-भावे	भव-कोडिहि-मि ण मुच्चहिं पावे*	

* Extra in j.: पढम दुइञ्ज जंति कम्मकखए केवल-णाणु होइ तिहिं पकखए जो भागाविय जोगि चडप्पइ मोकखु अपाइ-विओय ३५०२५

घत्ता

मिच्छत्त-महा-विस-पायउ हणु सम्मत्त-कुठारएण ।
पंचेदिय-चोर जिणेप्पिणु पहेण जाहि सुह-गारएण ॥ १०

[९]

कहमि मोक्खु जइ जाएवि सक्हि अद्ध-वहे जे जाहिं ण-वि थक्कहि
पण्णारह पमाय विहाडावहिं अप्पमत्त-गुण-ठाण विहावहिं
णिच्चलु भम्मु झाणु सुविणिग्गमे चडहि अपुठ्व-करणु सुक्कुग्गमे
कम्मबंध-छत्तीस-विणासें चडु अणेवि तिथाणु(?) परिओसें ४
वायर-मोह-पगइ विहडावहिं सुहुम-संपरायत्तणु पावहिं
जइ णिम्मूलु मोह-तरु हम्मइ खीण-कसाय-थाणु तो गम्मइ
मोक्खु अघाई-विओए विट्ठप्पइ × × ×

घत्ता

जम्माडइ-भय-परिहीणेण विसय-चोर-विणिवारएण ।
जइ सक्हि तो जाइज्जइ तेण पहेण वड्डारएण ॥ ९

[१०]

एक्कइं एक्केक्कइं सु-गवेसहि अवरइं एक्केक्कइं परिसेसहि
एक्कइं विणिण विणिण उद्धारहि अवरइं विणिण विणिण विणिवारहि
एक्कइं तिणिण तिणिण अणुमण्णहि अवरइं तिणिण तिणिण अवगण्णहि
एक्कहिं चउहुं चउहुं दिट्ठु होज्जहि अवरहं चउहुं चउहुं णासेज्जहि ४
एक्कइं पंच पंच परिपालहि एक्कइं छह छह रक्ख करिज्जहि
अवरहं छहं छहं णाउं म लेज्जहि एक्कइं सत्त सत्त परियच्छहि
अवरइं सत्त सत्त णि ष्मच्छहि एक्कइं अदठ अदठ पडिच्छहि
अवरइं अट्ट अट्ट पडिवज्जहि × × × ८

एकहि णव णव लइ सुपसिद्धइं
एकइं दस दस अणुदिणु झायहिं

अवरइं णव णव मुए अ-पसिद्धइं
अवरइं दस दस दूरि पमायहिं

घत्ता

एयारह वारह तेरह
एयारह वारह तेरह

चउदह एकइं आयरहि ।
चउदह अवरइं परिहरहि ॥ १०

[११]

एम लेवि अणुसिट्ठि पयत्ते
तिविहु करेवउ पच्चक्खाणउं
तमिसु मणोहरु पच्छ-सुयंघउ
अमिय-रसोवमु मुहहो सुहावउ
एव-मि जइ ण होइ आसासण
लेउ विमहण सेउ करेवउ
जइ एम-वि ण होइ सुह-सेवउ
लहइ समाहि जेण तं किज्जइ

संथारत्थे उत्तम-सत्ते
पर-वाहिरउ करेपि अरपाणउं
विविह-महाघण-दठव-समिद्धउ
दोह-णिवारणु चित्तो ण्हावउ ४
तो उवणेहु णितूह उववासण
पवण-पित्त-कफ-दोसु हरेवउ
संघाहिवेण तो-वि ण सुएवउ
अह मंतेवि तणु-ताणउं दिज्जइ ८

घत्ता

उवसग्ग-परीसह-साहणु
संथारणेण मरंतेण

किज्जइ जेण परम्मुहउं ।
कवउ लहेवउ साउहउं ॥ ९

[१२]

एम तेण तणु-ताणु लएवउ
सुंदरु पवरु गोत्तु णिय-णामउं
जिह रिभि-गणडो मज्झे मलगज्जिउ
मोक्ख-महादुम-फलइं विवित्तोइं

संघाहिवेण खवउ धीरेवउ
परिहरि कम्मु कुमाणुसियामउं
तिह करि महसु मलण-विज्जिउ
लइ परिपक्कइं पुणु पविहत्ताइं ४

देवेहि सग-मग सोहालिय
वद्धइं तोरणाइं छड दिण्णइं
गरुव-महोच्छउ सुरवर-विदहो
भाव-णिसेणि चडेप्पिणु जोयहो

उरघाडिय पओलि जा तालिय
मोत्तिय-रंगावल्लिउ पइण्णउं
वद्धावणउं धणंगणे इंदहो
मं अत्पाणउं घंघले ढोयहो

८

घत्ता

चउ-गइ संसारे भमंतहो
जइ एकइं विहि मेल्लावेवि

दुक्खइं कह-मि तुहाराइं ।
ते मेरुहे गरुयाराइं ॥

[१३]

तिहुयणु खद्धु तो-त्रि अ-सइत्तउ
कामिउ जगु असेसु कामंते
जइयहो इंदु होइ उत्पणउ
कहिं कप्पहुम कहिं दीसेसहिं
हा अंतेउर णयण-मणोहर
पडिवउ गब्भवासे वसिएवउ
एवं रुवंतु थंतु विच्छायउ
तहि-मि अणेयइं दुक्खइं पत्तउ

पीयइं सायर-सयइं ण तित्तउ
महियलो (?) कोडि दद्धु दब्भंते
पच्छए चवण-काले आदण्णउ
अइरावणु दूरीहोएसइ
मत्त-महागय-कुंभ-पओहर
पडिवउ जणणिहे थण्णु पिएवउ
मणुय-गइहे उत्पणु वरायउ
रस-वस-वीसढ-घोणिए-मत्तउ

४

८

घत्ता

दम मास वसिउ उवरंतरे
अच्छिउ णिज्जासु पियंतउ

कह-व किलेसें णीसरिउ ।
तं कि एवहिं वीसरिउ ॥

९

[१४]

इह वि अणेय वार उत्पण्णउ
इट्ट-विओय-सोय-संतत्तउ
चोर-वइर-महि-महिला-भंडणु
जीहा-छेउ णयण-उत्पाडणु

जाइ-जरा-मरणेहिं आदण्णउ
दुक्ख-किलेस असेसइं पत्तउ
वाहाकर-चरणंगुल खंडणु
णासा-णासणु वयण-विहोडणु

४

सिर-विच्छेउ कुढाराफाडणु
कण्ण-कोल-णह-सूइ-पवेसणु
स-सिहि-सरीर-वाहि गय-पेलणु
वेढावेढण भूमि-णिहम्मणु

देह-वियारणु गोवा-मोडणु
गासा-लुणणु भुवंगम-भेसणु
विस-विसमासणु मंडल-मेल्लणु
एउ-वि अवरु-वि धोरु णिहम्मणु ८

घत्ता

दुक्कम्म-वसेण भवंतएण
अ-पमाणइं मेरु-समाणइं

पइं अणुहूयइं जेत्तियइं ।
दुक्खइं अक्खमि केत्तियइं ॥ ९

[१५]

जइयहुं हत्थि होवि मय-मत्ताउ
जइयहुं हरिणु होवि उप्पण्णउ
वाहेहि वागुर-पासउ मंडेवि
जइयहुं भमरु होवि अच्छंतउं
जइयहुं मच्छु होवि गले लग्गउ
जइयहुं सलहु होवि आसत्तउ
जइयहुं रोसहु होवि निवद्धउ
जइयहुं सारमेउ किमि-कप्पिउ
जइयहुं दट्टु-पहेडा मूसउ

वारि-णिवंधणे दुक्खइं पत्ताउं
णट्टु णियामिसेण आदण्णउ
विहविओसि खुरुप्पेहि खंडेवि
कमलवभंतरि आवइ पत्ताउ ४
पउलिउ तलियउ मरण-वसंगउ
पडेवि पईवए जीविअ-चत्ताउ
दिसउ निअंतु विहंगेहि खद्धउ
जइयहुं करहु महा-भर-चप्पिउ ८
डिडीवोरगु पंजर-पूसउ

घत्ता

ओयइं अवरइ-मि अणेयाइं
अणुहूयइं दुक्ख-सहासइं

तिरिय-गइहे सवडम्मुहेण ।
पइं जिणवयण-परम्मुहेण ॥ ९

[१६]

जइयहुं णरय-मज्जे उप्पण्णउ
ताहिउ पांडिउ छिण्णउ भिण्णउ
हूलिउ दलिउ मलिउ कंदंतउ

णारइयाउहु धाएहि छिण्णउ
चूरिउ हुणिउ दिसा-वलि दिण्णउ
पउलिउ तलिउ गिलिउ वेवंतउ

जेत्तहे णासइ तेत्तहे हम्मइ
असि-पत्ता-वणु पत्तु पामिणमउ
पुणु वइतरणं पइट्टु तिवाइउ
सामरि-तरुवरु अवसुंडाविउ

जगु जे पलित्तउ केत्तहे गम्मइ ४
तहि-मि पडंतेहि पत्तोहि छिण्णन
तित्थु-वि तंवा-कलयलु पाविउ
एम महंती आवइ पाविउ ८

घत्ता

तं तेत्तिउ दुक्खु सहेप्पिणु एवहिं कायरु काइं तुहुं ।
णिय-कर-पल्लवे लगगउ लेवि ण सक्कहि परम-सुहु ॥ ९

[१७]

गुरु-वयणेहिं साहु उवसतउ
जीविय-मरणाउह-सिरिखंडइं
तिण-कंचणइं कच्च-माणिकइं
सव्व खमंतु जीव महु भायहो
विसय णिवारिय इंदिय-गामहो
एक्कोभावु करेप्पिणु सव्वहं
आलंबणइ-भि होंति अणेयइं

थिउ मज्झत्थु होवि दमवंतउ
अरि-सुहि-धूलि-घण्ण-विस-खंडइं
ओयइं अवरइं सव्वइं एकइं
मइं मि खमिउ छज्जोव-निकायहो ४
इंदिय ढोइय सासय-थामहो
दिन्नु चित्तु आलंबण-दठवहं
तिहुयणु भरेवि थियइं अ-पमेयइं

घत्ता

जं वलु सो भाउ हणेवउ साणुपेक्खु जिव-चित्तणउं ।
णिककंपु झाणु झाएवउं सासणु एहु जिणहो तणउं ॥ ९

[१८]

जिणु एक्कग-चित्तु झायंतहो
लेसउ तिण्णि होंति परिणामें
भावण-वितर-जोइस-धामेहिं
मज्झिम सउहम्पीसाणिदेहिं

सोवकरणु सावय-वउ लेंतहो
तेइय-पउमिय सुक्किल णामें
होइ अणिट्ट-तेय तिहिं थामेहिं
उत्ताम सणकुमार-माहिं देहिं ४

तेत्थु जे सत्तहिं पच्छडवग्गेहिं
उत्तम-त्रिहि-सयार-सहसारेहिं
तेरह-चउदहेहिं मज्झुत्तम
पाण मुअइ जो जेहिं सिलेसेहिं

पउम कणिट्ट-मज्झ-छहिं सग्गेहिं
सुकाहम तेहिं जे सुह-सारेहिं
होति अ-लेम सिद्ध लोगुत्तम
सो उट्पज्जइ तेहिं जि देसेहिं ८

घत्ता

चउविह-आराहण-रुक्खही
लग्गइं गंगाणंदण एयइं

त्रिविह-रसइं सुह-परिमलइं ।
सग्ग-मोक्ख-सोक्खं फलइ ॥९

[१९]

तेरह पगरणाइं पढमुत्ताइं
कहियइं अमर-तरंगिणि-णंदण
पर-गण-चरिय-खेत्त-परिमग्गण
उवसंपय-परिक्ख-पडिलेहण
दोसक्खावणु सइं संथारउ
हाणि-पगासण पचक्खावण
सरणु कवउ सम्मत्तण ज्ञाणउं

आयइं सत्तावीस पुणु सुत्ताइं
संघ-खमावण अणु सिक्खावण
सुत्थिय-परमायगिओलग्गण
आउच्छा-पडिपुच्छालोयण
णिज्जावउ भव-भय-खय-गारउ
खमण खमावण पडिसिक्खावण
लेस महाफलु सव्वु पद्दाणउं

घत्ता

आयइं चालीस-वि सुत्ताइं
सो दुक्कसहं मुहु ण णिहालइ

पढइ सुणइ जो सहइ ।
धुउ अजरामर-पउ लहइ ॥ ८

[२०]

भणइ पियामहु अहो वय-धारा
हंस-महारिसि कहइ अणंतरु
अम्हइं वे-वि हंस चिरु गंगहिं
तहिं गय जहिं महरिसि तरु-कोडरे

तुम्हहं कहिं उट्पत्ति भडारो
चारु चिराणउं गियय-भवंतरु
चाइय केण-वि कारणे अंगहिं
णिवडिय घुम्ममाण चलणंतरे ४

पंच णमोक्कारेहिं रिउ-मदण	वाणारिसिहिं णराहिव-णंदण
विजय-महाएविहिं उप्पण्णा	जाईसर पावज्ज पवण्णा
धोर-बीर-तव-रिद्धि-पहावे	आइय कहिउ धम्मु सन्भावे
तो पंडवेहिं परम-कारुण्णेहिं	संव-वलाहणिरुद्ध-पज्जुण्णेहिं ८

घत्ता

पणिवेप्पिणु णवहिं-मि वुच्चइ एह पइज्ज महंतरिय ।
तव-लच्छि सइं भुंजेसइ जइ संगामहो उव्वरिय ॥ ९

*

इयरिद्धणेमिचरिणे धवलइयासिय-सयंभुएव-कए ।
सरि-सुय-सण्णास-विहिए मरणं वम्होत्तर-सग्ग-गमणं एउणपण्णासमो सग्गो
॥ गगेय-पव्वं समत्तां ॥

पण्णासमो संधि

विणिवाइए णइ-णंदणे भड-कवंदणे गुरुहो अणिट्ठिय-तोणहो ।
दुज्जोहणेण सहत्थे विक्रम-पत्थे वद्धु पदट्टु रणे दोणहो ॥१

[१]

गय णिसि विहाणु रवि उग्गमिउ	घोसिय अमारि पडहउ भमिउ
णिरवज्जय जय-परिपुज्जणिय	वहुलट्टमि मग्गसिरहो तणिय
कलहंतहं एत्तिय दिवस गय	एवहिं अवलंवहो जीव दय
अज्जोणउ थासरु परिहरहो	गंगेयहो परिरक्खणु करहो ४
पायारु परिह लहु णिम्मवहो	साहणइं चयारि-वि कम्मवहो
उब्भहो पड-मंडव तोरणइं	परिसेसहो पहरण-पहरणइं
जं जेम वुत्तु तं तेवं किउ	णिज्झाणु गिराउहु सिमिरु थिउ
कुरु पंडव जायव मिलिय तहिं	सर-सयणे तरंगिणि-तणउ जहिं ८

घत्ता

अहो अहो रज्ज-मयंधहो जट्टु-जरसंधहो पंडव-कुरुव-णरिदहो ।
मं दुक्कहो संगामहो भणइ पियामहु सरणु जाहु गोविंदहो ॥

[२]

णिय-बंधव-सयणहो खउ करेवि	गइ कवण लहेसहो रणे मरेवि
णिम्मंसहो कारणे गोकखुरहो	मा सारमेय जिह विप्फुरहो
वोलावेवि णरवर सहस सय	णउ काह-मि पच्छए पिहिवि गय
णउ पडिसुइ-पमुहहं कुलहरहं	णउ रुइ-जिणिद-चक्केसरहं ४
णउ णव-वल्ल-णव-णारायणहं	णउ णल-णहुमहं वलि-रावणहं

णलकुवर-थेर-सक्कंदणहं वसुहद्धु देहि पिहि-गंदणहं
 दुज्जोहण किज्जइ संधि लहु सो कवणु मणुसु जो भिडइ महु
 जिहिं णिज्जिउ हउ-मि सिहंडिएण तं किं संगामें मंडिएण ८

यत्ता

एवं भणेवि णिठिवणणउ सुट्ठु विसणणउ मुच्छ-विहलु स-वेयणु ।
 विरह-वसंगय-वत्तउ महिलासत्तउ सव्वु होइ णिच्चेयणु ॥ ९

[३]

भाईरहि-गंदणु मुच्छ गउ णं लक्खणु रावण-सत्ति-हउ
 दूरुज्झिय-विक्रम-चारहडि हा ताय भणंत मुवंत-रडि
 कुरु पंडव जायव मागहिय धाइय-भिगार-वारि-सहिय
 तो संतणु लद्ध-सणु चवइ जलु पियमि दिव्वु जइ संभवइ ४
 जं चंदाइच्चेहिं छित्तु णवि जहिं भिडिय ण पवण-विहंगमवि
 सुंदरु सुयंधु सीयलु विमलु तो पत्थहो वियसिउ मुह-कमलु
 गंडीउ चडाविउ लइउ सरु णं थिउ सिदाउहु अंवुहरु
 वारुणेण विणिम्मिउ विमलु जलु गंगेएं वंकिउ मुह-कमलु ८

यत्ता

दिणयर-कर-परिचड्डिउ एउ मइच्छिउ णिरुवमु अवरु णिएवउ ।
 मोक्ख-पुरिहे जं पिज्जइ कहो-वि ण दिज्जइ तं सुहु सलिलु णिएवउ ॥

[४]

णग्गोह-रोह-पारोह-भुउ सरि-सुएण पसंसिउ पंडु-सुउ
 महि-महिहर-महिरुह-दारणइ कहो अण्णहो दिव्वइं पहरणइं
 वम्हत्थ-सउम-दइयवायरइं कउवेरग-सुर-पउरंदरइं
 सामुइ-पउम-वइरोयणइं णारायणत्थ-तइलोयणइं ४

हउआसण-वायव-वारणइं
दुज्जोहण दुज्जउ णरु समरे
पंडवेहिं समउ कज्जेण विणु
स-कलत्तु सपुत्तु स-बंधु-ज्जणु

आयइं अवरइ-मि सु-दारुणइं
वसुहद्धु देवि वरि संधि करे
केत्तिउ कलहिज्जइ रत्ति-दिणु
मं खयहो जाहि आढवेवि रणु ८

घत्ता

वुरुचइ कउरव-णाहे' कोव-सणाहे' अज्जु संधि ण पयट्टइ ।
परए परुपरु हम्मइ रण-पिडु रम्मइ समहो कालु को वट्टइ ॥ ९

[५]

जयकारु करेप्पिणु संतणहो
तो भणइ जुहिट्टिलु ताय सुणे
विसु ढोइउ जउहरे दिणु सिहि
पुणु किउ दोवइ-केस-ग्गहणु
ण धरद्धु लद्धु पारद्धु लहु
भणु अज्ज-वि वुत्तउं जइ करइ
रणु भंठि जाउ दुक्खागरउं
जयकारु करेप्पिणु णीसरिउ

गउ कुरुचइ णियय-णिहेलणहो
दुज्जोहण-वुद्धि-पमाणु मुणे
कवडक्खेहिं दरिसिय जूय-विहि
वण-वसणु अणंतरु गो-ग्गहणु ४
दस दिवस कलहु किउ दुत्तिसहु
तो तव-सुउ मच्छरु परिहरइ
जइ महइ संधि तो सागरउं
भीमज्जुण-जमलालंकरिउ ८

घत्ता

तहिं अवसरे गउ थामहो पुणु-वि पियामहु वलिय दिट्ठि विवरेरी ।
विरह-विसंठुउ-चित्ती जोवणइत्ती ऊढ व वुड्ढहो केरी ॥९

[६]

तहिं काले पराइउ सूर-सुउ
सो चरणु णवेप्पिणु विणवइ
कोमार-वंभ-वय-धाराहं
णइ-णंदणु पभणइ कौंति-सुय

केऊरंगय-गारविय-भुउ
हउं अंगराउ अंगाहिवइ
उम्माहिउ पयहं तुहाराहं
तउ भायर पंडु-पुत्त लहुय ४

सहुं कवण तेहिं संगाम किय
तउ आयवत्तु तउ वइसणउं
तउ पंडव कउरव आण-कर
मं करहो परोप्परु गोत्त-खउ

तउ तणिय पिहिवि तउ तणिय सिय
तउ वेज्जउ चामर वइसणउं
परिपालहि अप्पणु स-धर धर
रवि-णंदणु पभणइ कहमि तउ ८

घत्ता

तेत्तियहो पसायहो पहु-अणुरायहो एहु काइं महु जुज्जइ ।
सामिसाल-अणुहुत्ती जिह कुलउत्ती केम ताय माहि भुज्जइ ॥ ९

[७]

जाणमि जिह कुंतिहे जेट्ट-सुउ
जाणमि जिह मेरउ वइसणउं
चामोयर-चामर-वासणउं
जाणमि कुरु पंडव आण-कर
जाणमि सुहु सुर-गिरि-जैत्तडउं
जं किउ मय-वार माण-मलणु
जं कवड-जूवि महि अवहरिय
जं वसणु णिहालिउ लइउ धणु

जाणमि जिह धम्मपुत्त लहुउ
जाणमि जिह रज्जु महुत्तणउं
सेयायवत्तु जिह अत्तणउं
जाणमि असेस महु तणिय धर ४
महु ताहं वि विहडइ एत्तडउं
जं जउहरे देवाविउ जलणु
जं जणणसेणि वालेहि धरिय
एक्कु-वि ण दिण्णु जं गामहणु ८

घत्ता

पुणु पुणु गंगेयहो दूसह-तेयहो चरण णवेप्पिणु घोसइ ।
सधि समउ दुवियड्ढेहि पंडव-संढेहि हुय ण होइ ण होसइ ॥ ९

[८]

एत्थंतरे पभणइ गंग-सुउ
मइ एण णियत्तें कहिउ तउ
अच्छउ कुरु-पंडव-चितणउं
पणवेप्पिणु गउ रवि-तणउ तहिं

णाराय-णियर-करपरिय-भुउ
किर वंधु-जणहो मा होउ खउ
महु वट्टइ कारणु अप्पणउं
णिय-मंदिरे कुरुव-णरिंदु जहिं ४

सेणावइ लब्भइ जाम णहु
कइकेउहो वइरि—पुरंजयहो
सहएवहो णउल्लहो तव-सुयहो
पंचह-मि पंच रह णिट्ठवमि

ता णाह णिवज्जउ पट्टु महु
हउं रण-मुहे भिडेवि धणंजयहो
भीमहो भुबंग-विम्भम-भुयहो
पंच-वि जम-लोयहो पट्टवमि ८

घत्ता

जइ मइं कहव ण इच्छहि कालु पडिच्छहि तो रण-भर-धुर-धारा ।
जिम्भ दोणहो जिम्भ सल्लहो अ-णिहय-मल्लहो करि अहिसेउ भडारा ॥९

[९]

विहसेप्पिणु कुरुव-राउ भणइ
जिम्भ गुरु जिम्भ तुहुं जिम मदवइ
बोलाविउ दोणु अहिट्टविउ
कंचण-कलसेहिं अहिसेउ किउ
दुउजोहणु पभणइ कोव-मरे
रहसुब्भइ हास-तोस-भरिउ
कहि कह-व भडारा कउज-गइ
मंल्लुहु समरंगणे सो अखउ

गंगेयहो पच्छए जो हणइ
सेणावइ अवरु ण संभवइ
अउदुं वरे पीढे पग्गिउविउ
रण-धुरहो धुरंधरु होवि थिउ ४
जिह सक्कहि तिह तव-तणउ धरे
पुणु-पणु पभणइ दोणायरिउ
जें हणमि ण देहि णरादिवइ
णीसरिय वाय मुहे तेण तउ ८

घत्ता

बुच्चइ कउरव-राएं कह व पमाणं तहो विणासु जइ किउजइ ।
तो गंडीव-धणुद्धरु सुरह-मि दुद्धरु अज्जुणु केण धरिउजइ ॥९

[१८]

जइ खुडिउ णरिंदहो सिर-कमलु
कउजेण तेण तं परिहरहि
किवि-कंतु णवर मच्छर-भरिउ
तो धरमि जुहिट्ठिलु भंति ण-वि

तो ण-वि हउं ण-वि तुहुं ण-वि पवलु
जइ सक्कहि जीव-गाहु धरहि
जइ कह-व ण पत्थे अंतरिउ
रक्खंति जह-वि अमरासुर-वि ४

वंभाणु भाणु सव्भाणु जमु
 एय-वि अवर-हि रक्खंतु फुडु
 चर-पुरिसेहि वइरि-विमदणहो
 तेण-वि हक्कारेवि वुत्तु णरु

सहसक्खु तियक्खु-वि णिरु विसमु
 कइ-केयणु एक्कु म होउ छुडु
 णिय एह वत्त तव-णंदणहो
 पइं परए घरेवउ समर-भरु ८

घत्ता

वट्टइ गुरु सेणावइ जमु जिह पावइ सव्वहं पलउ करेसइ ।
 अज्जुण पइं दूरत्थे समर-समत्थे जीव-गाहु मइं लेसइ ॥ ९

[११]

तो रएवि करंजलि पणय-सिरु
 जइ अंवरे दिणमणि उगमइ
 जइ चलइ मेरु ण चलइ पवणु
 जइ सीयलु सिहि पज्जलइ जलु
 जइ णिट्ठइ कालु दइउ मरइ
 जहिं जमल-विओयर पवर-भुय
 जहिं सच्चइ रण-भर-उव्वहणु
 सोमय-सिजय-पंचाल जहिं

कइ-केयणु पभणइ गहिर-गिरु
 जइ जोइस-चक्कु ण परिभमइ
 रवि णिप्पहु णिद्धणु वइसवणु
 जइ एक्कहिं महियलु गयणयलु ४
 तो मइं जियंते गुरु पइं धरइ
 जहिं दोमइ-णंदण दुमय-सुय
 सयमेव पासे जहिं महुमहणु
 आसंक्कहि णरवइ काइं तहिं ८

घत्ता

सच्चु दोणु चउ-पत्थउ मवेवि समत्थउ जहिं रासिउ तहिं जुज्जइ ।
 एहु तिहिं पत्थेहिं ऊणउ गण्ण-विहूणउं तुम्हहुं तेण ण पुज्जइ ॥९

[१२]

सा केम-वि केम-वि गमिय णिसि
 संजमियइं विविहइं वाहणइं
 णिक्खोह भरिय रहे पहरणइं
 वाइत्तइं चित्तइं वउजियइं

ता अरुणालंकिय पुव्व-दिसि
 सण्णद्धइं विण्णि-वि साहणइं
 भुव-सोह-चडाविय वारणइं
 णं जलहर-विदइं गउजियइं ४

रण-रहसें कहि-मि ण माइयइं
दोणे तो सयड-वूहु कियउ
तं णिएवि जाउ भउ अज्जुणहो
तो तेण-वि कंबु-वूहु रइउ

जल-थलइं णाइ उद्धाइयइं
सुरवरह-मि दुप्परियल्लु थिउ
आएसु दिण्णु घट्टज्जुणहो
धय-दंड-संड-मंडव-छइउ

८

घत्ता

क्रिय वूहइं हय-तूरइं पगइए कूरइं गंधवहुद्धुय-चिघइं ।
जलहि-जलइं णिमज्जायइं ×× मिडियइं अग्गिम-खंधइं ॥९.

[१३]

कण्णज्जुण वूहाणणिहिथिय
एककत्तहे एयारह गणिउ
एककत्तहे कउरव बहु-सयण
एककत्तहो चककरयणु पहणु
एककहिं णिय-पुण्णइं णिट्ठियइं
एककहिं वलंति सच्छाउहाइं
एककहिं सिव असिवइं आयरइ
एककहिं वयणइं विच्छायाइं

कुरु-पंडवे पक्खय पक्ख किय
अणेत्तहे सत्तक्खोहणिउ
अणेत्तहे पंडव पंच जण
अणेत्तहे अपुणु महुमहणु
अवरहिं सुणिमित्तइं उट्ठियइं
अवरहिं पुण्णइं सव दुम्महाइं
अवरहिं जयसिरि पेसणु करइं
अवरहिं सुच्छायइं जायाइं

४

८

घत्ता

जइ ण पंडंतु पियामहु
तो पंडव-कुरुरायहं

सुरह-मि दुम्मह दारुणु करेवि महा-रणु ।
हरिस-विसायहं हौतु ण एककु-वि कारणु ॥९

[१४]

तो दुक्क महागय गयवरहं
तोरविय तुरंग तुरंगमहं
भड भडहं परोप्परु आवडिय
एकत्तहे वहुएहिं एकक जणु

णं सजल जलय णव-जलहरहं
णं पवर विहंग विहंगमहं
णं गहेहिं महा-गह अग्भिडिय
वेट्ठिजइ मेहेहिं जिह तवणु

४

अण्णेत्तहे एक्कें वहुय जिय
अण्णेत्तहे खंघहो सिरु पडइ
अण्णेत्तहे रण-रउ उच्छलइ

पत्रणेण व जलहर खयहो णिय
अण्णेत्तहे भड-कवंधु नडइ
अण्णेत्तहे सोणिय-णइ चलइ

घत्ता

गुंदल-तउमुल-दंदइं पविरल-मंदइं (?) विसम-दुसज्जइं जुज्जइं ।
पंडव-कुरुवहं जायइं घत्तिय-घायइं सुर-गणियह-मि दुगेज्जइं ॥ ८

[१५]

तो हरिणहं हरि व समावडिउ
णाराएहिं सीरिउ वइरि-वल्लु
णं महियल्लु रुद्धु भुयंगवेहिं
गुरु जिणेवि ण सक्किउ पत्थिवेहिं
तो जमल-विओयर-णरवइहिं
अवरेहि-मि भडेहिं अहिद्विउ
तो सरहसु घाइउ कुरुव-वल्लु
रणु जाउ परोप्परु दुव्विसहु

पंचालहं कलस-केउ मिडिउ
णं दिणयर-किरणेहिं तम-पडल्लु
णं णहयल्लु सल्लह-विहंगमेहिं
सोमय-सिंजय-मच्छाहिवेहिं ४
धट्टज्जुण-अज्जुण-सच्चइहिं
कह कह-वि ण सव्वेहिं विद्विउ
किउ कलयल्लु भेरी-रव-मुहल्लु
ओवाहिय-हय-गय-रह-णिवहु ८

घत्ता

पेक्खेवि पंडव-कउरव रण-मुहे रउरव वल-नारायल-सच्चइ ।
भिसिय-कमंडल-घारउ सरहसु णारउ धुणेवि सइं भुव णच्चइ ॥ ९

*

इय रिट्टणेमिचरिए घवलइयासिय-सयंमुएव-कए
पण्णासमो संधि-परिच्छेओ समत्तो ॥

*

एकपणासमो संधि

अहिसिंचिए कलस-द्वए पट्टे णिवद्वए रण-रसियइं किय-कलयलइं ।
 णिसि-णिग्गमे आलगइं उग्गय-खग्गइं पंडव-कुरुवराय-वलइं ॥१॥

[१]

रवि-उग्गमे कुरु-खेत पयट्टइं	पंडल-कुरुव-वलइं अम्भइं	
हय-तूरइं वड्ढिय-उच्छाहइं	गहियाउह-परिइिय-सण्णाहइं	
गिरिवर-मरुय-महारह-विंदइं	खय-जलहर-रव-रडिय-गइं दइं	
सिंधु-नर ग-तुरंग-तरंगइं	दूसह-दिणयर-फुरिय-रहंगइं	४
विसहर-विसम-सिलीमुह-जालइं	विज्जु-विलासुज्जल-करवालइं	
कुलगिरि-सिंग-गरुय-गय-दंडइं	जम-भउहा-भंगुर-कोवंडइं	
पलय-समुद्द-रउद्द-णिणायइं	पय-भय-भग्ग-भुयं गम-रायइं	
मउड-पहोहामिय-रत्ति-किरणइं	पहरण-जलण-तिडिक्किय-गयणइं	८

धत्ता

रह-गय-घडिं मिडंतेहिं भडिं मिडंतेहिं रउ रंगंतु रणंगणहे
 दस-दिसि-वहेहिं पघाइउ कहि-मि ण माइउ अयसु णाई दुज्जोहणहो ॥९॥

[२]

पहिलउ पाय-लग्गु रउ घावइ
 अहो तव-सुय-दुज्जोहण-रायहो
 काइं अकारणे कलहु पउंजहो
 मं पहरहो णं घरइ कडच्छए
 ण गणइ वलइ रणंगणु छायइ
 जो जो दुक्कइ तं तं खाएवि
 भमइ व गयण-मग्गे णिव्वडियउ
 तहिं उग्गउ रयणियरु णिरंतरु

पंडव-कुरुव-णिवारउ णावइ
 वुत्तउ किण्ण करहो महु आयहो
 अद्धे अद्दु वसुंधर भुंजहो
 सीस-वलग्गु होइ पुणु पच्छए ४
 रुट्टउ जमहो णाइं घाहावइ
 हसइ व छत्त-धयग्गेहिं थाएवि
 कासु ण उत्तमंगे हउं चडिउ
 दंति-दंत-णिहसग्गि अणंतरु ८

घत्ता

वहल-फुल्लिगम्भ इयउ सहसुद्धइयउ जालोलिउ भय-गारियउ ।
 णहु वहु-भाएहिं ठंतिहिं कुरु-वल्लु खंतिहिं जीहउ जमेण पसारियउ ॥९

[३]

एम समुच्छलियउ सिहि-जालउ
 तेहिं असेसु दिसा-मुहु सित्तउ
 अवरउ परियत्तउ गयणग्गहो
 जाय महारण-भूमि भयंकर
 पसमिउ रउ उल्लविय-डुयासइं
 रहवर-गयवरोह ण पहाविय
 मिलियउ ताउ जाउ अइ-दुत्तरु
 हय-गय-णर-णरिंद-कंकालिहिं

पुणु सोणिय-धारउ सुसरालउ
 थिउ णहु णाइं कुसुंभए धित्तउ
 णं घुसिणोलिउ णह-सिरि-अंगहो
 सोणिय-पाणिय-पवह-णिरंतर ४
 उट्टयइं रुहिर.णइ-सहासइं
 तुरय तरंत तरंत वहाविय
 पारावारु अपारु भयंकर
 णिविड-णिवद्ध-पालि-जंवाळहिं ८

घत्ता

तहिं तेहए रण-सायरे णरवर-जलयरे सोणिय-ण्हाण-कियायरइं ।
 चडेवि महागय-गत्तेहिं रह-धय-छत्तेहिं शंपउ देंति णं सायरइं ॥९

[४]

तहि रण-मुहे रुहिरोह-णिरंतरे
हेसिय-गय-गजिय-वर-वाहणे
हम्मइ एककु अणंतेहि जोहेहि
सारहि रहु वाहंतु ण थक्कइ
रहवरु गयवरु तुरउ ण चुक्कइ
णर-कर-पारिहत्थि अणियंता
णहे जूरंति असेसवि-सुरवर
अण्णेत्तहे सुर-कामिणि सत्थहो

पहुसमीवे(१) कुरुखेत्तम्भंतरे
भिडिउ पत्थु संसत्तग-साहणे
सो-वि पघाइउ सर-घागेहेहि
मंदरु महणे णाइं परिसक्कइ ४
वइरिहि पलय-कालु णं दुक्कइ
महुमह-सुह-दंसणु अलहंता
वरुण-पवण-वइसवण-पुरंदर
कलहु पवइट्टिउ कारणे पत्थहो ८

घत्ता

हले हले ओसरु ओसरु तुज्ज ण अवसरु पेल्हहि गहेण णाइं गहिय ।
सुरगणियह-मि ण लुम्भइ एहु कहि लम्भइ जसु रण-वहुय जे वल्लहिय ॥९

[५]

जाम वोल्ल सुर-सुंदरि-सत्थहो
दोणे तुमउ त्रिद्ध वीसद्धेहि
किव-कुरुवइ-तव-सुय-पय-सेवहं
वे-वि त्रि-हय-घय त्रि-रह णिरत्था
त्रिहि-मि परोप्परु चूरिय घाएहि
भीमे भीम-भुवंग-समाणेहिं
तेण-वि घउ स-सरासणु पाडिउ
भीमे गयए गयासणि चूरिय

ताव तिगत्तु भिडिउ रणे पत्थहो
वाणेहिं कंक-पक्खिउणद्धेहि
रणु पडिलगु सउणि-सहएवहं
वे-वि पघाइय लउडि-विहत्था ४
त्रिणिण-वि ओसारिय साहाएहिं
त्रिद्धु त्रिविज्जइ वीसहिं वाणेहिं
पुणु लउडेहिं परोप्परु ताडिउ
णं कुरुवइहे विजयास ण पूरिय ८

घत्ता

तो घयइहुहो णंदणु छंडेवि संदणु खग्ग-फराउहु वावरइ ।
फणिवइ-कुम्म-भयंकरु णं गिरि मंदरु मज्जे समुद्धो संचरइ ॥९

[६]

मदाहिनेण णउलु हक्कारिउ
 गउतमु घट्टकेउ दप्पुद्धर
 किउ सत्तरिहिं विद्ध वच्छत्थले
 अण्णेत्तहे विष्फारिय-धम्महं
 अण्णेत्तहे सिंहंडि-भूरीसव
 चेयणाइ-अणुविंदण्णेत्तहे
 अण्णेत्तहे हइडिंवालंवुस
 अण्णेत्तहे सुसम्म-सुसहावइं

वि-कवउ वि-घणु वि-रहु विणिवारिउ
 विणिण-वि भिडिय णाइं सुर-सिधुर
 पाडिउ छत्तु सरेहिं तिहिं मत्थले
 जाउ जुञ्जु सच्चइ-कियवम्महं ४
 मिडिय णाइं दसकंधर-वासव
 अण्णेत्तहे विराड-चंपावइ
 उद्ध-सुंउ दिक्करि-व णिरं कुस
 लक्खण-वत्तएव अण्णेत्तहि ८

घत्ता

एम परोपुरु जुञ्जइं कियइं अउञ्जइं छिण-छत्त-धय-चामरइं ।
 हय-सारहि-रह-तुरयइं कप्पिय-कवयइं तोसाविय-सत्त्वामरइं ॥९

[७]

तो सक्कंदण-णंदण-णंदणु
 भिडिउ समच्छरु पउरव-रायहो
 जाउ जुञ्जु परिवड्ढिय-मण्णुहुं
 विणिण-वि वावरंति रणे वाणेहिं
 विणिण-वि पंडव-कउरव-पक्खि
 विणिण-वि अच्छरच्छि-विच्छोहेहिं
 विहि-भि पयंड-रवेहिं जगु वहिरिउ
 विहिमि-सरेहिं सण्णाहु जज्जरियउ

पवर-तुरंगोवाहिय-संदणु
 णं दवग्गि तिण-वेणु-णिहायहो
 विहिं तेणहिं(?) मण्णु-अहिमण्णुहुं
 विणिणांवे छाइय अमर-विमणेहिं ४
 विणिण-वि सुर-सुंदरिहिं कडक्खिय
 सुललिय-धवलिय-धवल-जसोहेहिं
 विहि-मि स-साहुक्कारउ पहरिउ
 थणइं वसुंधर-तणु णं वरियउ ८

घत्ता

णर-सुय-पउरव-राएहिं वर-णाराएहिं छाइउ णहु अंतरिउ रवि ।
 जलु थलु विवरु दियंतुरु जाउ दुसंचरु दिवसु ण णावइ रयणि णवि ॥९

[८]

तो सयमण्णु-सुयहो घणु पाडिउ
तेण-वि सारहि सत्तहिं वाणेहिं
णर-सुएण णाराउ विसज्जिउ
केसव-सस-सुएण घणु छंडिउ
भोयहो समरे मडप्फरु भंजेवि
सारहि स-रहु पलोट्टिउ घाएं
रहवरे पडिउ पुत्तु सयमण्णुहो
तेण पडंते पडिउ अपारउं

छिण्णु छत्तु घउ चिंधु विहाडिउ
विद्धु णिसिद्धु फणिदं समाणेहिं
सो क्रियवग्गं वलि व विहंजिउ
लइउ क्किवाणु महाकरु मंडिउ ४
सीह-किसोरु पत्तु ओरुंजेवि
पउरउ पहउ कंठे असिघाएं
सिरे सुर-कुसुम-वरिसु अहिमण्णुहो ८
वंघव-जणहो दुक्खु वइडारउ

घत्ता

पंडव-पहु परिओसिउ कलयलु घोसिउ तूरइं वले देवावियइं ।
पउरवराय-विओएं कउरव-लोएं मुह-कमलइं मउलावियइं ॥९

[९]

पउरउ जं समरणे धाइउ
घरिउ सीहु णं सीह-किसोरं
होउ अमंगलु विहुणिय-हत्थहो
मुक्कल-केस पहय-वच्छत्थल
पइं जिएण जिउ वच्छाओहणु
वुच्चइ सव्वसाइ-दायाएं
राहावेहे सय वर-मंडवे
तुम्हइं सव्व काइं ण परज्जियं
क्किण्ण णियत्तिय सुर-बंदिग्गहे

करेवि जयास जयइहु धाइउ
वलु अहिमण्णु देहि रहु ओरं
अज्जु विद्धि खत्तहो जिव पत्थहो
उत्तर रुवइ अज्जु जिव दूसल ४
मइं जिएण णिज्जिउ दुज्जोहणु
कुरु-खेत्तहे ण भग्ग महु ताएं
दोमइ-करे लगंतए पंडवे
थिय विच्छाय मडप्फर-वज्जिय ८
किं णोहामिय उत्तर-गोगाहे

घत्ता

तुहु-मि जयइह गज्जहि संढ ण लज्जहि कउरव-राएं भावियउ ।
दोमइ-हरेण सुधीमें संभरु भीमें कवण अवत्थ ण पावियउ ॥१०

[१०]

तं गिसुणेवि पक्खुहिउ जयदहु
 घाइउ रहु सुएवि समुहाणणु
 विणिण-वि वावरंति फर-खग्गेहिं
 तो णर-णदणेण गिप्पसरें
 भग्गु खग्गु तहो सिधव-राय हो
 ताम दिण्णु रहु अंतरे सल्ले
 लेवि सुहदा-सुएण महंतिए
 सल्लु-वि सल्लिउ मुच्छ पयाणिउ

णं णव-मेहागमगे मयदहु
 सीह-किसोरहो णं पंचाणणु
 त्रिविहम्भंतर-वाहिर-मग्गेहिं
 कह-व कह-व रणे लद्धावसरें ४
 छप्पयाइं ओसारिय-घायहो
 सत्ति विसज्जिय अणिहय-मल्ले
 घाइउ सारहि ताए जे सत्तिए
 संदग्गु कइमि तुरंगेहिं ताणिउ ८

घत्ता

ताम वइरि-जम-गोयरु भणइ विओयरु सारहि अंतरे पइसरमि ।
 वाहि वाहि रहु तेत्तहे णर-सुउ जेत्तहे सल्लु सु-सुल्लु जेम करमि ॥ ९

[११]

तो सहसत्ति सइत्ती-भूए
 आहय हय वाणालि-पहारे
 रहु कडयडइ रहंगु ण चल्लइ
 तडयडंत तुट्ठंतेहिं उरएहिं
 घाइउ झंप देवि महि.मंडले
 जिह भुक्खिउ कयंतु ण चिरावइ
 जो जो हुक्कइ तं तं घाएवि
 भीमु भयंकरु लउडिं भमाडइ

वाहिउ रहवरु रण-मुहे सूए
 धर थरहरइ विओयरु-भारे
 स-घर घरित्ति णिरारिउ हल्लइ
 कह-व कह-व रहु कइिटउ तुरएहिं ४
 सारहि रहु आणेज्जहिं पच्चल्ले
 कुरु-कुल-कवल्लहो जीह ललावइ
 अज्जुण-तणयहो अग्गए थाएवि
 असणि णाइं रिउ-मत्थए पाडइ ८

घत्ता

तहिं अवसरे महेसरु लउडि-भयंकरु घाइउ भीमहो संमुहउ ।
 उब्भिय-करहो करिंदहो सभमर-विंदहो उद्ध-सौडु णं मत्त-गउ ॥ ९

[१२]

विण्णि-वि लउडि-दंड-दारुण-कर	वे-वि जुहिद्विल-कुरुवइ-किंकर
विण्णि-वि भिडिय भीम-मदाहिव	णं विण्णि-वि सणअख हरिणाहिव
णं विण्णि-वि स-संग कुल-पायव	णं विण्णि-वि स-दाढ अट्टावय
णं विण्णि-वि स-खंभ वर-वारण	णं वण-महिस सिरोरुह-पहरण ४
विण्णि-वि वावरंति सम-धाएहिं	वे-वि पडंति थंति णिय-वाएहिं
विहि-मि भमंतेहिं भमइ वसुंधर	थंतिहिं थाइ स-सयल स-सायर
विण्णि-वि चित्तभाणु-सरिस-प्पह	विण्णि-वि धोर-घाय-घट्टिय-णह
स-मिहुणइं पेअखंति पसत्थइं	जुअइं पंडव-कुरुवेहिं पत्तइं ८

घत्ता

मदाहिवइ-विओयर वे-वि समच्छर लउडिहिं कणय-समुअजलेहिं ।
विप्पुरंति समरंगणे णाइं णहंगणे पलय-मेह णं विअजुलेहिं ॥ ९

[१३]

गय अट्टट्ट पयइं पडिवाइय	णं जम-दूय परोप्परु घाइय
दिण्ण घाय सिर-उर-कर-चरणेहिं	विविहअंतर-वाहिय-करणेहिं
तुट्टेवि गयउ गयउ गय-सारउ	लइयउ विहि-मि वेण्णि पुणु अवरउ
भार-सयहो कालायस-अडियउ	उप्परि जायरूव-संजडियउ ४
सअव-महअघर-पण-संपुणउ	विप्पुरंति णं विसहर-कण्णउ
किंकिणि-घंटा-जाल-वमालिउ	चंदण-लित्तउ कुसुमोमालिउ
गंध-धूव-अहिवासण-पत्तउ	मत्तहत्थि-मय-मइलिय-गत्तउ
सयल-काल णच्चियउ कवंधउ	रुहिरामिस-वस-वीसद-गंधउ ८

घत्ता

उहय-गराहिव-मल्लेहिं पंडव-सल्लेहिं लइउ ताउ महा-गयउ ।
मोहण-थंमण-लीलउ मारण-सीलउ णाइं रउइउ देवयउ ॥ ९

[१४]

तेहिं गएहिं परुपरु घाइउ	संसउ विहि-मि वलहं उप्पाइउ	
घाए घाए थरहरइ वसुधर	घाए घाए डोलंति महीहर	
घाए घाए उडुंति फुलिंगइं	होंति दिसा-मुहाइं सिहि-पिंडइ	
घाए घाए बहु-मरगय-टिक्कइं	उच्छलंति मोत्तिय-माणिककइं	४
घाए घाए कल-किंकिणि-जालउ	उच्छलंति उच्छलिय-वमालउ	
घाए घाए तुट्टइं सीसकइं	घाए घाए भूवइ-ललक्कइं	
घाए घाए दलियइं तणु-ताणइं	घाए घाए रुहिरइं अ-पमाणइं	
घाए घाए घुम्मंति सरीरइं	घाए घाए चित्तइं गिरि-धीरइं	८
घाए घाए सुरवरहं गियंतहं	णिद्वियाइं कुसमाइं-धिवंतहं	

धत्ता

गरुय-घाय-विहलंघल वे-वि महावल पडिय महीयले मुच्छ गय ।
दिट्ठा सुर-विंदेहिं कुरुव-गरिंदेहिं गिरि व पुरंदर-कुलिस-हय ॥१०

[१५]

मदाहिवइ-अमाणुस-गम्भे	णिय-वल्लु पइसारिउ क्रियवम्भे	
एत्तहे वइरि हणंतु विओयरु	ऊट्टिउ जाउहाणु जम-गोयरु	
तो कामिणि जण-मण-थण-थेणहं	जाउ जुञ्जु णाउलि-विससेणहं	
रन्नि-सुय-तणए दस सर पेसिय	णउलहो णंदणेण णीसेसिय	४
अवरेहिं दसहिं थणंतरे ताडिउ	घणुवरु छिण्णु महा-धउ पाडिउ	
आसत्थामु ताम थिउ अंतरे	घाइय पंडु-पुत्त तहिं अवसरे	
सोमय-सिजय-कइकय-राणा	अवर-वि पहु एककेक्क-पहाणा	
एत्तहे रहवर-तुरय-वरेण्णइं	घाइयाइं दुजोहण-सेण्णइं	८

धत्ता

पंडव-कुरवाणीयहं त्रिक्कम-वीयहं जाउ महाहउ दुब्बिसहु ।
णहयले अणक्कारिउ सुर-परिवारिउ आउ णिहालउ अमर-पहु ॥ ९

[१६]

तहिं अवसरे अग्निवाइय तोणे	कुरुव-राउ वोळ्ळाविउ दोणे	
अज्जु जुहिद्विलु धरमि सहत्थे	जइ कयाइ अंतरिउ ण पत्थे ।	
एम भणेवि ते णयणाणंदणु	पंडु-वळ्हो ओवाहिउ संदणु	
पत्रुत्तांग-सिहरु सय-कंदरु	णं मयरहरहो ढोइउ मंदरु	४
कर-पहराहय-हय उद्दाइय	अग्गिम-भाय णहंगणे लाइय	
रहु परिसक्कइ जेत्तेहे जेत्तेहे	रुंड-णिरंतरु तेत्तेहे तेत्तेहे	
अग्गए गुरु कयंतु जिह पावइ	पच्छए रुहिर-पवाहिणि धावइ	

घत्ता

दोण-दिवायरु पत्तउ सरवर-तत्तउ पंडव-साहणु परिभवइ ।
अज्जुण-तरु-परिचत्तउ पाणक्कतउ कवण छाहि जहिं वीससइ ॥ ८

[७]

तो तव-सुएण चउव्विह-वाहणु	भग्गु असेसु-वि कउरव-साहणु	
वलि मंभीस देवि कलसद्धउ	लग्गु महीहरे णं धूमद्धउ	
पहु वारहेहिं सरेहिं समाहउ	छिण्णु जीउ घणु-लट्ठि-सणाहउ	
ताम कुमार जुवंधर धाइय	विण्णि-वि विहिं भल्लेहिं विणिवाइय ४	
दसहिं सिंहं डि णउल्लु तिहिं ताडिउ	पंचहिं सच्चइ कह-वि ण पाडिउ	
सत्तहिं मद्दि-पुत्र लहुयारउं	सो ण को-वि जो ण हउ ति-वारउ	
वग्घंदंतु वर-वग्घ-परक्कमु	सीहसेणु सीहोवम-विक्कमु	
विण्णि-वि चक्क-रक्ख तव-तेयहो	खुडिय-सीस पेसिय जमलोयहो	८

घत्ता

तोणा-जुयल-अणिट्टिउ चाउ-सइट्टिउ अतुल-परक्कमु पवर-कर ।
पक्कल-हय-रह-दुज्जउ साउ-सहिज्जउ सो जिणंतु रणे दोण-सर ॥ ९

[१८]

तो णिवद्ध-जमलक्खय-तोणे	पंडव-धइणि परजिजय दोणे	
पर एककलउ धिउ तव-णंदणु	कुरु-गुरु जउ तउ वाहिय-संदणु	
जाउ महाहउ णिरुवम-चरियहं	विहिंमि जुहिट्ठिळ-दोणायरिहं	
णं रामण-रामहुं रण-लोलहुं	णं गयवरहुं गिल्ल-गल्लोलहुं	४
णं सहलहं आमिस-लुद्धहं	णं केसरिहिं परोप्परु कुद्धहं	
णं त्रिसहरहं त्रिसम-फुक्कारहं	णं गोविसहं मुक्क-ढेक्कारहं	
छुडु छुडु हय हय भार-दुवाए	छुडु छुडु सूउ पलोट्टिउ पाए	
छुडु छुडु तव-सुउ णिप्पहु सारिउ	छुडु छुडु चिडुरहं हत्थु पसारिउ	८

घत्ता

लेइ ण लेइ झडप्पेवि	× × ×	अज्जुणु ताम समावडिउ ।
दोणायरिय-कयंतहो	णं जेमंतहो	पट्टमु कवल्लु हत्थहो पडिउ ॥ ९

[१९]

अंतरे रहु वाहेहि असराले	भरेवि दिसामुहु सरवर-जाले	
पूरिउ देवयत्तु सेयासें	पंचयणु रउ लच्छि-णिवासें	
एक्कीभूउ णिणाउ भयंकरु	गउ वंभंडु णाइं सय-सक्करु	
णर-करे परियंमिउ गंडीवे	खय-जलहरेण व गज्जिउ जीवे	४
फुरइ रहद्धए कंचण-वाणरु	णं गिरि-सिहरे लग्गु वइसाणरु	
एक्कु-वि णर-सर-णियरु भयंकरु	अण्णु-वि रण-रउ रयणि-भयंकरु	
काइ-मि तेहिं ण णिहाळिउ दोणे	रहु परियत्तिउ पच्छिम-घोणे	
णिय-णिय-सिमिरहं वलइं पयट्टइं	णं खय-जलणिहिं-जलइं विसट्टइं	८

घत्ता

गरहिउ गुरु कुर-णाहे	भग्गुच्छाहे	तुइं मइं ताय त्रियक्कियउ ।
अच्छउ वसुह जिणेवी	महु सिय देवी	राउ-वि घरेवि ण सक्कियउ ॥ ९

[२०]

पभाणइ कलसकेउ अहो राणा	कुरु-परमेसर पुहइ-पहाणा ।
गरहहि तुहं मइं ताय वियक्किउ	अज्जुणु केण-वि घरेवि ण सिक्कउ ॥
णं वे-भाय करेवि अप्पाणउं	रिउ पहरइ परिरक्खइ राणउं
मइ-मि महाहवे सरेहिं णिरुंभइ	एउ सव्वु गोविंदु वियंभइं ४
घरउ कोवि छुडु अज्जु-वि अज्जुणु	धम्मपुत्त महु जाइ कहिं पुणु
गुरु वयणावसाणे रणे दुद्धर	गह-अणुरूव भूव जालंघर
णं उम्मेठ्ठ दुट्ठ वर कुंजर	णं पंचाणण णहर-भयंकर
णं जलणिहि मज्जाय-त्रिवज्जिय	णं खय-काले मेह गलगज्जिय ८

धत्ता

जिव महुमहण-घणंजय	वइरि-पुरंजय	परए सयंमुव-वलेण हय ।
जिव सतुरंग-सगयवर	स-घय स-रहवर	अम्हाहिं पउरव-पहेण गय ॥९

*

इय रिट्ठणेमिचरिए घवलइयासिय-सयंभुएव
कए एकवचनासमो इमो सगो ॥

*

वावण्णासमो संधि

पडिवालयि-सूरइं आहय-तूरइं वाहेवि रहवर-वाहणइं ।
भिडियइं महि-कारणे वे-वि महारणे पंडव-कउरव-साहणइं ॥ १

[१]

तब-णंदणु परिरक्खिउ णरेण	गुरु गरहिउ कुरु-परमेसरेण	
तहिं अवसरे दप्पुप्पेहडेहिं	जयलच्छि-सुरंगण-लेहडेहिं	
सहुं णरेण समिच्छिय-विग्गहेहिं	सामिय-सम्माण-परिग्गहेहिं	
हरिणाइ-समुत्तर-संगिएहिं	अणुदिणु रण-रामालिंगिएहिं	
धिप्पंतेहिं कुसवसणंकिएहिं	कंसिय-तणु-ताणालंकिएहिं	४
मालव-हिरण-पुरवासिएहिं	गोत्रेहिं णारायण-पेसिएहिं	
सिवि-तुंडिए रण-रस-पच्छलेहिं	दरएहिं कुणीरेहिं मेहुलेहिं	
जालंघर-मच्छ-तिगत्तएहिं	बोल्लाविउ पड्ड संसत्तएहिं	८

घत्ता

कुरु-खेत्तहो वाहिरे घोर-रणाइरे जइ तं अज्जुणु णउ धरहुं ।
तो कुरुवइ कल्लए दुप्परियल्लए अम्हइं डियवहे पइसरहुं ॥ ९

[२]

तो करेवि पइज्ज णराहिवेहिं
हक्कारिउ अज्जुणु अद्र-रत्ति
तो अम्हहिं सव्वेहिं कहिउ तुज्जु
जं णरवर-विदेहिं एम वुत्तु
किं णिहुयउ अच्छमि सहु जेम
तव-णंदणु पभणइ अखय-तोणु
तो भुवणुच्छलिय-महा-गुणेण
धट्टज्जुणु सच्चइ भीमु जाम

रण-रहस-सल्लिएहिं पत्थिवेहिं
जइ कह व परिट्टिउ णियय-खेत्ति
कुरु-खेत्तहो वाहिरे देहिं झुज्जु
वोल्लाविउ पत्थे घम्मपुत्तु ४
भड-वोक्क ण सक्कमि सहेवि देव
तिह करि जिह मइ पावइ ण दोणु
विण्णविउ जुहिट्टिल्ल अज्जुणेण
को पहु पइ हत्थे छिवइ ताम ८

घत्ता

हउं भिडमि तिगतहं एम चवंतहं गय णिसि दिणमणि वित्थरिउ ।
णह-सिरिए णहत्थहं तवसुय-पत्थहं णं अहिसेय-कल्लसु धरिउ ॥ ९

[३]

णिसि-णिग्गमे वड्डिय-कल्लयलाइं
गय-मयणइं णिग्गम-दुग्गमाइं
रह-भारक्कंत-वसुं घराइं
पहरण-रण-पहरण-पेसियाइं
पर-वारण-वारण-वारणाइं
घय-छत्त-छित्त-रवि-मं डलाइं
धणु-सोहा-जिय-इं दाउहाइं
रुहिर-णइ-रउइ-महारणाइं

आलगइं पंडव-कुरु-वलाइं
हय-फेणोवड्डिय-कदमाइं
जय-सिरि-वड्ड-लइय-सयं वराइं
दुज्जय-जयलच्छ-गवेसियाइं ४
दप्पुब्भड भड-संधारणाइं
असि-किरणोहामिय-विज्जुलाइं
रय-रक्खस-गिलिय-दिसा-मुहाइं
करि-दसण-कसुगय-हुयवहाइं ८

घत्ता

तहिं तेहए दारुणे रण-रुहिरारुणे वाहिय-रहइं धणुद्धरइं ।
गंडीव-भयंकरु खंडव-डामरु मिडिउ पत्थु जालंधरहं ॥ ९

[४]

तहिं अवसरे वुच्चइ महुमहेण	लज्जिज्जइ पत्थ पराहवेण
जाणहि जि महारहे थवेवि आउ	कह-कहव ण दोणे धरिउ राउ
पइं विणु भुवदंढ-भयंकराहं	को अंकुसु मोडइ गुरु-सराहं
पयरक्खु विओयरु जइ-वि थाइ	गय-घडहं विरुज्जइ सीहु णाइं ४
पयरक्ख णरिंदहो जमल जे-वि	मदाहिव-सउणिहिं धरिय ते-वि
अहिमणु मइंद-किसोरु णाइं	जेत्तिहिं जे कुमार तेत्तिहिं जि थाइ
सोमय-सिजय-पंचाल जे-वि	कुरु-गुरु सक्कंति ण धरेवि ते-वि ८

घत्ता

रइयंजलि-हत्थे	वुच्चइ पत्थे	वित्थारिय-जस-मंडवहं ।
हरि तुहुं जहिं जमलउ	णय-पय-कमलउ	कवणु दुक्खु तहिं पंडवहं ॥९॥

[५]

संसिऊण वसुएव-णंदणं	धुरि अणुट्ठिओ वाहि संदणं
करमि जाण(१) सस्सीरियं वलं	खर-खुरूप-कप्पिय-उरत्थलं
हय-हयं विचारिय-महागयं	मोडियायवत्तं वल्लुयं
भग-संदणं णोल्ल-णरवरं	रुहिर-मंस-वस-तित्त-णिसियरं ४
वाहिओ धुराहिवेण रहवरो	चडुल-चक्क-चिक्कार-दुद्धरो
रय-णिहाय-कय-मेह-डं वरो	देवयत्त-रव-वहिरियं वरो
पंचयण-णिगघोस-भीसणो	पलय-मेह-मयरहर-णीसणो
कोंत-तोय-त्तणु-तेय-तेइओ	गरुड-पवण-मण-वेय-वेइओ ८

घत्ता

धए कंचण-वाणरु	पासे महीहरु	रहवरे गरु करे स-सरु घणु ।
रण-रामासत्तेहिं	दिट्ट तिगत्तेहिं	णाइं णवल्लउ जमकरणु ॥ ९

[६]

तो जालघर	स-सर-घणुद्धर	
रहसुद्धाइय	काहे मि ण माइय	
भरिय-दियंतर	दलिय-वसुंधर	
हय-हडि-काहल	पसरिय-कलयल	४
उक्खय-पहरण	चोइय-वारण	
क्रिय-कडवदण	वाहिय-संदण	
जय-सिरि-संगम	मुक्क-तुरंगम	८
अतुल-परक्कम	केसरि-विक्कम	
तेहि चलेतेहि	खोणि खणतेहि	
रउ उद्धाइउ	जगे जि ण माइउ	

घत्ता

जल-थल-आगासइं	अमर-सहासइं	सव्वइं धूलिए मइलियइं ।
पर अतुल-पयावइं	विमल-सहावइं	चित्तइं भडहं ण मइलियइं ॥ ११

[७]

तो णरु णिरुद्धु जालघरेहिं	णं दुदिणे दिणमणि जलहरेहिं	
णं केसरि मत्त-महा-गएहिं	णं चंदण-पायउ पण्णएहिं	
एक्कल्लउ अज्जुणु वल्ल अणंतु	वावरइ तो-वि तिण-समु गणंतु	
त्रिप्पुरइ त्रिज्जु जिह चाव-लट्ठि	दस वीस तीस पंचास सट्ठि	४
सउ सहसु लक्खु अपपरिपमाण	पसरंति चउदिसु णवर वाण	
सव्वेहिं अखत्ते लइउ पत्थु	सव्वेहि-मि विसज्जिउ सव्वु अत्थु	
घड सव्व-जंत-पाहाणविट्ठि	लक्खिज्जइ जउ जउ रमइ दिट्ठि	
सो पहरण-णिवहु कइद्धएण	विणिवारिउ वेहाविद्धएण	८

घत्ता

गं डीव-विहत्थे	खंडिय पत्थे	सोलह सहस महासरहं ।
पडियइं खुडियद्धइं	खग्गइं खद्धइं	णाइं सरिरइं विसहरहं ॥ ९

[८]

संसत्त-सेणु अणञ्जुणेण
 तहिं अवसरे भायर पंच थक्क
 णं पंच परिट्ठिय लोयवाल
 पंचहि-मि पूरिय पंच संख
 पंचहि-मि महारह समुह दिण्ण
 दस दसहिं सरेहिं पंचहि-मि विद्धु
 इसु णरेण सुवाहुहे तीस छिण्ण
 रहु सुरहहो किउ सय-खंड-खंडु
 तणु-ताणु सुवम्महो तणउ भिण्णु

किउ पाराउट्टुअ अञ्जुणेण
 णं सगहो णिवडिय पंच सक्क
 णं जम-कलि-पलय-कयंत-काल
 पंचहि-मि विसज्जिय सर असंख ४
 पंचहि-मि घर्णजय वाण छिण्ण
 कह-कह-वि ण पाडिउ पवय-चिंधु
 पुणु चाव-लट्टि दस दिसिहिं दिण्ण
 विद्धलिउ(?) सुसम्महो छत्त-दंडु ८
 सु-घणुद्धर-सिरु भल्लेण छिण्णु

घता

भडु पडेवि ण इच्छइ सीसु पडिच्छइ जइ पडिवारउ थाइ थिरु ।
 तो णिय-वले भग्गए सामिहे अग्गए धत्तमि वइरिहे तणउ सिरु ॥९॥

[९]

तहो रणभर-पवर-धुरंधरासु
 तं णिय-वल्लु परिलंविचय-किवाणु
 संभरहो सु ताइं गलगज्जियाइं
 संभरहो भडत्तणु साहिमाणु
 संभरहो पइज्जउ दुक्कराउ
 वहुएहिं हणेवउ एककु जेत्थु
 तं णिसुणेवि वलिय णरिंद के-वि
 णारायण-वल्लइं पघाइयाइं

जं लइयउ सीसु घणुद्धरासु
 धीरविउ सुसम्मै भज्जमाणु
 संभरहो कुलइं मल-वज्जियाइं
 संभरहो सामि-संमाण-दाणु ४
 गय काइं भणेसहो कुरुव-राउ
 को पाण-भयहो अवगासु तेत्थु
 णिय-णामइं पवरइं संभरेवि
 जल-थल-आयासइं छाइयाइं ८

घत्ता

पहरण-पम्भारें रय-अंधारें रहु ण दिट्ठु ण तुरंग हय ।
 मरणु चित्तिउ सव्वेहिं भडेहिं स-गव्वेहिं णर-णारायण कहि-मि गय ॥९॥

[१०]

किउ कलयलु तूइं हयइं तेईं	रण-रसिएहिं कुरुवइ-किंकरेहिं	
मुउ मंलुडु महुसूयगु स-पत्थु	संसए वलगु गिन्वाण-सत्थु	
तो दुदम-दणु-तणु-घायणेण	वोलाविउ णरु णारायणेण	
अहो अज्जुण सुर-गिरि-गरुअ-धर	खंडव-डामर एककल्ल-वीर	४
किं छिण्णु महारहु खुडिय चक्क	किं पहर-विहुर-रह-तुरय थक्क	
किं निट्ठिय तोणहो कंड-संड	किं पडिय तुहारा वाहु-दंड	
किं चंडु चंडु गंडीउ भग्गु	कज्जेण जेण संसय-वलगु	
हरि णरेण वुत्तु थिरु थाहि देव	रिउ मारमि सीहु सियाल जेम	८

घत्ता

तो एम भणेप्पिणु सर-सय लेप्पिणु तालुय-वग्म-विमदणेण ।
 णर-णियरु गिवारिउ णं ओसारिउ कौंकाण-उवहिं जणदणेण ॥ ९

[११]

सर धिवइ चउदिसु सव्वसाइ	थिउ किरणहुं मज्जे पंयंगु णाईं	
णाराय ण त्रिणु दुज्जोहणेण	वामोहिय अच्छं मोहणेण	
जालंघरु रुद्धु णिरुद्धणेण	संसत्तग थंभिय थंभणेण	
उडुविय तिगत्ता वायवेण	जिय सूरसेण स्रायवेण	४
कालेय कुलीर कुण्णिद भग्ग	पच्छल मेहल उप्पहेहिं लग	
गंधार मगह मदासिया-वि	मालव-हिरण्णं पुर-वासिया-वि	
जायव जोहेया जवण जट्ट	आहीर कीर खस टक्क भोट्ट	
कासेय उसीणर तामलित्त	तोक्खार तिउर अवर-वि विचित्त	८

घत्ता

दुदम दुलक्खेहिं णरवर-लक्खेहिं जे रणमुहे ण परज्जिय ।
 ते एककें पत्थे किय घणु-हत्थे सयल मडप्पर-वज्जिय ॥ ९

[१२]

ओसारु देवि थिउ वइरि-वल्लु णं जंवुदीवहो उवहि-जलु
 णं रवियर-णियरहो तम-पडल्लु संघाणु वाणु धणु मुय-जमल्लु
 लक्खिज्जइ णरहो ण वावरणे पर हय गय भड णिवडंति रणे
 सो ण-वि णरु सोण-वि मत्त-गउ सो ण-वि तुरंगु सो ण-वि धयउ ४
 सो ण-वि णरु ण-वि करु ण-वि चरणु तं ण-वि सदेहु देहावरणु
 तं णाउहु णायवत्तु धरिउ जं अज्जुण-सरेहिं ण जज्जरिउ
 कुरु-कलयल्लु ताम समुच्छलिउ जिह पंडव भग्ग भीमु वलिउ
 जिह दोण महा-धणु उत्थरिउ जिह केण-वि धम्म-पुत्तु धरिउ ८

घत्ता

तं रउ उण्णाएवि पर-वल्लु खाएवि पत्थे णिय-मज्जायएण ।
 पुणु कउरव जोइय णिय-मुहे दोइय काले णाइ अ-घाइएण ॥ ९

[१३]

तो तव-सुय वेहाविद्धएण सोणासें कलस-महाघएण
 अवगणिवि पंडव-भड-समूहु गरुयारउ गारुडु रइउ वूहु
 सइं मुहै दुज्जोहणु उत्तमंगे कि-वि वामए कि-वि पयाहिणंगे ४
 कि-वि पुट्ठिहिं कि-वि पक्खंतरेहिं कुरु-पत्थिव थिय थाणंतरेहिं
 तं वूहु रएप्पिणु अप्पमेउ तव-तणयहो धाइउ कलस-केउ
 एत्तहे-वि पचोइय-अज्जुणेण पडिवूहु रइउ धट्टज्जुणेण
 धीरविउ जुहिट्ठिल्लु जिय-वरेण को छिवइ भडारा किंकरेण
 मइं जीवमाणे पारावयासें कंचण-कलसद्वय-कुल-त्रिणासें ८

घत्ता

णिय सामिउ धीरेवि तुरय समारेवि दुमय-पुत्तु रहवरे चडिउ ।
 मेहउल-विहंजणु पलय-पहंजणु णं णहे दोणहो अट्ठिभडिउ ॥ ९

[१४]

धट्टञ्जुणु णिरत्रि समुग्ग-तेउ
उत्थरोवे ण सक्कइ वड्ढिरे-स्त्पे
क्किर अच्छइ संसय-भावे लुद्धु
पडिल्लग परोप्परु समर-सौंड
साहणइ-मि वड्ढिय-मच्छराइं
खग्गगि-ञ्जुलुक्किर-दिसिवहाइं
पवहाविय-चामर-घत्त-धय
वड्ढसारिय-हयवर-गयवराइं

थिउ उग्गण-दुग्गणु कलसकेउ
ण सरासणु संठइ वाम-हत्थे
दुग्गुहेण ताम पंचालु रुद्धु
णं मत्त गइंद समुद्ध-सुंड ४
भिडियइं परिओसिय-अच्छराइं
सोणिय-समुद्ध-लंघिय-णहाइं
णच्चाविय-सुहड-कबंध-सय
पुंजीकय-कंचण-रहवराइं ८

घत्ता

तहिं तेहए रण-मुहे फुरिय-महाउहे
लइ लइउ जुहिट्टिलु परिपालिय-उलु

भिडिउ दोणु तव-णंदणहो ।
भउ उप्पणु जणदणहो ॥ ९

(१५)

पंडु-णंदण-वल
वणिय-मायंगय
भग्ग-पाइक्कयं
घित्त-सर-जालयं
सुट्टिय-भुय-दंडयं
दंति-दंतुक्खयं
णट्ट-मुह-रालयं
दोणि-दोहाइयं
चत्त-सण्णाहयं

पवल-हय-दल-वल
धुणिय-सीसक्कयं
लग-पारक्कयं
गलिय-करवालयं
पडिय-कोवंडयं
छिण्ण-णस-कक्खयं
लद्ध-मुह-घाययं
कह-वि ण-त्रि घाइय
दोण-वाणाहयं

४

८

सल्ल-सर-सल्लिय

कुरुव-पहु-पेळियं

कण्ण-कडुयाविय

सउणि-संतावियं

भमइ भय-घंघलं

सरण-मण-चंचलं

१२

सुहड-झड-झप्पिय

तुरय-गय-चप्पिय

घत्ता

छुडु छुडु दोणे अक्खय-तोणे पंडव-णाहु णिरत्थु किउ ।

पय-रक्ख-वियारिय वाह-पसारिय सच्चइ अंतरे ताम धिउ ॥ १४

(१६)

सो सच्चइ तहिं जो मच्छ-वंसु

उत्तम-धणु उत्तम-रायहंसु

गुरु पंचहिं वाणेहिं तेण विद्धु

इंदियहि महा-रिसिं जिह णिसिद्धु

जुत्तारु पिसक्केहिं दसहिं भिण्णु

धणु पाडिउ दसहिं धयग्गु छिण्णु

वाणासणु गुरु-करे अवरु लग्गु

कोद डु-वि परहो दसेहिं भग्गु ४

तेण-वि अवसरेण सरासणेण

तिउणेण विद्धु मग्गण-गणेण

दियवरेण महाघणु तहो विहत्तु

कह-कह-वि ण सच्चइ मणु पत्तु

तहिं अवसरे रोस-वसारुणक्ख

धरविउइ (?) जुहिट्टिल-चक्करक्ख

पहरिय सर-सएण सएण वे-वि

एक्केक्कें भल्लें णिहय ते-वि ८

घत्ता

छिण्णइं भूमीसइं सुहडहं सीसइं पडियइं सोणिय-चच्चियइं ।

णिय-सामिहे दोएवि णिरिणइं होएवि णाइं कव-घइं णच्चियइं ॥ ९

(१७)

तहिं काले सयाणीयंकणेण
संघाणे थाणे किय-आयरेण
छहिं सरेहिं भुवंगम-भीसणेहिं
छ-वि छिण्ण सिळीमुह दियवरेण
सिरु खुब्बिउ मरालें कमलु जेवं
ओहामिय कइकेय-जमल-राय
गुरु-वाणेहिं वूहइं फोडियाइं
वइसारिय हय गय वणिय जोह

परिहिय-रणवहु-णव-कंकणेण
गुरु-विद्धु विराडहो भायरेण
णव-जलय-वलाहय-णिसणेहिं
पुणु थूणा-कणेणं सर-सएण ४
थिय सोमय-सिजय गिरुवलेव
पंचाल मच्छ विच्छाय जाय
धय-चामर-छत्तइं मोडियाइं
चउदिसिहिं वहाविय सोणिओह ८

घत्ता

समसुत्ती पाडेवि णइ णिन्वाडेवि काल-ललानिय-जोह-णिह ।
रुहिरामिस-सित्तउ रस-वस-लित्तउ हिंइइ दोणु कयंतु जिह ॥ ९

(१८)

तहिं काले परिट्टिउ साहिमाणु
सच्चइ धट्टुज्जुणु धट्टुकेउ
वसुदाणु सुदक्खिणु उत्तमोज्जु
आढत्तु अक्खत्तें तेहिं ताउ
भूमीसहं सीसइं खुडइं दोणु
एक्केक्कउ भीसणु वाणु लेवि
उरयडे पंचइं पंचालु मिण्णु
हउ वीस चउक्कें खत्तधम्मु

जुहमण्णु जयद्धरु चेइयाणु
पंचालु सिंहं डि समुग-तेउ
खणे खत्तधम्मु जगे जणिय-चोउज्जु
ण सहिउजइ केण-वि ते-वि धाउ ४
कमलायर-कमलइं णांइं दोणु
वसुदाणि-जयद्धर णिहय वे-वि
सिरु खेमिहे णवहिं सरेहिं छिण्णु
वारहहिं सिंहं डिहे तणउ वम्मु ८

घत्ता

तीसहिं सिणि-णंदणु किउ णीसंदणु उत्तमोज्जु-वीसहिं सरेहिं ।
जुहमण्णु असक्केहिं पइउ पिसक्केहिं णं चउसट्टिहिं विसहरेहिं ॥ ९

(१९)

तहिं अत्रसरे गयणाणंदणेण	मंघव्वणयर-सम-संदणेण
पउमावइ-दोणाओहणेण	रत्रिपुत्त वुत्तु दुउजोहणेण
गुरु पेक्खु पेक्खु रणे वावरंतु	णं स-घणु महा-घणु उत्थरंतु
सोमय-सिजय-कइकइ कहंतु	णं वणदउ तिण-तरुवर डहंतु ४
णं हरि करि जमउरे पट्टवंतु	णं पवणु पओहर णिट्टवंतु
णं इंदु गिरिंदह असणि दितु	णं गरुडु भुयंगम खयहो णितु
एक्कलउ वट्टइ पवणु जाम	किं तेण धरिउजइ समरे ताम
दुज्जोहण-वयण-विरामे कण्णु	पभणइ चामीयर-णियर-वण्णु ८

घत्ता

णिय-कुल-णह-णेसर महि-परमेसर खद्धउ कउरव-सेणु गणे ।
एक्कहिं पडिलगए भीमे अभगए दोणे को-त्रि ण भग्गु रणे ॥ ९

(२०)

किं धरिउ विओयरु वावरंतु	गय-घाएहिं गयवरु जउजरंतु
अहिमण्णु घुडुक्कउ दुमउ पंडि	धट्टज्जुणु सिणिणंदणु सिहं डिइ
पडिरक्खु णियय-गुरु कुरु-वरेणु	पीडिउजइ जाम ण कुरुव-सेणु
तं णिसुणेवि हय-गय-रहवरेहिं	रक्खिउ कलस-द्धउ कुरु-णरेहिं ४
पंडवहि-मि परिमिउ भीमसेणु	णं पवर-गिरिंदेहिं सुर-करेणु
णं णहयर-णाहु विहंगमेहिं	णं सेसु असेस-भुवंगमेहिं
परिरक्खिउ रहवरु कुव्वरथु	स-जडासुर-वग-जगडण-समथु
वेरुलिय-महाहिव-घय-सणाहु	जुय-जोत्तिय-रीरी-वण्ण-वाहु ८

घत्ता

सो भीमु समच्छरु तौसिय-अच्छरु मामिय-गरुय-गयाउहउ ।
कहिं जाहि जियंतउ एभ भणंतउ धाइउ दोणहो संमुहउ ॥ ९

(२१)

तव-णंदण-संदण-संगएहिं	घवलंग-णील-वाळ्णहएहिं	
धट्टज्जुणु घाइउ मणंगमेहिं	पारावय-वण्ण-तुरंगमेहिं	
वाहेहिं सिंहंडि पउम-प्पहेहिं	सुअसम्मउ सिहि-गल-सच्छहेहिं	
अरुणेहिं जुहमणु सेउत्तमोज्जु	इंदाउह-वण्णेहिं केांतिहोज्जु	४
सच्चइ कलहोय-समुज्जलेहिं	अहिमणु पिसंगेहिं चंचलेहिं	
पडिंविंशु परिट्टिउ गंपि पुरउ	जरजीव-जीव वस-कण्ण-तुरउ	
सत्तहिं-मि पराइउ साहिमाणु	कउसेय-सवण्णेहिं चेइयाणु	
अवरेहिं अवर-णाणाविहेहिं	मंजिट्ट-कीर-चंचुय-णिहेहिं	८

घत्ता

तं पेक्खेवि पर-वल्ल	पसरिय-कलयल्ल	बंधव-सयंग-विरोहणेण ।
सइं भुएहिं विओयरु	रिउ-जम-गोयरु	आयामिउ दुज्जोहणेण ॥ ९

*

इय रिट्टणेमिचरिए धवलइयासिय-सयंभुएव-कए ।
बावण्णासमो इमो परिसरगो समत्तो ॥

*

तिवण्णासमो संधि

दुज्जोहण-भीमहं भीयर-भीमहं जाउ महाहउ दुब्बिसहु ।
अत्रिल मिणमाणेहि(?) अत्र विमाणेहि णं लंवाहिउ(?) गगण-वहु ॥ १

[१]

वसुमइ-कामघेणु-संदोहण णिब्भय भिडिय भीम-दुज्जोहण
दुम्मरिसेण ताव हक्कारिउ वल्ल पंडव कहिं जाहि अमारिउ
क्रियवम्भेण वरिउ सिणि-णंदणु खत्तघम्मु सेंधवेण स-संदणु
पेक्खंतहो कउरव-संधायहो धउ घणु छिण्णु जयइह रायहो ४
तहिं अवसरे ओवाहिय-संदण भिडिय वे-वि धयरदुहो णंदण
कह-वि जुजुच्छु कडय-सण्णाहउ स-सिरउ हय सुवाहुहे वाहउ
तो कर-करिसिय-स-सर-सरासण त्रिणिण-त्रि भिडिय णउल-दूसासण
सल्ल-जुहिट्टिल भिडिय परोप्परु जाउ त्रिहि-मि संगामु भयंकरु ८

घत्ता

भुयइंद-पमाणेहि पंचहिं वाणेहि त्रिदु राउ मदाहिवेणे ।
चउसट्टिहिं ताडिउ कह-वि ण पाडिउ सल्ल-वि पंडव-पत्थिवेण ॥ ९

[२]

तव-सुय-कुरुवराय-पाइक्कहं रणु पडिलगु दुमय-वल्हिवक्कहं
उम्भड-सुहड-मडप्पर-साडहो भिडिय विद-अणुविद विराडहो
खेमवित्ति विमएण धरिउज्जइ चेइउ अवट्ठेण वरिउज्जइ
विद्धखेमु गउतमेण णिवारिउ घट्टज्जुणेण दोणु हक्कारिउ ४
अंगाहिवहो सिंहं डि विरुज्जइ गुरु-सुएण पडिविंशु णिरुज्जइ
अंगय-उत्तिमोउज ओवडिया दुम्मुह-पुरुजि परोप्परु भिडिया
घाइउ सोमयत्त मणिवंतहो दूसासण-सुउ उत्तर-कंतहो
अक्खुइ सुय-कित्तिहे उवदुक्कउ आरिससिगिहे भिडिउ घुडुक्कउ ८

घत्ता

विहिं विहिं सामंतहं उण्णइवंतहं एम भयंकरु जाउ रणु ।
दीसइ रुहिरोल्लिउ णं पप्फुल्लिउ फग्गुणे रत्तासोय-वणु ॥ ९

[३]

तो रण-रहसें कह-मि ण माइउ	हणु भणंतु दुज्जोहणु घाइउ
मत्त-गाइं देहिं रिउ जगडाविय	भिण्णइं जूहइं धड विहडाविय
णच्चाविय कवंध बहु-भंगेहिं	रंगाविय रह-रहिय रहंगेहिं
गय मयगल रुलंति मत्थिक्केहिं	हय हय रहिय रहिय पाइक्केहिं ४
वियलिय-पहरणे चूरिय-त्राहणे	तहिं भज्जंतए पंडव-साहणे
मंभीसंतु सुहड स-मडक्कउ	जमु जिह एककु भीमु पर थक्कउ
णं मयगल्लु दुवालि लेवारिउ	णं सुत्तउ मइंदु वेयारिउ
णं अजलंतु जलणु संधुक्किकउ	णं खय-काल-दंडु उवटुक्किकउ ८

धत्ता

रायजण-मज्जे समरे असज्जे इह-पर-लोय-त्रिरोहणहो ।
 वोत्ताविउ सारहि रहवरु सारहि छत्तइं जहिं दुज्जोहणहो ॥ ९.

[४]

रहवरु वाहि वाहि लहु तेत्तहे	गय-धड णिविड परद्विय जेत्तहे
तं णिसुणेवि सारहि उच्छाइउ	अरिय-विमदणु संदणु वाहिउ
भीम-महा-भर-वहणासक्कइं	रहु पक्खलइं चलंति ण चक्कइं
णिय मुहरंगेहि पवर तुरंगम	सुडिय-पक्ख क्रिय णाइं विहंगम ४
घाइउ झंप मुएवि धुरगले	सारहि रहु आणिज्जइं पच्छले
हउं जि महारहु चलण जे चक्कइं	जाइं वहंतइं कह-मि ण थक्कइं
रोसु जि सारहि हियउ जे चिंधउ	जं गुरु-गय-धड-गंध-पइद्धउ
लउडि जि रह-धुर हत्थ जे घोडा	जे दप्पुग्मड-सुहड-णिहोडा ८

धत्ता

णिय-देहु जे रहवरु करेवि विओयरु धाइउ स-धणु स-पावरणु ।
 णं हत्थि-इडोहइं कउरव-जोहहं दुक्कीहवउ जमकरणु ॥ ९

[५]

तो दुज्जोहण-णयणाणंदणे	क्रिय-दपुब्बमड-मड-कडवंदणे	
त्रिविहाहरणेहिं त्रिचित्त-पसाहणे	वियरइ भीमु महागय-साहणे	
कालायस-घडिएहिं अपमाणे	के-वि महा-करि चूरिय वाहणे	
काह-मि णीणिय पच्छिम-भाएहिं	चूरिय के-वि भुयगल-घाएहिं	४
काह-मि वलइं घाइ पडिल्लगइं	काह-मि करि-सिरि खंधे वल्लगइं	
काह-मि झंप देइ कुंभोयरि	कइइइ मोत्तियाइं जिह केसरि	
के-वि गयासणि घाएहिं घाइय	के-वि क्किवाणे जम-पहे लाइय	
एक्के भीमे गयवर लक्खइं	क्रियइं रणंगणे सूडिय-पक्खइं	८

घत्ता

लक्ख-वि आवइइ महिहे पयइइ घाए घाए पवणंगयहो ।
 णं करेहिं मलेप्पिणु कवल्ल करेप्पिणु देइ कयंतु महागयहो ॥ ९

[६]

तो तहिं विओयरेण	आहउ करी-करेण	
मोडियं रहु कड-त्ति	चूरियं सिरं तड-त्ति	
मोत्तिया समुच्छलंति	तारया-छवी वहंति	
अंवरे वरंगणाहिं	णच्चियं सुरंगणाहिं	४
अण्णओ णिल्लगएण	भग्गओ गओ गएण	
आहओ हओ हएण	पाडिओ घओ घएण	
चूरिओ रहो रहेण	आउहो वराउहेण	
लेवि वद्ध-मच्छरेण	घाइओ णरो णरेण	८

घत्ता

को-वि करि आहयणहो धित्तउ गयणहो एंतु समाहउ गयवरेण ।
 णव पाउस-डंवरे कत्तिय-अंवरे णं णव-जल्लहरु जल्लहरेण ॥९

[७]

तो दुज्जोहण-वाहिणि-वाहणु
धाइउ कुरुव-राउ तहि अवसरे
विद्ध विओयरु उरे णाराए
एक्के भले कुरुवइ ताडिउ
चंपाहिवइ चडेपिणु कुंजरे
कण्ण-विओयर मिडिय महावल
रहवरु पाविउ ताम विसोए
णं केसरिहि महीहरु दुज्जउ

भीमे भग्गु महागय-साहणु
कुइयउ कयंतु णाइं खय-वासरे
वह-वि कह-वि महि पत्तु ण घाए
अवरे स-घणु महा-धउ पाडिउ ४
थिउ दुज्जोहण-भीमहुं अंतरे
कुंती-सुव कुरु-पंडव-वच्छल
दिट्ठु असेसे णरवर-लोए
णं दइवहो ववसाउ साहेज्जउ ८

घत्ता

रहु सारहि पावइ वंधउ आवइ मण-गयणुत्तम-घोडएहि ।
जय-लच्छि त्रिट्ठपइ पर-वल्ल कंपइ एउ ण पुण्णेहि थोडएहि ॥ ९

(८)

ते महि-कारणे रणे पहरंते
कण्ण-महाकरि-मत्थउं दारिउ
तहो आइच्च-सुयहो पेक्खंतहो
लहु जुत्तारे पाविउ संदणु
धाइउ पंडु-पुत्त वहु-वाणेहि
विहि-मि परोप्परु छिण्णइं चावइं
भीमे भीम गयासणि भामिय
भुक्खिएण जगु कवल्ल करंते

अवसरु लहेवि हिडिवा-कंते
पच्छिम-भाए सरु णीसारिउ
सिरु आरोहहो खुडिउ रसंतहो
तहि आरूढु दिवायर-गंदणु ४
तेण-वि सो अणेय-परिमाणेहि
सरवर-जालइं कियइं अभावइं
भडहं भवित्ति णाइं संकामिय
जीह ललाविय णाइं कयंते ८

घत्ता

धुर-धरण-महाइउ सारहि घाइउ हय तुरंग रहु जज्जरिउ ।
भीमहो गय-घाए दइव-विहाए अंगराउ पर उन्वरिउ ॥ ९

[९]

तो तंडविय-कण्णु उब्भिय-करु
 मय-परिमल-मेलाविय-संडयणु
 पायवीढ-कंपाविय-महियलु
 पुक्खर-छित्त-दिवायर-संदणु
 चरण-चार-चूरिय-अहि-सुं मल्ल
 सो भयक्तें चोइउ चंदिरु
 सारहि करणु देवि थिउ दूरें

दाण-महाणइ-उक्खय-वण-तरु
 सीयर-घारा-सिचिय-सुरयणु
 कुंभ-मडलुच्चाइय णहयलु
 दंत-धाय-घोलिय-संकंदणु ४
 पुच्छ-घाय-घाइय-पच्छिम-वल्ल
 रहु सतुरंगमु णिउ जम-मंदिरु
 लइउ भोमु कालेणं कूरें ८

घत्ता

पयणंगय-गयवर हा(?) चउपयवर भिडिय परोप्परु वेवि जण ।
 गयणंगण छंडेवि थिय महि मंडेवि णं संचारिम पलय-वण ॥ ९

[१०]

एक्कु विओयरु तिण्णि रणुउजय
 वउजंकुस-भयवत्त-महागय
 तिण्णि-वि एक्कु णाइं करि होएवि
 घाइउ मयगल्लु मच्छर-भरियउ
 सो-वि महागय लील-विल्लविउ
 वाहु-विसाणु पयाउ-महाकरु
 वेज्जउ देइ ओसरइ ण छप्पइ(?)
 भमइ चउदिसु मत्त-गइंदहो

सुरवर-समर-सहासेहिं दुज्जय
 णव-णाव-णाग-सहस-वल्ल-संगय
 अप्पाणेण जि अप्पउ चोएवि
 भीम-भुयगल्ल-वेडे घरियउ ४
 सुरवहु-णयण-भमर-परिचुंविउ
 घाय-दाणु पवणंगय-गयवरु
 खणे पडिमाणे थाइ खणे पच्छर
 विज्जु-पुंजु णं जलहर-विदहो ८

घत्ता

चउ-चरणभंतरे छुद्धु खणंतरे
 जगु उप्परि देप्पिणु आयामेप्पिणु

वियरइ भीमु ण वीसमइ ।
 णावइ कुम्मु परिभमइ ॥ ९

[११]

वेदिउ कंधु करेण करिंदे	णं गिरि-मंदरु महणे फणिंदे	
कह-वि कह-वि लिहककवियउ अण्णउ	कहि-मि ण दिट्ठु जेम परमण्णउ	
पुणु पइट्ठु चउ-चरणभंतरे	पडिउ सरेवि थक्कु दूरतरे	
गउ गउ भीमसेणु उच्छण्णउ	पंडव-लोउ सन्वु आदण्णउ	४
ताम जुहिट्टिलेण लेवाविउ	सत्त-महागएहिं खेयाविउ	
रहवर-पवर-तुरय-पाइक्केहिं	तरु-पाहारु सिलेहिं स-सिलिक्केहिं	
जो भयवत्तु वइरि मंवारइ	अंकुसेण पहरणइं णिवारइ	
जो जो दुक्कइ तहो तहो पावइ	पाडिय गय णिय गय चूरावइ	८

घत्ता

उल्लइ पयट्टइ चलइ विसट्टइ खलइ णियत्तइं पंडु-वल्लु ।
एक्के भयवत्ते भमइ भमंते मंदर-हउं णं उवहि-जल्लु ॥ ९

[१२]

ताम दसण्णएण करि चोइउ	णं णिय-दंडु कयंते ढोइउ	
के-वि महागय भिडिय परोपरु	जाउ महाहउ तोसिय-सुरवरु	
दंत-धाय-कर-धाय-विलासेहिं	पुच्छ-धाय-कम-धाय-सहासेहिं	
सत्तहिं तोमरेहिं भयवत्ते	पोसेउ जम-सासणु खण-मेत्ते	४
पुणु-वि जुहिट्टिलेण वेढाविउ	केवल-रहवरेहिं वइढाविउ	
सच्चए भिडिउ भयत्तए मयगले	पंचहिं सरेहिं विद्धु कुं भत्थले	
धुम्ममाणु पडिवारउ चोइउ	घाइउ णाई जमेण अवलोइउ	
थिउ ओसरेवि जिणेवि ण सक्किउ	वारणु पहरण-लक्खेहिं टक्किउ	८
जेत्तहे जेत्तहे रणे परिसक्कइ	तेत्तहे तेत्तहे के-वि ण थक्कइ	

घत्ता

तहिं काले विओयरु स-सरु-घणुद्धरु घाइउ अण्णे रहवरेण ।
तो सवि विवेररा भीमहो केरा भग्ग तुरंगम गयवरेण ॥१०

[१३]

तहिं पमाणे परिवड्डिय-गव्वउ	धाइउ हणु भणंतु रुइपव्वउ	
एक्कें तोमरेण भयवत्तें	जम-पट्टणे पट्टविउ पयत्तें	
तो स-रहसु भय-पसर-विमुक्कउ	चेइयाणु अहिमणुणु बुडुक्कउ	
धट्टकेउ धट्टजुणु धाइउ	पंडि सिंहंडि जुजुच्छु-पराइउ	४
पंच पुत्त पंचालिहे केरा	ओए-वि अवर-वि वि अहिअ हणेरा	
ताम जुजुच्छुहे सारहि धाइउ	रहे अहिमणुणु-हिंडिवय-घाइउ	
दस-दस सर एक्केक्कें पउंजइ	चेइयाणु चउसट्टि विसज्जइ	
जं अवरैहि-मि लइउ अखत्तें	तहिं तहिं सव्वु विद्धु भयवत्तें	८

घत्ता

ओसरइ स-त्राहणु	पंडव-साहणु	णिम्मज्जायहो कुंजरहो ।
अत्रलोयणे थक्कहो	णासइ एक्कहो	जगु जिह पलय-सणिच्छरहो ॥९

[१४]

णिसुणेवि रह-गय-तुरय-वरेणहं	कलयलु पंडव-कउरव-सेणहं	
रण-रउ अवरु भयंकरु पेक्खेवि	आउ किरीडि कवंधइं लक्खेवि	
जालंधर-रण-भोयणु भुंजेवि	जे उव्वरिय ताहं सुर जुंजेवि	
पच्छए लगु समुक्खय-पहरण	संसत्तग तिगतत णारायण	४
चउदह दह चालीस पगासइं	तिहि-मि गणहं चउसट्टि सहासइं	
अवरहं केण संख पुणु बुज्झिय	जे सहं अज्जुणेण रणे जुज्झिय	
मरु-मालव-हिरणपुर-वासिय	मेहल-तामलित्त-णच्चासिय	
पच्छल-कामरूव-कंभीरा	दलय-चिलाय-कुणिद-कुणीरा	८

घत्ता

एक्केक्क-पहाणा	अवर-वि राणा	अणुघाइय एक्कहो जणहो ।
दीहर-दाटालहो	णहर-करालहो	हरिण जेम पंचाणणहो ॥ ९

[१५]

एक्कु पत्थु रिउ-सेणु अणंतउ
 लइउ घणंजएण अणणणेहिं
 सेल्ल-वराय-कण्ण-णाराएहिं
 छिण्णइं उब्भड-मिउडी-भीसइं
 तहिं पमाण-अइमाणुस-गम्मे
 पहरु पहरु जइ पंडुहे णंदणु
 पहरु पहरु जइ भीमहो भायरु
 पहरु पहरु जइ कुल्ल पणियारहिं

घाइउ हणु-हणु-कार करंतउ
 तीरिय-तोमर-थूणा-कण्णेहिं
 कण्णिअ-अइहत्थिय-संघाएहिं
 कंधर-कर-चरणंगुलि-सीसइं
 हक्कारिउ वीहच्छु सुहम्मै
 पहरु पहरु जइ साल्ल जणइणु
 पहरु पहरु जइ तव-सुय-किंकरु
 पहरु पहरु जइ जसु विथारहिं

४

८

घत्ता

तं गिसुणेवि पत्थें समर-समत्थें पाड्डिउ सत्तहिं सरेहिं घउ ।
 विहिं छिण्णु सरासणु छहिं सुय-णंदणु भाइ सुसम्महो तणउ हउ ॥ ९

[१६]

ताम सुसामे सत्ति विसउजिय
 ताड्डिउ तोमरेहिं णारायणु
 कउर-वलोएं घरेवि ण सक्किउ
 तव-गरिंद पडिलग्ग परोप्परु
 विण्णि-वि वावरंति णाराएहिं
 मग्गण मग्गणेहिं विणिभिंदइ
 हत्थि व हत्थि-हडउ रणे गज्जइ
 ताम घणंजएण सु-विसेसें

तहिं वारह कण्णेहिं परउजिय
 तासु-वि पत्थें किउ विणिवारणु
 तो सारोहु महा-करि हक्किउ
 जाउ रणंगणु सुट्ठु भयंकरु
 णं जलहर धारा-संघाएहिं
 णरु णाराय-सहासेहिं छिंदइ
 सव्वहु एक्कु मडण्णरु भंजइ
 रहु परियत्तेवि वाम-पएसें

४

६

॥ ९

घत्ता

सहसा सोवण्णे थूणा-कण्णे लोयण-महुयरु सव्वण-इ
 णर-णियर-णिरोहहो हत्थारोहहो पाड्डिउ पत्थे सिरा-णो ॥

[१७]

हत्थारोहें समरो समत्ते
 एक्के तोमरेण वच्छत्थले
 तहिं अवसरे आरुट्ठु कइद्धउ
 तिहिं कलहोय-विहूसिय-वाणेहिं
 छिण्णु छत्तु धय-दंडु सरासणु
 कप्पिउ देहावरणु गइंदहो
 तो भययत्ते भुअण-भयंकर
 कुइउ विजउ भय-पसर-विमुक्कउ

ताडिउ वासुएवु भययत्ते
 खाएवि फणि पइट्टरसायले
 झत्ति पलित्तु णाईं धूमद्धउ
 आसीविस-विसहर-परिमाणेहिं ४
 वर-चामीयर-चामर-वासणु
 घण-पडलु व ओसरिउ गिरिंदहो
 पेसिय णरहो चउइह तोमर
 तिहिं तिहिं सरेहिं छिण्णु एक्केकउ ८

घत्ता

पाडिसत्ति विसज्जिय णरेण परज्जिय घंटा-चामर-गारविय ।
 मित्तोवम-वाणेहिं गुण-संधाणेहिं असइ णाईं विणिवारिय ॥ ९.

[१८]

उप्परिहरेहिं सत्ति जा दुक्की
 दसहिं णरिंदु विद्ध पडिवारउ
 वंचइ णरु णारायणु लुक्कउ
 तो स-कंड-गंडीव-विहत्थे
 पुणु सत्तरिहिं सप्प-लल्लक्केहिं
 तो णारायणत्थु भययत्ते
 णरएं दाणत्तेण जं दिण्णउं
 अज्जुणु पुट्टिहे ठवेवि तुरत्ते

खंडइं तिण्णि करेवि सा मुक्की
 तोमर धिवइ सो-वि सयवारउ
 सुर चवत्ति विहिं एक्कु ण चुक्कउ
 पाडिय चाव-लट्ठि रणे पत्थे ४
 सव्वइं धम्मइं हयइं पिसक्केहिं
 पेसिउ पज्जलमाणु पयत्ते
 वायरणेण व जे जगु मिण्णउं
 कुसुम-दामु जिह लइउ अणत्ते ८

घत्ता

एक्केक्क- जस-भायण णर-णारायण चडिय वे-वि विहिं रहवरेहिं ।
 दीहर-दा- मिस-लुद्धा अमरिस-कुद्धा विण्णि सीह विहिं गिरिवरेहिं ॥ ९.

[१९]

धाइउ अरि-करि ताम सगव्वउ	पायचारि णं अंजण-पव्वउ	
तंवि-णयण-जुवल्लु मुक्कंकुसु	घारासार-वरिसु णं पाउसु	
कुद्धु मयंधु वल्लुद्धरु घावइ	पत्थहो लोय-णाहु जाणावइ	
लइ लइ लय उरहत्थिय वाणेहिं(?)	णं तो वे-वि चत्त णिय-पाणेहिं	४
जं उवएसु दिण्णु सर-वासें	किउ वइसाह-थाणु सेयासें	
पटमंगुलिहिं विद्धु पुणु पुक्खरे	पुणु मंइसे सोतो सोत्तंतरे	
हत्थ-पएसए-वि चउवीस-वि	वयण-पएस भिण्ण वत्तीस-वि	८

घत्ता

सव्वहं सविसेसहं हत्थि पएसहं घायालीसइं चउ-सयइं ।
कुसुमंजलि हत्थे सुरवर-सत्थे दिट्ठइं इत्ति समाहयइं ॥ ९

[२०]

सव्व पएस भिण्ण मायंगहो	जलइ व धाउ-महीहर-संगहो	
रुहिरइं णीसरंति चउ-पास्सिहिं	गिरि व विहसिउ फुल्ल-पलासेहिं	
णिवडिउ मुच्छा-विहल्लु विसाणेहिं	को जीवइ संतेहि-मि दाणेहिं	
आयामेप्पिणु सव्व-पयत्ते	जंघारुएहिं धरिउ भययत्ते	४
ताम घणंजएण स-गइंदहो	उहय-करंकुस-घरहो णरिंदहो	
छिण्णु णिडाल-वट्टु सहं सीसें	कुंडल-मउड-महामणि-भीसें	
उत्तमंगु उच्छल्लिउ कवंधहो	पडिउ कवंधु महाकरि-खंधहो	
करिवरु धरहं घणुप्परि सीसहो	पेक्खंतहो कुरु-णरहो असेसहो	८

घत्ता

सरहसेहिं सहासेहिं अमर-सहासेहिं णर-रण-सरहस वद्धुएहिं ।
भुवणुच्चभरुद्धुल्लइं सुरतरु-फुल्लइं धित्तइं णरहो सइं भूएहिं ॥ ९

*

इय रिट्ठणेमिचरिए धवळइयासिय-सयंभूएव-कए तिवण्णासमो सगो ॥

चउवण्णासमो संधि

भयवक्तेण समरे समत्थेण ओसारिज्जइ कुरुव-वल्ल ।
सर-सिहउ मुअंतेण दोमइ-कंतेण णं वडवग्गिए उवहि-जल्ल ॥

[१]

हक्कारिउ विहि-मि समच्छरेहिं	गंधारिहे सउणि-सहोयरेहिं
जवणासोवाहिय-संदणेहिं	अइ-सुवलेहिं सुवल्लहो णंदणेहिं
सामिय-सम्माण-रणुज्जएहिं	विसयावल-णामेहिं दुज्जएहिं
वल्ल कु-पुरिस पंडव संढ-भाव	भयवत्तु वहेवि कहिं जाहिं पाव ४
दुव्वयण-सिलीमुह-विद्धएण	सेयासें वेहाविद्धएण
धवलायव-वारण रह-रहंग	धय-धणुवर-सारहि-वर-तुरंग
णिण्णासिय एकके अज्जुणेण	वहु अवगुण णाइं महा-गुणेण
भज्जंतहो विसउ व विसउ पत्तु	रहे अवल्लहो थाएवि पडिणियत्तु ८

घत्ता

सइं अगए मायरु पच्छए ओलि णिवद्ध पघाइय ।
क्रिय-थाणेण एकके वाणेण त्रिणि-त्रि पत्थे घाइय ॥ ९

[२]

जं णिहय सहीयर फग्गुणेण
 तं धाइउ सउवल्लु हणु भणंतु
 णइ सायर आसुर आमराइं
 धाइउ वारह सइं भुअंगमाइं
 आयइं अवरइ-मि त्रिणिम्मियाइं
 णासेप्पिणु कहि-मि गयाइं ताइं
 पेक्खंतहं किव-चंपाहिंवाहं
 गउ पाण लएप्पिणु सउणि-मामु

सुर भुवणुच्छलिये-महा-गुणेण
 बहु-माया-रूवइं दक्खंतु
 कापिजलं गारुडं भामराइं
 कारेणव णव तुरंगमाइं
 णर सरवण-सोणिय-तिम्मियाइं
 मग्गण-हत्थि णिरत्थइं दिति काइं
 अवरह-मि असेसहं पत्थिवाहं
 दुज्जोहण-दोणहं तणउ थामु

४

८

धत्ता

चडुलंगोहि अउवण-तुरंगेहिं पत्थहो अग्गए वावरइ ।
 णह-छित्तउ लाला-लित्तउ हरिणु मइंदहो णावइ ॥ ९

[३]

णरु धरेवि ण सक्किउ दुद्धरेहिं
 भयवत्त-समप्पह-पत्थिवेहिं
 भंजंतु असेसइं वलइं जाइ
 णं जलहर-जालं पलथ-वाउ
 णं सिंहरि-समूहइं कुलिस-दंडु
 ण धरिज्जइं दारुण-वारणेहिं
 ण धरिज्जइं पवग-तुरंगमेहिं
 ण धरिज्जइं कुरुव-णराहिंवेहिं

णारायण-गण-जालंधरेहिं
 त्रिसयावल्ल-सउणि-णराहिंवेहिं
 तंवेरम-जूहइं सीहु णाइं
 णं पण्णय-कुलहं बिहंग-राउ
 णं कमल-वणइं गउ गिल्ल-गंडु
 × ×
 ण धरिज्जइं रहेहिं पुरोवमेहिं
 ण धरिज्जइं अवरोइं पत्थिवेहिं

४

८

धत्ता

स-जणइणु पेडुहे णंदणु सळ्व-लोय-भय-गारउ ।
 स-सणिच्छरु वडिंठय-मच्छरु विथरइ जिह अंगारउ ॥ ९

[४]

कुरुखेत्तहो भाए, दक्खिणेण	महुसूयण-संदणे सक्खिणेण	
रिउ-साहणु जगडिउ अज्जुणेण	णं गिरि-तरु-तिण-वणु फग्गुणेण	
तहिं कालि विओयरु धम्म-पुत्तु	धट्टज्जुणु सच्चइ खेम-पुत्तु	
ते पंच-त्रि दोगहो भिडिय जोह	णं इंदिय रिसिहिं णिकद्ध-कोह	४
परिसक्कइ जउ जउ कालकेउ	धट्टज्जणु तउ तउ हरइ तेउ	
सुमरेण्णिणु लक्खा-सरण-डाहु	स-दुरोयरु दोमइ-केस-गाहु	
तो भीमु-भुवंगम-विसम-सीलु	हक्कारिउ गुरु-णंदणेण लीलु	
तिहिं भल्लेहिं घउ घणु छत्त-इंडु	रहु अवरेहिं किउ सय-खंड-खंडु	८

धत्ता

असि-फर-करु	भिडिउ भयंकरु	धाइउ सव्वायामेण ।	
मउडुज्जलु	सीसु स-कुंडलु	पाडिउ आसथामेण ॥	९.

[५]

तो तवसुय-पत्थ-सहोयरेण	सट्टिहिं तोमरेहिं विओयरेण	
वाल्हिककहो पाडिउ आयवत्तु	घउ चामर घणुवरु गुणु त्रिट्तु	
छव्वीसहिं दोणें भीमु विद्धु	अंगाहिवेण छहिं छहिं णिसिद्धु	
छहिं कुरुवै सत्तहिं कुरु-सुएण	भीमेण-वि भीम-महाभुएण	४
पंचासहिं छाइउ कलस-केउ	तिहिं मलिउ कण्णहो तणउं तेउ	
वारहहिं णिवारिउ कुरुवराउ	गुरु-णंदणु अट्टहिं विहलु जाउ	
सहुं पुत्तेहिं हरिसिउ जण्णसेणु	परिरक्खहो केम-वि भीमसेणु	
तो रण-भर-धुर-धारण-सुएण	दस विक्कर पेसिय तव-सुएण	८

घत्ता

जमल दुइ जण	णर-सुय छज्जण	सच्चइ भइमि विणिच्छिय ।	
सर-लक्खेहिं	अमुणिय-संखेहिं	दोणें दस-वि पडिच्छिय ॥	९.

[६]

तो णरवइ अट्ट महाणुभाव	संगाम-सएहिं णिग्गय-पयाव	
किव-कण्ण-जयदह-कुरु-नरिंद	कुरु-तणय-सल्ल-विंदाणुविंद	
पहरण-कर कवयावरिय-गत्त	दोणहो परिक्खणे मित्तु पत्र	
एतहे-वि घणंजउ धणु-सहाउ	जगडेवि जालंधर-वलइं आउ	४
सर-किरणेहिं सोसेवि कुरु-समुदु	लक्खिज्जइ रवि व महा-रउदु	
अपंपरिहूया घायरट्ट	णिय-पाण लएप्पिणु रणे पणट्ट	
अह कुरुव-णराहिव-परम-मित्त	वलु दिणमणि-णंदण करे पत्ति	
णिय-सेणहो तो मंभीस देवि	वरु स-सरु सरासणु करे करेवि	८

घत्ता

धणु-हत्थहो	घाइउ पत्थहो	कज्जल-सामल-देहहो ।	
अइ चंचलु	कणय-समुज्जलु	विज्जु-पुंजु जिह मेहहो ॥	९

[७]

कण्णज्जुण रणे पडिवण्ण घोरे	कर-चरण-सिरालण-पाण-चोरे	
सच्चइ-विपास-विओयरेहिं	रवि-तणउ विद्ध तिहिं तिहिं सरेहिं	
तेण-त्रि वर-वइरि-विणासणाइं	छिण्णइं तिहिं तिण्णि सरासणाइं	
सत्तिउ तिहिं तिण्णि विसज्जियाउ	कण्णेण-त्रि णवहिं परज्जियाउ	४
पत्थहो विणिवारिउ वाण-जुयलु	ण णिहाल्लिउ केण-त्रि अंतरालु	
एत्तहे-वि रणंगणे दुज्जएहिं	वेविस-विपास-सत्तुंजएहिं	
आदत्तुं अक्खत्तौ सव्वसाइ	णरु एककु वियंभइ लक्खु णाइं	
तिहिं वेविसु हउं वीसहिं विपासु	छहिं खुडिउ सीसु सत्तुंजयासु	८

घत्ता

वहु-मच्छरु	ताम विओयरु	झंप देवि ओवडियउ ।	
पण्णारह	हणेवि महारह	पडिवउ रहवरे चडियउ ॥	९

[८]

तो कण्णहो भाइ महाणुभाव
 मारेण्णिणु भीमं परिणिसिद्धु
 तहिं अवसरे पवर-वलुत्तणेण
 णिय-रहहो महीयले झंप देवि
 सासेधम्मउ णइसहु वहदखत्तु
 धणु लेवि तिसत्ति-सरेहिं कण्णु
 चउसट्ठिहिं सिणिणंदणेण विद्धु
 परिरक्खिउ सव्वेहिं कउरवेहिं

रवि-राहा-सुय णिग्गय-पयाव
 चंपाहिउ चउदह-सरेहिं विद्ध
 सेणाहिवेण धट्टज्जुणेण
 तडि-रवि-पहु असि फर-रयणु लेवि ४
 तिण्णि-वि पट्टविय कयंत-जत्तु
 चउपासिउ मलहेहिं गिरि व छण्णु
 तिहिं उर-भुय हय(!) विहिं णिसिद्धु
 पत्थुवि स-णरिदेहिं पंडवेहिं ८

धत्ता

तहिं अवसरे णिवडियए वासरे
 णिसि-धुत्तिए असइ पडुत्तिए

दुक्क भाणु अत्थवणहो ।
 धरिउ णाइं णिय-भवणहो ॥ ९

[९]

अत्थमिए पयंगे स-वाहणाइं
 भड-कडवंदण-णिप्पह-मुहाइं
 मिहुणाइं व पुट्ठि परम्महाइं
 मिहुणाइं व वहुरय-रंजियाइं
 मिहुणाइं व णिच्चुक्कंधलाइं
 मिहुणाइं व पाविय-चेयणाइं
 मिहुणाइं व पच्छए णीसराइं
 मिहुणाइं व पहरण-खेइयाइं
 मिहुणाइं व अइ-पासेइयाइं

विण्णि-वि कुरु-पंडव-साहणाइं
 पल्लट्टइं सिमिरहो संमुहाइं
 मिहुणाइं व चेट्ट-विज्जियाइं
 मिहुणाइं व पसरिय-वेयणाइं ४
 मिहुणाइं व पहर-विंसुलाइं
 मिहुणाइं व पसरिय-वेयणाइं
 मिहुणाइं व जज्जरिओसराइं
 मिहुणाइं व लाइय-णहयलाइं ८
 मिहुणाइं व णिट्ठिय-सर-सयाइं

धत्ता

दिण-णिग्गमे रयणि-समागमे उपरि गयणाहोयहो ।
 तमु धाइउ कहिमि ण माइउ दुज्जसु णं कुरु-लोयहो ॥ ९

[१०]

चंदुगमे सुहि-सउणंधिवेण
केत्तिउ वोळ्ळिज्जइ ताय तुज्जु
णउ फिट्ठइ पंडव-पक्खवाउ
जहिं तूसहि तो देव-वि अदेव
तो गुरु-मुह-कुहरुच्छलिय वाय
विस-जउहर-जूय-कयग्गहेहिं
परिपक्कहो गयउ अण्णाय-रुक्खु
सरि-सुय-पमुहहं एयारिसाहं

गुरु गरहिउ कुरुव-गराहिवेण
सम्भाव-विहीणउ करहि जुज्जु
सुविणे-वि ण चित्तिउ को-वि दाउ
तव-सुउ ण लइज्जइ अवखु केवं ४
मा दुण्णय-पायउ फलउ राय
वण-वसण-मच्छविहि-गोग्गटेहिं
सो अवसें एवहिं देइ दुक्खु
एह जे अवत्थ अम्हारिसाहं ८

घत्ता

णरु जेत्तहे सइं हरि तेत्तहे जहिं हरि तहिं महि जिज्जइ ।
विहिं आएहिं समर-सहाएहिं तव-सुउ केम लइज्जइ ॥ ९

[११]

णेयारु जाहं सइं लोयणाहुं
एत्तडउ णराहिव करमि तो-वि
तो परए समुट्ठमि चक्क-वूहु
पइं णाहि करेप्पिणु कुरु-णरिंदु
वारह वारह गय रक्ख देवि
हए हए पय-रक्खहं सट्ठि सट्ठि
फरे फरे धाणुक्कहं णव णव-बि
थिउ एण पयारे अरउ एककु

पंडव मारंतहुं कवणु गाहु
जइ सक्कइ अज्जुणु घरेवि को-वि
जहिं खयहो जाइ णरवर-समूहु
पहिलउ जे थवेवा दु-ह-मइंदु ४
हय तीस तीस रहे रहे घरेवि
जे समर-सएहिं ण दिति पट्ठि
पच्छाउहु जे च्छंति पउ-वि
उण्णज्जइ अरय-सएण चक्कु ८

घत्ता

तं तेहउ सुर-गिरि जेहउ चक्क-वूहु पारंभइ ।
जिम णर-सुउ अिम भीमहो सुउ विहि-मि सक्कु जिवं लब्भइ ॥ ९

[१२]

णीसारु ण जाणइ पत्थ-पुत्त
 तहं पासि त्रिओयरु कह-ब थाइ
 परिकुविउ जयदहु णिसुणि ताय
 अत्थमइ जाम अ-हिमयर-चक्कु
 गलगज्जिउ ताम तिगत्तएहिं
 अहिणव-णिवद्द-वण-पट्टएहिं
 अम्हिहि-मि धरेवउ परइ सत्थु
 अइकंते दिवसें जेत्तिय-ज्जे

आवट्टइ आहवे सो णिरुत्त
 तियसिहि मि तो-त्रि धरणहो णजाइ
 हउं धरमि चयारि-त्रि पंडु-जाय
 छुडु अज्जुणु पासि ण होइ एक्कु ४
 णर-सर-सय-सल्लिय गत्तएहिं
 रण-व-परिगणहं पयट्टएहिं
 तं रण-भरु कड्डेवि को समत्थु
 एहिं परिवारा तेत्तिय-ज्जे ८

धत्ता

पच्चोख्लिउ सव्वेहिं वोख्लिउ जाएत्रि पत्थहो अगए ।
 जहिं दुक्कहि तो णउ चुक्कहि रहे धए धणुहे अ-भगए ॥ ९

[१३]

पडिवाल्लिउ णड उट्ठंतु सूरु
 कुरु-खेत्तु पगच्छिउ कुरुव-राउ
 तो दोणे विरइउ चक्कवूहु
 एत्तहे-त्रि जुहिट्टिल्ल सहं वलेण
 अ-हिमयरुग्गमे कुरु-खेत्त दुक्कु
 एत्थु-त्रि पर-वइरि-पुरंजएण
 तुम्हइं रक्खेज्जहो एककमेक्कु
 अहो वाग-हिडिंवि-किम्मीर-सीम

देवात्रिउ वले संगाम-तूरु
 थिउ रण महि मंडेवि साणुराउ
 णियमिउ हय-गय-रह-भड-समूहु
 हय-तूरे पसरिच-कलयलेण ४
 णं जल्लणिहि णिय-मज्जाय-चुक्कु
 पभणिय सामंत धणंजएण
 किउ दोणे दुप्परियल्ल चक्कु
 तुहं वालु पयत्ते रक्खु भीम ८

धत्ता

अप्पाहेवि रहवरु वाहेवि जय-सिरि-रामासत्तउ ।
 ओरालेवि धणु अप्फालेवि अज्जुणु मिडिउ तिगत्तहु ॥

[१४]

एत्तहे-वि समुद्धिय-कलयलाइं
 मिडियइं परिओसिय-अच्छराइं
 अवहत्थिय-मरण-महा-भयाइं
 सोवण-रहंग-महारहाइं
 दिहु णिण्वि स-दोणउ चक्क वूहु
 विच्छाय-वयणु थिउ धम्म-पुत्तु
 तिह करि जिह वंधव जसु लहंति

दणु-दारण-पहरण-करयलाइं
 कुरु-पंडव-वलइं स-मच्छराइं
 दुप्पवण-पपेल्लिय-धय-सयाइं
 अणुदियहोहामिय-भागहाइं ४
 चिताविउ पंडव-भड-समूहु
 णर-णंदणु संदणु धरेवि वुत्तु
 जिह णर-णारायण णउ हसंति

घत्ता

गय मारेवि गुरु ओमारेवि पइसरु वूहुहो वारेण ।
 तुहं अग्गए अम्हइं पच्छए जुअहं एण पयारेण ॥ ८

[१५]

तं बयणु सुणेवि भणइ कुमार
 अज्जुणहो पसाए गुणित चक्कु
 तो वुत्तु हिडिंवा-पिययमेण
 सहएवे णउले तव-सुएण
 बहु-सोमय-सिजय-कइकएहिं
 तुहं रणे रक्खेवउ एत्तिएहिं
 तुम्हहं आरसें करमि एउ
 आत्रगिय मद्दि तउ ताय देमि

हउ भिंदमि वूहुहो तणउं वारु
 णीसारु ण जाणमि णवर एककु
 मइं भीमै भीम-परक्कमेण
 सइणेणं सुस्-करि-कर-भुएण ४
 पंचाल-विराड-धुडुक्कुएहिं
 ओएहिं अवरेहि-मि खत्तिएहिं
 तो पभणइ भदिय-भाइणेउ
 ओसारमि गुरु कुरु खयहो णेमि ८

घत्ता

णिच्चिंतउ होहि सइत्तउ मंड महा-सिरि आणमि ।
 घट्टज्जुणु अच्छउ अज्जुणु भारहु हउं जे समाणमि ॥ ९

(१६)

मोक्कल्लिउ धम्माणंदणेण	णं कुलिस-दंडु सक्कंदणेण	
पय-रक्ख करेविणु के-वि के-वि	अप्पुणु-वि चलिउ आसीस देवि	
परिवड्ढिउ वल्लु जसवंतु होहि	विद्धंसहि दुद्धर वर विरोहि	
जय ताय भणेवि पयट्टु ताल्लु	णं कउरव-रायहो पलय-काल्लु	४
ण णिहालिउ जिह्व तव-णंदणेण	उद्धाडु एक्के संदणेण	
गुरु-गंधवहुद्धुय-घयवडेण	णाणाविह-पहरण-संकडेण	
खर-खुर-खय-खोणि-तुरंगमेण	तडयड-तुट्टंत-भुयंगमेण	
डोल्लाविय-समहि-महीहरेण	जव-झाल-झलाविय-सायरेण	८

घत्ता

ओधाविय शक्ति चडाविय चाव-लट्टि णिय-करयलेण ।
 णं खुदहुं कुरुहुं रउदहुं वं क भउंह किय कालेण ॥ ९

(१७)

गउ पयइं वीस किउ संपहारु	णं वरिसइ धणु अणवरय-धारु	
णं पलय-पहायरु किरण-घोरु	णं धुय-केसरु केसरि-वि सोरु	
दीहर-णाराएहिं लइय जोह	स-तुरंगम रहवर गयवरोह	
साहारुण वंधइ चक्क-वूहु	णं रुद्ध मइंदें हरिण-जूहु	४
तं णिएवि जणइण-भाइणेउ	पहरंतु रणंगणे अप्पमेउ	
णिय-मणे परिओसिउ कलसइंधु	णं णव-चंदुगमे लवणसिंधु	
णिय-णंदणु णिंदिउ वलेवि दोणि	तुम्हारेसु पइसइ किण्ण खोणि	
सिखिज्जइ धणु ता एण जेवं	तोसाविय रण-मुहे जेण देव	८

घत्ता

सरु लेप्पिणु ताय णवेप्पिणु गुरु पच्चारिउ बालेण ।
 जिमु ओसरु जिम्ब रणे उत्थरु सुमरिउ जुय-खय-कालेण ॥ ९

(१८)

तं वयणु सुणेविणु कुइउ दोणु
एककहो सउहदें पंच दिणु
दस वीसहिं वालें कुद्धएण
अहिमण्णे पुणु अ-परिप्पमाण
ओसागिउ मुएवि गुरु बूह-वारु
ण णिवारेवि सक्किउ णरवरेहिं
जोत्तारे णर-सुउ वुत्त एम
ण णरिंदु ण भीमु ण जमल के-वि

सरु मेल्लेवि वोञ्जे जेम सोणु
आयारेणं पंच-वि दसहिं छिणु
वीस-वि तीसहिं कलसद्धएण
क्किवि-कंतोवरि पट्टविय वाण ४
कुरु खयहे गेंतु पइसइ कुमारु
ण तुरंगोहिं रहवर-गयवरेहिं
लइ वेल्लि वहंती थक्क देव
ण धुडुक्कउ पत्तु ण अवरु को-वि ८

घत्ता

रहु वालमि किय णडिवालमि बग-हिडिंवि-जम-गोयरु ।
गय-हत्थउ समर-समत्थउ पावइ जाम विओयरु ॥ ९

[१९]

तं वयणु सुणेवि रोसिय-मणेण
थक्कउ थक्कउ सय-वार वेल्लि
क्किर कउरव संदहं कवणु गण्णु
जइयहुं वर-वइरि-पुरंजएण
जइयहुं जिउ खंडवे अमर-राउ
जइयहुं तव-तालुय-कालकेय
जइयहुं जिउ गोगहे भड-णिहाउ
छुडु होंतु सहेज्जा वाहु-दंड

णिय-सूउ वुत्तु णर-णंदणेण
रहु जाउ तुरंगम मेल्लि मेल्लि
किं सीहहो कवणु सहाउ अण्णु
क्किउ राहावेहु धणंजएण ४
जइयहुं विणियत्तिउ कुरुव-राउ
स-णिवायकवव कप्पिय अणेय
तइयहुं तहिं तायहो को सहाउ
कुरु किं करंति सुट्टु-वि पयंड ८

घत्ता

रहु चोयहिं वालेवि म जोयहिं अच्छउ भीमु स-भायरु ।
छुडु खंडउ होउ तरंडउ काइं करइ रिउ-सायरु ॥ ९

(२०)

सहुं णिय जोत्तारें चवइ जाम	आढत्तु खत्तु परिहरेवि ताम	
चउ-पासिउ वेढिउ कुम्बरेहिं	वहु-तुरएहिं दुरएहिं रहवरहिं	
एक्कल्लउ एक्क-रहेण वालु	परिसक्कइ दुक्कइ णाइं कालु	
पवियंभइ रुभइ भड-समूहु	गउ फोडाफोडि करंतु बूहु	४
संचरइ समच्छरु जेत्यु जेत्यु	समसुत्री णिवडइ तेत्थु तेत्थु	
ण घरिज्जइ मत्त-महा-गएहिं	रहवरेहिं ण पवणुद्धय-घएहिं	
ण तुरंग-सहासेहिं चंचलेहिं	ण णरेहिं वलक्खेहिं पच्चलेहिं	
ण क्किवाणेहिं वाणेहिं हय-फरेहिं	ण मुसुंढि-कणय-गय-मोगरेहिं	८
सव्वइं तिण-समइं गणंतु जाइ	जगडंतु गरुडु अहि-कुलइं णाइं	

घत्ता

कुरु-साहणु	रह-गय-वाहणु	वालहो मुहि आवट्टइ ।
जेवंतहो	णाइं कयंतहो	क्कवल-परंपर वट्टइ ॥ ९

(२१)

तो सयल-सत्त-संखोहणेण	णिय-करि चोइउ दुज्जोहणेण	
णं पवर महीहरु पञ्जरंतु	णं काल-मेहु सीयर मुवंतु	
मरु संढ विहंदल-तणय थाहि	सवडम्मुहु संदणु वाहि वाहि	
आवद्धु जुज्जु फुरियाणणाहं	गंधारि-सुहदा-णंदणाहं	४
तो कुरु-णरिंदें मुक्कु चक्कु	णर-सुएण वियारिउ तहिं जे वक्कु	
आमेल्लइ पहरणु अवरु जाम	अइ दुक्कीहूउ कुमारु ताम	
ओवाहिउ करि-सिरि मंडलग्गु	वे भाय करेप्पिणु महिहे लग्गु	८

घत्ता

मय-कसणेण	मोत्तिय-दसणेण	अलि-मुहलिय-धारग्गेण ।
णउ वुज्जइ	अज्ज-वि जुज्जहिं	हसिउ राउ णं खग्गेण ॥ ९

(२२)

रणे दुज्जउ णिहउ महा-गइंदु	पच्चाळिउ वालें कुरु-णरिंदु	
जाजाहि ण वाहमि मंडलगु	तउ मीमु करेसइ मउड-भंगु	
तो दोणे दोच्छिय सयल राय	परिरक्खहो कुरुव णरिंदु छाय	
ण गिलिज्जइ ससि व गहेण जाम	गहियाउह दुक्कीहोह ताम	४
तो सरहसु धाइउ कुरुव-सेणु	परिवेढिउ संदणु साहिवणु	
असहाउ तो-वि वावरइ वालु	णं माणुस-वेसु करेवि कालु	
हेलए जि भग्ग सयल-वि णरिंद	णं सीहें मत्त महा-गइंद	
अणुलग्गोवाहिय-संरणेण	पच्चारिय अज्जुण-णंदणेण	८

घत्ता

मं भज्जहो सुरहं ण लज्जहो	वलहो कुलक्कमु रक्खहो ।	
लइ जुज्जहो पुणु कहिं सुज्जहो	पुट्टि देवि पडिक्खहो ॥	९.

(२३)

तो खत्तिय रहवर गयवरोह	पल्लट्ट समच्छर सयल जोह	
दूसहेण णवहिं वाणेहि णिसिद्धु	दूसासणेण वारहेहिं विद्धु	
क्रियवम्मं सत्तहिं तिहिं क्रिवेण	विहिं राएं छेहिं मदाहिवेण	
अट्टहिः णाराएहिं विहिवलेण	पंचहिं गुरु-सुएण महा-वलेण	४
दोणे सत्तारह-मग्गणेहिं	णं णव-तरु छाइउ अलि-गणेहिं	
दस-दसहिं विविज्जइ-दुग्गुहेहिं	अवरेहि-ति अवर-सिलीमुहेहिं	
ते सयल-वि दूसह-संदणेण	विहिं तिहिं तच्छिय णर णंदणेण	
अग्गेसरु धायउ विद्धु कणु	उरु भिंदेवि सरु महियलि पवणु	८

घत्ता

मुहु वंकेयि गउ आसंकेवि	पेक्खंतहो कुरुसेज्जहो ।	
अज्जुण-फलु दुक्खु जे केवलु	सक्खहो अपउ ण कण्णहो ॥	९

(२४)

जं भीम-भुयंगम-दीहरेण	विणिमिण्णु कण्णु णर-सुय-सरेण	
घाइउ सुसेणु तहिं विसम-हेइ	सुपईहर-लोयणु कुंड-भेइ	
समकंडिउ तिहि-मि स-मच्छरेहिं	रक्-सुएण पंचवीसहिं सरेहिं	
पंचहिं जायवेण स-संदणेण	वीसहिं आयरियहो णंदणेण	४
वालेण त्रिहिं त्रिहिं सरेहिं विद्ध	कह-कह-व ण घाइय छहिं णिसिद्ध	
मुच्छाविउ सल्लु विसल्लु थक्कु	तासु-वि परिपेसिउ वहु पिसक्कु	
कलहोय-पुंखु पेहुण-समिद्धु	मदाहिन-भायरु कंटे-विद्धु	
सिरु खुडिउ कुमारें कमलु जेम	तोसाविय णहयले सयल देव	८

घत्ता

पफुल्लइ	सुरतरु-फुल्लइं	परिह-पमाण-पयंडेहिं ।	
पमुक्कइ	उप्परे मुक्कइ	लेवि सइं भुय-दंडेहिं ॥	९

*

इय रिट्टणेमिचरिए धवलइयासिय-सयंभुएव-कए
चउवण्णासमो इमो सग्गो ॥

*

पंचवण्णासमो संधि

णर-णंदणु वाहिय-संदणु वूहहो मञ्जे पइट्टु किह ।
 धुय-केसरु णहर-भयंकरु गय-धड फोडेवि सीहु जिह ॥ १

(१)

एकक-रहहो तव-तणयाइट्टहो चक्क-वूहे णर-सुयहो पइट्टहो
 जे सम उत्थरंति णरु वाणेहिं ते दूरहो जि विमुक्का पाणेहिं
 जे हुक्कंति दंति रणे वालहो ते णिवडंति थंति मुहे कालहो
 जे भिडंति तुरमाण तुरंगम छिण्ण-टंक ते होहिं अयंगम ४
 जे लगंति अखत्त रहवर तेहय होंति पक्ख णं गिरिवर
 जे धावंति तेहिं पडिधावइ सोह-किसोरु गयहं जिह पावइ
 कलयलु जेत्यु तेत्थु पारक्कए फुरइ व विज्जु-पुंजु अत्थक्कए
 वलु आवट्टइ फुट्टइ धावइ जलु मंदरहो भमंतउ णावइ ८

घत्ता

रहु वालहो रणे असरालहो जय-सिरि-रामालि गियहो ।
 रिउ चूरइ कवलु ण पुरइ णाइं कियंतहो भुक्खियहो ॥ ९

(२)

पभणइ दोणु सोण-हय-संदणु कुरुवइ पेक्खु घणंजय-णंदणु
 जउ जउ दिट्ठि देइ वहु-मच्छरु तउ तउ पीडइ णाई सणिच्छरु
 जउ जउ धिवइ घोरु वाणासणि तउ तउ पडइ णाई वज्जासणि
 जउ जउ हय-गय-घडह त्रियट्ठइं तउ तउ सोणिय-णिवहु णिवट्ठइ ४
 जउ जउ रह परिसक्कहू वाल्हो तउ तउ धव पुज्जइ णं काल्हो
 जउ जउ करइ कुरुहुं अवलोयणु तउ तउ भूय-विहंगहुं भोयणु
 तो दुज्जोहणु अक्खइ अण्हं सरल-क्खिहं दूसासण-कण्हं
 दोणु समत्थु वि समरे ण जुज्जइ गुण-परिरक्ख कुमारु ण वुज्जइ ८

घत्ता

जइ सक्कहो तो परिसक्कहो महु वुत्तउ एत्तिउ करहो ।
 जिम धायहो जम-पहे लायहो जिम रिउ जीव-गाहु धरहो ॥ ९

(३)

तं गिसुणेवि णिय-कुल-णासणहो उप्पण्णु रोसु दूसासणहो
 अच्छउ मदाहिउ कण्णु किउ हउं एक्कु रणंगणे घरमि रिउ
 पेसिय भुअणुब्भड भीम भडा सहु तेहिं मयालस हत्थि-हडा
 जिह कामिणि तिह स-पसाहणिय जिह कामिणि तिह थोर-त्थणिय ४
 जिह कामिणि तिह गंधुक्कडिय जिह कामिणि तिह दप्पुब्भडिय
 जिह कामिणि तिह मय-मिभलिय जिह कामिणि तिह मरहण-चलिय
 जिह कामिणि तिहं वहु-रय-भरिय जिह कामिणि तिह वहु-रय-चरिय
 जिह कामिणि तिह पच्छइय-णह जिह कामिणि तिह मय-मलिय-रह ८
 जिह कामिणि तिह जुज्जण-मणिय जिह कामिणि तिह मुच्छावणिय

घत्ता

सा गय-घड रण रहसुब्भड सुर-वहु-णयणाणंदणेण ।
 भण-भामिणि जिह वर-कामिणि वणे विमुक्क णर-णंदणेण ॥ १०

[४]

परिभग रणंगणे गरुय-णाय
तहिँ अवसरे दूसासणु पलित्तु
अहो सल्ल-कण्ण-किन्न-धायरट्ट
उहु राय-वाल कालाहिमण्णु
धयरट्ट-णरिँदूसासणेण
विसमेण सुट्ट दूसासणेण
जोत्तारु वुत्तु रहु वाहि वाहि
तो एम भणेवि उत्थरिउ तासु

स-परक्कम विक्कम कह-मि णाय
णं परिणय-विस-तरु संपलित्तु
क्कलहोय-वण्ण वण-धायरट्ट
दुज्जउ णामेण विलाहिकमण्णु ४
मइं जइ ण भग्गु दूसासणेण
तो पहेण जामि दूसासणेण
फेडिउजइ णरवर-पवर-वाहि
जे णरवर-विंदहं जणिउ तासु ८

घत्ता

चल-संदणु अज्जुण-णंदणु आयामिउ दूसासणेण ।
वर-वंसउ मड-विद्धंसउ जिह विंझइरि हुवासणेण ॥ ९

(५)

ते णरवर-जच्चंभ-गंधारि-पुत्तेण
रयणायरेणेव मज्जाय-मुक्केण
पेयाहिवेणेव अच्चंत-कुद्धेण
हर-णंदणेणेव वर-मोर-चिघेण
ओसरु पराहुत्तु किं संपहारेण
तो भणइ णर-णंदणो किं पलावेण
एवं भणंतस्स किर कवण भड-लीह
गोभगहेण गंणेय-मरणेण णउ लज्ज

कोवाणलुज्जाल-माला-पलित्तेण
कूर-गहेणिव णिय-थाम-चुक्केण
पंचाणणेणेव गय-गंध-लुद्धेण
पच्चारिओ पत्थ-पुत्तो विरुद्धेण ४
जज्जाहि मा मरहि महु दिट्ठि-पहारेण
जाणिज्जए तेय-पूरो पयावेण
सय-खंड-खंडाइं किं ण गय तउ जीह
तं तुहु-मि पावेसि खल खुद्द णो गज्ज ८

घत्ता

मय-मत्तहो तुज्जु अ-पत्तहो तेण ण फाडमि वच्छयल्ल ।
परमत्थेण भोमु सहत्थेण दिसहिँ धिवेसइ रुहिर-जल्ल ॥ ९

[६]

भिडिय वे-वि तो तहिं रणंगणे
 थरहरंत वाहिय-महारहा
 करयरंत कडिठय-सरासणा
 खय-सिहि-व्व जालोलिय-दूसहा
 दिस-गय-व्व ओरालि-भीसणा
 रामरामणोवम-धणुद्धरा
 वाण-भारि-भूरेण भारियं
 पाडियं धणु मोडिओ धओ

दिण्ण देव-दुंदुहि णहंगणे
 सुरवहू-कडक्खिय(?)-विग्गहा
 एकमेक्क-पट्टविय-मग्गणा
 पलय-भाणु भा-भासुर-प्पहा ४
 केसग्गि-व्व वड्डंत-णीसणा
 जलहर-व्व वरिसिय-णिरंतरा
 णहयलं तमेणंधयारियं
 पडिभडो कुमारेण विद्धओ ८

घत्ता

वावण्णेहिं सरेहिं सुवण्णेहिं दूसासणु थण-वट्टे हउ ।
 मउ साडेवि कउरव पाडेवि पुणु अगए अहिमण्णु गउ ॥ ९.

[७]

जं जुयराउ महावइ पाविउ
 पेक्खु पेक्खु दूसासणु जंतउ
 पट्टु-पेरिउ चंपाहिउ धाइउ
 तरुण-तरणि णं जलहर-जाले
 जो जो अंतरे तं तं भिंदेवि
 पत्तु दिवायर-णंदण-संदणु
 सोवकरणु रड्डु खंडिउ कण्णहो
 ताम सुक्केसें वाहिउ संदणु

दुज्जोहणेण कण्णु वोल्लाविउ
 खंधावारु सव्वु भजंतउ
 णर-णंदणु णाराएहिं धाइउ
 तेहत्तरिहिं विद्धु पुणु वाले ४
 स-सर-सरासण-लट्टिउ छिंदेवि
 तहि-मि महंतु करेवि कडवंदणु
 णट्टु णियंतहो कउरव-सेण्हो
 दसहिं सरेहिं विद्धु णर-णंदणु ८

घत्ता

सउहद्देण सुहड-विमद्देण कुंडल-मंडिय-गंडयलु ।
 राहेयहो रवि-सम-तेयहो खुडिउ खुरुपें सिर-कमलु ॥ ९

[८]

णिहउ सुकण्णु कण्णु ओसारिउ
हउं एक्क-रहु सुहदा-गंदणु
कल्लेवउ व अकाले करंतहो
एम भणंतु हणंतु पयइइ
गयवर-रुहिर-गइउ उद्धावहिं
तहिं अवसरे हय-गय-रइ-वाहणु
दुण्णय-दुज्जस-सल्लि-महदडु
रिण्णु तेण पइसारु ण आयहो

कउरव-लोउ सव्वु पच्चारिउ
लइ दुक्कहो किञ्जउ कडवंदणु
कवलच्छेउ म हवउ कयंतहो ४
अग्गि व खड-लक्कडहं बियइइ
सुहड-कवंध-सयइं णच्चावहिं
धाइउ दोणहो पंडव-साहणु
वूह-वारे थिउ ताम जयइहु
स-जमल-भीम-जुहिट्टिल-रायहो ८

धत्ता

वलवंतेण दूसल-कंतेण
सु-रउद्रेण पुब्ब-समुद्रेण

पंडव-लोउ समुत्थरिउ ।
गंगा-वाहु णाइं धरिउ ॥ ९

[९]

पुच्छिउ सेणिएण तहिं अवसरे
चंदुदंड-सुंड वेयंड-व
कहइ महा-रिसि अल्लिय-धीरहो
सोहाहिवहो धीय रिउ-मदहो
शेमइ विणु पंडवेहिं णिहालिय
उणेवि विओयरेण कुढे खेडिउ
बंधव-सयण-सहास-पलज्जिउ
विर तउ लेइ ण लेइं वणंतरे

इंदभूइ रिसि-विउल-महीहरे
दूसल-धवेण धरिय किह पंडव
गणहरु वइढमाण-जिण-वीरहो
जइयहुं गउ परिणयहुं जयइहो ४
मंड भवित्ति-वि णाइं संचालिय
सिंघव-णाहु धारेवि पच्चेडिउ
गउ केत्तहे-वि मडपफर-वज्जिउ
दइवी वाणि समुट्टिय अंवरे ८

धत्ता

किं दुम्मणु विसहिं तवोवणु
समराजिरे वूहहो वाहिरे

एत्थु-वि वज्जिय-माण-घण ।
पंडव धरेवि चयारि जण ॥ ९

[१०]

वासरु एककु धरिज्जइ आहउ
 तेण पहावें सयलु स-वाहणु
 सुरगिरि-समेण रहेण पयंडे
 सिंधवेहिं तुरएहिं तुरंतेहिं
 जेण कुमारु पइट्टु पएसें
 दसहिं विराडु विद्धु ण पहुच्चइ
 धट्टज्जुणु णिरुद्धु तिहिं वीसेहिं
 पंचहिं पंचहिं पंच-वि कइकय

तहिं पक्खालहिं सव्वु पराहउ
 धरेवि परिट्टिउ पंडव-साहणु
 वाराहेण महा-धय-दंडे
 सिल-घोएहिं पहरणेहिं फुरंतेहिं ४
 तं परिपूरिउ क्लेण असेसें
 अट्टहिं भीमसेणु तिहिं सच्चइ
 पंचहिं दुमउ सिहंडिउ तीसेहिं
 तिहिं तिहिं दोमइ-तणय समाहय ८

घत्ता

तव-णंदणु स-धउ स-संदणु
 अब्भइयहो दूसल-दइयहो

सत्तरि सरेहिं समाहयउ ।
 देवेहिं साहुक्कारु किउ ॥ ९

[११]

तो तव-सुएण सल्ल-पडिमल्ले
 अवर लेवि धणु-लट्ठि महागुण
 तिहिं तिहिं अवर असेस-वि राणा
 भीमें भीम-परक्कम-सारे
 अवरे आयवत्तु घउ अत्रे
 अहिणव-घणु-हत्थेण मुधीमहो
 करणु देवि तव-तणय-सहोयरु
 जे णर-सुएण छिण्ण करि-अवयव

छिण्णु सरासणु एककें भल्ले
 दसहिं दसहिं हय पंडु अणज्जुण
 रणउहे किय ओखंडिय-माणा
 छिण्णु सरासणु भल्ल-पहारे ४
 दूसल-वल्लहेण लद्ध-वरे
 सोवकरणु रहु खंडिउ भीमहो
 सच्चइ-संदणे चडिउ विओयरु
 तेहिं ण मग्गु लद्धु गय पंडव ८

घत्ता

एत्थंतरे व्ह-भंतरे
 हय-मल्लउ तहिं एककल्लउ

जहिं पवणो-वि ण पइसरइ ।
 वालु अलीट्टए संचरइ ॥ ९

[१२]

सरहसु ताव विसाइ पघाइउ
तो रणे अमरिसु वड्ढिउ वाल्हो
विससेणहो सारहि-वि णिवाइउ
तो सत्तमेण सत्तु हक्कारिउ
सल्लहो णंदणेण भञ्जहो
एक्कहो काइं रणंगणे अत्रगाहिउ
एप भणेवि तिहिं सरेहिं समाहउ
जम-जीहोवमेण लल्लक्कें

सट्ठिहिं सरेहिं रणंगणु छाइउ
एक्केंसरेण छुद्धु मुहे काल्हो
छिण्णु सरासणु घउ दोहाइउ
सोवि कयंत-णयरे पइसारिउ ४
रुप्प-रहेण महारहु वाहिउ
किं पंचहं भूयहं-वि ण लउजहो
णर-णंदणेण विछिण्णउ वाहउ
सिरु तोडिउ तइएण पिसक्कें ८

घत्ता

जो पहरइ तं पडिपहरइ
धणु ण घरइ जो करु पसरइ

रणगुहे पउ-वि ण ओसरइ ।
विहुरे-वि तिण्णि ण वीसरइ ॥ ९

[१३]

जं विणिवाइउ सल्लहो णंदणु
एक्कु कुमारु अणेक्केहिं हम्मइ
तं वरु दिण्णए णिरुवम-छायए
वलि वोक्कड रणे दुग्गहे दिण्णा
जो जो दुक्कइ तं तं मारइ
सिरेहिं कवंधेहिं णरेहिं तुरंगेहिं
खवसेहिं सीसक्केहिं तणु-ताणेहिं
चामर-पक्खर-गुड-पावरणेहिं

मित्त-सरण रुद्ध रिउ-संदणु
तो-वि तेहिं अवसाणु ण गम्मइ
वामोहिउ गंधव्वए मायए
पंच-वरिस सहयार-व छिण्णा ४
णाइं कियंतु जे जगु संघारइ
कर-चरणंगुलिहिं अगोवंगेहिं
कुसुमल-वट्ठि-वद्ध-पल्लाणेहिं
कुंडल-कडय-किरीडाहरणेहिं ८

घत्ता

गय-गत्तेहिं रह-धय-छत्तेहिं
सोवंतहो णाइं कयंतहो

सव्वेहिं घरणि अलं करिय ।
सेज्ज कुमारे पत्थरिय ॥ ९

[१४]

जो जो को-वि दुक्कु पारक्कउ
 लक्खण-पमुहहं विक्कम-सारहं
 स-मउड-सिर-पट्टहं भालयल्लहं
 कंवालेकिय-कंठ-सणाहहं
 मेहल-वलयाणद्ध-णियंवहं
 पंडुर-चामर-पंडुर-लत्तहं
 आजण्येय-तुरय-रहवंतहं
 ताम-महासिएण कियंतहो

तिहिं तिहिं सरेहिं भिण्णु एक्केक्कउ
 णिहय चउदह सहस कुमारहं
 मणि-कुंडल-मंडिप-गंडयल्लहं
 कंक्कण-केऊरुज्जल-वाइहं ४
 किंकिणि-मुहल-नाल-पालंवहं
 धरिय-फरहं कट्टिय-असि-पत्तहं
 विविह-पडाय-विविह-वायत्तहं
 णावि जाउ भोयणे वइसंतहो ८

घत्ता

हय वालेण सरवर-जालेण सहस चउदह खत्तियहं ।
 गउ आयहं गण्णु विसायहं णाह विहंजमि केत्तियहं ॥ ९

(१५)

वासव-सुय-सुएण महि-कारणे
 तं विदाणउ थिउं कुरु-साहणु
 णिच्चल-णयणु णिरुज्जम-गत्तउ
 पुत्त-विओएं रोवइ राणउ
 हा हा देहि वाय महु लक्खण
 पइं विणु कुरुव-लोउ आदण्णउ
 पइं विणु जय-सिरि अण्णहं दुक्की
 पइं विणु सुहउ-ढक्क कसु वज्जइ

जं णिट्टविय कुमार महा-रणे
 मुक्क-महाउहु फुसिय-पसाहणु
 सव्वाहरण-सोह-परिचत्तउ
 सुहउ-मडफर-भग्गु चिराणउ ४
 पइं विणु थिय भाणुवइ अ-लक्खण
 पइं विणु सोम-वंसु उच्छण्णउ
 पइं विणु महु जस-वल्लरि सुक्की
 पइं विणु राय-लच्छि कसु छज्जइ ८

घत्ता

पहु जूरइ आस ण पूरइ गउ उच्छिण्णउं कुरुव-वल्ल ।
 जो मुच्चइ सो ण पहुच्चइ हय-विहि मइं सहु कवणु छल्ल ॥ ९

(१६)

अविरल-वाहइं वाह-सणाहें
पेसिय णव सामंत पधाइय
कच्छु कलिगु णिसाउ महव्वलु
णवमउ जायव-वंसिउ राणउ
कुरुवइ-पाय-सरोरुह-भिगें
मत्त मयालस पउ पउ देती
धुत्ति-व दिट्ठि जाम फुड मारइ
धुत्ति-व इंत-पंति दरिसावइ

कलुणु रुवंतें कउरव-ग्याहें
जाहं कित्ति जगे कहि-मि ण माइय
दोणु दोणि किउ कणु कहव्वलु
कियवम्मउ णामेण पहाणउ ४
अंतरे गय-घड दिण्ण कलिगें
धुत्ति-व धरिय कुमारें एंती
धुत्ति-व दूरहो हत्थ पसारइ
धुत्ति-व लहु ण पसंगहो आवइ ८

घत्ता

सुणिहालइ सिरु संचालइ
करु अप्पइ हियउ ण अप्पइ

हुक्कइ परिओसरइ किह ।
वाहो गय-घड धुत्ति जिह ॥ ९

[१७]

तओ कलिग-कुंजरा
किउद्ध-सुंड-भीसणा
चलंत-कण्ण-चामरा
अणेय-घंट-राइया
महण्णव-व्व मत्तया
फणि-व्व कूर-लीलया
णिसायर-व्व दुट्ठया
कुमार-मग्गणाहया
एहं अंचियं रणं

पधाइया स-मच्छरा
विमुक्क-घोर-णीसणा
गलंत-दाण-णिउञ्जरा
तमाल-गेज्ज-राइया ४
गिरि-व्व पञ्जरंतया
खल-व्व वेक-सीलया
रस-व्व यारि (?) पुट्ठया
महीयलं गया गया
वियंभयावयारणंवर ८

घत्ता

णव णायहं दस सय रायहं
किउ वालेण एकके तालेण

अट्ट सहासइं रहहं ।
कल्लेवउ व णिसायरहं ॥

[१८]

भग्गु कळिग्गु कच्छु विणिवाइउ	गुरु पंचासेहिं वाणेहिं छाइउ
सट्ठिहिं किउ असीहिं कियवम्मउ	वर-कण्णिण कण्णु किउ णिम्मउ
दोणि-विहव्वल तीसहिं तीसहिं	विद्धु णिसाउ रणंगणे वीसहिं
क्किवहो तुरंगम सारहिं घाइय	दस सर पुणु-वि उरत्थले लाइय ४
सत्तारहेहिं विद्धु विंदारउ	किउ वइवस-पुरवरे पइसारउ
पंचवीस गुरु-सुएण विसज्जिय	तेण-वि तेत्तिएहिं परज्जिय
दोणायणेण सट्ठि सर भेल्लिय	तेहत्तहिं कुमारे भेल्लिय
आयरिण एकसर-गण्णे	वत्तीसहिं अणु विसइ कण्णे ८
पंचहिं विहव्वलेण दट-वम्मं	दसहिं किवेण दसहिं कियवम्मं
ते सयल-वि किय कलयल-सहें	दसहिं दसहिं णिज्जिय सउहहें

वत्ता

वहु मारेवि	वहु ओसारेवि	वाणे रणु परियंचियउ ।
सुणरिंदहं	मत्त-गइंदहं	दसहिं सहासहिं अंचियउ ॥ ११

[१९]

सव्व भग्ग पर थक्कु विहव्वल्ल	णं मयगलहो पघाइउ मयगल
उरे कण्णिण विद्धु णर-णंदणु	तेण-वि तहो विद्धु णिसउ संदणु
णिहय तुरंगम सहु जोत्तारे	छिण्ण सरासण-लट्ठि कुमारे
फर-करवाल-भयं कर-करयलु	आहव-कुसलु पघाइउ कोसलु ४
किउ वे-भाय खणंतरे वालं	पड्डिउ महींयले सहुं करवाले
हउ कण्णिण कण्णु कण्णंतरे	पुणु पंचासहिं सरेहिं खणंतरे
तेण-वि तेत्तिएहिं णर-णंदणु	णर-सुएण चंपाहिं व-संदणु ७

वत्ता

मगहेसहो	पत्त-विसेसहो	अम्हकेउ णामेण सुउ ।
सो वालहो	जिह सिहि-जालहो	उपपरे पइंवि पयंगु मुउ ॥ ८

[२०]

तहिं अवसरे दूसासण-पुत्तें	अक्खय-णाम-गहन-संजुत्तें	
दसहिं सरेहिं सुहदा-णंदणु	हउ स-तुर गु स-सूउ स-संदणु	
सत्तहिं पडिणिसिद्धु सउहदें	हसिउ स-मच्छरु कह-कह-सदें	
जणणु तुहारउ गउ मह भज्जेवि	को तुहुं जेण एहि गलगज्जेवि	४
एम भणेवि हउ सव्वायामें	सो सम-कंडिउ आसत्थामें	
तहो भुय-डाल-करालहो वालहो	केण-वि छुद्धु णाइं मुहे कालहो	
धाइउ चंदकेउ चंदुगउ	मोहणु वक्खवेउ सत्तुजउ	
एक्केक्केण सरेण विचारिय	पंच-वि जम-पट्टणे पइसारिय	८

घत्ता

तिहिं दूसल्ल	तिहिं सहुं तिहिं सल्ल	तिहिं गुरु-सुय-धणु खयहो णिउ ।
तिहिं सउवल्ल	तिहिं कुरु-वल्ल	पाराउट्टउ सव्वु किउ ॥ ९

[२१]

तो तत्रणिज्ज-पुंज-सम-वण्णें	दोणायरिउ पपुच्छिउ कण्णें	
ताय ताय हउं एण कुमारें	पीडिउ देसु जेम गहयारें	
दूसासणु गुरु आवइ पाविउ	लक्खणु णिहउ राउ रोवाविउ	
कोसल-पमुहेक्केक्क-पहाणा	को जाणइ केत्तिय मुय राणा	४
केण-वि दुइम-देहु ण दुम्मइ	कहि उवएसु जेण विहि हम्मइ	
एण मरंते मरइ कइद्धउ	पत्थे मरंते मरइ गरुडद्धउ	
तं णिसुणेवि समुण्णय-घोणें	चंपाहिवहो कहिज्जइ दोणें	
जइ गुणु हणइ कोवि तो हम्मइ	रण-पिडु अण्णे एउ ण रम्मइ	८

घत्ता

पर जुज्झइ	एक्कु ण वुज्झइ	एहु वालु वालत्तणेण ।
धणु पालइ	गुणु ण णिहालइ	जिह कुसामि क्विवणत्तणेण ॥ ९

(२२)

दिव्वु कवउ अजेउ वहु विक्कमु	×	×	×	
सव्व-कुसल्लु सुमरंति त्रियक्खणु	णव	रणु	जाणइ	गुण परिक्खणु
कलयल्लु करहु देहु वायत्तइं	धिवहो	पवर-पहरणइं	विचित्तइं	
चक्कइं चक्क-रक्ख हय ताडहो	सारहि	सिंधु सरासणु	पाडहो	४
जिह सिक्खक्खविउ तेम किउ कण्णे	धोसिउ	कलयल्लु	कउरव-सेण्णे	
तूरइं देवि समुत्तय-माणहो	×	×	×	
पेक्खंतहो कुरु-खंधावारहो	चक्क-रक्ख	हय	किवेण कुमारहो	
दुज्जोहणेण तुरंगम धाइय	कण्णे	जीव-लट्ठि	दोहाइय	८

घत्ता

रहु अण्णेण	सारहि अण्णेण	धउ अण्णेण	सय-खंडु	किउ ।
असि फर-करु	जिह विज्जाहरु	करणु	देवि आयासे थिउ ॥	९

[२३]

तउ किरीडि-णंदणेण	अराइ-भग-णंदणेण	
णहंगणाणुलगओ	खगो व्व खंधे लगओ	
खयाणिलाणु-त्रेयओ	दिवायरुग-तेयओ	
विरल्लियच्छि-भीसणे	विमुक्क-सीह-णीसणे	४
करम्मि दाहिणिल्लए	फणिंद-दीहरिल्लए	
सिलानसिओ क्वाणओ	कयारि-रत्त-पाणओ	
कयंत-दंत-सच्छहो	खयगि-जाल-दूसहो	
भुयंग-भोय-भीयरो	विमुक्क-मुक्क-सीयरो	८

तमंघयार-णासणो
करिंद-कुंभ-दारुणो
णरिंद-दप्प-साडणो
फरो करम्मि अण्णए

रविंद-दित्ति-तासणो
तुरंग-भंग-कारणो
रिवूह-संग-झाडणो
सिहामणि-व्व पण्णए

१२

घत्ता

चलु वालउ रणे असरालउ
जल-दुग्गमे णव-मेहागमे

उप्परि णिवडिउ कुरु-णरहो ।
विज्जु-पुंजु जिह महिहरहो ॥

१३

[२४]

णिवडंतु कुमारु स-खग्ग-वम्मु
पहरंतु दलंतु महा-गइंद
मोडंतु दंडु तोडंतु घयइं
परिसक्कइ थक्कइ वलइ धाइ
हय दोणे मुट्ठि-महा-सरेण
रत्रि-तणयायरिण्हि मुएत्रि खत्तु
तं देवेहिं धिद्धिकारु दिण्णु
घट्टज्जुणे अज्जुणे जीवमाणे

हउ सव्वेहिं मेल्लेवि खत्त-घम्मु
भंजंतु असेस-त्रि णरवरिंद
वे-भाय करंतु तुरंग-सयइं
सो को-वि ण जो तहो समुहु थाइ ४
फरु चंपापुर-परमेसरेण
जं समरे स-वारणु असि-विहत्तु
आयहो जीविउ अप्पणुं छिण्णु
भुरु-कण्हं सुंदरु कउ गियाणे ८

घत्ता

भुय-डालहो णिवडिउ वालहो
दो-घारउ णि.पडियारउ

सोह ण देइ क्किवाणु किह ।
णट्ट-वंसु कु-कलत्तु जिह ॥

९

[२५]

दप्पु भड-भड-कडवंदणहो
दुइम-णरिंद-दुप्पहरणइं
वल्लु सयल्लु तो-वि आयामियउ

पहरंतहो अज्जुण-गंदणहो
णिट्ठियइं अणेयइं पहरणइं
अरि-वासणु अरि उग्गामियउ ४

रेहइ रहंगु करयले गहिउ णं जोइस-चक्कु मेरु-सहिउ
 णं घरिउ अणंतें घरणियल्लु परिभमइ भमंतें गयणयल्लु
 तो कहइ दोणु दुज्जोहणहो कलयल्लु धोसहो तूरइं हणहो
 जें सुरवर-कर-कर-पवर-भुउ णिय-थाणहो चुक्कइ पत्थ-सुउ
 जइ कइयहं विसज्जिउ अरि-पवल्लु तो सव्वु सम्पइ कुरुव-वल्लु ८

घत्ता

पहु तोसिउ कलयल्लु घोसिउ खुहिउ थाणु बालहो चलहो ।
 अरि ताडिउ छिंदेवि पाडिउ हियउ णाइं पंडव-वल्लहो ॥ ९

[२६]

चक्क-खंडु थिउ वालहो करयले अट्टमि-चंद-विंदु णं णहयले
 गयउ अद्दु अद्दुवरिउज्जल्लु णं अत्थइरि-काले रवि-मंडल्लु
 तं णिएवि णर-णंदणु कुद्धउ णं केसरि करि-आमिस-लुद्धउ
 भुयए भमाडिवि घत्तिउ वाले णं खय-काल-चक्कु खय-काले ४
 धाइउ घरहर धोसु करंतउ णं जम-मुहु कुरु कवल्लु करंतउ
 छिंदइ सुहडहं सिरइं स-णीवइं हंसु स-णालइं जिह राजीवइं
 करिवर-कुंभ-थलइं विहत्तइं रह-तुरंग णिघट्टेवि घत्तइं
 जउ जउ भमइ रहंगु भयंकरु तउ तउ रणु णर-रुंड-णिरंतरु ८

घत्ता

तो दोणेण वुत्तु स-तोणेण चक्क-खंडु लहु आहणहो ।
 जववंतेण एम भमंतेण खउ म होउ कुरु-साहणहो ॥ ९

[२७]

तोमरेहिं विचारिउ चक्क-खंडु लहु लेवि कुमारें लउडि-दंडु
 रहे आसत्थामहो दिण्णु धाउ विणिवाइउ सारहि हय-सहाउ
 गुरु-णंदणु थिउ ओसरेवि दूरे गयणंगणे परिलवंत-सूरे
 सउवल्लहो सहोयरु कंबुकेउ तं पमुहु करेपिणु कणय-केउ ४

णिट्टविय सत्त-सत्तरि पारिंद
दूसासण-णंदणु ताम एककु
विहलंधलु रुहिरालित्त-गत्त

हय सत्त महारह दस गइंद
गय-घाए चूरेवि एकमेक्कु
दोच्छिउ पत्थंगरुहेण सत्तु

८

घत्ता

चंपावइ फेणेण भावइ
किं आयए छत्तहो छायए

तउ चारहडि विचित्त लिय ।

महु मुह-छाय जे अगलिय ॥ ९

(२८)

रवि-सुएण सयमेव पराणित्त
ससहर-सत्थहेण भिगारे
फुट्टउ जीह जाउ सय-सयकरु
जाहि पाव जइ पावइ अज्जुणु
उत्तम-पुरिसहो एउ ण लक्खणु
दीणहो काणीणहो अकुलीणहो
जीउ ण छिण्णु छिण्णु पइं गिय-पमुणु
जइ मइं समरे ण णिहउ सहत्थे

वर-कप्पूर-करंविउ पाणित्त
तं ण सगिच्छिउ पिएवि कुमारे
सत्तु-सलिलु किं कह-वि सुहंकरु
तो एवहिं जि होइ कण्णज्जुणु
अज्जु तुहारउ दिट्ठु भडत्तणु
एउ कम्मु पर होइ णिहीणहो
विसहिउ केण स-माहउ फग्गुणु
तं किर तुहुं मारेवउ पत्थे

४

घत्ता

पइं आणित्त पियमि ण पाणित्त
एउ थोवउ अवरु पिएवउ

जं जइ-वि सुयंधउ सीयलउ ।

सग-महासरे मोक्खलउ ॥ ९

[२९]

सउहदेण एम चवंतएण
जो सव्वहं देवहं अगलउ
जे अट्ट-वि कमइं णिज्जियइं
जं धरेवि महा-रिसि मोक्खु गय

सो सुमरिउ देउ मरंतएण
तइलोकक-सिहरे जसु थावलउ
जे पंचेदियइं परज्जियइं
जसु तणए धम्मे थिय जीव-दय

४

जे णासिउ जाइ-जरा-मरण
 जो वहइ णिरंजण परम छवि
 जो णइव णउंस णइवउ तिय
 जो णिक्कलु सतु पराहिपरु
 णारायणु दिणयरु वइसवगु
 जो होउ सु होउ थुणंतु थिउ

जो सव्वहो तिहुयणहो जे सरणु
 जसु सोउ विओउ विणासु ण-वि
 ण पयट्टइ एक्क-वि जासु किय
 वंभाणु बुद्ध अरहंतु पर ८
 सिउ वरुणु हुवासणु ससि-पवणु
 एक्कंते करेप्पिणु कालु किउ

घत्ता

लउ वंघेवि जइ अवसंघेवि सयल-सुरासुर-साराहो ।
 किय-वंदगु गउ णर-णंदणु पासु सयंभु-भडाराहो ॥ ११

*

इय रिट्ठणेमिचरिए धवलइयासिय-सयंमुव-कए
 अहिवणु-सग्गावरोहणं पंचावण्णासमो इमो सग्गो ॥

*

छप्पणमो संधि

रणउहे उत्तर-कंतेण गिवडियइं तिण्ण गिवडंतेण ।
दारुणु दुक्खु सुहदहे सुक्खु सुमइ(?) मरणु जयदहे ॥१

[१]

पिह-णंदण-णंदणु समर-हउ	णं दिणमणि दिण-पहराहिहउ
णं सायर-सोउ समावडिउ	णं सग्गहो सुर-कुमारु पडिउ
कुरु-वले उब्भियइं महा-धयइं	किउ कलयलु तूरइं आहयइं
दुज्जोहण-दोणहं विजउ हुउ	उच्छलिय वत्त अहिमण्णु मुउ ४
जो जहि णिसुणइ सो तहिं रुवइ	उक्कंदुलु गरुय धाह मुअइ
सउहदु महंतहो दुम्मइहे	किह सीसु ण फुददु पयावइहे
कहिं तणिय सुहदहे अज्जु दिहिं	उक्खइय चक्खु दक्खवेवि णिहि
पिह-सुयहं पलोट्टिय माण-सिह	ण जाणहुं होसइ कुरुहुं किह ८

घत्ता

इत्तिउ सउरि सहेज्जउ विक्रम-धणु स-धणु धणंजउ ।
लगइ कुटे णिय तोयहो कउ जीविउ कउरव-लोयहो ॥ ९

[२]

जं पत्थ-पुत्तु गउ धरणियलु	तं कुरुवेहिं पेळ्ळिउ पंडु-वलु
सयमेव जुहिट्टिलु धीर-मइ	भज्जंति-वि वाहिणि धीरवइ
अभ्हेहिं जोणेवउं एउ रणु	कउरवहं पराइउ धुउ मरणु
तहिं काले तमंधयारु भमिउ	अहिमण्णु जेवं रवि अत्थमिउ ४

हरिछ-१

अहिमण्णु जेम अहियहं भिड्डिउ
णिय-णिय-मंदिरहं स-वाहणइं
सर-णियर-भरिय-वच्छत्थलइं
कणयइरि-सम-प्पह-संदणहो

अहिमण्णु जेम पहरेहिं पड्डिउ
सहसत्ति णियत्तइं साहणइं
अरि-दलिय-कुंभ-कुंभ-त्थलइं
आसंक जाय तव-णंदणहो

८

वत्ता

मंछुडु वालु समत्तउ
स-सर-सरासण-हत्थहो

कुरु-कलयलु तेण महंतउ ।
मुहु केम णिहालिउ पत्थहो ॥

९

[३]

किह लग्गु कुमारु पराहवहो
वसुदेवहो किह किह देवइहे
तहि अवसरे सारहि सर-भरिउ
वित्तंतु असेसु तेण कहिउ
जिह कुरु-गुरुवइ राहेउ गउ
जिह भग्गु माणु दूसासणहो
जिह स-कुरुव कुरुव-कुमार जिय
जिह विहवळु विइवळु घाइयउ

किह वयणु णिहालिउ माहवहो
उत्तरहे सुहइहे दोवइहे
कह-कह-वि किलेसें णीसरिउ
परिसक्किउ जिह कुमार-सहिउ
जिह सल्लेहिं सळ्ळिउ सल्लु गउ
जिह णिउ सुकण्णु जम-सासणहो
जिह रह गय कूडागार किय
जिह कण्णेणं गुणु दोइइयउ

४

८

वत्ता

कहिउ कइंतरु एत्तिउ
उत्परि जं परिसक्किउ

णरवइ परियाणाभि जेत्तिउ ।
तं मइं जीवणहं ण सक्किउ ॥

९

[४]

पहु पभणइ णिसुणि सुमित्त तुहुं
गउ सारहि मग्गे संदणहो
कत्थ-वि करि-कुंभइं खंडियइं
कत्थइ छत्तइं महि दुक्काइं

एकसि दक्खवहि कुमार-मुहु
रणु दक्खवंतु तव-णंदणहो
उवविसणइं जेमण-छंडियइं
कालेण व थालइं मुक्कोइं

४

2. After 5a extra in J. : तिम सूरतेउ तमु उहड्डिउ.

कथइ स-भुयइं भड-सिर-सयाइं णं थियइं सगालइं पंकयाइं
 कथइ पडियइं धय-चिधाइं कथइ णच्चियइं कबंधाइं
 कथ-वि सित्व भडहो समावडिय णं दोसइ कामिणि उरे चडिय
 कथइ वेयालइं कलकणउं सिरु तुञ्जु कबंधु महत्तणउं ८

घत्ता

दिदुठु वालु सर-भरिउ णं जलहर-धारिहिं धरिउ ।
 दीहर-णिइए भुत्तउ जगु गिलेवि णाइं जमु सुत्तउ ॥ ९

[५]

तं णिएवि णराहिउ मुच्छ गउ णं णिवडिउ गिरि कुलिसाहिइउ
 कह-कह-वि णरिदेहिं उट्टविउ णं मंदरु सुरेहिं परिद्वविउ
 हा पुत्त सुहदहे देहि दिहि पइं णितु ण णिदुठु अणिदुठु विहि
 महु एकसि दावहि मुह-कमलु धीरवहि रुवंतउ पंडु-वलु ४
 तउ अंगइं सुदठु सु-कोमलइं धर धरेवि किणण गय सय-दलइं
 हय रण-वहु पइ-मि ण जोइयउ सुरवहुहुं सहत्थें ठोइयउ
 तुहुं महियले एककु पुत्तु णरहो पइं विणु ण धुरंधरु रण-भरहो
 पइं जणिउ दुक्खु सव्वहो जयहो किं जीवइ अञ्जु धणंजयहो ८

घत्ता

राए रुवंते स-वाहणे सो को-वि ण पंडव-साहणे ।
 सय-सय-वार कुरुकिय धाहडिय जेण णउ मुक्किय ॥ ९

[६]

गय एम रुवंतहो ताम णिसि तहिं अवसरे णारउ देव-रिसि
 कथहो-वि परायउ सिग्घ-गइ संबोहिउ तेण णराहिवइ
 किं रुवहि जेम सामणु णरु कहो परियणु पुत्तु कलत्तु धरु
 कहो धणु हिरणु कहो तणउ धणु कहो तणिय पिहिवि कहो तणउ रणु ४

जज्जरियउ जरए सरीरु खवइ
जिउ अहिणव-देहे संचरइ
लब्भइ अण्णण्ण भवंतरइ
रवि-उवयत्थवणइ जेत्तियइ

विसहरु कंचुवउ जेम मुवइ
णडु जिह अण्णण्ण वेस करइ
जिह पयहिं पयहिं गामंतरइ
जगे जम्मण-मरणइ तेत्तियइ ८

घत्ता

जीवहो णिलउ ण णावइ गउ जम्म-सयहो णउ आवइ ।
जसु दरिसणु जेण ण जुज्जइ तहो काइं जुहिट्टिल रुज्जइ ॥ ९

[७]

अइ-दूसह-दुक्ख-परंपरहं
भवे भवे एक्केक्क-वार-हुयहं
केत्तियहं करेसहि परम-दुहु
केत्तियइ गणेसहि सज्जणइ
अद्धवइ घण-घण-जोवणइ
अद्धवइ छत्त-घय-चामरइ
आहंढल-लक्खइ णिवडियइ
सव्वहो उप्पत्ति जरा मरणु

चउरासी-लक्ख-भवंतरहं
चउरासी लक्ख तो-वि मुयहं
केत्तियहं रुवेसहि राय तुहुं
अद्धवइ असारइ असरणइ ४
अद्धवइ रयण-मणि-कंचणइ
ण सरीरइ काहं-वि थावरइ
वंमाण-सहासइ विवडियइ
सव्वहो ण को-वि अब्भुद्धरणु ८

घत्ता

सव्वु जीउ एक्कलउ रइ वंधइ अण्णहं भलउ ।
स-किय-फलइं अणुहुंजइ तहुं काइं णराहिव रुज्जइ ॥ ९

[८]

पंचमिय महा-गइ-गमण-मणु
आसव-संवर-णिज्जर-रहिउ
तणु-मेत्तउ सुहुमु समुद्ध-गइ
पुव्वज्जिय कम्म-बंध लहइ

तइलोक-णिवासिउ असुह-तणु
वर-धम्म-वोहि-अपरिग्गहिउ
धुउ कत्तउ भुत्तउ णाणवइ
पुणु गन्मावत्थ समुव्वहइ ४

उत्पज्जइ वाल-कील करइ
दिवसेहि जुवाण-भावे चडइ
जो जीव-सरीर-विओय-खणु

सोलह संवच्छर परिहरइ
जर दुक्कइ णिहणु समावडइ
समयंतरालु तं किर मरणु

घत्ता

जोवेइ जोउ ते' वुच्चइ
तो सिद्धत्त णुपावइ

जइ सव्वावत्थेहि मुच्चइ ।
एव-मि णरु एहउ भावइ ॥

८

[९]

तं णिसुणेवि धम्म-पुत्त चवइ
तो तिहुवणु को उवसंधरइ
णउ चुक्कइ को-वि अखंडियउ
णउ तवसि ण विप्पु ण वाणियउ
ण थणद्धउ ण-वि जुवाणु हडउ
तो भिसिय-कमंडल-धारएण
जइयहुं सिट्ठारे' सिज्जि पय
उत्पाइय तइयहुं तेण तिय
कसणंगिणि तंवि-लोयणिय
दंडाउह-पाणि समुट्ठविय
तहे पडिवलु दुदमु देह-दमु

जइ जीवहो मरणु ण संभवइ
हंतारु कवणु जोविउ हरइ
णउ सु-कइ कु-कइ णउ पंडियउ
णउ खत्तिउ जो जगि जाणियउ ४
सव्वह-मि एककु सो दियहडउ
आठत्तु कहंतरु णारएण
णिकखोभ-करेवि जगे विद्धि सय
णामेण मिच्चु खय-काल-किय ८
रत्तंवर-धर फुरियाणणिय
लहु दाहिण दिसए परिट्ठविय
स-कसाउ स-वाहि कियंतु जमु

घत्ता

तेहि-मि णि म्मिउ मरणउ
एकहो विहि तिहि दुक्कइ

तिहुवण-उवसंधरणउ ।

संधाए को-वि ण चुक्कइ ॥

१२

[१०]

अवरेक्कहं सासण-पावण-वि
कालेण विणासु पुरंदरहो

कालेण पडंति सुरासुर-वि
कालेण सोसु रयणायरहो

कालेण पियामह-लक्ख गय	कालेण चविय गह वसु रिसय	
कालेण सम-त्थलु होइ गिरि	कालेण विणासइ काल-सिरि	४
कालेण गिलिय वलि-णहुस-णल	दसकंधर-कुंभयण पवल	
कालेण भरह-दसरह-पलय	लवणकुस-लक्खण-राम गय	
कालेण जुयक्खउ संभवइ	तित्थंकर कुलयर चक्कवइ	
णव वासुएव वलएव णव	पाविय कालेण अणेय भव	८

घत्ता

मरण महा-विस-डंसेण	क्रिय-तिहुयण-भवण-णिवासेण ।	
वित्थारिय-सठ्वंणेण	को खद्ध ण काल-भुयणेण ॥	९

[११]

कालेण सुवण्ण-दीवि-पहउ	पासेउ वि जासु सुवण्णमउ	
कालेण सु होंतु वि खयहो णिउ	कंचणमउ जणअउ जेण जिउ	
जसु णाणा-वण्ण-समुज्जइ	धण-दिति सुवण्णमयइं जलइं	
जहि ददुदुर कच्छव कक्कडय	इस मयरोहार सुवण्णमय	४
कालेण अंगु अंगाहिअइ	णउ णावइ पाविउ कयण गइ	
जो देइ गिरिद-सम-प्पहहं	दस लक्ख सुवण्ण महारहहं	
मणि-भरियहं गयवर-जोत्तियहं	वहु-दीणाणाहहं सोत्तियहं	
कालेण खद्ध णामेण सिवि	परिपालिय जेण सठ्व पिहिवि	८

घत्ता

भोगे जेण पवाहिय	धिय-सिसिर-खीर-वालाहिय ।	
पियणहं को-वि ण इच्छइ	धणु देइ ण दाणु पडिच्छइ ॥	९

[१२]

मंधाउ सो-वि कालेण मुउ	जुअणासहो जो सयमेव हुउ	
पारद्धि गयहो तिसिपहो गहणे	दहि-चच्चिउ पल्लव-छणु खणे	

जल-भरिउ कलसु वासवेण किउ	जुअणासहो अग्गए सण्णिमिउ	
तासु-वि तं तोउ पिअंताहो	उत्पण्णु गढ्भु कंदंताहो	४
फोडाविउ जढरु पुरंदरेण	पुक्कारिउ वाले सुंदरेण	
जणु भासइ वासइ काइं किर	मं धासइ णिग्गय सक्क-गिर	
मंधाउ णामु तहो तेण किउ	सुरवइ-अंगुट्टए अमिउ थिउ	
तं पावेवि पावेवि वडूढविउ	वारहमए दिवसे रज्जे ठविउ	८

घत्ता

जसु सामण्णु विठत्तउ	चोरारि-मारि-परिचत्तउ ।	
पालिउ जो सुर-पालेण	कंदंतु सो-वि णिउ कालेण ॥	९

[१३]

कालेण डिळीवि गवेसियउ	आहंडलु जेण विसेसियउ	
सुर-गायण जसु गायंति सरे	पेक्खणयहं तेरह सहस घरे	
कालेण भईरहि खयहो णिउ	जण्हविइे जणणु जो जणेण किउ	
कालेण जयाइ-वि कड्ढियउ	सहसक्खहो जो समवड्ढियउ	४
दस-वरिस-सयइं णिय-णंदणहो	जर देवि पुरुहे पुर-महणहो	
किउ रज्जु जुवाणे होतएण	इंदहो अट्टामणे अंतएण	
कालेण णिलिउ णिन्वाण-णिहु	बइणहो णंदणु णामेण पिहु	
जो सुरहिए-वि अब्भत्थियउ	जिह वत्तहो तिय करि पत्थियउ	८

घत्ता

लइउ तेण वाणासणु	दइ वसुमइ करि पेसणु ।	
ताए-वि सिसरेण पडिच्छिउ	दुहियत्तणु अवक्क समिच्छिउ ॥	९

[१४]

तिह अंवरीसु ससिंविदु णउ	तिह परिसरामु हरि रामु गउ
तिह भरहु तेम अवर वि बहुय	के कज्जे रोयहि धम्म-सुय
तहिं काले जुहिंठिलु उवसमिउ	आवासहो कह-वि कह-वि गमिउ

गउ णारउ केःथु-वि सिग्घ-गइ	थिउ दुम्मणु सिमिरे णराहिवइ	४
मेळ्ळइ पल्लाणु को-वि ह्यहो	को-वि मुहवडु देइ महा-गयहो	
णिट्ठवइ को-वि पहरण-णिवहु	रह-साल्हिं केण-वि मुक्कु रहु	
केण-वि सण्णाहु समोवरिउ	सप्पेण व कंचुउ परिहरिउ	
कइडिज्जइ सरु कासु-वि उरहो	को-वि देइ पयाणउ जमपुरहो	८

घत्ता

को-वि धवल्लु मुत्ताहलु	रुहिरारुणु गय-मय-सामलु ।	
देइ सयंभुव-दंडेण	दइयहे अणुरापं वड्डेण ॥	९

*

इय रिट्ठणेमिचरिए धवल्लइयासिय-सयंमुएव-कए छप्पणमो इमो सग्गो ॥

⊕

सत्तावणमो संधि

तहि काले किरोडि जिणेवि सेण जालंधरहं ।
गउ सरहसु पासु तव-सुय-जमल-विओयरहं ॥ १

[१]

अरथइरि-सिहरु दिवसयरे गए	पडिवणए णव-संझा-समए	
कइ-केउ चंड-गंडीव-धरु	संसत्तग जिणेवि पयट्टु णरु	
सिय-वाहोवाहिय-पवर-रहु	जमलीकिय-जायव-पिय-पणहु	
संजमियातुल-तोणा-जुयलु	कल-कोइल-किंकिणि-रव-मुहलु	४
दुणिमित्तइं ताम समुट्ठियइं	गिद्धइं धय-दंडे परिट्ठियइं	
सिव असिव-सहासइं आयरइ	जर-पायवे वायसु करयरइ	
कालाहि कुंहणि छिंदंतु गउ	खरु वामउ हरिणु वि दाहिणउ	
थद्धइं णस-जालइं जायाइं	अंगइं फुरंति वि-च्छायाइं	८

घत्ता

अहिमणु समत्तु सउण-सहासेहि रावियउ ।
साहुद्धउ करेवि दुमेहि णाईं धाहावियउ ॥ ९

[२]

णिय-सिमिरु दिट्टु अ-सुहावणउं	उक्कंतुलु उम्माहावणउं	
पवहंति पारट्ठिय-सेण-धुणि	ण सुणिज्जइ वीणा-वेणु-झुणि	
णउ गायग-वायण-लउ वि हउ	अहिमणु ण दुक्कइ सम्मुहउ	
जणु णासइ सव्वु परम्मुहउ	णउ कलयलु ण-वि जय-पडह-रउ	४

वेयालिय मागह सुय णवि
मुहु जोइउ पथे' माहवहो
दु-णिमित्तइं जाइं णियच्छियइं
जिम धरिउ रणंगणे धम्म-सुउ

अट्ठोत्तरु णउ वावण्ण कवि
परमेसर णिग्गमे आहवहो
मइं तहि जे ताइं परिचच्छियइं
जिम चक्क-वूहे अहिमण्णु मुउ ८

घत्ता

वलु दीसइ सञ्जु-इ इय दांसेति सहोयर-वि ।
पर आयहं मञ्जे दीसइ एक्कु कुमारु णवि ॥ ९

[३]

चाणूर-कंस-विणिवायणहो
गउ पासु पत्थु तव-णदणहो
बोल्लाविउ धम्म-पुत्तु णरेण
दीसंति असेस-वि सुहि-पवर
किय-समरे परम्मुहु कहिभि हुउ
तो कहइ जुहिदठिलु अञ्जुणहो
आएसें सो महु तणेण गउ
गुरु-गुरु-सुय-भोयाहिव-किवेहि

घरु दक्खवंतु णारायणहो
ओइण्णु णिरउहु संदणहो
कठ-क्खल-महुरक्खर-सरेण
महु पुत्तु ण दीसइ एक्कु पर ४
किय चक्क-वूहु पइसरेव मुउ
अलि-सिहि-गल गयलाणञ्जुणहो
छहि जणेहिं अखत्ते मलेवि हउ
महादिव-कण्णेहि णिकिकवेहि ८

घत्ता

अमहइ-मि असेस एक्के धरिय जयहहेण ।
जिह तियस-गइंद वालाहिएण महदहेण ॥ ९

[४]

तं णिसुणेवि अञ्जुण्णु मुच्छ गउ
महुमहेण पक्खे उट्ठविउ
कि तुञ्जु जे एक्कहो दुल्लहउ
अवसरु ण होइ रोवेवाहो

वं णिवडिउ गिरि कुलिमाहिहउ
णं मंदरु महणे परिदूठविउ
महु घइं पुणु काइं ण वल्लहउ
करि चित परए पदरेवाहो ४

सत्तावणमो संधि

उम्मत्तउ होवि मुहुत्त थिय
अवगण्णेवि हरि-उक्कोइयइं
अहो अहो मुहि-संढहो णिग्गुणहो
एक्केण-वि वालु ण रक्खियउ

धणु वाम-हत्थे सरु इयरे किउ
पुणु मुहइं णरिदहं जोइयइं
सच्चइ-सिहंढि-धदठज्जुणुहो
तुम्हेहिं सव्वेहिं उप्पेक्खियउ

८

घत्ता

थिय णिम्मह होवि को जाणइ कहो धिवइ सरु ।

मं बोळउ को-वि मारइ गहिलीहूउ णरु ॥

९

[५]

आसंक्रिय णरवइ णिहुय थिय
तो पत्थे भोसु णिहालियउ
सो बहुहिं णिइम्मइ एक्कु जणु
पच्चेडिउ जसु वल्लिंड चिरु
तव-णंदणु कहइ सहोयरहो
तें सेंधउ मा सामणु गणे
एत्तडेण चुक्कु जं होतु ण-वि
सर-धारे वरिस्सिउ मेहु जिह

आलेहिय लेप्पिम णाइ किय
महु णंदणु पइ-मि ण पालियउ
तुहुं णिय-वरु एहि अलद्ध-वणु
सो केम जयइहु थक्कु थिरु
णउ अज्जुण दोसु विओयरहो
धू पइ-मि परज्जइ आहयणे
जिह सोमय-सिजय-कइकय-वि
ते महु-वि भग्ग आहमाण-सिह

४

८

घत्ता

नर आइय ताम

चित्तणहं ण जाइ

कहिउ कण्ह-तव-सुय-णरहं ।

जा वट्टइ अवत्थ परहं ॥

९

[६]

घरे घरे वणिणज्जइ पत्थ-सुउ
सउ मारिउ कुरुवइ-णंदणहं
णव-सयइं गइंदहं मत्ताहं
पायालहं चउइह सहस मय

घरे घरे रुज्जइ जो को-वि सुउ
सहसदत्तु णिसुभिय संदणहं
दस-सयइं पहुहुं पहरंताहं
सहुं विहवलेण दस सहस हय

४

परिवेढिउ छहि-मि महा-रहेहि
समरंगणे कण्णे छिण्णु गुणु
जिह खग-रहंगे जुञ्झियउ
दूसासण-पुत्तहो अत्तिभडिउ

जिह वालउ वालु महा-गएहि
अण्णेहि अण्णु णिट्टविउ पुणु
तहि परिसंखाणु ण वुञ्झियउ
सम-घाएहि धरणि-पट्टे पडिउ ८

घत्ता

बहु सुयहो सुणेवि पडिमुच्छिउ गंडीव-धरु ।
णिवाडउ सहसत्ति दुप्पवणक्खउ जेम तरु ॥ ९

[७]

मुच्छा-विहलंघलु हूउ णरु
तुडि-वडणे चैयण-भाउ गउ
गुण-संभरणेण विमुक्क रडि
को समर-महाभर-धुर धरइ
साहारहि हउं उम्माहयउ
पउ एक्कु-वि णवर ण चल्लियउ
पूरंतु मणोरह तव-सुयहो
णउ जाणइ वूहहो णिग्गमणु

अण्णहि धणु अण्णहि पडिउ सरु
उट्टिउ णिय-सुय-सोयाहिहउ
कहो अण्णहो एही चारहडि
भड-थड-कडमहणु को करइ ४
सय-वार भीमु अप्पाहियउ
एक्कल्लउ तुहुं मोक्कल्लियउ
आएसु दिण्णु जे' महु सुयहो
कि रुवहि णिवारइ महुमहणु ८

घत्ता

कुरु-णाहु ण रुण्णु पुत्र-सयहो गुण-सुमरणेण ।
तुहुं रोवहि काइं एकहो पुत्तहो कारणेण ॥ ९

[८]

सयरेण ण रुण्णउं कौंति-सुय
भणु केण रुण्णु संगामे हय
तव-सुयहो भग्ग जे' माण-सिह
तं वयणु सुणेवि दामोयरहो

जसु सट्टि सहस णंदणहं सुय
खर-दूसण चउहह सहस मय
सो जियइ रुवहि तुहुं रंड जिह
मुहु जोइउ जेट्ट-सहोयरहो ४

जो तुम्हहं माण-भंगु करइ	तं मारमि जइ-वि कणहु धरइ	
चुक्कइ आयरिउ गुरुत्तणेण	गुरु-णंदणु गुरु-पुत्तणेण	
किउ बंभणु कियवम्मउ सयणु	तहो मरणु ण इच्छइ महुमहणु	
मारेवउ महाहिवइ पइं	वासरे चउत्थे रवि-तणउ मइं	८

घत्ता

जइ कल्लए राय	सीसु ण खुडमि जयइहहो ।	
तो उप्परि झंप	देमि वलंतहो हुयवहहो ॥	९

[९]

सिरु तोडमि परए जयइहहो	पुरे पइसइ जइ-वि पियामहहो	
जा सामि-मिच्च-गुरु-दोहाहं	जा इह-पर-लाय-विरोहाहं	
जा-रिसि-गो-वंभण-घायणहं	जा जीव-ढुक्ख-उप्पायणहं	
जा माय-वप्प-आकोसणहं	जा पंच-महावय-णासणहं	४
जा पावहं दुक्किय-गाराहं	जा णिय धणु दे त-णिवाराहं	
जा पसु-पंचुवर-भक्खणहं	जा मंस-सुरा-महु-चक्खणहं	
जा पर-धण-पर-तिय-ईसणहं	जा देव-भोग-विद्धसणहं	
जा कित्तण-पडिमा-भंजणहं	जा मिट्ठ-भक्ख-पविहंजणहं	८

घत्ता

सा महु गइ होउ	जइ णं जयइहु णिट्ठवमि ।	
अत्थंतए सूरे	कल्लए जम-पुरे पट्टवमि ॥	९

[१०]

जं पत्थे घोर पइउज किय	तं रण-दिक्खहं सामंत थिय	
लहु पंचयणु दामोयरेण	आऊरिउ देवयत्तु वरेण	
लल्लक्क-सहु एक्कहिं मिलिउ	णं जगु गिलेवि जमु किलिगिलिउ	
किउ कलयलु ह्य पडु-पडइ-दडि	णं महिहर-मत्थए पडिय तडि	४

तहि अवसरे वद्धिय-विग्गहहो
 कि अच्छहि आइय धुउ मरणु
 वइसवणहो पवणहो हुयवयहो
 खंधहो अ-हिमयरहो हिमयरहो
 सहसकखहो धरणहो तक्खयहो

चर-पुरिसेहि कहिउ जयदहहो
 जसु भावइ तासु जाहि सरणु
 मयरहरहो हरहो पियामहहो
 सुकहो सुर-गुरुहे सणिच्छरहो ८
 लइ दुक्कउ तो-वि कुलक्खयहो

घत्ता

परिरक्ख करेइ जइ-वि अणंतु अणंत-वलु ।
 तोडेसइ पत्थ तो-वि तुहारउ सिर-कमलु ॥ ९

[११]

तं णिसुणेवि विद्ध-खत्तणउ
 कह-कह-वि ण मोहावत्थ गउ
 परिचितिउ दुक्कु मञ्जु मरणु
 साहारु ण वंचइ मूढ-मइ
 लइ जामि तवोवणु होमि मुणि
 देव-मि अदेव जसु समर-मुहे
 सा णिप्फल होइ कया-वि ण-वि
 सुर खंडवे गो-ग्गहे कुरुव जिय
 सबभावे कुरुवइ भणमि पइं

चल-णयण-जुयलु वुण्णाणउ
 भय-जलण-जाल-मालाभिहउ
 कइो अक्खमि कासु जामि सरणु
 गउ तउ जउ कुरुव-णराहिबइ ४
 जहिं कह-मि ण सुम्मइ पत्थ-झुणि
 तहो णिग्गय वय वयणंवुरुहे
 आयामइ देव-वि दाणव-वि
 वंदि-ग्गहे तुज्जु परित्त किय ८
 को रक्खइ तुम्हहं मञ्जे मइं

घत्ता

जिम णिय-घरु जामि घोर-वीरु जिम तउ करमि ।
 अब्जुणे जीवंते धुउ जीवंतु ण उव्वरमि ॥ ९

[१२]

तो भणइ दोणु करि चारहडि
अजरामरु को-वि ण एत्थु जए
ण पलायणु सोहइ खत्तियहं
जिम सामिहे जिम सरणाइयहो
जीवगह-जय-मरणेहि भडहो
जय-लच्छि जएण समावडइ
छ महारह सुई-वूहे जहिं
कल्लए पर्यंगु जामत्थमइ

अवलंबहि वित्ति समारहडि
तो वरि पहरिउ संगर-समए
सिरु उज्झइ कारणे एत्तियहं
जिम मित्तहो जिम अण्णाइयहो ४
तिहि गइहि सुद्धि जस-लेहडहो
माणेण सुरंगण करे चडइ
पइं रक्खमि को पइसरइ तहिं
मांह अम्महं ताह-मि सग्ग-गइ ८

घत्ता

तो सिधव-णाहु चित्तु पडिात्थरु करेवि थिउ ।
जिम मारिउ पत्थु जिम ते' महु सिर-छेउ किउ ॥ ९

[१३]

जं किय परिरक्ख जयदहहो
हरि होसइ-जणवए जंपणउं
णउ पइजारुहणहो णिठवहणु
जहिं दोणि दोणु किउ कण्णु सलु
जहिं चित्तसेणु विससेणु सहं
दुज्जोहणु सउणि विगण्णु जहिं
सुहु कण्हें णरहो णियच्छियउ
पइं पत्थ कियइं अइ-वोल्लियइं

तं चरेहि णिवेइउ महुमहहो
किय पत्थु डहेसइ अटपणउं
को सक्कइ पइसेवि गुरु-गहणु ४
महाहिउ भूरीसउ पवलु
दूसासणु दुम्महु दुत्थिसहु
भणु वइरि णिहण्णइ केम तहिं
चर-चरिउ एउ परियच्छियउ
सुरवरह-मि चित्तइं डोल्लियइं ८

घत्ता

असि-जाला-मालहो धय-धूमहो रिउ-हुयवहहो ।
पइसेपिणु तेत्थु को सिरु खुडइ जयदहहो ॥ ९

[१४]

तो पत्थहो वियसिउ मुह-कमलु णिञ्चणहि केत्तिउ कुरुव-वलु
 किं राहा-वेहु ण दिदठु पइ वंदि-ग्गह-गो-ग्गहे तुलिउ मइं
 रक्खंतु महा-रह अट्ट-रह लइरह(?) रक्खंतु समत्त रह
 रक्खंतु देव दाणव गह-वि रक्खंतु दिवायर वारह-वि ४
 रक्खंतु गरुड-गंधव-गण रक्खंतु महा-रिसि सत्त जण
 रक्खंतु रुइ रक्खंतु वसु रक्खउ रक्खेवए सत्ति जसु
 रक्खउ सहसक्खु तियक्ख-समु रक्खउ कालि-कालु कयंतु जमु
 रक्खउ वइसाणरु वइसवणु रक्खउ रवि राहु-वि पवणु घणु ८

घत्ता

परिरक्ख करेहि सहं तइलोकैं तुहु-मि हरि ।
 मारेवउ कल्ले मइं समरंगणे तो-वि अरि ॥ ९

[१५]

तो सयल-भुवण-जाणिय-गुणहो परितुदठु जणहणु अञ्जुणहो
 पडिबणणें तहिं संतोस भरे उप्पाय जाय-कउरवहं घरे
 सिव-कंदणु सुक्कासणि-वडणु मयरहरखोहु महिहर-चलणु
 णत्तिचयइं कवंधइं गयणयले ओवुदठइं रुहरइं धरणियले ४
 अइ-विरुवइं रुव विहंगमहं पुच्छइं जलियाइं तुरंगमहं
 चिंताविय सुरवर सयल मणे को जाणइ होसइ काइं रणे
 उद्धसिउ धणंजउ जाउ दिहि पज्जलउ महारउ कोव-सिहि
 णारायण-पवणालुंखियउ वरवइरिंधण-संधुक्कियउ ८

घत्ता

हरि-जुए हरि-चिंघे हरि-वलु करे गंडीउ जहिं ।
 सइं भुव-वल-हीणु जाइ जयदहु संदु कहि ॥

*

इय रिट्ठणेभिचरिए धवलइयासिय-सयंभुएव-कए सत्तावणमो इमो सग्गो ।



अट्टावणमो संधि

भणइ धणंजउ पणय-सिरु पुण्णिम-इंदु-रुंद-मुहबंदहे ।
दुक्ख-दवाणलु उल्हवहि जाहि जणइण भवणु सुहइहे ॥१

[१]

कोइल-कल-कोलाहल-सइहे	काइं भडारा जियइ सुहइहे
पुत्त-विओय-सोय-तम-छाइय	किं जीवइ किं मुइय वराइय
जाहि गवेसहि देव जणइण	कालिय-देह-दमण दणु-मइण
एम भणेज्जहि णियय-सहोयरि	लइ सुय-सोउ पमोयहि सुदरि ४
केत्तिउ रुवहि खणंतरु सुप्पइ	पडिउ धुरंधरु को धुरे जुप्पइ
सव्वहो जीवहो जम्मणु मरणउं	धम्मु सुएविणु को वि ण सरणउं
तो वरि अप्प-हियत्तणु किज्जइ	वउ चारित्तु सीलु पालिज्जइ
बंधव-सयण सव्व जीवंतहं	पच्छए को-वि ण जाइ मरंतइं ८

घत्ता

हउ-मि कुमारहो लग्गु कुटे जिम सिरु खुडिउ जियंते जयइहे ।
जिम कल्लए ओयारियइं महुसूयण कंकणइं सुहइहे ॥ ९

[२]

अण्णु-वि सुहइ मडप्पर-साडहो	एम देव भणु दुहिय विराडहो
उत्तरे तालुय-वम्म-वियारउ	थिउ रण-दिक्खइहे ससरु तुहारउ
जइ समरंगणे ण हउ जयइहु	जइ ण समत्तु समाणिउ भारहु
जइ तव-सुएण ण भुत्त जियंते	तो पडिवणु सुहइहे कंते ४

रि-२

जो उप्पज्जइ पुत्तु तुहारउ
 गयउरु तासु तासु वाइत्तइं
 छत्तइं तासु तासु सिहासणु
 तुञ्जु समन्नखु सव्वु परिच्छिण्णउं

तासु वसुंधरि दिण्ण ति-वारउ
 तासु सेय-चामरइं विचित्तइं
 णं तो तुहुं जे सक्खि गरुडासणु
 अण्णु परिक्खि णाउं मइं दिण्णउं ८

घत्ता

एम भणे वे वीमच्छु थिउ
 संख-चक्र-सारंग-धरु

दुइम-दाणव-देह-विमहणु ।
 पासु सुहइहे चलिउ जणहणु ॥ ९

[३]

कंस-महासुर-जय-सुय-त्रायणु
 दिट्ठ तेण रावंति सहोयरि
 जण-मण-णयणाणंद-जणेरी
 जउ जउ दुक्कइ तउ तउ भिदइ
 उट्ठइ पडइ समुह-णियंसी
 गोविथ-कंधि वलय-पालंवेहि
 तिवलि-तरंग-मञ्जे तियकायहो
 घोळइ मोत्तिय-हारु थणंतरे

गउ णिय-वहिणि-भवणु णारायणु
 पिहुल-णियंविणि कुलिस-किसोयरि
 हत्थ-भलिल णं वम्मह-केरी
 कंतिए ससहर-कंति णिसिधइ ४
 णेउर-रव-हक्कारिय-हंसी
 चंदण-लय भुयंग-सिलिवेहि
 णाई ति-अंगुलि वम्मह-रायहो
 गंगा-वाहु-व सुरगिरि-कंदरे ८

घत्ता

वाह-जलोच्चिय-लोयणिय
 दिट्ठ सुहइ जणहणेण

पुत्त-विओय-सोय-उक्कंठुल ।
 मोक्कल-केस-कलाव विसंठुल ॥ ९

[४]

णिएवि सहोयरु सुट्ठुम्माहिय
 हा परमेसर सिरे गिरि-धारा
 कडरव-संदहं वले पहरंतउ
 जं तुहुं जगह सरणु तं अलियउं

कम-कमलुप्परे पडिय स-धाहिय
 तिहुयण-लग्गण-खंभ भडारा
 षइ-मि ण रक्खिउ वालु मरंतउ
 सव्वहं देवहं दइउ जे वलियउं ४

दइउ देइ दइउ जे उहालइ
तुहु-मि भडारा दइवायत्तउ
पइ-मि रुण्णु पञ्जुण्हो जम्मणे
जइ उयरेण वहहि तइलोउ-वि

मारइ दइउ दइउ परिपालइ
दूसह-दुक्ख-परंपर-पत्तउ
घल्लिउ महुरहे जिणेवि महा-रणे
तो कि वालु ण रविखउ एककु-वि ८

घत्ता

तुहुं भायरु भत्तारु णरु भीमु भाउ भावंगु घुडुकुउ ।
केण-वि धारेवि ण सक्कियउ एकल्लउ कुमारु किह मुक्कउ ॥ ९

[५]

धीरइ दुधर-धराधर-घारउ
सव्वहो पिंडहो तिहि-मि पयारेहि
एह जे गिट्ठ णराहिव-विदहं
एह गिट्ठ वरुण-वइसवणह
एह जे गिट्ठ भाणु-वंभाणहं
एह जे गिट्ठ गिसायर-जक्खहं
एह जे गिट्ठ गरुड-गंधव्वहं

माए माए संसारु असारउ
एक जे गिट्ठ दुट्ट-किमि-छारेहि
एह जे गिट्ठ-वि णाय-खगिदहं
एह जे गिट्ठ हुवासण-पवणहं ४
एह जे गिट्ठ सव्व-गिवाणहं
एह जे गिट्ठ विहंगम-लक्खहं
एह जे गिट्ठ सुयंगम-सव्वहं ८

घत्ता

जाह-मि महि जा महिअ-महि जाह-मि गिरवसेसु जगु भुंजइ ।
ताह-मि ताह-मि अम्हह-मि एह जे गिट्ठ माए किं रुज्जइ ॥ ९

[६]

वीर-जणेरि वीर-भत्तारी
वीर-पिउच्छ वीर-भत्तिञ्जी
वीर-वडाय वीर-दोहिती
धीरोहोहि रुवंति ण लज्जहि

वीरहो धीय वीर-परिवारी
वीरहं बहुव वीर-सयणिञ्जी
वीरहो तणिय भइणी जगे वुत्ती
माए माए सुय-सोउ त्रिवज्जहि ४

माए माए घर-वासु णिहालहि
माए माए सहारहि अप्पउं
माए माए किं रुज्जइ वीरहो

माए माए परियणु परिपाल्हि
तरु दुक्ख-णइ करेवि दिहि-तप्पउं
जसु ओसरइ ण लाच्छ सरीरहो

घत्ता

अट्ट सहास महारहं
सहस चउइह किंकरहं

सउ राउत्तहं सहसु णरिंदहं ।
हयइं जेण णव-सयइं गइंदहं ॥ ८

[७]

तो उव्वाहुल-वद्दुल-वाहए
पुत्त पुत्त किह वूहे पइट्ठउ
पुत्त पुत्त किह वाणेहिं भिण्णउ
पुत्त पुत्त किह वइरिहिं दिट्ठउ
पुत्त पुत्त किह डाहुप्पाइउ
पुत्त पुत्त जयकारहि माउलु
पुत्त पुत्त तुहुं केत्तहिं दीसहि
पुत्त पुत्त जायव-जणु दुक्खिउ

रुण्णु सुहइए मुक्कल-धाहए
पुत्त पुत्त किह वइरिहिं दिट्ठउ
पुत्त पुत्त किह खग्गेहिं छिण्णउ
पुत्त पुत्त किह माहयले सुत्तउ ४
पुत्त पुत्त णारायणु आइउ
पुत्त पुत्त कहो छंडिउ राउलु
पुत्त पुत्त उत्तर मंभीसहि
पुत्त पुत्त पइं को-वि ण पुच्छिउ ८

घत्ता

देवइ-रोहिणी-रुप्पिणिहिं
बंधव-सयणइं परिहरेवि

दोमइ-कोत्तिहिं णिच्च-णवल्लउ ।
कवणु दोसु जहिं गउ एकल्लउ ॥ ९

[८]

सुह-गइ लहहि पुत्त महु दुल्लह
छिण्णइं जेहिं सव्व-पसु-पासइं
लद्धइं जेहिं सुखेत्तइं मरणइं
दिण्णइं जेहिं चउत्तिवइ-दाणइं

रण-वहु-अमर-वरंगण-वल्लह
कियइं जेहिं उववास-सहासइं
चिण्णइं जेहिं महा-तव-चरणइं
वसियइं जेहिं पंच-कल्लाणइं ४

पंच महावय जेहिं ण भग्गा
जेहिं धम्म गुरु देव ण णिदिय
ते गय जेत्थु जेत्थु जाएज्जहि
तहिं अबसरे अचंचंत-विणीयउ

जे पुरुएवहो सासणे लग्गा
जेहिं परज्जिय पंच-वि इंदिय
जिण-गुण-गणं-संपत्ति लहेज्जहि
आयउ दुमय-विराड्हं धीयउ ८

घत्ता

तहिं धाहाविउ उत्तरए तुम्हेहिं जाणहुं कुरुवेहिं पिट्ठउ ।
णं मरइ गाहु महु-त्ताणउ महु पइ अच्छइ हियए पइत्ठउ ॥ ९

[९]

तेण ण हियत्रउ फुट्टु महारउ
गिबडिउ करेहिं हगंतु उर-त्थलु
वसुमइ दइव दवत्ति पइसारउ
दइवहो काळहो जमहो कयंतहो
वरि तिण-सिह वरि विल्लिए खण्णी
रुण्णु रुवंतिए णहयले इंदे
रुण्णु रुवंतिए पुणु-वि सुहइए
पभगइ कणहु कण्हे आहारहि

जइ ण वज्जु तो किल्ल मउयारउ
थग-सिहरेहिं ण पत्त महि-मंडलु
जेण गवेसमि कंतु महारउ
सिरु ण फुट्टु अहिमण्णु हरंतहो ४
णउ मइं जेही तिय उत्पण्णी
रुण्णु रुवंतिए दुमयाणंदे
× × ×
उत्तर तुहुं रोवंति गिवारहि ८

घत्ता

धीरेय सुंदरि दोमइए महसूयणेण सुहइएवि ।
पत्थइो तणिय वत्त कइेवि गउ गिय-भवणहो दारुइ लेवि ॥ ९

[१०]

णरेण विरइय सेज्ज वहु-वण्णेहिं
तहिं गिवण्णु रण-दिक्खए थाएवि
सठ्वहो जगहो जाउ उण्णिहउ
डुकर क्रिय पइज्ज सेयासें

णव-दळभेहिं वेरुलिय-वण्णेहिं
थंडिले सासण-देवय झाएवि
कुरुव-राउ समरंगणे गिहउ
विजउ ण जाणहुं कवणें पासें ४

के-वि देति सु-पसत्थासीसउ दहि-दुव्वक्खय-सलिल-वि मीसउ
 जइ अम्हइं गुरु-देवहं भत्ता माय वप्पु जइ वे-वि ण सत्ता
 जइ किउ धम्मु सच्चु जइ पालिउ जइ तिण-समु पर-दव्वु णिहालिउ
 जइ णीसारिउ जिणवर-पुञ्जउ तो समरंगणे जिणउ धणजउ ८

घत्ता

जेहिं अक्खत्तें वालु हउ जेहिं ण दिण्णु अद्धु मग्गंतहं ।
 ताहं हयासहं कउरवहं पडउ वज्जु सिरे दुण्णयवंतहं ॥ ९

[११]

जइ णरु मरइ मरइ तो माहउ वज्जिउ धम्म-सुएण महाहउ
 लोयहं पंडव-पक्खु वहंतहं अद्धरत्तु गउ एम चवंतहं
 णिह ण जाइ ताम महसूयणु पभणइ सव्वाकरिसिय-पूयणु
 दारुइ जिह महु रुच्चइ अज्जुणु तिह ण संवु अणिरुद्ध ण पज्जुणु ४
 तिह ण दसारुह सच्चइ-हलहर ण रह ण तुरय ण हत्थि ण किंकर
 तेण मरंते मरमि णिरुत्तउ एउ तुज्जु मइं अग्गए वुत्तउ
 किं तव-सुएण काइं किं पत्थे मइं मारेवा वइरि स-हत्थे
 मइं गुरु-रइय वूह फोडेवा मइं कुरु-कप्प-रुक्ख मोडेवा ८

घत्ता

सीस-फलइं पाडेवाइं सर-दंडेहिं घाय-जज्जरियइं ।
 सउण-सयइं भक्खेवाइं वहु-मत्थिक्क-महारस-भरियइं ॥ ९

[१२]

विस-जउ-भवण-जूय-केसग्गह वण-दुक्खइं विराड-वह-गोग्गह
 ते दुण्णय डहंति महु अंगउं णरहो तेण साहिज्जु करेवउ
 भाइणेय-वहु सहेवि ण सक्कमि णरवर खयहो णेतु परिसक्कमि
 दारुइ एत्तिउ करहि विहाणए सज्जीहोज्जहि पढम-पयाणए ४

जुत्ति जुआलए जुयल महाहय
गारुड-धयहो म ढोयाह वासणु
रहवरु राय-वारु पइसारहि
महुमहणे-वि पढुक्कउ तेत्तहे
एयारह-अक्खोहणि-पलउ

मेहपुप्फ-सुगंधि-बलाहय
सज्जोकरि सारंगु सरासणु
एम करेमि देव गउ सारहि
चित्तावणु धणंजउ जेत्तहे
वूह-मज्झे किह वइरि णिहालउं

८

घत्ता

भणइ जणहणु किं ण हउं
किं ण तुरंगम किं ण रहु

किं गंडीउ स-सरु णउ करयले ।
जेण विसूरहि तुहुं महु अगगले ॥ १०

[१३]

तो णारायण-वयणु णिहालेवि
एक्क-मणेण दब्भ-सयणत्थे
जइ मइ पंचाणुव्वय पालिय
जइ पर-कसमरु तिण-समु मण्णिउ
जइ णिय-सामिसालु णउ वंचिउ
जइ देवयउ अत्थि जइ सासणु
सुर-अंजलिउ होउ उवलद्धउ
सासण-देवय ताम तुरंति

उर-मुह-कर-चरणइं पक्खालेवि
सुमरिय सासण-देवय पत्थे
जइ जणणि व पर-णारि णिहालिय
जइ गुरु-वयणु ण मइ अवगण्णिउ ४
जइ देवाहिदेउ मइ अंचिउ
तो तुहुं देहि भडारिए दंसणु
एम भणेवि णिवणु कइद्धउ
आय म जाणहो केत्तहे होति ८

घत्ता

कहिउ तार सिविणंतरे
तं तुम्हहं दक्खवमि सरु

विण्णि-वि जेत्थु लेमि तहिं गम्मइ ।
जेण जयइहु परए णिहम्मइ ॥ ९

[१४]

एम भणेवि थिय देवय अगगए
विण्णि-वि गयइं णहंगण-मग्गे
दिट्ठइं गाम-णयर-उज्जाणइं
वुड्ढण-वावि दिट्ठ कउवेरी

णर-णारावण धाइय मग्गए
गह-तारायण-रिक्खालग्गे
जम्मण-णिकखवणइं वहु-ठाणइं
सुरयण-णयणागंद-जणेरी ४

४

कंचण-कमल-करंविद्य-पीरी
काल-महागिरि दिदुठु अणंतरु
वम्ह-तुंग-विसदंसु स-कंदरु
दिठ्वु पुरिसु अण्णेतहे दीसइ

विविह-विहंगम-सेविय-तीरी
पुणु मणिवंत-सिहरु लिहियंवरु
पुणु मयसिगु स-संगु स-मंदरु
संभासणु करेवि ते' सीसइ ८

घत्ता

एहु जो णियडउं कमल-सरु तहिं अचलंति विण्णि-वि दुज्जय ।
एक्कु सरामणु अवरु सरु पइं पेक्खेप्पिणु होंति धर्णजय ॥९

[१]

तं उवएसु लहेवि गय तेत्तहे
एक्कु जाउ सरु अवरु सरासणु
पडिणियत्ता लद्धए धणुवरे सरे
ते' संधाणु वाणु विण्णासिउ
सठ्वु धणंजएण तं सिक्खिउ
कहिं एवहिं रिउ जंति अ-घाइय
तं सरु तं जे सरासणु लेप्पिणु
सिधव-सिरु सिविणंतरे छेइउ

आसीविस दएसय-फड जेत्ताहे
लइय णरेण णवेवि गरुडासणु
दीसइ वम्हचारि तहिं अवसरे
दिट्ठि-मुट्ठि-घित्ताणउं पयासिउ ४
अंजलियत्थु कियत्थु णिरिक्खउ
पर-वल्लु एम चवंत पराइय
थाणु रएवि संधाणु करेप्पिणु
णर-णारायणेहिं तं चेइउ ८

घत्ता

ताम गलिउ तारा-णिवहु दित्तुल्लसिय संझ णिसि दूसिय ।
कुंकुमेण णव-वहुय जिह पुठव-दिसारुणेण सइं भूसिय ॥ ९

*

इय रिट्ठणेमिचरिए धवलइयासिय-सयंमुएव-कए अट्ठावणमो इमो सग्गो ॥

उणसट्टिमो संघि

उयय-महीहर-सिंगे
पत्थ-जयद्दह-जुञ्झु

उगमिउ भुअण-परिपालउ
णं दिणमणि आउ णिहालउ ॥

[१]

राउ विउद्धु दुक्कु पहु-पालिय
मंगल-पाढा पढिय विच्चित्तइं
गेयइं गायणेहिं आढत्तइं
णड कइ छत्त डौव थिय वारेहिं
अण्णेत्तहे पइमंत णिओइय
कुलवत्तलिय मति सासणहर
वेज्ज पुरोहिय भंडागारिय
अण्णेत्तहे सामंत स-साहण

मागह सूय वंदि वेयालिय
दिण्णइं वायणेहिं वाइत्तइं
णच्चणेहिं णच्चविय पत्ताइं
किपि ण सुम्मइ जय-जय-कारेहिं ४
तलवर तलवग्गिय भड भोइय
सेणावइ संगर-कड्ढिय-हर
अंतरवंसिय कोट्टागारिय
साउह संगवरण स-वाहण ८

घत्ता

रह-गय-तुरय-भडेहिं जउ गमइ दिट्ठि तउ रुभइ ।

तव-सुउ सायरु जेम वाहिणिहिं वहंतिहिं खुब्भइ ॥ ९

[२]

तूरइं हयइं अणेय-पयारइं
झल्लरि झञ्जरि झिखिर वज्जइ
भंभा-भेरि-भूर-भीब्भीसइं
मदल-णंदि समुदातालइ
काइल-टिविला-लंवल-णामइं
कंचण-कलस-सएण जल-भरिएं

दुंदुहि घण-समुद-रव-सारइं
कत्तारि करड कणइ आउज्जइं
तूणव-षणव-गोमुह-गोसीसइं
खुंखण-संखा-सेख-वमालइं ४
एयावरइ-मि हयइं पगामइं
अट्ठोत्तरेण वरंगण-धरिएं

ण्हाउ जुहिदठिलु जय-जय-सहे' वद्धावणु अणुसरिस-णिणहे'
मंगल सिय सिचय परिहेप्पिणु इदुठा-देवय-पुञ्ज करोप्पणु ८

घत्ता

धणु दीणाणाहहं देवि भदासणे णाहु णिबिदुठउ ।
णरेहिं णराहिउ तेत्थु णं सुरेहिं सुराहिउ दिदुठउ ॥ ९

[३]

तो दउवारिएण हकारिय महुमह-पमुह सव्व पइसारिय
पंडव-णाहु णवेप्पिणु घोसइ एउ ण जाणहु किह हरि होसइ
तेरह-वरिसइं सुक्खु ण लद्धउ संधि-काले पड्विणु ण अद्धउ
तेरह दिवस णिरंतरु जुञ्जिउ वाल-मरणु तं तुम्हेहिं बुञ्जिउ ४
एवहिं किय पइञ्ज धर-धारा तिह करि जिह णिउवहइ भडारा
तिह करि जिह भारहु जे समप्पइ तिह करि जिह महिं सयल विदुप्पइ
हउं परियारु देव तुह खंडउ रणे तुडुडंतहो होहि तरंडउ
तो महुमहेण हसेप्पिणु वुच्चइ आयहं सव्वहं णरु जे पहुच्चइ ८

घत्ता

कवणु धणुद्धरु तासु सरवर-संधाणु करेसइ ।
जो सवडम्मुहु थाइ सो रण-मुहे सव्वु मरेसइ ॥ ९

[४]

तहिं पत्थावे पत्थु पत्थिव-सह पइसइ सक्कत्थाण-समप्पह
किउ तव-सुयहो तेण अहिवायणु जय-कारिउ स-भीमु णारायणु
मत्थए चुंवेवि पंडव-णाहे' दिण्णासीस सु-णेह-सणाहे
सहल पइञ्ज होउ समरंगणे सुर पेक्खंतु सव्व गयणंगणे ४
जिणहि जयदहु हरिहे पसाए' एमासीस दिण्ण जं राए'
भणइ धणंजउ सउरि जे मंगलु भुंजहि तुहु-भि देव कुरु-जंगलु

सु-विणउ कहिउ सुहिहि अहिणंदिउ पंडव-लोउ सव्वु आणंदिउ
पयहिण करेवि हयहं गुणवंतहं संदणे चडिउ भडहं पेक्खतहं

८

घत्ता

सच्चइ महुमहु पत्थु रहे तिण्णि-वि चडिय चिरंतणे ।
णं जमु कालु कियंतु थिय एकहि जुय-परिवत्तणे ॥

[५]

पुत्तु जसोयहे णंदहो णंदणु	सो थिउ धुरहे धरेपिणु संदणु
दारुणण जमलीकिउ रहवरु	सुरगिरि-कडय-लग्गु णं मंदरु
ताम्ब समुट्टियाइं सु-णिमित्तइं	णं सचारिम सुहइं विचित्तइं
सुहु सीयलु सुअंधु अणुकूलउ	वाइ समीरणु मंगल-मूलउ
हरिणु पधाइउ पयहिण दे'तउ	वामउ खरु दिहि उप्पायंतउ
ताइं णिमित्तइं णिएवि धणंजउ	पभणइ तालुय-वम्म-पुरंजउ
सिणिवइ जाहि जाहि बहु-जाणउ	पइं दोणहो रक्खेवउ राणउ
वम्महु णवर एककु पइं सीसइ	जे पइं जिणइ सो को-वि ण दीसइ

४

८

घत्ता

सच्चइ जाहि दवत्ति परिरक्ख करेहि णरिदहो ।
मइं णत्थंतए सूरे मारेव्वउ अञ्जु जयइहो ॥

९

[६]

णर-णारायण गय कुरखेत्तहो	सच्चइ पासु पत्तु तव-पुत्तहो
जहि सण्णद्ध कुद्ध वेयंड-व	सोमय-सिजय-कइकय-पंडव
जहि पंचाल-मच्छ वल-सायर	पुंडरीय-परिपिहिय-दिवायर
जहि अवर-वि णरिद कुरु-डामर	चालय-चारु-चामीयर चामर
जहि मयंध गंधुद्धुर सिधुर	करि-सिक्कार तट्टिण-तिम्मिय-खुर
जहि पासाय-सम-एह संदण	मागह-सूय-बंदि-कय वंदण

४

जहि णिग्गय कय-जय-सिरि संगम फुरुहुरंत तुरमाण तुरंगम
तहि सिणि-पुत्तु पत्तु थिउ रक्खणु णं रामायणे रामहो लक्खणु ८

घत्ता

रह-गय-तुरय-णरिंद रण-रहेसँ कहि-मि ण माइय ।
गह-गण-रक्खस-रिक्ख णं एक्कहि मिलेवि पधाइय ॥ ९

[७]

एत्तहे चंदकेउ तव-णंदणु विविह-महाउहु कंचण-संदणु
सेय-वत्थु सिरि-खंड-पसाहणु कणय-पुच्छ-सेयउसो (?) वाहणु
एत्तहे भीमसेणु जस-लुद्धउ वर-वेरुलिय-मइंद-महद्धउ ४
लउडि-बिहत्थु पयाव-पसाहणु रीरी-वण्ण-तुरंगम-वाहणु
एत्तहे मदि-पुत्तु लहुयारउ हरिण-केउ कौताउह-धारउ
एत्तहे रदे सहएउ समच्छरु हंस-केउ करवाल-भयंकरु
एत्तहे गिद्ध-चिधु सुलाउहु भइमि भयावण-वयणंभोरुहु
ओए-वि अवर-वि तव-सुय-किंकरु धाइय धोय-धार-पइरण-कर ८

घत्ता

सेणुणु असेसु-वि एवं स-रहसु सण्णहेवि पयट्टं ।
कुरुवहं उपरि णाई दीसइ जमकरणु विसट्टं ॥ ९

[८]

तो रउरव-रव-पंडव-रण-तूरइं हयमाणहं गय मुहहं-व कूरइं
गलगज्जियइं मत्त-मायंगहं भीसावण-हिसियइं तुरंगहं
गुरु-चिक्कार महारह थक्कइं चवल वहल-कलयल पाइकइं
णर-णारायण-पूरिय-संखहं कण्ण-कडुउ रउ हुयउ असंखहं ४
णर-गंडीव-सउरि-मारंगहं मह सुणेपिणु कुरुव-कुरंगह
जाउ महाउ पडियइं चिधइं णं गिरिवर-सिहरइं पवि-विद्धइं

तो धयरदृठे' पुच्छिउ संजउ थिउ रण-महि पइसरेवि धणंजउ
एवहिं किं करंति कहि कउरव गलिय-पयाव पाव गय-गउरव ८

घत्ता

कलए करेवि अखत्तु जं धाइउ वालु हयासेहि ।
तहो पावहो फलु अञ्जु दावेवउं हरि-सेयासेहि ॥ ९

[९]

जइ पंडव परिपालिय-बंगहं जइ भीमहो विसु दिण्णु ण गंगहं
जइ जउ-भवणे ण हुयवहु लाइउ जइ अक्खेहिं ण कोउप्पाइउ
जइ दोमइहे ण किउ केसग्गहु जइ ण बिराड-णयरे किउ गोग्गहु
जइ महि-अद्धु दिण्णु मग्गंतहं जइ दिवसा ण य गय कलहंतहं ४
जइ रक्खिउ इरवंतु पयत्ते जइ ण णिहउ अहिमण्णु अखत्ते
तो किं एत्तिउ होइ णराहिव सइं एमहिं वलंतु कुरु-पत्थिव
गए पाणिए किं वरणे' वट्ठे मुयहं काइं किर ओसह-गंवे'
जं पहु पभणइ तं विसु केवलु पइ-मि सव्वु माराविउ कुरु-वलु ८

घत्ता

मग्गइ मेइणि-अद्धु तव-णंदणु सव्वहिं जेइउ ।
पंच-वि गाम ण देइ दुम्मइ दुज्जोहणु हेइउ ॥ ९

[१०]

तो दोणायरिएण महारणे कोक्किय किकर वूहहो कारणे
आइय कुरु करंत अहिवायणु मरु मरु कहि णरु कहि णारायणु
कहिं अणिरुद्धु संवु कहिं पञ्जुणु कहिंसच्चइ सिंहंडि धट्टञ्जुणु
सइं गुरु कालसेण धय-दंडे' सउवलु कउ सिएण किवु सौंडे' ४
अउरगेण सइं कुरुव-णराहिवु धूमद्वय-धएण महाहिवु
करि-कर-काकेयणेण वियत्तणु हरि-लंगूलएण गुरु-णंदणु

मोर महाधरण सुउ कण्णहो
एम पराइय स-वल स-कलयल

अण्णे लंणेण धउ अण्णहो
सयल स-वाहण साउह-कलयल ८

घत्ता

स-रहसु सं-रसु स-रोसु
चउ-दिस तूरई देवि

ओवाहिय-रह-गय-वाहणु ।
उद्धाइउ कउरव-साहणु ॥ ९

[११]

तुरयारूढे' अकखय-तोणे'
सहस चउदह तरुण-मयंगहं
सट्टि सहास रहई परिसंखहं
रकखणु देप्पिणु सिधव-रायहो
मत्त-गइंदहो णवहिं सहासेहिं
सुहडहं लकख चउत्थे' भाएं
वारह गाउयाइं आयामें
दस गाउयइं परम-वित्थारे'

ताम जयदहु धोरिउ दोणे'
आजाणेयइं लकखु तुंगहं
लकखइं एकवीस पाइकहं
पेसिउ वूहारुह-महि-भायहो ४
तुरयहं पंचवीस पंचासेहिं
णउ दुज्जोहणु अग्गिम-भाएं
वूहु रइज्जइ सायडु णामें
गुरु-परिरक्खिणण दुव्वारे' ८

घत्ता

अग्गए सायड-वूहु किउ
सिणिउ जयदहु जेत्थु

पउम-वूहु तहो पच्छए ।
सूई-मुहु तासु-वि पच्छए ॥ ९

[१२]

तिणिण-वि वूहइं थियइं अ-भेयइं
सगड-पउम-सूईमुहु-णामइं
महिहर-तुंगइं विलिहिय-गयणइं
आयइं पत्थु केम फोडेसइ
ताम समुट्ठियाइं दु-णिमित्तइं
वायस करयरंति लल्लकइं
धट्टज्जुणेण ताम्ब हय दाविय
दिट्ठु फुरंतु महाधए वाणरु

सुरवर-मणे चिंतंति अणेयइं'
अइ-पिहुलइं अचंतायामइं
णं जम-काल-कंयतहं वयणइं'
केम जयदह-सिरु तोडेसइ ४
असिवइं सिव आयरइ विचित्तइं
होति अणेयइं छिक्का-वंकइं
णं भयरहर-तरंग विहाविय
णं विज्जइरि-सिहरि वइसाणरु ८

घत्ता

णिएवि धणंजय-चिधु कुरु-ल्लोएं एम णिठ्ठाइउ ।
सिधव-संढ्हो कज्जे संघाय-मरणु लइ आइउ ॥

९

[१३]

तो दुज्जोहणेण मइ-मूढे	उत्तम-सेय-तुरंगारूढे	
दक्खाविय-फुरंत-माणिक्हं	सहसइं पंचवीस पाइक्हं	
सहसु महारहाहं सउ दुरयहं	तिण्णिण सयइं अइ-उत्तम-तुरयहं	
तामं धणंजय-रहवरु आइउ	हिम-गिरि लद्ध-पक्खु णं धाइउ	४
दढ-विणिवद्ध-गोहं गुलि ताणउ	x x x	
करे गंडीउ धुणंतु कइच्चउ	पासे जणहणु गरुड-महद्धउ	
करे सारंगु ससंतु भयंकरु	णं गयणंगणे स-धणु पयोहरु	
विहि-मि कंड-मोकखंतरे थाएवि	पूरिय संख सत्तु णिज्झाएवि	८

घत्ता

अज्जुण-महुमहणेहिं सइं भुवेहिं लएप्पिणु वाइय ।
गह-कल्लोले' णाइ' विहि-मि विण्णिण(?) चंद मुहे लाइय ॥ ९

*

इय रिट्ठणेमिचरिए धवलइयासिय-सयंभूएव-कए
उणसट्ठिमो इमो सग्गो ।

सद्विमो संधि

रहवरे चडियउ सुय-वह-वेहाइद्धर ।
वूहइं फोडेवि मंड पइदु कइद्धउ ॥१

[१]

(हेला)

गय-घड-सुहड-संकडे णिविड-भड-समूहे ।
रक्खिखउ जं जयदहो थवेवि सूई-वूहे ॥

तं स-धणु धणंजउ भणइ एवं जइ वइरि ण मारमि अज्जु देव-
जइ फोडोहेडि(?) ण करमि वूहु पंचाणणु जिम वणे हरिण-जूहु
जइ सरेहिं ण सीरमि कुरुव-लोउ तो अण्णु ण लेमि ण पियमि तोउ ४
गंडीउ ण धरमि ण करमि जुज्जु जइ भणमि ण दोणु ण णवमि तुज्जु
पइसरभि जलंतए जलण-जाले अहवइ पेक्खेमहि तहिं जे काले
हरि वोळइ मं वोळ्ळहि अ-भवु कि कउरव-साहणु संदु सवु
जहिं गुरु जस-धवलिय-सयल-खोणि किउ कण्णु विकण्णु कलिगु दोणि ८
दूसासणु सउणि सयाउ सल्लु जहिं गुरु-सुय भूरि-भडेक्क-मल्लु

घत्ता

तिण्णि-वि वूहइं भिदेवि जाम ण गम्मइ ।
ताम जयदहु अज्जुण केम णिहम्मइ ॥ १०

[२]

(हेला)

खंडव-डाह-डामरो पंडवो पलित्तो ।
णं जुय-खय-दवाणलो पलय-पवण-दित्तो ॥

महुसूयण चंदाइरुच वे-वि
 चउ सायर पंच-वि लोयपाल
 ओए-वि छ-वि सत्ता महा-रिसिद
 एयारह रुह क्रियावलेव
 चउदह मंहिद भुवण-त्ताए-वि
 सरु दारुणु तोणा-जुयलु तिब्बु
 तुहुं जवलउ जायव-णाहु जासु
 महु मरइ जयदहु अञ्जु देव

हरि-हर-चउराणण तिण्ण ते-वि
 जम-सणि-कलि-पलय-कयंत-काल
 वसु अट्ठ णवग्गह दस दिसिद ४
 दिवसयर दुवारह सयल देव
 परिरक्ख करउ अवरे-वि के वि
 रहु पक्कलु करे गंडीवु दिब्बु
 कउ चुक्कइ वइरं जिअंतु तासु ८
 केसरि-कमे णिवाडउ हरिणु जेम

घत्ता

महु महुसूयण
 तुञ्जु णियंतहो

लहु करि करि जमलउ संदणु ।
 किञ्जइ कउरव-कडमहणु ॥ ९

[३]

(हेला)

तो जमलिउ महारहो
 दिण्ण देव-दुंदुही

तुरिउ केसवेणं ।
 गयणे वासवेणं ॥

रण-रहसुअभडु कइडिय-पइञ्जु
 किय-कंचण-राहा-जंत-वेहु
 खंडव-डह-डामरु कुरु-मसाणु
 परिसेसिय-उठवसि-सुरय-सोकखु
 रण-रामालिगिय-वियड-वच्छु
 मेरुणय-रहवरु वर-तुरंगु
 पवणुद्धय-धयवडु धवल-छत्तु
 गोहाजिण-वद्धंगुलिय-ताणु

पर-महिहर-पत्थिव-पलय-वञ्जु
 गिठ्वाण-महा-सर-लिहिय-लेहु
 तव-तालुय-वम्म-वलावसाणु ४
 कुरु-णर-परमेसर-वंदि-मोवखु
 परियडिडिय-धणु-तोसविय-मच्छु
 चंदक्क-चक्क-पक्कल-रहंगु
 तवणिञ्जावरणावरिय-गत्तु ८
 गंडीव-धणुद्धरु लइय-वाणु

रि-३

रहिउ धणंजउ
णं विहि सइलहं

घत्ता
हरि जमलउ धए वाणरु ।
उत्परि तवइ दिवायरु ॥ १०

[४]

(हेला)

उडुवइ णरिदहो
हरि वोलिउ भीमहो
सहएवहो हंसु सुवण्ण-घडिउ
पंचालहं पंच-वि लोयपाल
सोवण्ण-सोहु सिणि-णदणासु
वीभच्छहो गगरु कंठु जाउ
एत्तडेण ण सोहइ सुहड-सिधु
णिन्भच्छिउ अड्जुणु माहवेण
वोळंतहं णर-णारायणाहं
महुसूयणु घोसइ परम संति

णिय-धए पयंगो ।
णउलहो कुरंगो ॥
हइडिबहो गिद्धु धयग्गे चडिउ
वम्मह-वलएवहं मयर-ताल
धय पेक्खेवि गरुडु जणदणासु ४
णयणंतरे थिउ जल-लव-णिहाउ
जण्ण-वि अहिमण्णुहो तणउं चिधु
जइ संकिउ ता किं आहवेण
उधपंगुरंत-गय-हरिण-णाह(?) ८
रिउ जिणहि पत्थ णउ का-वि भंति

घत्ता

पर-वलु पेक्खेवि णरु परियइदिय-मच्छरु ।
थिउ अवलोयणे कुरुवहं णाइं सणिच्छरु ॥ १०

[५]

(हेला)

तो दुम्मरिसणेण
वेढाविउ वलेण
स-रहसेण पवइदिय-कलयलेण
तूर-रवोहामिय-सायरेण
स-कवए स-धएण स-वाहणेण

गंधारि-णंदणेण ।
सोवण्ण-संदणेण ॥
काहल-कुल-किय-कोलाहलेण
सर-मंडव-पिहिय-दिवायरेण
णरु वेडिउ किंकर-साहणेण ४

छाइउ दप्प-हरण-पहरणेहिं
एककल्लउ विंधइ सव्वसाइ
सर-सप्पेहिं खावइ पर-वलाइं
गय-गिरिहिं सयद्धह-मय-दलाइं
रहवरहं पलोट्टइ चिंध खंभ

णव-पाउसे रवि-व महा-घणेहिं
लक्खिखज्जइ लक्खहं लक्खु णाइं
रिउ-ताडहं तोडइं सिर-फलाइं
फोडइ कुंभयल-सिलायलाइं
पाडइ वहु जय-सिरि-कण्ण-लंभ

८

घत्ता

स-धणु धणजउ सर-संधाणु ण दोसइ ।
दउभरिसण-वल्लु णवर पडंतउ दीसइ ॥

१०

[६]

(हेला)

आयस-तोमराहया णिग्गया गइंदा ।
तिक्ख-खुरुप्प-कप्पिया कपिया णरिंदा ॥

हय रह रहंग पाडिय तुरंग
सुहडहं दु-खंड किय वाहु-दंड
खुडियइं सिराइं कडु-भासिराइं ४
छिण्णइं धयाइं वसुमइ गयाइं

पर-वल्लु खयत्थु चित्तइ खयत्थु
कहि तणउं अब्जु किर सामि-कज्जु
पाणह-मि इट्ठु ण कलत्तु दिट्ठु ८

सिरु गयउ तो-वि जाणइ ण को-वि
कहि तणउ पत्थु आइउ अणत्थु
णासणहं लग्गु परिगलिय-खग्गु
चित्तंति के-वि रण-दिक्ख लेवि १२

लइ जाहु केत्थु सव्वह-मि पत्थु
पहरणेहिं पत्थु वाहणेहिं पत्थु

कवएहि पत्थु	चिधेहि पत्थु	
अप्पणउ हत्थु	किर सो-जे पत्थु	१६
अप्पणउ पाउ	किर सो-जे आउ	
अप्पणउ देहु	किर सो-जे एहु	

घत्ता

जलु थलु णहयलु	पत्थ-णिरंतरु दिट्ठउ ।
तं वलु भज्जेवि	कुरु-वले गंपि पइट्ठउ ॥ १९

[७]

(हेला)

तो दूसासणेण	साहारिया णरिंदा ।
गल-गज्जंत मत्त	मोक्कल्लिया गइंदा ॥

गय-साहणु धायउ गुलुगुलंतु	हय-ढक्का-रव-वहिरिय-दियंतु	
सुरवर-वर-वइरि-पुरंजएण	णाराएहिं लइउ धणंजएण	
कप्परियइं करि-कुंभ-त्थलाइं	कइडियइ धवल-मुत्ताहलाइं	४
सहुं करि-विसाणइं खुडेवि घित्ता	णं वंस-करीरइं भुअग-लित्ता	
दस वीस तीस पंचास दंति	एक्केक्के सरेण धरंति जंति	
काह-मि कुंभयलेहिं पइसरंति	सर पच्छिम-भाएं णीसरंति	
णीसरियइं काह-मि दिहि ण दिंति	हत्थिहडहं णियडहं पाण लिति	८
दूसासणु सहुं गयवरेहिं भग्गु	कप्परिय-कवउ णासणहं लग्गु	

घत्ता

णर-सर-पीडिउ	केण-वि कहि-मि ण दिट्ठउ ।	
वण-वियणाउरु	दोणहो सरणु पइट्ठउ ॥	१०

[८]

(हेला)

स-सर सरासणाउहे दढ-णिवद्ध-तोणो ।
मा भज्जहो भणंतो थिउ वूह-वारि दोणो ॥

महु करयले संतए वाण-जाले को पइसइ वूहब्भंतराले
लइ वलहो वलहो आयारणेण लज्जिज्जइ किण्ण पलायणेण
संगामे मुएवि णिय-सामिसालु जीवेसहो किर केत्ताडउ कालु ४
गुरु-वयणुच्छाहिय थक्क के-वि तो णर-णारायण पत्ता वे-वि
सेयासें पणय-महा-सिरेण वोळ्ळाविउ सायर-रव-गिरेण
पइसारु भडारा देहि ताय रक्खेवि पइं महु तणिय छाय
मारेवउ सेंधउ संहु पाउ गोत्तारु जे जइ तेलुक्कु साउ ८
तो वंभणु भारवि भणइ एम मइं रक्खिउ तुहुं आहणहि केम

घत्ता

अज्जुण एत्थहो जइ एककु-वि पउ गम्मइ ।
तो पइ रण-मुहे दूसल-णाहु णिहम्मइ ॥ १०

[९]

(हेला)

एम भणेवि झंपिओ अज्जुणो सरेहि ।
णं विझइरि पाउसे स-जल-जलहरेहि ॥

गुरु सीसें णवहि सरेहि णिहउ तेण-वि स-कणहु दु-गुणेहि पिहिउ
हय जोव जोव गंडीव-हत्थु धणु पाडभि किर चितवइ पत्थु
तो आसत्थामुप्पायणेण गुणु छिण्णु कमंडलु-केयणेण ॥ ४
जो अवर करेवि दूसह-पयावे खंडव-णिमित्त-सिहि-दिण्ण-चावे

छहिं सत्तहिं दसहिं सएण विद्धु पुणु सएहिं सहासेहिं पडिणिसिद्धु
 पुणु लक्खेहिं पुणु अगणिय-सरेहिं कुरु खद्ध णाई बहु विसहरेहिं
 वज्जमएहिं चूरिय सयल जोह अग्गिमएहिं दड्ढ महारहोह
 वाउमएहिं उद्धविय गइंद सूरमएहिं संताविय णरिद

घत्ता

जे जे पत्थेण दिव्व महासर पेसिय ।
 ते ते दोणेण पडिसरेहिं णिण्णासिय ॥ १०

[१०]

(हेला)

दोण-महाघणेणं णाराय-किरण-कूरो ।
 तेहत्तरि सरेहिं परिर्पाहउ पत्थ-सूरो ॥

अवरेण थणंतरे जणिउ डाहु तिहिं वाणरु पंचहिं पउमणाहु
 तिण्णि-वि आसीविस-फणि-मुहेहिं पाडिवारा पिहिय सिलीमुहेहिं
 गुरु-चरिउ णिएप्पिणु वासुएउ चित्तवइ ण किज्जइ कालखेउ ४
 जज्जाहिं धणंजय वेय-गमणु गुरु-सीसहं किर संगामु कवणु
 जं एम वुत्तु णारायणेण रहु दिणु णं दु-णारायणेण
 भालयले ठियउ जो पट्ट-बंधु सोवण्णइं सक्कि रहवखंधु(?)
 पयहिण करेवि गउ सव्वसाइ पर-वल जगडंतु कयंतु णाई ८
 जमलीकिउ हरि-रहु दारुएण णं सिहि संधुक्किउ मारुएण
 फोडेप्पिणु वूहहो तणउ वारु पइसरइ करेप्पिणु हत्थियारु

घत्ता

अज्जुण-मग्गए कुरु-गुरु पच्छए धावइ ।
 जले बोलीणए वरणु णिवद्धउ णावइ ॥ ११

[११]

(हेला)

पिह-सुय थाहि थाहि कहि जाहि महु जियंतो ।
अच्छमि हउं जयदहो वइरि-कुल-कयंतो ॥

पणवेपिणु सुरवइ-सुएण वुत्तु	तुहं गुरु हउं आसथामु पुत्तु	
तुहं पंडु जुहिद्विलु पउमणाहु	जुञ्जेवए ताय म कराह गाहु	
पइं सहं ण भिडंतहो कवणु दोसु	सो हम्मइ उप्परि जासु रोसु	४
गउ एम भणेवि किरोड-मालि	पर-बले करंतु दारुण दुवालि	
परिरक्ख जुहामण-उत्तमोउज	तो दोणहो वलिय विढत्त-लउज	
पडिलग्गु पत्थु पर-पत्थिवाहं	वंगंग-कलिंग-णराहिवाहं	
जउहेय-जउण-जालधराहं	गंधारि-मगह-मदेसराहं	८
कंबोउज-होउज-णारायणाहं	सग-सूरसेण-पमुहहं गणाहं	

घत्ता

एक्कु धणंजउ	लक्खइं णरवर-विदहं ।	
फोडइ जोहइ	सीहु व मत्त-गइंदहं ॥	१०

[१२]

(हेला)

सइं खर-पवण-पूरिओ रसइ देवयत्तो ।
हय वर फुरहरंति थरहरइ रहु वहतो ॥

उत्थरइ चक्क-चिक्कारु घोरु	पवियंभइ णर-केसरि-किसोरु	
गंडीउ भमइ सर णीसरंति	कोसावहे खग-वि ण संचरंति	
विप्फुरइ कणय वाणरु धयग्गे	णं तवइ तवणु तणु-गयण-मग्गे	४
हरि पेक्खइ पहरइ सव्वसाइ	एक्कलउ णरवर-कोडी णाहं	
पडिवारउ पच्छए लग्गु दोणु	हर वह-व खंधु वसहुद्ध-घोणु (?)	

पुणु णर-णारायण वे-वि विद्ध णं णर-मुहे जमेण वि-रह विद्ध (?)
 णरु णिहउ पंचवीसहिं सरेहिं णं मंतु करंतेहिं अक्खरेहिं ८
 वम्हत्थे अत्थे पडिणिसिद्ध पुणु णर-णारायण वे-वि विद्ध
 विहिं पंचहिं अञ्जुण-संगपहिं णक्खत्तणेमि दस-सत्तएहिं

घत्ता

थुउ गुरु सीसेण जाहिं ताय णिय थामहो ।
 किं रूसेवउ जुत्तु उप्परि आसत्थामहो ॥ ११

[१३]

(हेला)

एम भणंतु अञ्जुणो गउ गुरु णियत्तो ।
 भिण्णेवि वेण्णि वूहइं तइययं वि पत्तो ॥

पइसंतु धणंजउ पडिणिसिद्ध कियवम्मं दसहिं सरेहिं विद्धु
 तिह णरेण णरिंदासंसएण पंचासेहिं जायव-वंसिएण
 पंडवेण एकवीसेहिं सरेहिं धणु अवरु छिण्णु कड्ढेवि करेहिं ४
 वीसद्धेहिं पत्थु थणंतराले कह-कह-वि ण पाडिउ तेत्थु काले
 वच्छत्थले णवहिं णरेण भोउ मुच्छाविउ वेविउ कुरुव-लोउ
 हरि भणइ धणंजउ पडिणिसिद्धे पडिवारउ उप्परि चिधे चिधे ८
 जं एम पवोळ्ळिउ णर-मुरारि तं वंचेवि गउ गंडीव-धारि
 हक्कारिउ ताव सुदक्खिणणेण कंवीज णराहिं व-सक्खिएण

घत्ता

ताम पराइउ स-सरु स-कड्ढिय-धम्मउ ।
 पत्थहो पच्छए जिह कयंतु कियवम्मउ ॥ १०

[१४]

(हेला)

ताम समुत्तमोज्ज- जुहमण्ण चक-रक्खा ।
भोयाहिवहो धाइया वे-वि वद्ध-लक्खा ॥

सम-कंडिउ विहि मि धणुद्धरेहिं ते तेण-वि सत्तिहिं मग्गणेहिं
तेहि-मि तहो वीसहिं मग्गणेहिं धणु विद्धु विद्ध पडिलग्गणेहिं
ते अवरु मरासणु लेवि ताहं छिण्णइं धणुहरइं धणुद्धराहं ॥ ४
अवरइं विहिं विणिण सरासणाइं लइयइं जम-भउंहा-भीसणाइं
क्रियवम्मु णिवारेवि जंति जाम णर-रहवरु दूरीहूउ ताम
पइसारु ण लद्धु णियत्त वे-वि पहरंति परिट्टिय कहि-मि ते-वि
तहिं अवसरे माण-महिंद-थक्क दोहि-मि णरेण पेसिय पिसक्क ॥ ८
तोडियइं मिरइं पंऊयइं जेम थिय सयल णराहिव णिरवलेव

घत्ता

सामिय-अवमरे णर-रहसुद्धय-खंवेहिं ।
सीसइं देप्पिणु णत्तिचउ णाइं कवंवेहिं ॥

१०

[१५]

(हेला)

माण-महिंद-महणे संदणो पयट्टो ।
णं हय-गय-णरिदहं भमइ मयइवट्टो ॥

कइ-केयणु णाइं कयंतु पत्तु गुंजइ हरि-संखु ण देबयत्तु
गउजइ गंडोउ महा-रउदु णं महणावत्थहे गउ समुद्धु
गोंदलु कोलाहलु वहलु जाउ णं भिण्णु तिसूले कुरुव-राउ
अहो अहो सामंतहो जहि(!)ण भाहु थिय णिय-णिणिय-थाणंतरेहिं थाहु ॥४

एहु कलयलु केवलु वणे(?) अणत्थु पइसारिउ महुमहणेणं पत्थु
 ण णिवारिउ केहि-म राणएहि गुरु-पमुहेक्केक-पहाणएहि
 तं सुणेवि सुआउहु भणइ एम दुज्जोहण महु देव वि अ-देव
 मणुसहुं अवञ्जु वरुणहो वलेण को छिवइ जयइहु करयलेण ॥ ८

घत्ता

वाणर-चिधेण जमलीकिएण कयंते ।
 एउ धणंजउ जइ संहरिउ कियंते ॥ ९

[१६]

(हेला)

ताम सुरिद-णंदणो रुद-संदणत्थो ।
 कुरुहुं जणइणेण पइमारिओ अणत्थो ॥
 चूरंतु असेसइं साहणाइं रह-तुरय-दुरय-वर-वाहणाइं
 धय-छत्तइं चिधइं चामराइं कर-धरणंगुलि-सिह-सेहराइं
 पावरणाहरणइं साहणाइं णं महिहे णितु तारायणाइं ४
 ज दिट्ठु धणंजय-रवि तवंतु सर-किरणेहिं कुर-तरु णिइहंतु
 तं समुहोवाहिय-संदणेण हकारिउ वरुणहो णंदणेण
 हेवाइउ तल-तालुय-मएहिं अवरेहिं समर-तण्हालुएहिं
 णामेण सुआउहु हउं पसिद्धु जसु पहरणु वारुण-तणउ सिद्धु ८

घत्ता

एम भणेएिपणु छाइय सर-जाले ।
 णर-णारायण जिह पाउस-काले ॥ ९

[१७]

(हेला)

ताम धणंजएण सर कप्पिया सरेहि ।

णं विसहर गिवारिया विसम-विसहरेहिं ॥

तो वरुण-सुएण सुआउहेण	कोवंड-चंड-कंडाउहेण	
तहिं अज्जुण एक्कें चिधे विद्धु	सत्तरिहिं जणहणु पडिणिसिद्धु	
णउइहिं णारएहिं णरेण विद्धु	तो सरि-सुएण सत्तरि-णिसिद्धु	
पंडवेण संख-परिवज्जिएहिं	वाणेहिं गंडीव-विसज्जिएहिं	४
हउ सारहि सीरिय वर तुरंग	धउ पाडिउ दोहाइय रहंग	
तहिं अवसरे सरि-रयणुक्ख-गत	गय चिंतिय वारुण वारुणत्त	
जइयहुं वण्णासए लद्धु पुत्तु	तइयहुं पणवेप्पिणु वरुणु वुत्तु	
अजरामउ किज्जइ किण्ण तोउ	गय दिण्ण तेण लइ एम होउ	८

घत्ता

पुणु-वि णियंविणि	पियएण पयत्तों वुच्चइ ।	
जों ण-वि जुज्जइ	तहो संगामे ण मुच्चइ ॥	९

[१८]

(हेला)

चितियमेत्त आय सा णहयलाणुलग्गा ।

णाई सु-कंत कंतहो करयले वलग्गा ॥

जा करिवर-करड-मयंवु-सित्त	वर-चंदण-कइम (?) -विलित्त
सुर-कुसुमोमालिय दिण्ण-धूअ	कंकाल-करणि जम-पडिम धूअ
दुहम-णरिद-विइयण-सील	णं गय-णिहेण थिय अमर-लील
दुपक्ख-तिक्ख-पडिवक्ख-पलय	परिमल-मेलविथ-भसल-वलय

जग-जीव-गवेशण-करण-कुंड
खय-कारिणि णरवरहं(?) पदीह
भूमीव भुवण-भोयण-रुसाढ
कालायस-घडिय सुवण्ण-वण्ण

णं काल-गइंदहो तणिय सुंद
णं विउल ललाविय जमेण जीह
णं गलिय कयंतहो तणिय दाढ
णं फुरिय-महामणि णाग-कण्ण

घत्ता

भणइ जणदणु

जइ पट्ठविय महा-गय ।

तो त्वहिं एककु ण-वि

दुक्करु जावइ धणंजय ॥

[१९]

(हेला)

जिज्जइ एह लउडि

उज्झिण पहरणेणं ।

जइ एव-मि पसिद्धि

तो काइं जुज्झिणं ॥

एहु अज्जुण भरु सव्वो-वि मज्झु
थिउ मुएवि धम्म-संधाणु पत्थु
हकारिउ वइरि तिविकमेण
तो कोवे गएण गयाउहेण
किं किज्जइ अण्णे आहवेण
उक्कमइ एहु जे कलह-मूलु
तो मुक्क गयासणि महुमहासु
जीमुत्तों विज्जु व महिहरासु

थिउ कारणु भारिउ तउ असज्झु
हउं करमि उवाएं रिउ णिरत्थु
लइ मेळि लउडि णिय-विकमेण
परिचितिउ एउ सुआउहेण
णरु णिहउ जे णिहएं माहवेण
फेडिउजइ कउरव-पट्टसूलु
दहगीवे सत्ति व लक्खणासु
हिमवंते गंग व सायरासु

घत्ता

हरि-वच्छ-त्थले

पडिय णियंतहो इंदहो ।

णाइं चडाविय

कमल-माल गोविंदहो ॥

[२०]

(हेला)

णिएवि अ-जुञ्जमाणु हरि पडिगया गया सा ।
तासु जे पडिय मत्थए विञ्जुला-विलासा ॥

जं णिहड सुआउहु रणे रउहु
पवणुद्धय-धय-कल्लोल-लोलु
दप्पहरण-पहरण-जलयरोहु
हकारिउ णरु मुए वाण-जालु
तो पत्थे छिण्णइं छत्ता-धयइं
विणिवाइय हय-गय-रहवरोह
रुहिर-णइ वहाविय अप्पमेय
पहरंत के-वि धरणियलु पत्त

तं धाइउ किंकर-वल-समुहु
गय-णक्क-गाह-उच्छलिय-रोलु
सेयंग-तुरंग-तरंग-सोहु
कहिं गम्मइ हणेवि अ-सामिसालु ४
स-सरीरइं सीसइं सरेहिं हयइं
कप्परिय खुरुप्पेहिं सयल जोह
णर-रुंड पणच्चाविय अणेय
णासंति के-वि सर-मरिय-गत्त ८

धत्ता

को-वि धणुद्धरु
स-सर-सरासणु

अञ्जुणु णिएवि रण-त्थले ।
धिवइ सयं भुव-मंडले ॥ १०

*

इय रिट्ठणेमिचरिए धवलइयासिय-सयंभुएव-कए सट्टिमो इमो सग्गो ॥

*

एकसट्टिमो संधि

कपिय-कुरु-करिद-कुंभ-त्थलु
धय-लंगूल सरासण-आणणु

कडूढिय-कित्ति-धवल-मुत्ताहलु ।
वियरइ रण-वणे णर-पंचाणणु ॥ १

[१]

विणिवाइए वण्णासा-णंदणे
जिह गयवरु गयवरहो समत्थहो
करे गंडीउ करेवि रणत्थले
तेण-वि दसहिं सिलासिय-वाणेहि
णरु पडिवारउ पंचहिं ताडिउ
रहु खंडिउ चकइं विक्खिण्णइं
सत्ति सुदक्खिणेण तहो पेसिय

किय-गय-घड-भड-थड-कड्वंदणे
भिडिउ सुदक्खिणु रणमुहे पत्थहो
सत्तहिं सरेहिं विद्धु वच्छ-त्थले
तिहिं माहउ जम-दूय-समाणेहि ४
तेण स-धणुहु महा-धउ पाडिउ
सारहि-तुरय-सरीरइं भिण्णइं
असइ-व सु-पुरिसेण परिपेसिय

घत्ता

तेल्ल-धोय वर-कुसुमेहिं अंचिय
विद्धु णराहिउ उरे विहिं वाणेहिं

एंति धणंजएण स-वि वंचिय ।
पउ-वि ण चल्लिउ मेल्लिउ पाणेहि ८

[२]

कुरुहुं गियंतहं पडिउ रणंगणे
दोणहिं(णेण) भणिउ सुदक्खिणु मारिउ
तहिं अवसरे गिय णाम-पगासेहिं
रहवर-गयवर-हयवर-जोहेहिं

देवेहि कलुयलु किउ गयंगणे
सूर्इवूहु णरिंदेहिं सारिउ
वेडिउ छहिं सामंत-सहासेहिं
हम्मइं विविहाउह-विच्छोहेहिं ४

लइय धणंजएण णाराएहि
 वइहत्थिय-वेसढ-वावल्लेहिं
 अद्धयंद-वर-सूयर-कण्णेहिं
 दिट्ठि-मुट्ठि-संधाणु ण दावइ
 विंधइ एककु अणेय-विलासेहिं
 साहणु णिरवसेसु लोट्टाविउ

तीरिय-तोमर-कण्णिय-घाएहिं
 वच्छदंत-खुरु-भल्लु(?) - भल्लेहिं
 आएहिं अबरेहि-मि बहु-वण्णेहिं
 भमइ अलाय-चक्कु धणु णावइ ८
 सर दीसंति णवर चउ-पासेहिं
 जंजुय-वूहु सिवेहिं वोट्टाविउ(?)

घता

रहगय-तुरय-जोह-जंपाणइं पडियइं बहुयइं अ-प्परिमाणइं ।
 बहु-कालहो किसि-कम्भु करंतें सूडिउ वल्लरु णाइं कयंते ॥ ११

[३]

सारहि विण्णवंतु धुर-धारा
 हय थककंति चलंति ण चक्कइं
 मग्गु ण लंभइ सिर-पाहाणेहिं
 गय-गिरिवरेहिं महागुरु-काएहिं
 रह-रुक्खेहिं पडिएहिं अदंडेहिं
 णं णर-झंग्वरेहिं भुय-डालेहिं
 रुहिरामिस-विमह-चिक्खिल्लेहिं
 ताव विहंग-सिरेहिं सब फेडिय

वेण्णिय वि-रह ण वहंति भडारा
 कम्मइं थियइं हीति लल्लकइं
 पहरण-कंटएहिं अ-पमाणेहिं
 उद्ध-कबंध-खुट्ट-संधाएहिं ४
 सोणिय-पूरायारिय-खंडेहिं
 णह-कुसुमेहिं अंगुलिय-पवालेहिं
 चक्क-तुरंगेहिं दुप्परियल्लेहिं
 कहइ सु-खेडएहिं रह खेडिय ८

घत्ता

णरु जगडइ माहउ जगडावइ सर लिहंति गंडीउ लिहावइ ।
 विंधइ तुरय संख उवलिंगइ(?) किं जमकरणहो मत्थए सिंगइं ॥९

[४]

ताव चयोरि सहोयर भायर
 ताहं सयाउ राउ पहिल्यारउ
 दीहराउ णिउ णाउ चयारि-वि
 धाइय संदणेहिं सोवणेहिं
 चामरेहिं चामीयर-दंडेहिं
 तहिं जेट्टाणुजेट्ट-कमवत्तेहिं
 विद्धु धणंजउ दस-सय-वाणेहिं
 तोमरेण उरे भिण्णु सयाएं

णिम्मज्जाय जाय णं सायर
 अंवुआउ रण-भर-धुर-धारउ
 जाहुं ण समरे मल्लु तिउरारि-वि
 छत्ताहं पंडुर-पड-पच्छणेहिं ४
 अमर-सरासण-सम-कोवडेहिं
 विहि-मि समच्छरु रणे पहरंतेहिं
 छिण्ण तेण तेत्तिहि पमाणेहि
 णं तरु कंपाविउ दुव्वाएं ८

घत्ता

अणुजेदूठेण सुहड-सदूले
 मुच्छा-विहलंघलु गय-सण्णउ

गरु दूसहु जे समाहउ सुलेहि ।
 अज्जुणु थिउ धय-थंभे णिसण्णउ ॥

[५]

णिएवि अत्थ पुरन्दर-तोयहो
 पंडव खयहो जाउ कलि-रोहणु
 जाउ पसाएं कुरु-कुलु णंदणु
 एहु जो संख-चक्र-गय-धारउ
 कलयलु किउ वहु णरवर-विदे
 पूरिउ पंचयण्णु रव-संदणु
 अच्छइ जहिं परिवड्ढिय-विग्गहु
 जाम ण दुक्कइ रवि अत्थवणहो

पुण्ण मणोहर कउरव-लोयहो
 भुंजउ सयलु पुहवि दुज्जोहणु
 वसुमइ-वसु-भर-भारिय-फंदणु
 एवंहि कहि-मि जाउ मायारउ ४
 सइं सारंगु लयउ गोविन्दे
 दारुव वाहि वाहि तहिं संदणु
 मइं मारेवउ पाउ जयदहु
 जाम ण ईदु जाउ णिय-भवणहो ८

घत्ता

ताम पइज्ज जेमि णिठ्वाहहो
 एत्तिउ णवर एककु अवरत्तउ

देमि वसुंधर पंडव-णाहहो ।
 जं ण णरेण दिदु पहरंतउ ॥ ९

[६]

चेयण लहेवि ताम सेयासें
वाम-करेण लयउ वाणासणु
जेण णिवालय-कवय णिवाइय
जेण णियत्तिउ गोगगहे गोहणु
जेण अपेय वार जालंधर
तं गंडीउ लएवि सहत्थे
सरवर-सहसएण रिउ रुद्धा
पंच सयइं किंकरहं समत्तइं

जोइउ णाइं कयंत-सहासें
वारिउ खंडवे जेण हुवासणु
काल-कंज सम-घाएं घाइय
छंडाविउ रण-महि दुज्जोहणु ॥ ४
छंडाविय धणुवरइं धणुद्धर
किउ वइसाह-वाणु रणे पत्थे
जममुह-कुहरे चयारि-वि छुञ्जा
रहिय पंच सयइं महि पत्तइं ८

घत्ता

सलहहं तणिय इत्ति जिह धावइ एककहो एककु-वि खंडु ण पावइ ।
जाय महावलु रणे सर-जालहो थिउ अवयच्छिउ जे मुहु कालहो ॥ ९

[७]

तहिं अवमरे णरु वरिउ वरेण्णेहिं
भोट्ट-कौठ-जावण-जउहेएहिं
मउरल-केरल-कउहड-णामेहिं
मालव-महव-गण-गंधारेहिं
वहुहिं रण्ण-पुरवासिय-राएहिं
वव्वर-लंपड-कककस-कीरेहिं
ताइय-तामलित्त-वंगंगेहिं
सुंड-पउंड-कुणिंद-कुणोरेहिं

पारव-दरयाभीसव-सेण्णेहिं
जालंधर-णारायण-मेएहिं
पच्छल-मेहल-गणेहिं पगामेहिं
ललिय-तुरुक्क-तिउड-तोक्खारेहिं ४
णाहल-मेच्छ-पुलिंद-चिलाएहिं
गुज्जर-गउड-लाड-आहीरेहिं
दाहिणत्त-कंबोय-कलिगेहिं
कंसावरणावरिय-सरीरेहिं ८

घत्ता

आएहिं अवरेहिं-मि सामतेहिं वेढिउ अज्जुणु एककु अणंतेहिं ।
सरु एककेक्कु करइ बहु-वाणेहिं सव्व धवावइ वाण-सहासेहिं ॥ ९

रि-३

[८]

विंधइ पत्थु णियय-विण्णाणेहिं
 कुंजर वीस सहासय पोयइ(!)
 जेम तुरंगम तेम णरिद-वि
 किर होसंति कहि-मि खायंतहो
 कत्थइ हय-गय-सुहड-सहासेहिं
 कत्थइ णर-सर-विसहर-भीयइं
 कत्थइ सर-विभिण्ण गय गयवर
 रह रहंग रंगाविय रहवर

सरु एककेक्कु करइ बहु-वाणेहि
 जमलीहोइ जणदणु जोयइ
 तेम पयत्थ महा-भड विद-वि
 सुंवालकखइं(!) कयइं कयंतहो ४
 पुंजोऊयइं सेल-संकासेहिं
 णट्टउ दिसउ लएवि अणोयइं
 गय-पय-सय-सचूरिय हयवर
 हय-सुर-खुण्ण ण उट्टिय किकर ८

घत्ता

एम पलायमाण बहु मारिय रइ गय तुरय जोह वइसारिय ।
 किय रण-महि बल-पड-पंगुत्तो पाडिय जमेण णाइं समसुत्ती ॥ ९

[९]

तहिं अवसरे जल्लेधु समुदुठिउ
 पीडिउ पत्थु तेण सर-जाले
 छिण्णु णरेण-वि णिय-विण्णाणेहिं
 रहवरोवकरणइं णिट्ठवियइं
 घाइउगय-विहत्थु गोविदहो
 देइ णदेइ घाउ किर जावहिं
 अवर गयासणि लइय तुरंते
 सवि णाराय-सहासेहिं ताडिय
 अवरें तोडिउ सीसु स-कुंडलु

णं सबडभुमुहु एककु परिट्टिउ
 णं णंदंतउ देसु दुकाले
 गिलिय णाइं झस झस-संघाएहिं
 सववइं रण-वसुमइ पदठवियइं ४
 णावइ मत्त-गइंदु मइंयहो
 विजएं लउडि वियारिय तावहिं
 णाइं ललाविय जोह कयंते
 विहिं वे वाहु सुरूपे पाडिय ८
 णं तरु-तत्त-खुंटडो परिणय-फलु

घत्ता

पडेवि ण इच्छिउ थिउ गयणंणेण णर-णारायण धरेवि रणंगणे ।
 स-रहसु समुहु स-मच्छरु धावइ गय-मुहु चंदाइच्चहुं णावइ ॥ ९

[१०]

तं तेहउ गिएधि आओहणु
दिउव-सरीरावरणावरियहो
ताय ताय महु केरए साहणे
वे-वि पइठठ पत्थ-गरुडासण
जइ सावेण सरेण-वि मारहि
णरु ण भग्गु ण जयइहु रक्खिउ
खत्तिउ मुएधि भिच्चु किं भुज्जइ
किवि-कंतेण वुत्तु तो राणउ

एक्क-महारहेण दुज्जोहणु
पासु पढुक्कउ दोणायरियहो
किंकर-दुरय-तुरय-रह-वाहणे
लग्ग णाइं वणे पवण-हुवासण ४
तो किं वइरि वूहे पइसारहि
होहि गिरुत्तउ पंडव-पक्खिउ
डोड्ड-किराडहं एउ ण-वि जुज्जइ
तुहुं महु आसत्थाम-समाणउ ८

घत्ता]

भणु भणु कुरुव-राय जं वुचचइ को णारायण-णरहं पढुचचइ ।
केत्तिउ दिवे दिवे कलहु पउंजहि दुण्णय-दुमहो फलइं अणुहुंजहि ॥ ९

[११]

तो गंधारि-पुत्तु आहासइ
अज्ज-वि सुहडहं सिरइं ण छिदइ
अज्ज-वि अट्ठ-महारइ-पासेहिं
अज्ज-वि सुसइ ण कुरुव-महादहु
पइं जे भड्ढारा तेत्तहिं ठवियउ
भणइ दोणु वूहइं दुब्भेयइं
जहिं रह-गय-तुरंग-हय पत्थे
हउं सु-महत्तरु जिह परिसक्कमि

अज्ज-वि ताय कज्जु ण विणासइ
× ×
अज्ज-वि रक्खिउ सयण-सहासेहिं ४
अज्ज-वि सव्वहं मज्जे जयदहु
कंदंतु-वि ण घरहो पट्ठवियउ
अंतरे अंतरे वलइं अणेयइं
संदणु केम जाइ ते पंथे ८
पवलु भणंजउ जिणेवि ण सक्कमि

घत्ता

जाहि णराहिव अप्पणु जुज्झहि सुरवइ-सुयहो परक्कमु वुज्झहि ।
मइं संगामु महंतु करेव्वउ अज्जु जुहिदठिलु अवसु धरेव्वउ ॥ १०

[१२]

कंचण-कवउ दिव्वु आइञ्जहि जेण रणंगणे सुर-वि णिसिञ्जहिं
 इंदहो तणउ पत्तु अंगिरसहो पुणु सुमरंति(?) पुणु सिहि वइसहो
 पुणु महु मइ-मि दिण्णु तहो पत्थिव णर-णारायण जिणहि णराहिव
 दिव्वु सरासणु दिव्व महा-सर दिव्वु तोणु लइ कुरु-परमेसर ४
 सायर लोयवाल णइ गिरिवर रिसि वसु गह दिस चंद-दिवायर
 सासण-देवयाउ आहंडलु सव्वइं देतु णराहिव मंगलु
 तेण-वि लइयइं कुरुवइ-हत्थहो गउ दुज्जोहणु पच्छए पत्थहो
 दोणु-वि वूह-वारे ठिउ जावहिं पंडेव-सेणु पराइउ तावहिं ८

घत्ता

बाहिय-रह-गय-तुरयाणीयइं आहय-तूरइं पहरण-वीयइं ।
 क्रिय-कलयलइं रुद्ध-रण-मगगइं पंडव-कुरुव-वलइं पडिलगगइं ॥ ९

[१३]

सव्वारोहु करेवि स-वाहणु धाइउ तिहिं मुहेहिं कुरु-साइणु
 पहिलए गुरु क्रियवम्मु दुइज्जए मुहे जलु संवु परिट्ठिउ तिज्जए
 तो स-सरासण-कर-परिहत्थे जिय विदाणुविद रणे पत्थे
 जमलेहिं सउणि-मामु ओसारिउ सच्चइ दूसासणेण णिवारिउ ४
 सललु जुहिट्टिलेण सोवण्णेहिं पहउ पिसक्केहिं सत्तावण्णेहिं
 तहिं महाहिव-तव-सुय-संगरे क्रियवम्मेण दिण्णु रहु अंतरे
 चूरेवि चंदिर-चमु वीसत्थउ स-रहसु स-सर-सरासण-हत्थउ
 धाइउ भीमसेणु जरसंधहो णं गयवरु [गयवरहो मयंधहो ८

घत्ता

तो पारावयास-सोणासहं धुय-केसर-केसरि-संकासहं ।
 चोरागारे समरे आभिट्टइं धणु-वावारहो अवसरे फिट्टइं ॥ ९

[१४]

असि-फर-करु धट्टञ्जुणु धाइउ दोणहो रहवरे चडिउ महाइउ
 देइ ण देइ घाउ सिरि जावहिं दसहिं सरेहिं छिण्णु असि तावहिं
 चामीयर-चामरु सय-चंदउ खंडिउ सर-सएण वसुणंदउ
 चक्र-रकख विहिं वे-वि णिवारिय सट्टिहिं कह-वि तुरंग ण मारिय ४
 अत्रे किर वच्छ-त्थले भिदइ सच्चइ चाउ ताम तहो छिदइ
 विहि-मि परोप्परु वाणेहिं छाइउ विहि-मि परोप्परु कह-व ण घाइउ

घत्ता

विहि-मि परोप्परु छिण्णइं छत्तइं चिधइं विहि-मि वसुंधर पत्ताइं ।
 सुरवर रण-रस-रहसुद्धआ रणु पेक्कखंहं कोडीभूआ ॥ ८

[१५]

तो विणि-सुएण सरासणु ताडिउ पहिलउं वीयउं तइयउं पाडिउ
 एम चउत्थउं पंचमु छट्टउं सउ एकोत्तरु जाम पणट्टउं
 गुरु चित्तवइ चित्तु वद्वारउं अइसंधिउ विण्णाणु महारउं
 जं ण णरहो रामहो गंगेयहो धणु-विण्णाणु सव्वु तं एयहो ४
 मणे चित्तेवि मुक्कइं दिठवत्थइं सच्चइ सव्वइं करइ णिरत्थइं
 दोणं सरु अग्गेउ विसज्जिउ वारुणेण सिणि-सुएण परज्जिउ
 सोमय-सिजएहिं एत्थंतरे सव्वेहिं दिण्ण महारह अंतरे
 उट्ठिउ रण-रउ कहि-मि ण माइउ णं अ-कुलीणउं उप्परि धाइउ ८

घत्ता

वियलिय-खग्गाइं मुक्कल-केसइं भग्गइं कउवर-वलइं असेसइं ।
 कुमुमइं पंडव-भडेहिं पयंडेहिं धित्ताइं सुरेहिं सइं भुव-दंडेहिं ॥ ९

*

इय रिट्ठेपि वरिए धवळइयासिय-सयंभुएव-कए एकसदृशिमो सग्गो ॥



बासट्टिमो संधि

खंडव-डामरु चाव-करु णारायण-किय-साहेज्जउ ।
कणय-कइद्धउ दिठ्व-रहु पर-वलु पइसरइ धणंजउ ॥१॥

[१]

(मात्रा)

रहहो दूसहु चक्क-विकारु अइ-रउरउ सरु देवयत्तहो ।
गंडीवहो विसमु रउ समुहु को-वि णउ णरहो जंतहो ॥५॥
तिहिं वहिरिउ कुरुव-वलु

(मंजरी)

सर भमंति कोसावहि चउहु-मि पासेहि ।
पहरणाइं परिचत्तइं सुहड-सहासेहिं ॥
परिसकइ रहवरु जेम जेम णासंति धणुद्धर तेम तेम
फुट्टंति दिसो-दिसि रिउ-वलाइं मंदरहो जेम जलणिहि-जलाइं
तो णरहो वलिय विदाणुविद णं सीहहो मत्त महागइंद
णं चिरु जमलज्जुण महुमहासु णं चंदाइरुच महा-गहासु
कंचण-रह कंचण-चाव-दंड कलहोय-विंदु-चित्तलिय-कंड
धवलायवत्त धूवंत-चिध दुठ्वार-वइरि-वाहिणि-णिसिद्ध १०
चउसट्टि-पिसक्केहिं पिहिउ पत्थु सत्तरिहिं सउरि सारंग-हत्थु
सरसउ सारिच्छ-भुवंगमाहं लाइउ अट्टदहेहिं तुरंगमाहं

(घत्ता)

वाणेहिं णवहिं णवहिं णरेण वे-वारउ छिण्णइं चावइं ।
दुट्ट-कलत्तइं जिह थियइं णिरगुणइं अणुज्जुअ-भावइं ॥१४॥

[२]

(मात्रा)

हय तुरंगम णिहय जुत्तार
चिधाइं दोहाइयइं पाडियाइं सेयायवत्तइं ।
कंचण-चावइ आहयइ चक्र-रक्ख-चक्रइं विहत्तइं ॥ ५
(मंजरी)

चामराइं धवलाइ मणीहर-दंडइं ।
साडियाइं रउ-जोहइं णं जस-खंडइं ॥

उठभड-भू-भंगुर-भिडिउ भीसु अवरेण खुरुप्पें खुडिउ सीसु
रण-रहस-वसुद्धय-अवय-खंधु दस-दिसइं गंपि णिवाडउ कवंधु
विणिवाइए विदे महाणुभावे दारुण-दवग्गि-दूसइ-पयावे
अणुविदु पधाइउ तेण-काले णारायणु लउडिए हउ णिडाले
तो पत्थे सट्टिहिं मग्गणेहिं आसोविसाहिं विसमाणेहिं
सिरु पाडिउ पाडिय बाहु-दंड चरणोरु वे-वि किय खंड-खड १०
किंकर-साहणु पहरंतु पत्तु णिविसद्धहो अद्धे सो समत्तु
विदाणुविद विद्विय जाम मज्झण्हहो गउ दिवसयरु ताम

घत्ता

भणइ जणहणु पत्थ पइं पायत्थे वइरि धरेवा ।
तिसिय तुरंगम समहो गय सारहि-वि विसल्ल करेवा ॥ १४

[३]

(मात्रा)

भणइ फग्गुणु माहवासणु
रण-रुक्खहो उडुवमि करयरंत कउरव-विहंगम ।
सारहि-वि मेल्लंतु इह जलु पियंतु इच्छए तुरंगम ॥

(मंजरी)

भणइ कण्हु तं पाणिउ कहिं पाविज्जइ ।
एत्थु णत्थि सरि सरवरु केत्तहे पिज्जइ ॥ ५

णारायणु पभणिउ अञ्जुणेण
 गंगेयहो जलु दक्खविउ जेहिं
 सहसत्ति विसडिजउ वाण-जालु
 कड्ढिय विचित्त पायाल-गंग
 हल्लिर-महल्ल-कल्लोल-लोल
 हर-ससहर-कर-संचलिय-तोय
 तुहिणइरि-तहिण कारण-विसुद्ध
 किउ सरि जे महासरु पंडवेण

सर दिण्ण दिव्व महु पञ्जुणेण
 कड्ढमि भाईरहि तलहो तेहिं
 महि दारिय जोउ महा-खयालु
 तारोह-तार-तरलिय-तरंग
 परिहच्छ-मच्छ-कच्छव-विओल
 हरि-चरण-णइ-पह-जाय-धोय १०
 णइ णिग्गय पावण वण-समिद्ध
 पच्छाइउ सो सर-मंडवेण

घत्ता

अच्छउ दारुणु ताम रणु सुरवरेहिं णहंगणे तुच्चइ ।
 जं जलु कड्ढिउ अञ्जुणेण लइ एण जि किण्ण पहुच्चइ ॥ १४

[४]

(मात्रा)

मुक्क संदण डीण जोत्तार
 पइसारिय तुरय जले किय विसल्ल परिमट्ट ण्हाविय ।
 तहि अवसरे पडिभडेहि सउरि पत्थ पायत्थ जाणिय ॥

(मंजरी)

दिण्ण तूर किय-कलयल उक्खय पहरण ।
 उद्ध-सोड णं सीहहो धाइय मत्त वारण ॥

५

मरु विधहु वेढहु धरहु लेहु णिय-सामिय-कञ्जावसरु एहु
 णारायणु समरे अ-जुझमाणु ण समपइ पवर तुरंग-अण्हाणु
 एककल्लउ पत्थु धरत्थु जाव आढवहो अक्खत्तें मिलेवि ताव
 किं जोहिउ पुणु रह-पत्तु पत्थु पडिवारउ तुम्हहं वले अणत्थु
 अण्णोणुच्छाहिय कुरुव दुक्क मयरहर व णिय-मञ्जाय-चुक्क
 वंगंग-कल्लिग-रिसिक्क-राय दूसासणु दूसासणहो भाय १०

१०

रह तुरय गइंद गरिंद सव्व
सर-लक्खेहिं छाइउ सव्वसाइ

ओए-वि अवर-वि किय-गरुय-गठव
णव-पाउस-मेहेहिं विञ्जु णाइं

घत्ता

एक्कु धणंजउ रिउ बहुअ
मज्झे गइंदहं मत्ताहं

एत्तियह-मि धरेवि ण सक्किउ ।
पंचाणणु जिह परिसक्किउ ॥ १४

[५]

(मात्रा)

कण्ण-चामर-वइजयंतीउ

पक्खरय-घंटा-जुयइं पुरउ गेज्ज-णक्खत्तमालउ ।
सहुं करिहिं कडंतरीय पाय-रक्ख-पय-रक्ख-सुहडउ ॥

(मंजरी)

छिण्ण टंक ह्य ह्यवर-गय-रह-चक्कइ ।
णर-णरिंद-किंकर-कर-सिर-सीसक्कइ ॥

५

अणवरय-णीरे परिहत्थे पत्थे
णैयरु करु दोसइ तेत्थु काले
हरि एकक वार ओससइ जाम
अपमाण वाण पेसिय णरेण
तहो थायहो पउ-वि ण देइ एक्कु
ण तुरंगु ण संदणु ण-वि गइंद
जसु भीम-भुवंगम-दीहरंग
तो सूएहिं कुरु-णर-घायणाहं
आरूढ पणट्ठइ साहणाइं

गंडीउ वियंभइ वाम-हत्थे
तोणोर-सरासण-अंतराले
सय-वार करइ संघाणु ताम
णं चउ-दिसु किरण दिवायरेण
जुत्तारेहिं जोइउ एककमेक्कु
ण पडाय ण छत्त णो णरवरिंद १०
दस बीस तीस तोमर ण लग्ग
रह ढोइय णर-णारायणाहं
पायत्थइं छंडिय-वाहणाइं

घत्ता

ताम पराइउ कुरुव-पहु
अग्गए विहि-मि परिट्ठियउ

मंभीस देतु णिय-भिच्चहं ।
णं णव-घणु चंदाइच्चहं ॥ १४

१४

[६]

(मात्रा)

गुरु-समपिय-दिठ्व-कवचेण
 पच्छाइय गियय-तणु दसहि सण्हिं ढक्का-मयंगहं ।
 सहसेण महारहं सय-सएण उत्ताम-तुरगहं ॥

(मंजरी)

एत्तएण साहणेण परिट्ठिउ अगए ।
 अ-गयणेण धुरे पुच्छिउ गिय-वले भगए ॥

५९

किं कज्जे णासइ णर-णिवहु किं करइ पत्थु किं कुरुव-पहु
 तं णिसुणेवि अक्खिउ संजएण सुणु जं किउ पढमु धणंजएण
 वल्लु सयल्लु भग्गु दुम्मरिसणहो गय-घड घाइय दूसासणहो
 गुरु भणेवि दोणु परिवज्जियउ कियवम्मउ सरेहिं परज्जियउ
 पुणु माणइ-मइंद-सुआउहं जीवियइं हियइं गहियाउहं
 स-सुदक्खिण आउ चयारिधय अंवट्ठ-विंद-अणुविंद मय १०
 पायाल्लहो कड्ढिय अमर-सरि जोत्तारेहिं पाइय ण्हविय हरि
 अवरु वि जं काइ-मि किउ णरेण तं काहउ सवु एक्कखरेण

घत्ता

विहिं रहिएहिं विहिं रहवरेहिं विहिं सूपहिं वल्लु ओट्ठद्धउं ।
 एक्कहिं मिलेवि मणिदिएहिं तिहुयणु असेसु णं खद्धउं ॥ १४

[७]

(मात्रा)

गुरु विगरहिउ कुरु-णरिं देण
 पइं वारे परिट्ठिएण केम वूहे अज्जुणु पइट्ठउ ।
 किं दोणु ण होहि तुहुं किं ण अत्थ किं साउ झुट्ठउ ॥

(मंजरी)

किं ण तोण किं ण-वि सर किं ण सरासणु ।
 किं ण सामि हउं किं ण महारउं पेसणु ॥

५९

जं वेहाइद्धउ दिट्ठु कुरु तं लग्गु चवेवए दोणु गुरु
 अज्जुणु जुवाणु जगे पायडउ हउं कुरुव-राय पुणु थेरडउ
 ण पहुच्चहि अप्पणु करहि रणु लइ अत्थइं लइ देहावरणु
 इंदहो अंगिरसहो सुर-गुरुहो सिहि-वइसहो मज्झु तुज्झु कुरुहो
 अइ हत्थोहत्थिए अप्पियउ णउ वज्ज सुरेहि-मि कप्पियउ
 तो तेण होइ दूणाहिवहो णं अयसु चडाविउ पत्थिवहो १०
 करयले धणु स-सरु परिदठविउ वकत्तणु विउणउं णाईं किउ
 वत्ता

तुहुं ण पहुच्चहि अज्जुणहो भमरावहि-भुय-सर-दंडेहिं ।
 धग्घर-गुण-धणु-गुण-रवेण णं वुत्तु काय-कोयंडेहिं ॥ १४

[८]

(मात्रा)

स-सरु सरासणु कवउ(?) तं लेप्पिणु
 दुज्जोहणु आथउ (?) पभणइ भिच्च थक्कहो म भज्जहो ।
 एक्कहो जि रिउ-सदणहो पुट्ठि दैत रणे किं ण लज्जहो ॥

(मंजरी)

खत्तियाहं तं कुल-धणु जं पहरिज्जइ ।
 जसु जएण सुर-वहु मरणेण लइज्जइ ॥ ५
 सामिय-सम्माण-दाण-रिणहो एहु अवसरु सीसइं विक्किणहो
 ओसरेवि लहेसहु कवण गइ को महु जीवंतहो परिहवइ
 पेक्खंतु सुरासुर गयण-वहे लायमि सर-धोरणि पत्थ-रहे
 पाडमि धय-यट्ठि पवंगमहो सहुं गरुडे' चिधु तिविक्कमहो
 भंजमि गंडीउ धणंजयहो सउरिहे सारंगु रणुज्जयहो १०
 दोमइहे कारमि विहवत्तणउं भाणुवइहे घरे वद्धावणउं

गंधारिहे देमि अणंत दिहि
जय-लच्छि समप्पमि कउरवहं

कोतिहे वड्डारमि सोय-सिहि
दावमि जम-पट्टणु पंडवहं

घत्ता

एम भणेवि णराहिवइ
धाइउ णर-णारायणहं

धणु-लोल-ललाविय-जीहहं ।
णं एक्कु हत्थि विहिं सीहहं ॥ १४

[९]

(मात्रा)

एत्थु अवसरे रिट्ठ-णिट्ठवणु

कंसासुर-पलय-करु

वासुएउ दक्खवइ पत्थहो ।

कुरु-णाहु समावडिउ

एक्कु मूलु सञ्चहो अणत्थहो ॥

(मंजरी)

एण-वि विसु दिणु भीमहो

जउहरु वालियउं ।

महिय-अद्ध जूय-च्छलेण

उहालियउं ॥

५

एहु अंकुरु भारह-तरुवरहो

एहु कारणु दाइय-मच्छरहो

एहु दणु दोमइ केस-ग्गहहो

वणवासहो अरणिहे गोग्गहहो

तं एण जे संधि-कञ्जु ण किउ

एण जे समरंगणु आढविउ

सरि-सुय-भयवत्तहं एहु जे खउ

माराविउ णंदणु एण तउ

एहु दुण्णय-दुज्जस-कुसुम-सहो ()

एहु फलु अवराह-महा-दुमहो १०

कलिरुक्खहो मूल-जालु खणहो

को काल-खेउ लहु आहणहो

भद्ध भणइ भडारा महुमहण

एहु दुम्मइ समर-भरुवहण

चुक्कइ एत्तडेण अ-मारियउ

जं भीमें थुत्थुक्कारियउ

घत्ता

पूरिउ देवयत्तु णरेण

दिज्जइ णिय-संखु अणंते ।

णं तिहुवणु उवसघरेवि

विहिं वयणेहिं हसिउ कयंते ॥ १४

[१०]

(मात्रा)

पलय-घंघलु दिण्ण-रण-तूरु ।

घण-घोस-समुद्-रउ णारसीह-ओरालि-भीसणु ।
हर-हास-सहास-समु दस-दिसा-विसट्टंत-णीसणु ॥

(मंजरी)

सुरवरेहि तो दुंदुहि दिण्ण णहंगणे ।

भिडिय पत्थ-दुड्जोहण वे-वि रणंगणे ॥

५

ते वे-वि पंडु-धयरदठ-सुय	णगोह-रोह-पारोह-भुय
सावण-पवंग-भुवंग-धय	सुर-वहु-कडक्ख-विकखेव-हय
स-धणुद्धर दुद्धर दुविसह	तुरमाण-तुरंगम-गमिय-रह
मणि-कुंडल-मंडिय-गंडयल	रण-रामालिगिय-वच्छयल
दोमइ-भाणुवइ-लद्ध पसर	भुयइंद-भयंकर-भूरि-सर
कंपाविय-सायर-स-धर-धर	× × ×
परिचित्तु मणे णारायणेण	होएवउ केण-वि कारणेण
कुरु कासु-वि वलेण परिप्फुरइ	अवरेण पयारेण वित्तुरइ (?)
तो माण-गइंदारोहणेण	पच्छारिउ णरु दुड्जोहणेण

१०

घत्ता

वेवेहिं दिण्णइं जाइं तउ लइ ताइं पत्थ दिव्वत्थइं ।

दुक्खइं अणवेल्लियइं जिह जा सव्वइं करइ(?) मि णिरत्थइं ॥ १५

[११]

(मात्रा)

तुहुं विहंदलि वे-वि वलयाइं

रूवेण महिलामएण महिल-मज्जे-णरुचंतु सोहहि ।

गोवीहिं य विगोवियउ णंद-गोव-गोहणइं रक्खहि ॥

(मंजरी)

अक्खु संढ गोवालेहिं कहिं महिं भुत्तिय ।

कइयवेहिं किं लब्भइ पर-कुलउत्तिय ॥

५

स-कसाएं कुरु-परमेसरेण अक्कोसेवि स-सर-धणु-धरेण
 तिहिं णरु वाणरु वारहेहिं हउ णारायणु णवहिं णिरत्थु कउ
 णाराय-चउक्कें चउ तुरय विहिं वे-वि णिवाइय पाण-गय
 छहिं अदठहिं विद्ध कइद्वपण गय ते-वि णिरत्थ खणद्वपण
 पुणु मुक्क चउइह पवर सर गय ते-वि कुभिच्च व णिप्पसर १०
 पुणु बीस विसज्जिय विहल गय आराहण रहियहं मंत-पय
 हरि हसिउ ल्हसिउ गंडीव-धर कइयहु वि ण गय अकयत्थ सर
 राहाहवे खंडवे सुर-समरे तव-तालुय-वम्म-वहावसरे

घत्ता

जो जसु गोग्गहे लद्ध पर भययत्त-तिगत्त-महाहवे ।
 पेक्खमि तासु विणासु हउं उप्पणु महाहउ माहवे(?) ॥ १४

[१२]

(मात्रा)

किं ण करयले स-सरु गंडीउ
 किं तोणा-जुयलु ण-वि किण्ण हत्थ किं गुणु ण भइउ ।
 किं पवर तुरंग ण-वि किं ण सूउ किं रहु ण भइउ ॥

(मंजरी)

कि-ण पत्थु तुहुं किं ण उ हउं णारायणु ।

कुरुहे जेण णउ लग्गइ एककु-वि पहरणु ॥

५

पणवेप्पिणु पंडु-पुत्तु चवइ जस-हाणि केम महु संभवइ
 गेयारु जासु तुहुं महुमहणु दुज्जोहणु तासु कवणु गहणु

एत्तडिय वार चितंतु थिउ कहो बलेण एण संगामु किउ
 कि वंभहो रुदहो दिणयरहो किं धणयहो जमहो पुरंदरहो
 किं अवरे केण-वि दिण्णु वरु किं तुहुं पसण्णु सारंग-धरु १०
 किं दइवे लोह-पिडु घडिउ किं वज्ज-खंडु रहवरे चडिउ
 मई एवहिं णवर वियप्पियउ जिह दोणे कवउ समप्पियउ
 महिलए जे होवि आढविउ रणु कहिं मिगु कहिं विसइ सोह-भवणु

घत्ता

तउ पेक्खंतहो महुमहण कुरु देहावरणु जे दारमि ।
 तरु-कोडरेहिं भुवंग जिह भुय दंडेहिं सरइं पइसारमि ॥ १४

[१३]

(मात्रा)

इरि णवेप्पणु पंडु-पुत्तेण
 वाणासणि पट्ठविय हय तुरंग जोत्तारु विद्धउ ।
 रहु खंडिउ छिण्णु धणु थरहरंतु पांडिउ महद्वउ ॥

(मंजरो)

खुडिउ छत्तु महिमंडले-वि थिउ अ-सहाइउ ।
 दंड-हीणु जिह कुरुवइ तिह पच्छाइउ ॥ ५

दुज्जोहण-मण-संताव-कर दसमिहिं अंगुलियहिं गमिय सर
 णं केवइ-सूइहिं भमर गय णं वर-जुवइहिं सहं वीर सय
 णं रवियर अवर-दिसा-मुहेहिं वण-दव-फुलिंग णं गिरि-मुहेहिं
 णं विसहर भवणेहिं अप्पणेहिं तिह सर पइट्ठु णह-दप्पणेहिं
 णं उद्ध-वाहु रिसि तउ करइ पच्छाइहुं पउ पउ ओसरइ १०
 णं कहइ असेसहो सुरशणहो हउं अणहियारि तव-णंदणहो
 विणु कज्जे कइ विण मारियउ सूइउ णहेहिं पइसारियउ

घत्ता

के एक्कलउ सर-णियरु अण्णु-वि जो परु संतावइ ।
 छिह-पडिच्छउ विद्धणउ णह-सम पीइ विहावइ ॥ १३

[१४]

(मात्रा)

भग्गु कुरुवइ भग्गु कुरु-सेणु
 विहडाविय हत्थि-हड भिण्णु वूहु पंचालि-कंतेण ।
 गंडीउ विष्फारियउं पंचयण्णु पूरिउ अणतेण ॥

(मंजरी)

धण-रवेण हरि-संख-रवेण रउहेण ।

रसिउ णाई वड्ढंतए मडेण समुहेणं ॥ ५

विहिं सहेहिं वहिरिउ कुरुव-वल्लु णं कण्णहो भिण्णु कण्ण-जुयलु
 किउ कंपिउ कंपिउ सल्लु मणे सलु सल्लु जेम उड्ढुविउ खणे
 तो दुण्णय-सलिल-महदहहो धणु हत्थहो पडिउ जयदहहो
 णित्थामिउ आसा-थामु हुउ भूरीसउ रवेण जे णाईं मुउ
 विससेणु णाईं घारिउ विसेण णं पडिउ वड्ढु धणुव-मिसेण १८
 भय जाय परोपपरु कुरु-जणहो पेक्खंतहो अवत्थ दुज्जोहणहो
 अज्जुणु ण आउ आयउ मरणु कहिं णासहुं पइसहुं कहो सरणु
 एककु जे तिहुयणु उवसंघरइ विहिं कहिउ के-वि किं उवरउ

घत्ता

धुउ मरिएवउ कउरवेहिं धयरदूठहो सिह भंजेवी ।

णरहो पहावे पंडवेहिं महि सयल सइ भुंजेवी ॥ १४

*

इय रिट्ठणेभिचारिए धवउइयासिय-सयंभुएव-कर वासट्ठिमो इमो सग्गो ॥

⊕

तेसद्विमो संधि

कुरुव-णराहिवे भगए
दिदुठु जयहह-हरिणउ

गंडीव-ललाविय-जीहेण ।
रण-कारणे अजुण-सीहेण ॥ १

[१]

(दुवई)

णिय-गढभरुव-विओइयउ	करि-व जूइ-विच्छोइयउ ।	
पडिगय-वह-लालस-मणउ	भमइ भग-तरु वारणउ ॥	१
णर-णत्रायणाहि पइसंतेहि	रह-चक-चिक्कारु करंतेहि	
फुरहुंरंत-तुरमाण-तुरंगेहि	चिध-वलगगहं गरुड-पवंगेहिं	
णिय-कंवुव-वर-धणु-टंकारेहिं	वहिरिउ सयलु भुअणु फुक्कारेहिं	
पहु-सम्माण-दाण-रिण-घत्था	रिक्ख-समप्पह पहरण-हत्था	४
रहसुद्धाइय अट्ट महारह	भूरीसव-क्वि-कण-जयहह	
सल-विससेण-सल्ल-गुरुणंदण	गिरिवर-गरुओवाहिय-संदण	
अजुण थाहि थाहि कहिं गम्मइ	एवहिं समर-महापिडु रम्मइ	८
जिह भुव-दंड भिणण कुरु-रायहो	तिह उरु ओडुहि सर-संघायहो	

घत्ता

देवि महारण-तूरहं	अदठहि-मि करेप्पिणु करयलु ।	
वेठिउ खंडव-डामरु	णं दिस-गयवरेहिं महि-मंडलु	॥१०

[२]

(दुवई)

विहडाविय-रिउ-जलहरउ	उज्जोइय-समरंवरउ ।	
सर-किरणोह-भयंकरउ	तवइ धणंजय-दिणयरउ ॥	१

रि-५

तो तिहिं भल्लेहिं सन्वायामें	विद्धुं विरुद्धें आसन्थामें	
तेहत्तरिहिं णिहउ महुसुयणु	एककें कणय-महाकइ-केयणु	
चउहिं तुरंगम कह-वि ण घाइय	तेण-वि तहो छम्मग्गण लाइय	४
छव्विससेणहो वारह कण्णहो	भूरीसवहो तिण्णि छ विगण्णहो	
सन्व-पत्थ-पत्थिव-पडिमल्लहो	सउ अट्ठोत्तरु लाइय सल्लहो	
भूरीसवेण णिहउ तिहिं वाणेहिं	कण्णे वारह परिसंखाणेहिं	
पंचहिं पंचाहिव-दायाएं	तेहत्तरिहिं जयद्दह-राएं	८
दसहिं किवेण णवहिं मद्देसें	सट्ठिहिं गुरु-सुएण सविसेसें	

घत्ता

वीसहिं विसम-खुरुप्पेहिं	आउंखिउ देवइ-णंदणु ।	
मलय-मइगिरि-मत्थए	णं कम्मण-फणिदे चंदणु ॥	१०

[३]

दुवई

वणयर-वाह-णिवद्ध-कमउ	दस-गुण-वद्धिय-विककमउ ।	
आयामिय-जूहाहिवइ	वियरइ णरहो णराहिवइ ॥	१
दसहिं कण्णु तिहिं कण्णहो णंदणु	तिहिं भूरीसउ कंचण-संदणु	
किउ सर-सयहो चउत्थे भाएं	सिधउ सएण पडु-दायाएं	
गुरु-सुएण ओसरिउ जणद्दणु	भूरीसवेण पुरंदर-णंदणु	४
सयल-वि ते गंडोव-विहत्थे	सएण सएं विणिवारिय पत्थे	
घाइउ सल्लु हुवासण-वीयए	धय-धूवए कंचणसय-मीयए	
सिधउ सूयरेण सोवण्णे	हत्थे ककखकिय-विधए कण्णे	
वसहु किवेण मोरु विससेणे	हरिणंगूरुहो णिग्गुण-थाणे	८

घत्ता

हरि चामोयर-गारुडेण	णरु वाणरेण सोवण्णेण ।	
एक्क-रहेण वियंभइ	सर-णियरे अगणिय-मज्जेण ॥	९

[४]

(दुवई)

लक्खइं जेण परञ्जियइं	कियइं मडप्पर-वड्जियइं ।	
तहो दह-हरिणाहय-करिहे	धुर धरंति कउ केसरिहे ॥	१
मुहु मुहु पंचयणु ओरुंजइ	मुहु मुहु गुणु गंडीवहो रुंजइ	
मुहु मुहु पंचयणु जगु वहिरइ	मुहु मुहु गुणु गंडीवहो वियरइ	
मुहु मुहु पंचयणु भेसावइ	मुहु मुहु गुणु गंडीवहो तावइ	४
एम महाहउ जाउ भयंकरु	वद्धइ कुरु-णर-णरहं परोप्परु	
धाइउ ताम दोणु दुप्पेच्छहं	उत्परि सोमय-सिजय-मच्छहं	
कइकय-पंडु-पुत्ता-पंचालइं	अवसेसह-मि महा-महिपालहं	
जाउ अजायसत्तु-क्किविकंतहं	संगरु वग्घदंत-सिणिपुत्तहं	८
भीमालंबुस-णउल-विगण्णहं	धाइय अण्ण रणंगणे अण्णहं	

वत्ता

माणियइं जुञ्झइं	पंडव-कउरव-सामंतहं ।	
जायइं णिम्मउजायइं	णं जमहं परोप्परु-खंतहं ॥	१०

[५]

(दुवई)

करिणी-विरह-विसंतुलइं	जस-विसकंदुकंतुलइं ।	
एकमेक-वहणाउलइं	रण-वणे भिडियइं करि-कुलइं ॥	१
तो तव-सुएण णवहिं णाराएहिं	तच्छिउ कुरु-गुरु णवहिं जे धाएहिं	
सइ-संजमिअक्खय-तोणीरें	दोणे सधर-धराधर-धीरें	
पंचवीस सर सुक्क खणंतरे	पड्डिवउ वीसहिं विद्धु थणंतरे	४
पंडव-णाहु महावइ पाविउ	सुर-णिहाउ संदेहे चडाविउ	
वणिय तुरंगम सारहि ताडिउ	करहरभाणु महाधउ पाडिउ	
विण्णि वार वाणासणु खंडिउ	णिग्गुणु दुक्कलत्तु जिह छंडिउ	

पडिवड धाइड वाण-सहासेहिं हाहाकारु समुट्ठिड पासेहिं ८
 लइ लइ लइड लइड तव-णंदण पंडव-लोड परिट्ठिड दुम्मणु

घत्ता

ताम विओयर-जेट्ठेण सोवण्ण सत्ति रणे घत्तिय ।
 आसत्थामहो वप्पेण वंभंत्थे एंति विहत्तिय ॥ १०

[६]

(दुवई)

जं तव-तणउ णिरत्थु किउ असरु सरासणु लेवि थिउ ।
 पडिवंभत्थु विसड्जियउं दोणहो चाउ विहंजियउं ॥ १
 मुक्कइ एम विहि-मि वंभत्थइ सुक्कइ-पयाइ व गयइ कियत्थइ
 बाणासणइ विहि-मि रणे छिण्णइ विहि-मि सरीरावरणइ भिण्णइ
 धाइय वे-वि गयागणि-करयल उक्खय-खंभ णाइ वरू मयगल ४
 विहि-मि परोप्परु कह-व ण मारिउ तो सहएवे पडु ओसारिउ
 णियय-महारहेण णिव्वाहिउ संदणु दुम्मुहेण तो वाहिउ
 वलु वलु राउ वुत्त कहि गम्मइ सुर पेक्खंतु परोप्परु हम्मइ
 एम भणेवि सट्ठि सर पेसिय महि-सुएण दसहिं णीसेसिय ८
 अवरे' धउ अवरे' धणु घट्टिउ अवरे' सारहि-सिरु णिग्घट्टिउ

घत्ता

अवरेहिं चउरहिं तुरंगम अवरेण महारहु खंडिउ ।
 अच्छउ पडिपहरेवउ जहिं रणु सो देसु वि छंडिउ ॥ १०

[७]

(दुवई)

रह खत्तियएणु भिखवत्तिएण चडिउ णिरामंत्ताहो तणउं ।
 सो सहएवर्ण णिट्ठविउ वइवस-पट्टणु पट्टविउ ॥ १
 दुम्मुहु झंप वेवि गउ णिय-वलु ण किउ जेण किउ तेण वि कल्लयलु

ताम विकण्णु समच्छरु धाइउ
णउले अंतरे वाहिउ संदणु
मही-सुयहो परक्कमु वुञ्जेवि
तहि अवसरे रण-रामासत्ताहो
रहु विद्धंसिउ छिण्णु सरासणु
वग्घदंतु वग्घाजिण-संदणु
धाइउ तो सच्चइहे समच्छरु

सरु सहएव-महद्धए लाइउ
जाउ महंतु विहि-मि कडवंदणु ४
भग्गु विकण्णु ण साक्कउ जुञ्जेवि
खेमपुत्ता धुत्तिहिं विहसंतहो
पाडिउ सीसु णां थेरासणु
धणु-करयलु मगहाहिव-णंदणु
णं झस-रासिहे समुहु सणिच्छरु

घत्ता

केम-वि लद्धावसरेण
उरे कप्परिउ खुरुपेण

सो वग्घदंतु सिणि-पुत्तेण ।
विग्घइरिव रेवा-सोत्तेण ॥

१०

[<]

(दुवई)

वग्घदंते विणिवाइयए
मगहाहिवेण मउक्कडेहिं
तो सच्चइ-णाराय-वियारिउ
तहि अवसरे ओवाहिय-रहवरु
थाइउ धट्ठकेउ वीरहणहो
वीराहिवेण सरासणु छिज्जइ
गउ वीराहिउ वइवस-पट्टणु
धाइउ दोमइ-सुयहं विरुद्धउ
पंच-वि पंचहिं पंचहिं कंडेहिं
तेहि-मि तिहिं तिहिं विद्धु थणंतरे

सिणि-णंदणे पोमाइयए ।
परिवेढाविय गय-धडेहिं ॥
गय-साहणु असेसु ओसारिउ
संधिय-सरु आयइढिय-धणुधरु
णां महागहु गहवइ-गहणहो ४
वेइवेण उरे सत्तिए भिज्जइ
ताम दोणु परवल-दलवट्टणु
णं इंदियहं महारिसि कुद्धउ
वसह णां हय हाणिय-दंडेहिं ८
सोमयत्तु थिउ कुरु-गुरु-अंतरे

घत्ता

रहु केण-वि धउ केण-वि
जिह णर कलत्तु(?) वलवंतउ

वाणासणु केण-वि ताडिउ ।
स-मउडु सिरु केण-वि पाडिउ ॥ ९

९

[९]

(दुवई)

पंचहि तिहिं धाइउ एककु जणु ताम गिसायरु कुविय-मणु ।
 धाइउ गिय-रहवरे चडिउ अञ्जुण-जेदठहं अब्भिडिउ ॥
 भिडिय भडुभड भीमालंबुस मत्त महागय णाईं गिरंकुस
 विण्णि-वि वावरंति विण्णाणेहिं रुप्पिय-पुंख-सिलासिय-वाणेहिं
 णवहिं विओयरेण धारायरु तेण-व पंचहि तव-सुय-भायरु
 एम परोप्परु पिहिउ पिसक्केहिं दूसह-दिणयर-कर-ललक्केहिं
 आरिससियि समरे संतावइ पंडु-पुत्तु केतहे-वि ण पावइ
 जुञ्जिउ ताम जाम मुच्छाविउ कुरुव-वलहो रोमंचु चडाविउ
 गिसियरेण पंडव-परिपालहं हयइं चयारि सयइं पायालहं ८
 चेयण-भाउ लहेवि विओयरु उदठिउ णर-णरवइ-एककोयरु

घत्ता

उब्भड-भिउडि-भयंकरु आयंवि-लोयणु कुदुउ ।
 दिदुठु भीमु कुरु-लोएण णं सुएवि कयंतु विउदुउ ॥ १०

[१०]

(दुवई)

कोवारुण-करणावरिउ पहरण-वित्रालंकरिउ ।
 सर-धउ-तेय-भयंकरउ उइउ विओयर-दिणयरउ ॥ १
 तो रयणीयरेण आसोइउ वलु मारुइ कहिं जाहिं अ-घाइउ
 अञ्जु मित्त लइ लइ उरे दुक्कहिं मइ जिअंते जीवंतु ण चुक्कहिं
 तो वरि णासु णासु मिल्लु भायह अंगु ण सक्कहिं ओइडेवि धायहं ४
 जइ भुक्खिएण कहिं-वि मइं भुज्जहिं तो धुउ एककु-वि कवलु ण पुज्जहिं

तुहुं सो भीमु हिडिबि-पियारउ
 तुहुं सो भीमु भीम-किम्भीरहो
 तुहुं सो भीमु जडासुर-धायणु
 तुहुं सो दूसासणु मारेसहि

तुहुं सो रक्खस-डामरु
 णवर महुत्तणए × ×

तुहुं सो भीमु वगासुर-मारउ
 जीविउ जे णिउ मड्डु सरीरहो
 तुहुं सो कीया-कुल-विणिवायणु ८
 तुहुं कुरु-णाहहो मउडु मलेसहि
 घत्ता

उठ्ठमडु भज्जहि भड-वाएण ।
 मुच्छाविउ एकके घाएण ॥ १०

[११]

(दुवई)

घणु-इंघण-पंधुक्कियउ
 धय-धूमावलि-भीसावणउ
 विद्धु अलंवुसु एकके वाणे
 खणे वराहु खणे मत्त-महाकरि
 खणे आरण्ण-महिसु खणे तरुवरु
 खणे मयारि सु खणंतरे सायरु
 चित्तेवि पंडव-कुल-पायारे
 णिसियर-णाहहो णदठउ मायउ
 कह-व कह-व सो मरणु ण पत्तउ
 ताम स-पहरणु अगए दुक्कउ

वाण-फुलिगालुंखियउ ।
 पज्जलियउ भीम-हुवासणउ ॥ १
 णवर वियंभिउ विज्जा-पाणे
 खणे सददुलु रिक्खु खणे केसरि
 खणे कुल-पठवउ खणे वइसाणरु ४
 खणे ससहरु खणे होइ दिवायरु
 विद्धु महाउहेण तदठारे
 केत्तहे गयउ ण केण वि णायउ
 दाणहो पासु पइदु तुरंतउ ८
 णं आयासहो पडिउ घुडुक्कउ

घत्ता

पभणिउ आरिससिगि रणे
 कुरु-पंडवहं णियंताहं

वलु वलु कहि एवहिं गम्मइ ।
 विहिं एककु रणंगणे हम्मइ ॥ ९

[१२]

(दुवई)

कुरुवइ-तव-सुय-किंकरहं
 जाउ मइाहउ दुकाहं

माया-रुव-भयंकरहं ।
 आरिससिगि-घुडुक्काहं ॥ १

तो खयकाल-दूय-पडिर्विवे'
 सो-वि अलंबुसेण अ-पमाणेहिं
 जं जं करइ रूड भोभंगड
 तो पंडव-पस्थिवेहिं पयत्तों
 वाण-सएण दुमय-दायाएं
 राय-चउत्थएण विहिं सट्ठिहिं
 भीमहो णंदणेण ललक्केहिं
 तेण-वि ते जमदंड-समाणेहिं

वीसहिं सरेहिं विद्धु हइडिवे'
 चित्तभाणु-सम-एपह-वाणेहिं
 तं तं फुसइ रक्खु रोसंगड ४
 मिलेवि असेसेह लइड अत्तत्ते
 णवहिं विओयरेण पिहि-काएं
 पंचमेण पंचहिं सर-लट्ठिहिं
 पंचेहिं सत्तरिहिं पिसक्केहिं ८
 ताडिय पंचहिं पंचहिं वाणेहिं

सव्वेहिं विद्धु पडोवड
 अरुणोकिड रयणीयरु

घत्ता

दीहर-णाराय-सहासेहिं ।
 णं फग्गुणु फुल्ल-पलासेहिं ॥ १०

[१३]

(दुवई)

वणिड असेसेहिं एककु जणु
 सयल-वि सरेहिं गयाउसेण
 तो फुरंत-णक्खत्त-समाणेहिं
 भीमहो पंचवीस सर पेसिय
 तव-सुय-पाय-पओरुह-सेवहो
 भीम-सुयहो इसु पंच विसज्जिय
 पुणु पंचहिं सत्तहिं विग्भाडिड
 उत्तम-वेग्गु करेएिणु रहवरे
 धुरहिं धुरग्गु देवि स-विसेसें
 लग्गु भमाडण मुयहं घुडुक्कड

तो-वि तासु ण-वि फुट्टु मणु ।
 छाइय गिरि जिह णव-पाउसेण ॥१
 विद्धु जुहिट्टिलु सट्ठिहिं वाणेहिं
 तिहत्तरि णउलंगे णिवेसिय ४
 लाइय पंच वाण सहएवहो
 तेण-वि ते वारहहिं परज्जिय
 छिण्णु महाघउ सारहि पाडिड
 धाइड भीमसेणु तहिं अवसरे
 धरिड अलंबुसु वाहु-पएसें ८
 जाम वइरि जोवेण विमुक्कड

घत्ता

पुणु घरहिं अप्फालेवि मेल्लिउ णिसियरु भयगारउ ।
 कुरुवेहिं दिट्टु असेसेहिं णं णहहो पडिउ अंगारउ ॥ ९

(१४)

दुवई

दिण्णइं तूरइं पंडु-वले सुर परिओसिय गयणयले ।
 थिउ कुरु-साहणु भग्ग-मणु तुहिण-दट्टु णं कमल-वणु ॥ १
 तो संताविय-रिउ-णिउरुं वहो घाइउ कलस-केउ हइडिं वहो
 एंतु पडिच्छिउ गुरु जुज्जहाणे विद्धु थणंतरे एक्के वाणे ४
 पडिवा पंचवीस सर-पेसिय किवि-कंतेण णवेहिं णीसेसिय
 पडिवउ वज्जसारु सुमसारिउ पंचेहिं देहावरणु वियारिउ
 पंचासेहिं सिणि-सुएण स-तोणे वाण-सएण समाहउ दोणे
 जाउ गिरुज्जमु रणु परिसेसिउ ताम जुहिट्टिलेण वल्लु पेसिउ ८
 धावहो जाम ण खयहो पवच्चइ गुरु-दंतंतरे वट्टइ सच्चइ
 धाइय सोमय-सिंजय राणा पंडव-कइकय-मच्छ-पहाणा

घत्ता

एहए अवसरे पडिवण्णए रणभर-धुरे जेहिं समिच्छय ।
 जिह णइ-णिवह समुदेण ते दोणे एंत पडिच्छिय ॥ ११

(१५)

दुवई

एकक-महारहु आइरिउ णरवर-सएहिं समोत्थरिउ ।
तो-त्रि ण तीरइ धरेत्रि रणे इरिणेहिं जिह हरिणे'दु वणे ॥

दुसहु दोणु जाउ तहिं अवसरे णं रवि जेट्टहो केरए वासरे
विघइ वळइ घाइ रहु रुंभइ जो हुक्कइ सो सरेहिं णिसुंभइ ४
कइकय पंचवीस रणे धाइय अवर णराहिव बहु विणिवाइय
सोमय-सिजय-मच्छ-णरिंदहं सउ मारियउ सरहहं गइंदहं
एम करेवि संगामु भयंकरु कलस-केउ गउ णिय-थाणंतरु
वूह-वारे थिउ स-वलु स-वाहणु जाउ णिरुज्जमु पंडव-साहणु ८
ताम समुट्टु जेम गज्जंतउ सुव्वइ पंचयणु वज्जंतउ
अज्जुण-धणु-गुण-सदुण सुव्वइ णिज्जुणि देवयत्तु ण विउव्वइ

घत्ता

खगे खगे संखु जणदणु सइं भुएहिं लेवि आऊरइ ।
मंछुडु भाइ समत्तु तव-णंदणु हियए विसूरइ ॥ ११

*

इय रिट्टणेमिचरिए धवलइयासिय-सयंभूएव-कए तिसट्टिमो संघि समन्ने ॥

*

